

Ўзбекистон Республикаси Президенти ҳузуридаги
Давлат ва жамият қурилиши Академияси
Ўзбекистоннинг янги тарихи Маркази

**А.Сагдуллаев, Б.Аминов, Ў.Мавлонов,
Н.Норқулов**

**ЎЗБЕКИСТОН ТАРИХИ:
ДАВЛАТ ВА ЖАМИЯТ
ТАРАҚҚИЁТИ**

I ҚИСМ



**“Академия”
Тошкент - 2000**

Ватанимиз тарихига янгича ёндошиб, унинг турли хил жараёнлари ва воқеаларига холисона баҳо бериш, энг қадимги даврлардан то бизнинг замонимизгача бўлган бой тарихий ўтмишишимизни тадқиқ этиш зарур. Тарих фанининг долзарб вазифаларидан бири - ўзбек халки давлатчилиги тарихини ўрганишидир. Муаллифлар жамоаси томонидан тайёрланган ушбу китоб Ўзбекистон тарихида давлат ва жамият тараққиётининг ilk босқичларидан бошлаб XIX асрнинг ўрталаригача бўлган катта даврни ўз ичига олган биринчи кисмидир.

Китоб маҳсус маъruzалар тингловчилари, талабалар, ўқитувчилар ва умуман Ўзбекистон тарихи билан қизиқувчи кенг китобхонлар оммасига мўлжалланган.

Масъул мухаррир: тарих фанлари доктори, профессор А.С.Сагдуллаев

Тақризчилар: тарих фанлари доктори Р.Х.Сулаймонов,
тарих фанлари номзоди Ш.Р.Пидаев,
тарих фанлари номзоди Ф.Р.Эргацек.)

Муқаддима

Ўзбекистон тарихини холисона ва ҳаққоний ўрганиш масаласи Президент И.А.Каримовнинг асарларида алоҳида таҳлилини топиб, ўзбек халқи давлатчилиги тарихидаги бой анъаналарни тадқиқ этиш долзарб муаммо тарзида маҳсус таъкидланди¹. Президент белгилаб берган мухим вазифалар ва тарихчи олимлар олдига кўйилган масалалар шундан иборатки, асл манбаларга таянган ҳолда Ватанимиз тарихига янгича ёндошиб, қадимги даврлардан то бизнинг замонимизгача бўлган тарихий жараёнларни ва воқеаларни ўрганишимиз зарур.

Ҳар бир халкнинг давлатчилик ва маданияти тарихини ўрганиш нафакат илмий ёки назарий, балки чукур маънавий-рухий аҳамиятга эга бўлиб, ҳар биримизда ўзимиз туғилган ва яшаётган она замин билан мустаҳкам алоқадорлик хисини ривожлантиради.

Бугунги кунда ватанпарварлик мафкурасининг зарурлиги масаласи айни муддаодир. Она замин учун Ватан равнақи, халқ манфаатлари ва фаровонлиги йўлида ҳар қандай шароитда фидокорлик кўрсатиш ҳар биримизнинг мукаддас бурчимиздир.

Ватан тушунчаси тарихий хотира, тарихий онг асосида шаклланади. Ватан туйғуси ёшликтан, бегубор қалбдан ўрин олади, унинг илдизлари она тупроқда, шу она заминда биз туғилганмиз, вояга етганмиз. Ушбу туйғунинг такомили ўрта ва олий таълим муассасаларидағи гуманитар таълим, энг аввало, Ватан тарихини ўрганиш орқали таъминланади.

Турли халқлар ўз давлатчилигининг шаклланиши босқичини ижтимоий, иқтисодий ва тарихий-маданий вазиятларига боғлиқ ҳолда турли тарихий даврларда босиб ўтдилар. Ер юзида ўз давлатчилигини хеч қачон яратса олмаган элағлар ва қабилалар сақланиб қолган бўлиб, уларнинг ижтимоий-иктисодий ҳаёти бир неча минг йиллар илгаригидек, уруғ ва қабиланинг маънавий ўлчамлари, уруғ бошликларининг обрӯзътибори билан бошқариб турилмоқда.

Цивилизация инсоният маданияти ривожинигина анг-

¹ И.А.Каримов. Тарихий хотирасиз келажак йўқ. Т., “Шарқ”, 1998.

латиб қолмай, шунингдек, давлатчилик тараккӣёти ҳамdir. Қадимги ёзма манбаларда Ўрта Осиёдаги, шу жумладан, Ўзбекистондаги илк давлатлар ҳақида маълумотлар сакланиб қолган. Бу маълумотлардан ўтган асрдан бошлаб турли илмий асарлар ёзишда фойдаланиб келинди. Тадқиқотчиларнинг хуносалари бир-бирига зид бўлиб, ҳатто XX асрда ҳам Ғарбнинг айrim таникли олимлари македониялик Искандарнинг ҳарбий юришларигача Ўрта Осиёда на давлат, на шаҳарлар бор эди, деган асоссиз фикрни илгари сурдилар.

Археолог, қадимшунос олимлар кўп меҳнат қилишларига тўғри келди. Улар Ўзбекистон худудида Искандарнинг ҳарбий юришларидан бир неча юз йиллар илгари гуллаб яшнаган шаҳар харобаларини топиб текширдилар ҳамда улардан ҳам қадимгироқ ўтрок дехқончилик маконларини очдилар.

Ўрта Осиё ҳалклари тарихига тегишли умумий мавзулар ва илмий муаммоларнинг мавжудлиги маълум. Улар энг қадимги даврлардан бошлаб аждодларимиз тарихи ва маданияти билан узвий боғлиқдир. Кўпдан-кўп тарихий вазиятларда қўшни ҳалқларни умумий маданий ва этник илдизлар бирлаштириб, уларнинг тарихий тақдирни бир-бирига узвий боғланган. Қадимги даврларда ёқ турли шеваларда гаплашган қабилалар ва элатлар умумий тарихий-маданий анъаналарга эга бўлиб, антропологик ва этник жиҳатдан улар кўп ҳолларда кон-қариндош бўлганлар. Бу элатлар туб аҳоли бўлиб, ҳеч қаерга изсиз йўқолиб кетмаган ва Ўрта Осиё ҳалклари аждодларининг йирик гурухларини ташкил қилган.

Ўзбек ҳалқи аждодларининг илк давлатчилиги тарихи анча қадим илдизларга эга. Юртимиизда илк давлатчиликнинг вужудга келиши ва ривожланиши археология ва ёзма манбалар асосида ўрганилади.

Худудимизга тегишли илк ёзма манбалар - “Авесто”, аҳамонийлар даври михсимон ёзувлари ва қадимги дунё (Юнон-Рим) даврига тааллукли манбалар ўлкамиздаги вилоятларнинг номларини, аҳолининг турмуши, дини, маданияти, ижтимоий-иқтисодий ва сиёсий тузуми тўғрисидаги маълумотларни ўз ичига олади.

Кейинги асрлар давлатчилик тарихини ўрганишда ва тадқиқ этишда Беруний, Наршахий, Абдураззоқ Самарқандий, Шарафиддин Али Яздий, Бобур, Ҳофиз Таниш

Бухорий ва бошқа муаллифлар асарлари мұхим ахамият касб этади.

1 Ўзбек халқи аждодларининг илк давлатчилик тизимиға ўтиш жараёни милоддан аввалги II минг йилликнинг ўрталарида бошланди. Милоддан аввалги VII-VI асрларда Ўрга Осиё худудида энг йирик давлатлар - қадимги Хоразм ва қадимги Бактрия мавжуд еди. Сүғдиёна ва Фарғона вилоятлари қадимги тарихнинг иқтисодий ва маданий ҳәётида мұхим ахамиятта әга бўлди. 1

Асрлар давомида ўзбек халқи аждодлари чет эл босқинчилари(ахамонийлар, юнон-македон)га қарши кураш олиб бордилар. Турли сулолалар даврида ўлкамизда сиёсий ва ижтимоий-иктисодий жараёнлар ўзгариб турди.

Ўрга асрларда ўзбек халқи давлатчилиги тарихида сомонийлар, қорахонийлар, салжуқийлар сулолаларининг йирик давлатлари вужудга келди. XII асрнинг ўрталарида хоразмшоҳлар мамлакатни марказлаштиришга ҳаракат қилдилар, аммо бу жараёнга мўғулларнинг юришлари ва истилоси тўсик бўлди.

Ўзбек халқи давлатчилиги тарихининг янги босқичи Амир Темур ҳукмронлиги даври билан узвий боғлиқдир. Марказлашган давлатда иқтисодий ҳаёт, меъморчилик, хунармандчилик, илм, фан, санъат юксак даражада ривож топди. Ушбу тарихий анъана Мирзо Улугбек даврида давом этди.

Кейинги асрларда ўзаро низолар ва курашларга қарамай, ижтимоий-иктисодий ва маданий ҳәётида янги жараёнларни кузатиш мумкин. XVIII асрнинг ўрталарига келиб Ўрга Осиё худудида учта давлат (Бухоро амирилги Хива ва Қўқон хонликлари) пайдо бўлди. Афсуски, улар ўртасида бирлик бўлмади, сиёсий қарама-қаршиликлар, ўзаро курашлар авж олди. Бундай вазиятда Ўрга Осиё хонликлари подшо Россияси томонидан истило килиниб, Туркистон ўлкаси мустамлакага айланди.

Шу даврдан бошлаб ўлқада истиклолга эришиш ва миллий давлатчиликни тиклаш учун халқ ҳаракатлари бошланди, айникса, XX асрнинг биринчи чорагида бу кураш ўзининг юқори нуқтасига чиқди. Ўзбекистон давлат мустақиллиги эълон қилингунча, ўзбек халқи ўз ҳәётида мана шундай мураккаб босқичларни босиб ўтди.

ХХ асрнинг энг муҳим воқеаларидан бири янги мустақил давлатларнинг ташкил топишидир. Шу асрда Ўзбекистон номи тарихий ҳақиқат бўлиб жаҳон тарихидан абадий ўрин олди. Унинг давлатчилик тарихида янги давр бошланди.

Ватанимиз тарихини мукаммал ўрганиш масаласини хисобга олган ҳолда, Ўзбекистон тарихида давлат ва жамият тараққиёти мавзуси билан боғлиқ кенг китобхонлар оммасига мўлжалланган китобни тайёрлаш лозим топилди. Унинг биринчى қисми энг қадимги даврлардан бошлаб XIX асрнинг ўрталаригача давом этган тарихий жараёнларни қамраб олади.

Кўлланманинг асосий вазифаларидан бири ўзбек ҳалқи аждодлари ўз давлатчилик тизимига қайси даврдан бошлаб эга бўлганлиги, асрлар давомида ҳалқимиз қурган давлатчилик тарихининг асосий босқичлари ва омилларини, бу сиёсий, ижтимоий-иктисодий ва маданий жараёнларнинг ўзига хос асосий хусусиятларини очиб беришдан иборатdir.

Ўрта Осиёда илк давлатлар вужудга келиши масаласининг ўрганилиши тарихи XIX асрнинг охирларида бошланган бўлиб, бу муаммо тарихчи, манбашунос ва қадимшунослар томонидан тадқиқ килинган. Натижада, мавзунинг айrim томонлари ёритилган бўлсада, лекин асосий масалалар юзасидан тадқиқотчилар ўртасида ягона фикр мавжуд эмас.

Собиқ совет тарихшунослигига давлатчиликнинг вужудга келиши масаласи асосан қуидаги муаммоларни тадқиқ этишга йўналтирилган: мулкий табакаланиш, ижтимоий табакаланиш; эксплуатация муносабатлари, яъни давлат ўзаро низолар ва курашларга асосланган синфий жамият маҳсули эканлиги ғояси асосида ўз счимини топган. Мустақилликнинг дастлабки йилларида чоп этилган айrim дарслклар ва китобларимизда ҳам бундай ёндошувни кузатиш мумкин. Бу табиий бир ҳол, чунки дастлабки пайтларда Ўзбекистон янги тарихини яратишнинг аниқ йўналишлари хали ишлаб чиқилмаган эди.

Давлат тизимига ўтиш босқичи, тарихий жараён сифатида, энг қадимги (ибтидоий) жамиятнинг маданияти ва ижтимоий-иктисодий муносабатларининг янги босқичи бўлиб, уларнинг янада ривожланиш тараққиёти маҳсулидир. Шу давр иктисодий ҳаётида эркин жамоатчиларнинг меҳнати ишлаб чиқаришни ривожлантираётган асосий куч бўлган.

Жамиятда қарама-қарши синфлар пайдо бўлиб илк давлатларнинг вужудга келишига асосий сабаб бўлди, деган холоса тўғри эмас, чунки факат давлатчиликка доир сиёсий тузилмалар, ижтимоий мансаблар ва бошқарув тизимининг пайдо бўлганидан сўнг, аниқ иқтисодий ва сиёсий сабабларга кўра, мулкий ва ижтимоий табакаланиш жараёни кескин ўзгариб, кейинчалик тез ривож топади.

Мисол учун, қадимги Миср, Месопотамия ва Юнонистонда дастлаб шаҳар-давлатлар вужудга келиб, уларнинг ижтимоий-иктисодий ва сиёсий ҳаётида эркин аҳоли фаолияти катта аҳамият касб этган. Аммо босқинчилик урушлари натижасида асиirlар ва кулларнинг микдори ўсиб бориши билан уларнинг меҳнатидан хунармандчилик, бинокорлик ишлари ва қишлоқ хўжалик соҳаларидаги ишлаб чиқаришда кенг фойдаланилади. Натижада қўшимча маҳсулот ва бойликлар орттирилади, айрим тўқ оиласларнинг обрў-эътибори, ижтимоий ўрни баланд бўлиб, бой-бадавлат кишиларнинг ажralиб чиқишига сабаб бўлади. Демак, қадимги давлатлар ривожининг турли босқичларига, турли хусусиятлар ва тарихий қонуниятлар хос бўлган. Шунинг учун ҳам давлатчилик тарихини даврлаштириш ва турли жамиятларга хос тарихий воқеаларни киёсий ўрганиш долзарб вазифадир.

Ушбу китоб Ўзбекистон тарихидаги давлат ва жамият тараққиётига хос асосий хусусиятлар ва қонуниятларини ўрганиш йўлида дастлабки қадамлардан биридир. Шунинг учун ҳам у айрим камчиликлардан холи эмас. Китоб юзасидан билдирилган фикр-мулоҳазаларни муаллифлар жамоаси миннатдорчилик билан қабул қиласи.

Китобни ёзишда Ўзбекистон Республикаси Президенти ҳузуридаги Давлат ва жамият қурилиши академияси кошидаги Ўзбекистоннинг янги тарихи маркази ва Ўзбекистон давлати тарихи кафедрасининг муаллифлар жамоаси иштирок этди.

Ўзбекистон тарихининг энг қадимги даври

Ўзбекистон тарихининг жуда катта даври (бир неча юз минг йиллар) ёзма манбаларсиз, археология ва антропологияга оид манбаларга таянган ҳолда ўрганилади. Энг қадимги одамлар ясаган қуроллар асосан тошдан бўлгани учун, инсоният тарихининг дастлабки босқичини археологлар “қадимги тош даври” деб аташган. Бу давр - палеолит, инсоният тарихида энг узок давом этган давр бўлиб, у ўз навбатида уч босқичга бўлинади: илк, ўрта ва сўнгти палеолит. Жаҳон тарихида илк палеолит 3-2 млн. йил аввал бошланиб, тахминан 100 минг йилликкача давом этган даврдир.

Ўзбекистон тупроғида одамлар тош даврининг энг қадимги босқичларида ўрнаша бошлаган. Илк палеолит даврига оид маконлар Фарғона водийсидаги Селенгур ва Тошкент вилоятидаги Кўлбулоқ маконлари хисобланади. Бу ёдгорликларда археологлар тошдан ишланган содда ва кўпол қуролларини топиб текширганлар. Илк палеолит даври одамлари жисмоний ва ақлий жиҳатдан ҳозирги қиёфадаги одамлардан анча фарқ қилганлар. Уларнинг маконлари тоголди булоқ ва дарё бўйларида жойлашган. Одамлар асосан термачилик ва овчилик билан шуғулланиб, табиатда мавжуд бўлган тайёр маҳсулотларни ўзлаштириб яшаганлар.

Ўзбекистон ҳудудида қадимги одамнинг дастлабки вакилларидан бири “неандертал” одами тана суюклари ва бош суюги қолдиқлари Бойсун тогидаги Тешиктош горидан топилган. Неандертал одамлари 100-40 минг йиллар илгари Европа ва Осиё ҳудудларида кенг тарқалган эди. Ушбу одамларнинг қолдиқлари дастлаб Германиянинг Неандертал водийсидан топилгани учун уни “неандертал одами” деб аташ расм бўлган.

Неандертал одамлар яшаган ўрта палеолит даврига келиб қуролларнинг турлари кўпаяди ва улар асосан найзасимон ўткир учли пайконлар, тош пичоклар, қиргичлар, кескичлар ва бошқа қуроллардир.

Ўрта тош даври иклими совук бўлиб, одамлар ғорларда яшаганлар. Тешиктош горида гулхан излари ва кул қол-

диклари топилган. Тоғлар ёввойи ҳайвонларга бой бўлган, одамлар асосан овчилик билан тирикчилик ўтказганлар. Тешиктош ғори маконида буғу, тоғ эчкиси, ёввойи от, айик ва күён суяқ қолдиқлари топилган.

Сўнгти тош даврида (милоддан аввалги 40-12 минг йилликлар) замонавий қиёфали одамнинг вужудга келиши билан йирик ҳайвонларни ов қилиш жараёни анча ривож топди. Одамлар ғорлардан ташқари ертўла ва чайласимон уйларда ҳам яшаганлар. Жамиятда жуфт оиласалар пайдо бошлаган. Улар айрим уруғларни бирлаштириб, уруғ жамоасини ташкил этган. Ўша замон жамоасида она - аёлнинг ижтимоий ўрни баланд бўлиб, уруғ унинг номи билан бошланган. Она уруги даври - матриархатнинг бошланиши ҳақида сўнгти тош даврига оид суяқдан ва тошдан ишланган аёл ҳайкалчаларининг тарқалиши дарак беради. Бу ҳайкалчалар аёл эътиқодига, ҳосилдорлик кудратига ва ҳаётни давом эттирувчи онага багишлиданади.


Тасвирий санъатнинг вужудга келиши сўнгти тош даврининг энг катта ютукларидан бири хисобланади. Ҳайкалтарошлик ва рассомчиликнинг пайдо бўлиши, одамлар маданиятининг ўсиши уларнинг дунёқарашлари, диний тушунчалари ва турмуш тарзи билан узвий боғлиқ эди.

✓ Мезолит - ўрта тош даврида (милоддан аввалги 12-7 минг йилликлар) музликнинг чекиниши натижасида иклим ўзгариб, фауна ва флора - ҳайвонот ва ўсимликлар дунёси ривожланишига таъсир қилади.

Мезолит даври одамларининг энг катта ютукларидан бири ўқ ва ёйни каşф этилиши бўлди. Овчиликдан ташқари балиқчилик ривожланади. Ёввойи ҳайвонларни хонакилаштириш натижасида чорвачиликка асос солинади. Мезолит даврининг сўнгти босқичларида Олд Осиё ва Икки дарё оралигига термачиликдан дехқончиликка ўтиш бошланган. Бу жараён қадимги Шарқнинг бошқа ўлкаларида (Ўрта Осиёда ҳам) бир оз кеч содир бўлган.

Неолит - янги тош даврида (милоддан аввалги 6-4 минг йилликлар) дехқончилик хўжалиги Жанубий Туркманистонда тарқала бошлаган. Хўжаликнинг ишлаб чиқарувчи шаклига ўтиш (чорвачилик ва дехқончилик) кишилик жамиятида инқилобга олиб келган.

Энеолит-мис-тош даврида (милоддан аввалги 4-3 минг йилиниң урталари) одамлар металл билан ишлашни ўрганишган. Унгача улар факат тошдан, ёғочдан ва сукдан ясалган куроллардан фойдаланганлар.



Энеолит ва бронза даври ёдгорликтер (1 - үтрок дехкончылык манзилгохлары, 2 - чорвадор кабилалар манзилгохлары, 3 - кадимги кабристон, 4 - алохид топилмалар, 5 - чорвадорлар манзилгохлар гурухы).

Неолит ва энеолит давридан бошлаб Ўрта Осиё тарихида янги маданий ва иқтисодий ўзгаришлар содир бўлди. Неолитда кулолчилик вужудга келди, тўкувчилик ривожланди, пахсадан уй-жойлар қурила бошланди. Энеолит даврида хом ғишт қурилишда ишлатилди, қишлоқларда кўп хонали уйлар ва катта-катта иншоотлар қуриш ишлари амалга оширилади. Милоддан аввалги 4-минг йилликда Ўрта Осиёнинг жанубида сугорма дехқончилик вужудга келиб, анхорлар ва ариқлар очилди, унумдор ерлардан кенг фойдаланиб, турли ўсимликлар (арпа, буғдой, жавдар) экилди, мевачилик ривожланди.

Милоддан аввалги 3-минг йилликнинг ўрталарида бронза (мис, қалай ва қўрғошин қоришмаси) даври бошланиши билан ота уруғи - патриархат ривож топади. Бронза даврида дехқончилик хўжалиги янги ерларда, жумладан, Ўзбекистон ҳудудида ҳам кенг ёйилган. Мазкур даврда ишлаб чиқариш муносабатлари тез ривожланиб, ижтимоий-иктисодий жаёнлар янги асосда тараққий этади.

Бронза даврида Ўрта Осиёнинг жанубий вилоятларида баланд бўйли, боши чўзинчоқ, юзи ингичка одам вакиллари тарқалган. Ўрта Осиёнинг шимолий дашт ва чўл қисмида жануб аҳолисидан фарқ қилган боши думалоқ, юзи жуда кенг ва чўзиқ бўлмаган қабилалар яшаган. Жанубий қиёфали одамлар Ўрта ер денгизи иркининг вакиллари деб аталади. Улар Олд Осиё, Месопотамия, Эрон, Афғонистон, Ўрта Осиёнинг жануби, Хиндистон каби катта географик ҳудудга ёйилганлар. Шимолий қиёфали одамлар Жанубий Сибир ҳудудидан то Қозогистон ва Ўрта Осиёнинг шимоли-шарқий кисми, Урал, Волга ерларигача тарқалганлар.

Милоддан аввалги 2-минг йилликнинг иккинчи ярмида Ўрта Осиё ҳудудида қадимги жанубий ва шимолий қиёфадаги яъни дехқончилик ва чорвачилик билан шуғулланган одамлар вакилларининг аралашиб кетиши жараёни бошланади. Шу даврга келиб бронза даври қабилалари Ўрта Осиёдаги турли элатларга асос солганлар.

Ўзбекистон ҳудудида жойлашган шу элатларнинг вакиллари: сўғдлар, бақтрийлар, хоразмийлар ва саклар, ўзбек халқининг қадимги аждодларидан бўлиб, улар ҳақида айrim маълумотлар қадимги ёзма манбаларда сақланган. Дастраси

манбалар кам ҳамда маълумотлар айтарли тўлиқ бўлмаса ҳам, улар қадимги маданий, иқтисодий, ижтимоий ва сиёсий жараёнларни ўрганишда катта аҳамиятга эга.

Милоддан аввалги 1 минг йилликдан бошлаб йирик маданий-тарихий вилоятлар: Хоразм, Бақтрия, Сүғд, Фарғона, Шош (Чоч) қадимдан то ўрта асрларгача Шарқ худудларида жуда машҳур бўлган.

Антропологик ва ёзма манбалар Ўрта Осиёда алоҳида энг қадимги элатларнинг шаклланиши ва этник ҳудудларнинг ажrala бошлаши милоддан аввалги IX-VIII асрларга оид бўлганлиги ҳақида маълумот беради. Бу масалани ўрганиши ўтга мураккаб муаммо бўлса ҳам, шуни айтиб ўтиш керакки, милоддан аввалги VI асрнинг иккинчи ярмида Эрондаги аҳамонийлар сулоласи подшоларининг Ўрта Осиёга юришлари бошланганда, бу элатларнинг ажrala бориш жараёни бутунлай тугаган ва турли қадимги халқларнинг ҳудудий жойлашуви, вилоятларининг умумий чегаралари аҳамонийлардан анча олдин пайдо бўлган. Ёзма манбаларга кўра аҳамонийлар Ўрта Осиёнинг алоҳида йирик вилоятларига қарши ҳарбий юришларни бошлаганлар.

Этногенез жараёни турли халқларнинг аждодлари тарихидан бошланади.¹ Ўзбек халқи аждодларининг тарихи кўп минг йиллар давомида ривожланган жуда катта даврларни ўз ичига олган. Узок тарихий тараққиёт йўлида аждодларимиз мураккаб этник жараёнларни бошдан кечирганлар. Бу жараёнлар антропологик киёфалар ва қабилаларнинг аралашиб кетиши, хўжалик турлари, урф-одатлари ва маданий анъаналарнинг кўшилиб, янги асосда ривожланиши билан узвий боғлиқ

Умуман, Ўрта Осиё мураккаб этник-маданий тараққиёт чорраҳасида жойлашган бўлиб, мезолит давридаёқ (9-14 минг йил аввал) бу ерда дастлаб қадимги овчилар ва балиқчилар, кейин бошқа қадимги даврларда (неолит, энеолит, бронза) дехқонлар, овчилар ва балиқчилар, дехқонлар ва чорвадорларнинг турли кўринишидаги ўзаро алоқалари пайдо бўлган. Уларнинг яқин кўшнилиги, узвий алоқалар нафакат маданий, балки этник кўшилиб, аралашиб кетишга олиб келган. Аммо шунга эътибор бериш лозимки, Ўзбекистон ҳудудига ҳар қандай янги қабилалар оқими келмасин, этногенез асосини маҳаллий туб аҳоли ташкил этди, чунки улар кўчиб келган

қабилаларга нисбатан ҳамиша кўп бўлган эди. Буни археологик ва антропологик тадқиқотлар ҳам исботгайди.

Президент И.А.Каримовнинг “Тарихий хотирасиз келажак йўк” асаридағи “Тарихимиз каби, қадим маданиятимизнинг яратилишида ҳам унга кўплаб этник гурухлар, эл-элатлар ўз улушкини кўшган. Бу табиий ҳол, чунки, ҳеч қачон, ҳеч қаерда фақат битта миллатга мансуб маданият бўлмайди. Ҳар қандай цивилизация кўпдан-кўп халқлар, миллатлар, элатлар фаолиятининг ва самарали таъсирининг маҳсулидир. Бир сўз билан айтганда, кўчманчилар, босқинчилар келиб кетаверди, лекин халқ бокий қолади, унинг маданияти абадий яшайди” деган сўзлар, бу тарихий ҳақиқатнинг энг лўнда ифодасидир.

Минг йиллар давомида Ўзбекистон ҳудудларида яшаб ўтган қабилалар ва элатларнинг тарихи ва маданияти изсиз йўқолиб кетмаган. Ушбу элатларнинг айримлари аждодларимизнинг йирик гурухларини ташкил этиб, энг қадимги ёзма манбаларда тилга олинган.

Археологик маълумотларга қараганда, Ўзбекистон ҳудудида дехқончилик милоддан аввалги 2-минг йилликда кенг таркалди.

Бронза даврига оид маконларни қадимшунослар Сурхондарё, Бухоро воҳаларидан ва Хоразмдан топиб текширганлар. Сурхон воҳасида ўтроқ маконлар тоғ дарёлари кирғоклари бўйида жойлашган бўлиб, сойлардан дехқонлар даласига сув чиқарилган. Сополли макони (Музробод воҳаси) уч қаторли мудофаа девори билан ўраб олинган эди. Бу ердан кўп хонали уй-жойлар, хунармандчилик устахоналари, бронздан ясалган меҳнат куроллари, яроғ-аслаҳалар, кулоччилик чарҳда ишланган сопол идишлар ва бошқа буюмлар қазиб топилди. Бронза даврига оид бошқа бир макон - Жарқўтон (Шеробод воҳаси) манзилгоҳи анча катта майдонга зга бўлиб, мудофаа деворлар билан ўралган ва мустаҳкамланмаган қисмларга бўлинган.

Хоразмда бронза даври дехқончилик ва чорвачилик билан шугулланган қабилаларининг мoddий-маданият ёдгорликлари Тозабоғёб маданияти номи билан машхур. Маконлар яrim ертўлали уй-жойлардан иборат бўлиб, атрофида каналлар ва қадимги суғориш майдонлари аниқланган. Ертўлалар тўғри

бурчакли ёки думалок шаклда курилган. Улардан ўчок колдиклари, сопол идишлар ва бронзадан ишланган куроллар топилган.

Зироатчиларнинг яна бир қадимий маркази ёдгорликлари Зарафшон водийсидаги Замонбобо кўли (Бухоро воҳаси) яқинидан топиб текширилган. Дехқончилик билан бирга одамлар чорвачилик билан ҳам шугулланганлар. Бронза даврида улар қорамол, түя, от, қўй, эчкиларни кўлга ўргатганлар.

Археологик манбаларга кўра, Хоразм тупроғида милоддан аввалги 2-минг йилликнинг охири - 1-минг йилликнинг бошларига оид пахса ёки хом гиштдан курилган уй-жойлар, мудофаа деворлари ва турли иншоотлар топилмаган. Сопол идишлар кўлда ясалган бўлиб, бу давр маҳаллий хунарманчилигига куолчилик чархи номаътум бўлган. Худди шундай тарихий вазият Замонбобо маданиятига ҳам хосдир. Замонбобо маконида ярим ертўла чайла-уй қолдиклари қазиб очилди. Сопол идишлар кўлда ишланган. Замонбобо моддий топилмаларида дашт қабилалари маданиятига ва жанубий ўтрок дехқончилик маданиятларга мансуб хусусиятлар сакланниб қолган.

Бронза даврида яшаш худудлари тобора кенгайиб борган, табиий бойликлар, янги конлар, сугориладиган ерлар ва кенг яйловлар қадимги қабилалар учун зарурият тақозосига айланган.

Ўрта Осиёда қадимги қабилалар томонидан янги ерларни кенг ўзлаштириш жараёни милоддан аввалги 4-минг йилликнинг охири - 3-минг йилликда бошланган. Зарафшоннинг юқори кисмида Панжикент шаҳридан 15 км ғарбда топилган, 90 гектар майдонда жойлашган Саразм кишлоги харобаси моддий топилмаларида Жанубий Туркманистон зироатчилари ва Хоразмнинг Калтаминор маданиятларига мансуб буюмлар бор. Худди шу даврда (милоддан аввалги 4-3-минг йилликларда) Афғонистоннинг шимоли-шарқида Ҳинд-Покистоннинг машҳур Ҳараппа маданиятига оид вакилларнинг маконлари пайдо бўлади. Бу йўналишда Ҳараппа маданияти вакиллари баланд Ҳиндиқуш тоғ йўлларидан ошиб ўтганлар. Қадимги қабилаларнинг машғулоти янги ерларни ўзлаштиришдан ташқари, қазилма бойликлар: мис, қалай ва кўрғошин конларини қидириш билан ҳам боғлиқ бўлган.

Милоддан аввалги 2-минг йилликнинг иккинчи ярмида уй чорвачилиги билан бирга яйловларда бокиладиган чорвачилик ҳам келиб чиқкан. Ўрта Осиё дарёлари бўйлаб бронза даври маданий-иктисодий алоқалари ва янги ерларга кўчиш йўллари пайдо бўлади. Бу йўллар ёқасидан қадимги масканлар, мозор-қўргонлар ва қабрлар топилди.

Чорвадор қабилаларга мансуб Самарқанд яқинидаги Мўминобод, Куйи Қашқадарёдаги Гужайли ёдгорликлари топиб текширилган. Жанубий Тожикистон ҳудудида ҳам шу даврга оид дашт қабилаларнинг маконлари ва қадимги қабристонлари топилган. Археологик маълумотларга кўра, Зарафшон, Хисор, Боботоғ ва Помир тоғлари ён бағирлари-даги кенг яйловларда қабилалар асосан майда чорва моллари бокиши билан шугулланганлар.

Милоддан аввалги 2-минг йилликнинг ўрталари ва иккинчи ярмига келиб Ўзбекистон ҳудудида турли маданий анъаналарга эга қабилалар яшаган. Шу даврда Сурхон воҳасида ривожланган моддий маданият Тозабоғёб ва Замонбобо маданиятларидан фарқ қилган (бинокорлик, уй-жой курилиши, хунармандчилик борасида). Ўз навбатида Хоразм ва Бухоро маданияти дашт чорвадор қабилалари маданиятидан фарқ қилган. Аммо қабилалар орасида мавжуд бўлган доимий алоқалар ва ўзаро таъсирлар маданий хусусиятларнинг тарқалишига ҳам олиб келган. Шу асосда Ўзбекистон вилоятларида дехқончилик ва чорвачилик хўжаликларининг анъаналари кенг тарқалган.

Милоддан аввалги 2-минг йилликнинг охири - 1-минг йилликнинг бошларида Фарғона водийсида Чуст маданияти ривожланган. Бу маданиятни яраттан дехқонлар ертўла, пахса ёки хом ғиштдан курилган уйларда яшаганлар. Баъзи масканлар мудофаа деворлари билан ўралган (Чуст, Даъварзин).

Чуст моддий маданияти юксак даражада ривожланган. Қадимги ёдгорликлар таркибида тош ва жез ўроклар, пичоклар ҳамда арпа, буғдой, тарик донлари ва улар учун ковланган ўралар чустликларнинг асосан дехқончилик билан машгул бўлганларидан дарак беради.

Қашқадарёнинг энг қадимги аҳолиси дехқончилик билан шугулланган, маконлари пахса ва хом ғиштдан курилган уй-қўргонларининг қолдиклари милоддан аввалги IX-VIII асрларга

бориб тақалади. Топилган археологик манбалар Сурхондарё, Қашқадарё ва Зарафшон воҳаларининг бинокорлиги, моддий маданиятининг бир-бирига анча яқин бўлғанлигидан далолат беради.

Милоддан аввалги 1-минг йиликнинг бошларида Тошкент воҳасида Бургулик маданияти ривож топган. Қадимги қабилалар асосан чорвачилик ва дехқончилик билан шуғулланган. Мудофаа деворлари билан ўралган йирик масканлар бўлмаган, туар жойлар ярим ертўлалардан иборат бўлиб, кўлда ишланган сопол идишлар, бронза ўқлар ва тош куроллари топилди.

Милоддан аввалги IX-VIII асрларга оид Хоразм ёдгорликлари Амиробод маданияти номи билан аталган. Бу давр ёдгорликлари маҳаллий бронза даври Тозабог'ёб маданияти хусусиятларини саклаб, ярим ертўла туар жой, сугориш каналлар излари ва кўлда ясалган идишлар билан машҳур бўлган. Бронза буюмларидан ўроклар, жез игналар ҳамда ўқ учлари куйилган тош қолиллар топилган.

Шу даврдаги Ўзбекистон туб ахолиси ҳётида катта ижтимоий, иқтисодий ва маданий ўзгаришлар содир бўлган.

Ўзбек халқи аждодларининг илк давлатчилиги тарихидан

Жаҳон тарихидаги илк давлатлар дехқончилик ва чорвачилик каби ишлаб чиқарувчи хўжаликлар пайдо бўлган жойларда шаклландилар. Минг йиллар давомида факат термачилик ва овчилик ҳисобига яшаб келган, дехқончиликни билмаган кўпгина қабилалар ва элатлар давлатчилик босқичига кўтарила олмадилар.

Дехқон ўз меҳнати билан овчи қўлга киритадиган ўлжага караганда кўпроқ маҳсулот ишлаб чиқаради. Дехқончилик одамларнинг ўтрок ҳаёт кечиришига, хунармандчиликнинг шаклланишига, маҳсулот айирбошлиш ва савдо-сотиққа асос солди.

Энг қадимги давлатлар милоддан аввалги 4-минг йиликда Икки дарё оралиғи (Месопотамия) ва қадимги Мисрда пайдо бўлди. Бундан 10 минг йиллар илгариёқ бу ерда

термачилик ва овчилик асосида экинларни етиштиришга ва ёввойи ҳайвонларни кўлга ўргатиш - чорвачиликка ўтиш бошланади. Аста-секинлик билан дехқончилик бу ердан кўшни худудларга (Кавказорти, Эрон, Ўрта Осиё, Ҳиндистон, Хитойга) тарқалади. Милоддан аввалги 3-2-минг йилликда ёқ Қадимги Шарқ аҳолиси ўртасида зич тарихий маданий алоқалар мавжуд эди.

Археологик топилмалар шуни кўрсатмоқдаки, милоддан аввалги 2-минг йиллик ўрталарида Ўзбекистон (Сурхон воҳаси)да қадимги дехқончилик маданияти ривожланиши асосида илк давлатчиликка ўтиши жараёни бошланади. Бу жараён босқичма-босқич ривожланишнинг ўзига хос хусусият ва қонунларига эга эди.

Илгариги ўкув кўлланмалари ва дарсликларда илк давлатларнинг шаклланишини эксплуатациянинг пайдо бўлиши ёки бошқа кишилар меҳнати билан яратилган маҳсулотни ўзиники қилиб олишнинг вужудга келиши натижасида жамиятнинг бир-бирига душман синфларга бўлинниши билан боғлаб тушунтирилар эди. Аслида, турли манбалар илк давлатчиликка ўтишда бошқача тарихий вазиятни кўрсатмоқда.

Дастлабки давлатлар алоҳида маконлар ёки илк шаҳарлар ҳамда ишлов бериладиган ерлар ва сугориш тизими майдони билан чегараланган нисбатан кичик худудда, яъни зич ўзлаштирилган, хўжалик ва ишлаб чиқариш мақсадида кенг фойдаланиладиган қадимги суформа дехқончилик воҳаларида пайдо бўлган. Бундай воҳалар аҳолиси учун ташки ҳарбий босқинлардан ҳимояланиш, маконлар ва манзилгоҳлар худудини мудофаа қилиш, сугориш ва дехқончилик ишларини ташкил этиш, жамоанинг ички ва ташки алоқаларини бошқариб туриш масалаларини ечиш муҳим ва ҳаётий зарурият эди. Бу вазифаларни ҳал қилиш мақсадида, у ёки бу кўринишдаги ишларни (кенг кўламдаги курилиш ва сугоришни, ерни ва сугориш учун сувни тарқатиш устидан назорат қилишни, жамоадаги диний урф-одатларни бажаришни, баҳсли масалаларни ҳал қилишни ва бошқаларни) ташкил этиш учун жамият жамоадаги хурматта эга бўлган кишиларни - йўлбошчиларни юзага чиқарди.

Шу тариқа, ижтимоий-иқтисодий муносабатлар тарақ-

қиёти жамиятда алоҳида хурмат-эътиборга лойик бўлган кишиларнинг ажralиб чиқишига олиб келди. Улар ижтимоий ишлаб чиқаришда доимий банд бўлмасдан, фақатгина ижтимоий ва хўжалик ҳаёти устидан назорат ва раҳбарликни амалга оширидилар. Лекин улар на бой-бадавлат кишилар, на эксплуататорлар ва на кулдорлар эдилар. Жамиятда бундай кишиларнинг ажralиб чиқишига уларнинг ахлоқий хислатлари ва обрў-эътибори сабаб бўлган холос. Аммо бу муҳит кейинчаликкина алоҳида тўқ оиласларнинг пайдо бўлишига олиб келди ва аста-секинлик билан жамоадаги юксак ҳурматта асосланган ҳокимиёт мерос тариқасида отадан ўғилга ўта бошлади.

Ўзбекистондаги дастлабки давлат уюшмалари ҳам дех-қончилик воҳалари аҳолисини четдан бўладиган босқинчилардан ҳимоя қилиш ва жамоадаги муносабатларни хуқуқий бошқариб туриш учун ташкил топди.

Ўзбек ҳалқи аждодларининг ilk давлатчилиги қадимги бронза даврига оид ёзма маълумотлар йўқ бўлганлиги учун унинг бу даврга оид тарихи фақатгина археологик топилмаларга асосланиб ўрганилади. Бу манбалар қадимги жамият таракқиётидаги барча мураккаб жараёнларни тўлиқ очиб бера олмайди.¹

Ўзбекистоннинг милоддан аввалги 1-минг йилликнинг биринчи ярмига оид тарихи ёзма манбаларда қисман ёритилган. Ўрта Осиё тарихига тегишли “Авесто”, аҳамонийлар даври міхсимон ёзувлари ва қадимги дунё (Юнон-Рим) ilk ёзма манбалари Қадимги Шарқ ва дунё тарихида биринчи бўлиб ўлкамиздаги элатларнинг, алоҳида жойлар, тоғлар, дарёлар ва кўлларнинг, афсонавий қаҳрамонлар ва подшоларнинг номларини, аҳолининг турмуши, дини, маданияти, ижтимоий-иктисодий ва сиёсий тузуми тўғрисидаги маълумотларни ўз ичига олади.

Бу манбалар тўлиқ бўлмаганлиги учун қадимги иктиносидий, ижтимоий ва сиёсий жараёнларни ўрганишда ёзма ва археологик манбаларни бир-бирига солиштириш зарурати келиб чиқади. Археологик маълумотлар ёзма манбаларни кенгайтириб, тарихий таракқиётнинг аниқ йўналишларини (кўп холларда археологик манбалар ёзма манбаларга қара-

ганда тарихий-маданий жараённинг бошқа йўналишларини ҳам) кўрсатади.

Дастлаб “Авесто” 21 та китобдан иборат бўлган. Ҳозирги вақтгача унинг айрим қисмлари: Ясна - “курбонлик”, Виспрат - “барча хукмронлар”, Яшт - “қадрлаш”, “улуглаш”, Видевдат - “девларга қарши қонун” сакланиб қолган. Буларнинг барчаси III-VII асрлар сосонийлар даврида таҳрир қилинган.

Ясна китоби 72 бобдан иборат бўлиб, улардан 17таси “Гоҳлар”, яъни зардуштийлик динининг асосчиси Заратуштранинг “Муқаддас қўшиклари” - диний насиҳатларидан иборат.

Заратуштра (юнонча Зороастр, ўрта форс тилида Зардушт) қадимги дунё муаллифлари маълумотларига кўра афсонавий шахс хисобланган. Аммо “Авесто”нинг Гоҳлари ва Яшт боблари Заратуштрани тарихий шахс сифатида ёритади. Беруний маълумотларига кўра, Заратуштранинг туғилган санаси македониялик Искандаргача бўлган 258 йил хисобланади. Заратуштра 77 ёшида вафот этган ва унинг ҳаёт санаси милоддан аввалги VII-VI асрга тўгри келади, деб фараз қилинади.

Заратуштранинг туғилган жойи ва ватани ҳакида “Авесто”да ҳеч қандай маълумотлар йўқ. Манбага кўра, Заратуштранинг диний насиҳатлари ўз ватанида тарафдорларини топмаган. Шунинг учун ҳам янги диннинг асосчиси ўз юритдан қочишига мажбур бўлган.

Гоҳларда Заратуштра бундай хабар килади: “Қай томонга, қайси юрга қочиб кутулсан, мени жангчилардан ва қохинлардан ажратиб қўйдилар, жамоа мени кувнатмайди, мамлакатларнинг ёвуз сардорлари мени қабул қилмайдилар”. Заратуштрани подшо Кави Виштасп ўз юргида қабул қилган. Унинг узоқ ва яқин қариндошлари Заратуштра таълимотига жуда ҳам қизикканлар, шунингдек, унинг эътиқодини қабул қилган биринчи тарафдорлари бўлиб хисобланадилар.

“Авесто”га асос солинган юртнинг географик жойлашувини аниқлаш ҳам қизик муаммодир. “Авесто” тили, “Авесто” вилоятларининг тарихий географияси бу манбанинг ватани, Эрон ёки Олд Осиё бўлмаганлигидан далолат беради. Олимларнинг фикрига кўра, “Авесто” Хоразм, туп-

роғида пайдо бўлган. “Авесто”нинг энг қадимги географик номлари Ўрта Осиё ва унга чегарадош вилоятлар билан боғланади. “Авесто” китоблари қуидаги маълумотларни ўз ичига олади: қадимги географик тушунчалар, худудий, этник, қабилалар ва вилоятлар номлари; қадимги мамлакатларнинг рўйхати, иктисадий ва ижтимоий муносабатлар; ижтимоий ва сиёсий тузум, зардуштийларнинг фалсафаси; дунё тарихининг ривожланиши ҳақидаги маълумотлар ва бошқалар.

Аҳамонийлар даври ёзувларида Ўрта Осиё ҳалклари ва вилоятлари тўғрисида турли хил маълумотлар бор. Бу ёзувлар милоддан аввалги VI-IV асрларга оид бўлиб, Бехистун ва Накши Рустам қоятошларида, Суза, Персепол ва Ҳамадон шаҳарларида топиб текширилган.

Юнон-форс урушлари бошланиши билан милоддан аввалги VI-IV асрлар сиёсий воқеаларида иштирок этган Ўрта Осиё ҳалкларининг тарихи қадимги юонон тарихшунослалининг асарларида ёритилган.

Бу борада Ўрта Осиё ҳалклари тўғрисида қисқа бўлса-да, жуда аник маълумотлар берувчи Геродотнинг “Тарих” китоби қисмлари айниқса қимматлидир. Қадимги даврлардан бошлаб бу китоб дунёда энг машҳур тарихий асарлардан бири бўлиб хисобланган. Унинг муаллифи Геродот “тарихнинг отаси”деб ном олган.

Геродотнинг тарихий анъаналарини давом эттирган бошка бир юонон тарихшуноси Ктесий Кичик Осиёдаги Книд шаҳридан бўлган. У милоддан аввалги 414 йилдан бошлаб аҳамонийлар подшоси Артаксеркс II саройида табиб вазифасини бажарган. Подшо саройида у Шарқ чегараларида жойлашган узоқ шаҳарлар, давлатлар ва ҳалқлар ҳақида кўп ҳикоялар эшитган. Эрондан юртига қайтганидан сўнг Ктесий қадимги форслар тарихини ёритишни режалаштирган. Аммо тўпланган маълумотлар айнан форслардан ташқари кенг тарих тасаввурига ҳам асос солган.

Қадимги юонон тарихшуносларидан яна бошка бири Гекатей ҳақида қисқа бўлса ҳам айтиб ўтиш лозим. Гекатей Милет шаҳридан бўлиб (милоддан аввалги VI-V асрлар) олимлар фикрига кўра, биринчи бўлиб аҳамонийлар ўлкаларининг рўйхатини келтирган ва Қадимги Шарқ ҳалқлари

ҳақида хабар килган (шу жумладан, Ўрта Осиё халқлари ҳақида ҳам).

“Авесто”, қадимги форс ёзувлари, Гекатей, Геродот, Ктесий ва бошқа юон тарихшуносларининг асарлари Ўрта Осиё тарихий вилоятлари рўйхатини куйидаги тартибда кўрсатиб беради:

“Авесто”	Қадимги форс ёзувлари	Юон тарихчилари
Моуру	Марғуш	Марғиёна
Сўғда	Сўѓуда	Сўѓдиёна
Бахди	Бактриш	Бактриёна
Хваризам	Хваразмиш	Хорасмия
-	Партава	Парфиёна
Тур, дану	Шак, сак	Саклар, массажетлар

Тарихий маълумотларга кўра, Марғиёна ерлари Мурғоб воҳаси, Сўѓдиёна - Қашқадарё ва Зарафшон воҳалари, Бактриёна (Бактрия) - Афғонистоннинг шимоли-шарқий қисми, Жанубий Тожикистон ва Сурхондарё вилояти, Хоразм - Амударёнинг ўрта ва куи кисмидаги ерларини ўз ичига олган.

Саклар Ўрта Осиё ва Қозогистоннинг тоғлари, даштлари ва чўлларида яшаган кўчманчи чорвадор қабилалардир. Аҳамонийлар ёзувларида саклар куйидаги гурухларга бўлинган: сака тиграхуда “тигра”-бу “үткир”, “хауда” - “бош кийим”, “сака-хаумоварка” - “хаома мукаддас ичимликни улуғлаган саклар”, сака тиай пара сўғдам - “сўғдларнинг нариги ёғидаги саклар”, сака тиай дарайё - “дарё, денгиз нариги ёғидаги саклар”.

Сакларнинг ёдгорликлари - қадимги қабристонлар ва мозор, кўргонлар жуда кенг худудда топиб текширилган (Каспий, Орол дengизи атрофидан Балхаш кўлигача, Помир ва Тангритоғ ўлкаларида, Куи Зарафшон, Амударё, Сирдарё ерларида). Саклар хўжалигида чорвачилик катта аҳамиятта эга бўлган. Бу қабилалар қорамол, майдада чорва ҳамда

отларни кўпайтирганлар. Сакларнинг ёдгорликларида бронза ва темирдан ишланган ҳарбий куроллар, зеб-зийнат буюмлари, меҳнат куроллари ва сопол идишлар учрайди.

XIX асрнинг охиридан бошлаб олдинги йиллар жаҳон тарихшунослигига Ўрта Осиёда илк давлатларнинг пайдо бўлиши муаммоларини ўрганишда “Авесто”даги маълумотлар, Гекатей ва Геродот асарлари, шунингдек, тарихшунос Ктесийнинг маълумотлари асос бўлиб хизмат қилди.

Илмий адабиётларда Ўрта Осиёда аҳамонийлар давригача мавжуд бўлган қуидаги давлат уюшмалари ҳақида сўз юритилади:

1. Арёшайёна - Ўрта Осиёдаги қадимги вилоятларнинг уюшмаси.

2. Арёнам Вайжо ҳам Арёшайёнадек ёки унинг маркази Ария ва Марғиёнада бўлган “Катта Хоразм” ёки Амударёнинг қуий оқимидағи Хоразм давлати.

3. Қадимги Бактрия давлати.

Олимларнинг айтишича, Арёшайёна, “Авесто”да тилга олинган Кави Виштаспнинг подшолиги бўлиб, милоддан аввалги IX-VIII асрларда Дрангиана, Сатагадия, Ария, Марғиёна ва Амударё ўрта оқимидағи вилоятларни бирлаштирган. Ғарб олимлари В.Б.Хеннинг ва И.Гершевичлар Кави Виштаспнинг давлати Марв ва Ҳирот атрофида жойлашган “Катта Хоразм” деб хисоблаганлар.

Бу масалада кўплаб илмий ишлар ёзилган, мунозаралар бўлган бўлса-да, “Катта Хоразм” муаммоси тўла ечимини топмаган. Бу илмий назария Геродотнинг Акес дарёси сувларидан фойдаланиш ҳақидағи маълумотларига асосланиб, пайдо бўлган: “Осиёда бир водий бор. Унинг барча томони тог билан ўралган, тогни эса бешта дара кесиб ўтади. Бир вактлар бу водий хоразмликларга қарашли бўлиб, хоразмликлар, парфияликлар, саранглар ва таманейларнинг чегарадош ерларида жойлашган. Форсларнинг хукмронлигига бошлангач, водий форс подшоси хукмронлигига ўтган. Водийни ўраб олган тоғдан Акес номли йирик дарё бошланади”.

Баъзи тадқиқотчиларнинг таъкидлашича, аҳамонийлар давридан олдин хоразмликлар Парфия чегараларидан шарқий йўналишда, Копетдогён бағирларида жойлашганлар.

Хоразм давлатининг маркази Марв ва Ҳирот атрофида

бўлиб, бу давлатни форслар подшоси Кир II томонидан бўйсундирилгандан сўнг хоразмликлар Куйи Амударё - ҳозирги Хоразм вилоятига кўчиб борганлар деб фараз қилинган. Ушбу назарияга кўра, милоддан аввалги VI асрда қадимги форслар хоразмликларни жанубдан Куйи Амударё ерларига сикиб чиқарганлар.


С.П.Толстов, Я. Фуломовлар бу назарияга қарши бўлиб, хоразмликлар Ўрга Осиёнинг жанубидан кўчиб келмаганлар, Хоразм давлати Куйи Амударёда қадимги замонлардаёқ вужудга келган деб хulosса қилганлар. Аммо бу давлатнинг чегаралари ҳозирги Хоразм вилояти ҳудудидан анча кенг бўлган.

Милоддан аввалги 700-540 йиллар қадимги Бактрия давлатининг (айнан Бактрия, Марғиёна ва Сўғдиёна вилоятларининг маълум қисмлари сифатида тахмин қилинади) ривожланган даври бўлиб, бу йирик давлатнинг ҳудудий чегаралари: Мурғоб воҳаси, Ҳиндикӯш тизмаси, Бадаҳшон, Нурота тизмаси ва Бухоро ҳудудларига бориб тақалган бўлиши мумкин.

Бу даврда Бактрия вилоятларига қадимги Хоразм давлати ва сак-массагетларнинг ҳарбий-сиёсий уюшмасига тегишли ўлкалар чегарадош бўлган.

Марғиёна ва Сўғдиёна қадимги Бактрия давлатининг айрим қисмлари бўлганлиги ҳақида турли хил маълумотлар мавжуд. Қадимги форс подшоси Доро I Марғиёнадаги Фрада бошчилигидаги кўзғолонни (мил.авв. 521 й.) тор-мор қилгани ҳақида Бехистун ёзувларидағи “Мана нималарни мен Бактрияда килдим” дея хulosалайди. Доро III даврида Бактрия ва Сўғдиёна бирлаштирилган ўлка бўлиб, унда Бесс исмли сатрап ҳокимлик қилган даврда Марғиёна, Бактрия ҳамда Сўғдиёна ахолисининг урф-одатлари ва маданияти бир-бирига анча ўхшаш бўлган.

Археологик манбаларга кўра, Бактрия ва Сўғдиёна вилоятларидагидек, Хоразм тупроғида милоддан аввалги IX-VIII асрларга оид пахса ёки хом ғиштдан курилган уй-жойлар, мудофаа деворлари ва турли иншоотлар топилмаган. Сопол идишлар кўлда ясалган, кулолчилик чархи бу давр маҳаллий ҳунармандчилигида номаълум бўлган. Айрим тадқиқотчилар шу вазиятни ҳисобга олиб, аҳамонийларгача бўлган даврда



МІЛЛОДАН АВВАЛГИ VII-VI АСРЛАРДА УРТА ОСИЁ ВА КАДИМГИ ШАРК

Хоразм тупроғида йирик давлат ташкил топмаган деб хулоса чиқарғанлар.

Аммо шунга эътибор бериш керакки, милоддан аввалги VII асрнинг охирларига келиб, қадимги Хоразм шаҳар марказларидан бири Кўзалиқир мудофаа деворларининг тузилиши билан Бактриядаги Кизилтепа шаҳар деворларининг тузилишида анча ўхшашликлар топилди. Бактрия ва Хоразм шаҳар марказлари мудофаа деворларининг ўргасида жангчилар юриши учун махсус йўлак бўлган. Шаҳар деворлари устига ўқ отиш учун мудофаа буржлари қурилган. Деворларда ҳар 2 метрда шинаклар қолдирилган. Демак шу даврга келиб Хоразм тупроғида йирик шаҳар марказлари пайдо бўлди.

Милоддан аввалги VI аср Хоразм сопол идишлари Марғиёна, Бактрия ва Сўғдиёна кулолчилик буюлларига ўхшаш бўлиб, улардан унча фарқ қилмайди.

Курилиш, уй-жойларнинг тузилиши ва мудофаа бино-корлиги, сопол идишлар ва бошқа моддий манбаларнинг барчаси унга хос хусусиятлари билан умумий маданиятга мансубдирлар. Бу даврда Хоразм тупроғида Ўрта Осиёнинг жанубий вилоятларида жуда қадимти замонлар (энеолит ва бронза даври) даёқ ривожланиб маълум бўлган маданий хусусиятлар ва анъаналарнинг кенг тарқалиши, маҳаллий аҳолининг моддий маданиятига жорий қилиниши қизиқарли илмий муаммодир. Шу муаммони ўрганиш ва аниқлаш жараёнида тадқиқотчилар турли хил хулоса-фикрларга келдилар.

Ўрта Осиё вилоятларининг маданий ўхшашликларига сабаб ҳалқларнинг қўшни-қариндошлиги, умумий урф-одатлари, тили, савдо-сотик, маданий алоқалари, жанубдаги юқори даражада ривожланган маданиятнинг таъсири, жанубий аҳоли бир қисмининг Хоразм чегаралари яқинида истиқомат қилиши ва айнан вилоят ҳудудига тарқалиши деб фараз қилинади. Агар кўрсатиб ўтилган фикрлар, жумладан, кейингиси тўғри бўлса, қабилаларнинг кўчиш жараёни форс подшоси Кир Пнинг юришларидан анча олдин бошланган. Жанубий вилоятларнинг вакиллари ва маҳаллий аҳолисининг қўшилиши натижасида янги маданий ва этник жараёnlар вужудга келиши мумкин эди. Бу вазият, археологик ва антропологик маълумотларга кўра Ўрта Осиё ва хусусан Ўзбекистон ҳудудида бронза даврида ва милоддан аввалги 1-минг

йилликнинг бошларида анча тараккий топган.

Масалан, милоддан аввалги IX-VIII асрларда Жанубий Сўғдиёна (Қашқадарё воҳаси)да чархда ишланган идишларнинг пайдо бўлиши, курилишда гишт билан пахсанинг ишлатилиши, уй-кўргонлар ва айрим қальаларнинг бино килиниши Бактрияning Сўғдиёнага маданий тъсирини ва бактрияликлар томонидан баъзи туманларнинг ўзлаштирилишини тасдиклайди.

Қадимги Хоразм давлати милоддан аввалги VII асрда Амударё ўрта оқими қисмидан тортиб Оролга яқин бўлган ерларда вужудга келган, деган хulosанинг тўғрилиги тасдикланди. Бу давлат Марғиёнадаги Марв атрофида шаклланмаган, чунки манбаларга кўра, Марғиёна қадимги Бактрия давлатининг йирик вилояти бўлган. Бактрия ва Хоразм давлатининг худудий чегаралари ўрта Амударё оқимидағи ерлар орқали ўтган. Шу ерларда бир-бирига рўпара ҳолатда иккита қадимги истехком - Одойтепа ва Қушкала курилган. Хоразмликлар эгалик қилган ерлар Сўғдиёна, Марғиёна ва Бактрияга тегишли ўлкаларга бориб тақалган. Балки шунинг учун ҳам Гекатей хоразмликлар вилоятини парфийлардан шаркий томонда жойлашган деб маълумот беради. Геродот эса парфияликлар ва хоразмликларнинг ерлари чегарадош бўлган деб кўрсатган.

Кир II Ўрта Осиёning жанубий вилоятларини истило қилиб, шу ернинг бир қисм аҳолисини юргимизнинг шимолий вилоятларига сикиб чиқариши мумкин эди, аммо қадимги Хоразм давлатининг вужудга келиши турли мураккаб маданий, этник ва сиёсий жараёнлар билан боғлиқ бўлиб, аҳамонийлар давридан олдинги замонларда бошланган.

Милоддан аввалги VII-VI асрларда шаклланган ва анча йирик бўлган Қадимги Хоразм ва Қадимги Бактрия давлатларининг аҳолиси қон-қариндош элатлар бўлиб, бир-бирига ўхша什 тилда гаплашганлар ва яқин маданий анъанааларга эга эдилар. Бу даврда жамиятнинг худудий бўлиниши шаклланиб, ўтроклашув жараёни кучайди. Шаҳарлар қишлоқ хўжалик экинзорлари билан ўралиб, қальалар пайдо бўлди, мухим савдо йўллари бўйида таянч истехкомлар қурилди, турли маконлар қурилишида мудофаа иншоотларнинг аҳамияти биринчи ўринга чиқди, мустаҳкам қалъа-паноҳ-

гоҳлар курилди, маконларнинг ҳарбий-маъмурий, ҳунармандчилик, қишлоқ хўжалик фаолиятлари янада ривожланди.

Ўзбекистоннинг турли вилоятларида археологлар қадимги шаҳар харобаларни топиб текширдилар. Кўплаб археологик топилмаларнинг гувоҳлик беришича, бу шаҳарларнинг баъзиларнинг ёши 2700 йилдан кам эмас. Уларга Афросиёб (Самарқанд), Қизилтепа (Сурхон воҳаси), Узунқир, Еркўргон (Қашқадарё воҳаси) ва бошқалар киради. Бу қадимий шаҳарлар анъаналари ҳозирги Самарқанд (Афросиёб, Мароқанда), Китоб-Шаҳрисабз (Узунқир) ёки Қарши (Еркўргон) ҳудудларида давом этди.

Энг қадимги шаҳарларга хос асосий белги уларнинг мудофаа деворлари билан ўралганлигидир. Деворлар сув тўлдирилган чукур хандақ билан ўралган. Бу мудофаа тизими анча мустаҳкам қальъаларда бўлиб, ички қалъа, аҳолининг гузарлари, ҳунармандчилик устахоналари ва савдо расталари жойлашган қисмлардан иборат бўлган. Шаҳар атрофидаги сой ва анҳорлар бўйларида дехконларнинг уй-кўргонлари жойлашиб, улар боғлар, экинзорлар билан ўралган эди. Дехкон хўжаликларини асосан жамоа ота уруғи оиласарининг вакиллари ташкил этган. Улар алоҳида уй-жойлар, хўжалик ва томорқа бинолар ҳамда ҳосилдор ерларга эгалик қилганлар. Бундай уй-кўргонлар, Хоразм (Дингилжа)да Сурхондарё (Қизилч)да ва Самарқанд атрофи (Кўргонча)да топиб текширилган.

“Авесто” маълумотларига кўра, уруғ-“вис” (айрим қишлоқ жамоаси) 15та катта оила аъзолари жами (75-90 киши) дан иборат бўлган. Сурхондарёдаги Қизилтепа шаҳри атрофида тўртбурчак шаклида курилган қадимий уй-кўргон (Қизилч)лар 3-4 кўшини уйлардан иборат бўлиб, алоҳида жойлашган қишлоқ жамоасини ташкил қилганлар. Ҳар бир катта оила жамоаси маълум уй-жой, чорва ва ерга эгалик қилиб, маълум даражада, иқтисодий мустакил бўлган. Қишлоқ жамоала-рининг ҳудудий, иқтисодий ва ижтимоий бирлашуви, ибтидоий давларга оид уруғ-қабилавий бирлашувдан анча фарқ қилиб, илк давлат тизими пайдо бўлганлигидан далолат беради.

Илк давлатларнинг ҳудудий асосини алокадор дехкончилик туманлари ташкил этган. Хўжалик юритиш

максадида ўзлаштирилган худудларда ахоли зич жойлашган бўлиб, улар ўзлаштирилмаган бепоён ерлардан фарқ килган холда қадимги “маданий-хўжалик” воҳалар деб аталади. Уларнинг ҳар бирида ҳосилдор ерлар ва сугориш тизимидан ташқари уй-қўргонлар ва манзилгоҳлар, экин экилмаган ерлар ва яйловлар мавжуд бўлган. Бу қадимги дехқончилик туманларининг тузилиши табиий-географик, ижтимоий-иқтисодий ва маданий муҳит билан боғлиқ эди.

Қадимги дехқончилик туманларининг тузилиши турлича бўлган. Манзилгоҳларнинг сони ва ўзлаштирилган ерларнинг умумий майдонига қараб маданий-хўжалик воҳалар бир нечта гурухларга бўлинган. Воҳаларнинг чегаралари сугорма дехқончилик худудлари ва сугориш тармоқларнинг чегаралари билан узвий боғлиқ эди.

Милоддан аввалги VII-VI асрларда ахоли нисбатан зич жойлашган ўтроқ воҳаларда дехқончилик жадал ривожланган. Бу воҳалар ҳосилдор тоголди текисликларида ёки дарё этакларида жойлашган бўлиб, нисбатан дехқончилик учун кулаги шароитларга эга бўлган.

Уй-қўргонлар ва айрим кишлоқларда яшовчиларнинг асосий машғулотлари кишлоқ хўжалик маҳсулотлари етиштириш ва уларни қайта ишлашдан иборат бўлган. Ер ҳайдаб дехқончилик қилиш, анхор қазиб дарёлардан сув чиқариш, канал ва арикларни доимо тозалаб туриш, сунъий сугориш ишларни йўлга кўйиш, дон экиш, чорва учун ҳашак бўладиган ўсимликларни ўстириш, боғдорчиликни ривожлантириш, хаёт манбаи бўлиб қолади.

Айрим уйларнинг ичида маҳсус устахоналар қолдиклари топиб текширилган. Бу устахоналарда оила аъзолари тошдан ёғочдан, лойдан, қамишдан, чармдан ва теридан хўжаликка, рўзғорга керакли буюмларни ишлаб чиқарганлар. Масалан, тошдан ишланган дехқончилик куроллари (ўроклар, ёргучоклар, ховончалар), кўлда ишланган кулолчилик буюмлари (сопол идишлар, чироқлар, урчук бошлари), бўйра ва тери тўшамлари кабилар уй хунармандчилиги маҳсулоти хисобланган.

Уй хунармандчилиги буюмлари ва куроллари билан бир қаторда туман шаҳар марказларининг маҳсус хунармандчилик устахоналарида сопол идишлар, металл куроллар, зеб-

зийнат буюмлари ишлаб чиқарилган.

Қишлоқ жамоалари ўртасида товар айирбошлашда “пул” вазифасини кулолчилик ва темирчилик буюмлари, озиқ-овқат ва чорва маҳсулотлари бажарган. Қишлоқ жамоаларида етиширилган маҳсулотларнинг асосий қисми шу жойнинг ўзида, яъни айрим жамоалар ўртасида истеъмол қилинган.

Етиширилган маҳсулотнинг маълум қисмларини бозорга олиб бориш хўжаликда ёки рўзгорда маҳсус қуроллар (буюмлар, кийим-кечаклар) заруриятидан келиб чиқкан. Қишлоқ хўжалиги ишлаб чиқаришнинг турли хунар касбларига боғлиқ бўлгани учун маҳсулотнинг ортиқча қисмини айирбошлаш анъанаси янада ривожланган. Савдо асосида анъанавий хўжаликлар ва хунар турлари тарақкий этган. Бу жараён ишлаб чиқаришни жадаллаштирган.

Ташки савдо (вилоятлар, мамлакатлар ўртасида)да пул ўлчовини хом ашё, қимматбаҳо хунармандчилик буюмлари (металл идишлар, яроғ-аслаҳалар, зеб-зийнатлар), қимматбаҳо тош, олтин ва кумушлар бажарган. Ўрта Осиёдан бошланадиган савдо йўллари Қадимги Шарқ мамлакатларига олиб борган. Шу йўллар орқали Бактрия тогларида қазиб чиқарилган ложувард, Хоразмда феруза, Сўғдиёнада олтин ва қалай, йилки ва туялар Эрон, Месопотамия ҳамда Олд Осиё бозорларига олиб борилган. Ктесий хабарларига кўра, Бактрия олтин ва кумуш конларига бой бўлган. Оссурия подшолигининг савдогарлари бронздан ишланган идишларни, яроғ-аслаҳаларни олтин ва кумушга алмаштирганлар.

Ўрта Осиёда милоддан аввалги VII-VI асрларда қулчилик муносабатлари (Қадимги Шарқ марказлари ва Қадимги Юнонистонга нисбатан анча фарқ қилиб) деярли ривожланмаган. Жамият ҳаётида қишлоқ хўжалиги ишлаб чиқариши катта аҳамиятга эга бўлган. Ўрта Осиёда қадимги қулчилик шаклларидан бири “уй қулчилиги” бўлган.

“Уй қули” “Авесто”да “вайса” деб аталади. “Вайса”лар катта оила жамоаси эркин аъзолари билан умумий уйда яшаганлар ва оиласининг “кичик вакилларига” айланган холос. Уй қулларнинг меҳнат фаолияти дехқончилик, уй чорвачилиги ва бошқа ишлаб чиқариш вазифалари билан боғланган. Улар жамоанинг эркин аъзоларига нисбатан анча кам бўлган. Шу давр иқтисодий ҳаётида жамиятнинг мустакил вакил-

ларининг меҳнати ишлаб чиқаришни асосий ривожлантираётган кучи бўлган. Уй қуллари иш қидириб юрган мардикорлар ва камбағаллашиб қолган қарздор, жамоа аъзоларидан бўлишган.

Шундай қилиб, ўзбек халқининг шаклланишида ва унинг давлатчилиги пайдо бўлишида туб ўтрок дехқон ахоли алоҳида ўрин тутганлиги ҳақида мухим тарихий холосага келиш мумкин. Ўзбек халқи аждодларининг ilk давлатчилиги тараққиёти қадимги шаҳарлар тарихи билан узвий боғлиқ бўлган.

Ilk давлатларнинг ташкил бўлишига, жамият ривожининг ички конуниятлари (ижтимоий-иктисодий муносабатларнинг юқори даражаси, хунармандчилик, алмашув ва савдонинг тез ривожланиши, сугорма дехқончилик кабилар)дан ташқари бошқа сабаблар - кучайиб бораётган сиёсий қарама-қаршиликлар ва ҳарбий тўкнашувлар ҳам таъсир қилди.

Милоддан аввалги VII-VI асрларда Ўрта Осиё ва Қозогистоннинг кўпгина тоф ва дашт ҳудудларида йилкиччилик ва кўчманчи чорвачилик кенг тарқалди. Кўчманчилар яроғаслаҳалари тараққиётида катта ютукларга эришиб, қурдатли ҳарбий кучга айланди. Уюшган кўчманчи қабилаларнинг ўтрок дехқончилик воҳаларга ҳавфи таҳдид сола бошлади. Ўтрок ахоли учун кенг кўламдаги ва ишончли химояни ташкил қилиш зарур бўлиб колди. Шунинг учун ҳам Хоразм, Бактрия, Марғиёна ва Сўғдиёнадаги ўтрок ахолининг ҳарбий-сиёсий иттифоқи (уюшмаси) шаклланишида, уюшган кўчманчи қабилалардан кутилаётган ҳарбий ҳавф-хатар ҳамда, эҳтимол, Мидия подшолигининг Ўрта Осиёning жанубий чегараларигача бўлган ҳудудий босқини сабаб бўлгандир.

Ўзбек халқи аждодларининг ilk давлатчилиги тарихини Ўзбекистоннинг хозирги ҳудудидан ташқари қўшни вилоятларда қадимда юз берган этник, маданий, ижтимоий-иктисодий ва сиёсий воқеа-ходисалар билан боғлиқ ҳолда талқин қилинмоғи лозим. Тарихнинг қадимги даврларида ilk давлатлар орасида ва аждодларимизнинг истиқомат ҳудудлари ўртасида аниқ маъмурий чегаралар бўлмаган. Қадимги Хоразм, Бактрия ва Сўғд чегаралари табиий бўлиб, бунда чўл ва тоғлардан фойдаланилган.

Хуллас, ҳозирги кунга қадар тўпланган маълумотларга кўра, ўзбек ҳалқи тарихида давлатчилик тизимиға ўтиш боскичи, Ўзбекистон худудида илк давлатларнинг шаклланиш ва ривожланиш жараёни куйидаги давлар билан белгиланади:

1. Бронза даври. Милоддан аввалги 2-минг йилликнинг ўрталари ва иккинчи ярми. Унчалик катта бўлмаган дехқончилик воҳалари асосида (мисол учун, қадимги Шеробод воҳаси) илк давлатчилик тизимиға ўтиш даври.

2. Бронза давридан темир асрига ўтиш даври. Милоддан аввалги IX-VIII асрлар. Майда давлат ташкилотларнинг ривожланиши ва йирик ҳарбий-сиёсий уюшмаларнинг вужудга келиши.

3. Илк темир даври. Милоддан аввалги VII-VI асрлар. Қадимги Хоразм ва Қадимги Бақтрия мисолидаги йирик давлат уюшмаларининг пайдо бўлиши.

“Авесто”, хуқукий муносабатлар. “Авесто” китоби ва зардуштийларнинг таълимоти, инсон ҳаёти ва одамларнинг ижтимоий-иктисодий муносабатлари маълум қонун-қоидаларга асослангани ҳақида маълумот беради.

Ҳақиқат, яхши сўз ва мақсад, поклик ва эзгуликка интилиш, сув, ер, олов, хонадон ва чорвани асрраб-авайлаш барча нарсадан устун ахлоқий бурч бўлиб саналган. Инсон ўзининг ишлари ва фикрлари билан, яхшилик, ёруғлик ва баҳт келтирувчи, ҳаёт ва ҳақиқат берувчи олий тангри Ахурамаздага ёрдамчи бўлиб, касаллик ва ўлимни келтирувчи сержаҳл худо Анҳро Манёга қарши бўлиши лозим эди.

Оила ва жамоада берилган сўздан ёки қасамдан воз кечиш, одамлар ўртасида тузилган аҳдномани бузиш катта гуноҳ хисобланган: “О Спитама, шартномани бузувчи киши бутун мамлакатни бузади, шу билан бирга Артага тегишли барча мулку молларга путур етказади. О Спитама, аҳдингни бузма...” (Яшт, X боб).

“Бир-бирини қўлловчи икки қадрдон дўст ўртасида тузилган аҳднома йигирма қиррали кучга эга; бир жамоанинг икки аъзоси ўртасида тузилса, ўттиз баравар кучга эга; икки ҳамкор ўртасидаги аҳднома қирқ бор ўз кучини сақлайди; эр ва хотин ўртасидаги аҳднома эллик даражали кучга эга; икки уммат орасидаги аҳднома олтмиш карра кучга эга;

устоз ва шогирд шартномасининг етмиш карралик кучи бор; куёв ва қайнота аҳдномаси тўқсон ҳиссалик кучга эга; ота ва ўғил ўртасида тузилгани юз карра; икки мамлакат ўртасида тузилган шартнома минг карра кучга эгадир...”

Демак, оила ва жамиятдаги ахлоқий ва ҳуқуқий муносабатлар (хонадон эгаси ва оила аъзолари, эр ва хотин, ота ва ўғил, куёв ва қайнота, қўшнилар ўртасида) кенг қамровли бўлиб, улар ёлғон, зўравонлик ва ноҳақликка қарши қаратилган. Шу билан бирга, “Авесто” саноғи олтита аҳдномага (қасам, кафолатни) риоя қилишга чакиради (сўз, кўл, кўй, сигир, одам, вилоят қасами).

Гуноҳлар ичида энг оғири - одам ва итлар жасадини “тупроққа топшириш”, яъни ерга кўмиш, сувга ташлаш, гулханда куйдириш жинояти бўлиб, “дунёда ҳеч бир жазо, ҳеч бир товон бундай гуноҳни поклай олмайди”, дея “Авесто” таъкидлайди.¹

Сув ва олов қошида қасамни бузган одам ҳам оғир гуноҳкор ҳисобланиб, кимда-ким қасамни бузса, у маълум миқдорда қамчин билан савалангган.

“Авесто” карздорлик ва ўғирликни гуноҳ деб ҳисоблайди: “Кимда-ким қарзни ўз эгасига қайтармаса, унинг бу амали ўша омонатни ўғирлаган билан баробар бўлади”. Олинган қарзни ўзлаштириш ҳам жиноят ҳисобланган.

Бирорга шикаст, жароҳат етказган (бирорни уриб, унинг қонини оқизган, суюгини синдириган, бошини ёрган кишилар) жазолангандар. Одам ўлдириш оғир жиноят бўлиб, ўлимга муносиб шахслар қатл қилинган, холос.

¹ Зардуштийларнинг қонунларига кўра, жасадни ерга кўмиш, сувга ташлаш, гулханда куйдириш ман қилинган. Шунинг учун ҳам жасадни зардуштийлар уйдан, манзилгоҳдан, шаҳардан, тупроқдан, муқаддас оловдан, сувдан четлаштириб уни тошли ва кумли тепаликларга ёки бошка маҳсус жойларга олиб бориб қолдиргандар. Уйдан, оловдан ва сувдан узок жойларда ташлаб қолдирилган мурдаларни йиртқич ҳайвонлар ва күшлар йўқ қилганлар. Йил давомида қор ва ёмғир сувлари мурда суякларини ювиб, уларни қўёшнинг муқаддас нури яна тозалагандан сўнг, маҳсус одамлар - “гўрковлар” зардуштийларнинг очиқ қабристонларига келиб, тозаланган суякни қишлоқ-شاҳарларга олиб келганлар. Фақат шундагина, мураккаб дафн маросимидан кейин, суякларни ерга кўмиш ёки маҳсус хоналарда, сопол идишларда ва тобутчаларда сақлаш мумкин эди.


“Авесто” оилани, фарзандларни, уй-жойни асраб-авайлашга чакиради: “Кимнинг уйи бўлса, у уйсиз бехонумон одамдан яхшироқдир”. Жамоадаги тартиб-интизомни назорат килувчи маҳсус кишилар баҳсли масалаларни ҳал қилганлар.

“Авесто” қонунлари ижтимоий ва иқтисодий ҳаётдан, ахлоқ ва диндан келиб чиқсан қарашлар, жамиятдаги инсонларнинг ўзаро алоқалари тажрибасига асосланган бўлиб, инсон ва жамоанинг ҳар кунги ҳаётини, ички ва ташки муносабатларини хукукий назорат қилишига қаратилган. Бундай ёндошув даставвал ноҳақлик ва жиноятга тўсик кўйиш, уларнинг олдини олиш мақсади билан узвий боғланган.


“Авесто”. Жиноят ва жазо турлари




Ижтимоий мансаблар ва бошқарувнинг пайдо бўлиш асослари




Кадимги дехқончилик тумани тизими




Милоддан аввалги VII-VI асрларда хусусий мулкнинг турлари



**Илк шаҳарнинг тузилиши
(мил.ав. VII-VI асрлар)**



Милоддан аввалги VII-VI асрлар



Аҳамонийлар босқинига қарши кураш

Милоддан аввалги VI асрнинг ўрталариға келиб, Эрондаги Аҳамонийлар давлатининг ҳарбий сиёсати қўшни давлатларни босиб олишга қаратилди. Подшо Кир II даврида форслар Мидия, Эlam, Бобил каби қадимги давлатларни босиб оладилар.

Аҳамоний подшолар Ўрта Осиёда аввало Парфия, Марғиёна, Бақтрия ва сакларни бўйсундиришни режалаштирганлар. Геродотнинг маълумотларига кўра, Кир Пининг ҳарбий юришларига “Бобил, Бақтрия халқи, саклар ва мисрликлар тўсик бўлиб турганлар”. Милоддан аввалги 545-540 йилларда Кир II Парфия, Марғиёна ва Бақтрияни ўзига бўйсундиради.

Кир II нинг Ўрта Осиёга иккинчи юриши массагетларга қарши бўлиб милоддан аввалги 530 йилнинг июль-август ойларида бошланган. Бу воқеалар Геродотнинг “Тарих” китобида форсларнинг Аракс (Амударё) дарёсидан кечиб ўтиши ва массагетлар ерларининг ичкарисига кириб бориши, Тўмариснинг ўғли Спаргапис бошчилигидаги массагетларнинг бир кисми тасодифан форслардан мағлубиятта учраши (массагетларнинг баъзилари жойда ўлдирилади, бошқа бирлари асирикка олинади), Тўмарис бошчилигидаги массагетларнинг ҳаракатлари натижасида форсларнинг бутунлай кириб ташлашиши, подшо Кир жасадининг жанг майдонидан топилиши ва унинг кесилган бошининг қон билан тўлғизилган мешга солиниши тасвиrlанган.

Геродот массагетлар ва форслар ўртасидаги жанг тафсилотлари ҳақида шундай ҳикоя қиласи: “Менинг билишимча, бу жанг барча жанглардан ҳам даҳшатлироқ эди. Аввал ҳар иккала қўшин бир-бирларини узоқ масоффадан туриб камондан ўққа тутдилар. Камон ўқлари тугагач, икки душман кучлар найза ва қилич билан курашдилар. Жанг узоқ вақт давом этди. Кўп қон тўкилди. Ниҳоят массагетлар ғалаба қозондилар. Форс қўшинларининг катта кисми, жумладан, Кир ҳам жанг майдонида ҳалок бўлди”.

Маълумотларининг сўнгигида Геродот “Кирнинг ўлими ҳақидағи кўпдан-кўп ҳикоялар орасида, менимча, бу энг ишончлисиидир” деб хулоса чиқаради.

Милоддан аввалги 522 йилда Аҳамонийлар тахтига Доро I ўтиради. У тахтга ўтириши биланоқ босиб олинган кўпчилик вилоятларда, жумладан, Парфия, Марғиёна ва саклар ўлкасида форсларга қарши кўзголонлар кўтарилади. Беҳистун ёзувларида Доро I шундай ёзади: “Мен Бобилда бўлганимда қуидаги давлатлар мендан ажралиб чиқиб кетдилар: Форс, Элам, Мидия, Оссурия, Миср, Парфия, Марғиёна, Саттагадия, Сака”.

...Шоҳ Доро айтурки: “Марғиёна мендан ажралиб чиқиб кетди. Марғиёналик Фрада исмли бир киши ўзини вилоятнинг ҳокими деб эълон қилди. Кейин мен, Бактрия сатрапи, бўйсунувчи одамим форс Дадаршишни чакириб, унга бўйруқ бердим: “Менга бўйсунмаган исёнчиларни тор-мор килиш керак”. Дадаршиш қўшинлари кўзголончилар билан жанг қилди. Ахурамазда менга ёрдам берди. Ахурамазда иродаси билан форс қўшинлари кўзголончиларни бутунлай мағлубиятта учратди. Бу жанг асиядий ойининг 23-кунида содир бўлди. Шундан сўнг давлат менинг кўлимга кирди. Мана мен Бактрияда нималарни қилдим”.

Кўзголон шафқатсизларча бостирилиб, 55 минг марғиёналик қатл этилади. Етти мингта яқин киши асир олиниди. Кўзголончилар бошлиғи Фрада кўлга олиниб ўлдирилади.


“Подшо Доро хабар қиласи: “Бундан сўнг мен сакларга қарши сак юргига бостириб бордим, уларнинг ўzlари чўқки қалпоқ кийиб юрадилар. Мен дарёга етиб келдим, дарёда кемалардан кўприк қилиб сакларни тор-мор қилдим. Уларнинг сардори Скунха исмли киши қўлга олинди. Мен ўз хоҳишим билан саклар юргига янги бошлиқ тайин қилдим”.

Қадимги давр муаллифи Полиен, жасур Широқ образи орқали сакларнинг Аҳамонийларга қарши қаҳрамонона курашини ҳикоя қиласи.

Кўпгина манбаларнинг маълумот беришларича, Ўрта Осиёning катта қисми Аҳамонийлар давлати таркибига кирган. Шоҳ Доро айтурки: “Форс вилоятидан ташқари қуидаги мамлакатларни мен бўйсундиргандман. Улар менга хирож тўловчи бўлган, менинг сўзимни ижро этган, менинг қонунимга асосланиб ривожланаётган: Мидия, Элам, Парфия, Аръё, Бактрия, Сўфдиёна, Хоразм, Сака Хаумоварка,

ҮРТА ОСИЁ ВИЛОЯТЛАРИ АҲАМОНИЙЛАР ДАВЛАТИ ТАРКИБИДА

Мил.ав. 530 йилгача Форс давлатининг чегаралари
Доро I даври сатрапликлари
Шоҳ йўли



Сака Тиграхауда, денгиздан нариги ердаги саклардир”.

Геродотнинг айтишича, Доро I Аҳамонийлар давлатини 20та ўлкага бўлган. Тарихчи Ўрта Осиё халқлари ҳақида бундай хабар қиласиди: “Бактрияликлардан эгларгача бўлган халқлар 360 талант солик тўлаганлар. Бу ўн иккинчи ўлка.

Саклар ва каспийлар 250 талант тўлаганлар. Бу ўн биринчи ўлка. Парфияликлар, хоразмликлар, сўғдлар ва арийлар 300 талант тўлаганлар. Бу ўн олтинчи ўлка” (Бир талант 25,92 кг. кумушдир).

Геродот аҳамонийлар қўшинидаги Ўрта Осиё вакиллари ҳақида “Бактрияликларнинг уст-боши мидияликларнинг уст-бошига ўхшаган, улар ўқ-ёй ва калта назалар билан куролланганлар. Саклар узун чўққили қалпоклар кийиб, камон ва ханжарлар билан куролланганлар. Яна уларда икки қиррали ҳарбий болталар-сагарислар бўлган.

Парфияликлар, хоразмликлар, сўғдлар, гандарийлар ва дадиклар бактрияликларнинг куролларига ўхшаган яроғаслаҳалари билан ҳарбий юришни бошлаганлар”, дейди.

Эрондаги қадимги Персепол шахридан бактрияликлар, хоразмликлар, сўғдлар ва сакларнинг ўйиб ишланган расмлари топилган (Доро I ва Ксеркс подшолар сарой деворларида бўртма расмларда турли халқларнинг хирож келтириш манзараси тасвирланган).

Турли халқлар қаторида сўғдийлар 8-гурухда кўрсатилган. Улар етти кишидан иборат бўлиб, шохга идишлар, газмол, номаълум ҳайвон териси ва икки кўйни етаклаб келаётгани тасвирланган.

Саклар узун чўққили қалпокларда тасвирланиб, кийим-кечакларни кўтариб, отни етаклаб бормоқдалар. Бақтрияликларнинг беш вакили идишларни ва туюни олиб бораётганилиги тасвирланган. Хоразмликлар дудама ханжар, ҳарбий болта, билагузук ва отни олиб келаётгани тасвирланган.

Бу расмларда Сўғдиёна, Бақтрия, Хоразм ва саклар вилоятидан бўлган солик тўловчиларининг аҳамонийларга турли хил буюмлар (хунармандчилик, тикувчилик, заргарлик, ҳарбий куроллар), Қадимги Шарқда машхур бўлган отлар ва туюларни олиб келаётгани тасвирланган. Ундан ташқари, Суза ёзувларига кўра, Ўрта Осиё вилоятларидан Эронга олтин, ложувард, феруза ва қимматбаҳо тошлар олиб

келинган. Суза шаҳрида топилган ёзувларда Доро I бундай эълон қилади: “Сузадаги саройни мен бино қилганимда унинг безаклари узок юртлардан олиб келинди. Уака ёғочи Гандҳарарадан, олтин Сард ва Бақтриядан, ялтироқ тошлар ва ложувард Сўғдиёнадан, фируза Хоразмдан, кумуш ва бронза Арахозиядан, тош устунлари Эламдан етказиб берилган”.


Аҳамонийлар даврида Ўрта Осиё ўтрок аҳолисининг асосий машғулоти дехқончилик эди. Қадимги манзилгоҳлардан кўплаб меҳнат қуроллари: ўроқлар, кетмонлар, ёрғучоқ ва озиқ-овқат маҳсулотлари қолдиқларининг топилиши дехқончилик хўжалигидан далолат беради.

Милоддан аввалги VI-IV асрларда Хоразм, Бақтрия, Сўғдиёна ва Фарғона воҳаларида кўплаб шаҳар ва қишлоқлар бўлган. Йирик шаҳарлар Афросиёб (Самарқанд), Кўк-тепа (Зарафшон воҳаси), Узунқир ва Еркўргон (Қашқадарё), Қизилтепа (Сурхон воҳаси), Кузалиқир (Хоразм) қалин ва мустаҳкам мудофаа деворлари билан уралган бўлиб, улар вилоятлар ва дехқончилик туман воҳаларининг маъмурий ва иқтисодий марказлари вазифасини бажаргандар. Шаҳарларда кулолчилик, темирчилик, бронза қуиши, тўқимачилик ва савдо-сотик ривожланган.

Ўзбекистон ва умуман, Ўрта Осиё аҳолиси ҳаётида дехқончилик катта аҳамиятга эга бўлиб, у сунъий суғоришга асосланганди. Амударё, Мурғоб, Зарафшон дарёлари катта сув манбаи бўлиб, улардан суғориладиган ерларга каналлар орқали сув чиқарилган.

Аҳамонийлар даврида қўпгина Шарқ халқларининг сиёсий бирлиги, кенг маданий ва иқтисодий алоқалар ривожига асос солди. Бу даврда Ўрта Осиёда оромий ёзуви тарқалади. Оромий ёзуви асосида тўртта маҳаллий ёзув ажralиб чиқди. Булар парфия, сўғд, бақтрия ва хоразм ёзувлари бўлиб, улар Ўрта Осиё худудида араблар келгунга қадар сакланиб қолди. Милоддан аввалги VI-IV асрларда хунармандчилик ва савдо-сотик муносабатларининг ривожланиши натижасида Ўрта Осиё халқлари илк марта зарб қилинган танга пуллар билан танишдилар ва муомала қилдилар. Ўрта Осиё худудидан аҳамонийлар пул тартибига оид тангалар топилган.

Ўрта Осиё вилоятлари Аҳамонийлар давлати
таркибида



* Бир талант 25,92 кг кумушдир.

Македониялик Искандарнинг юришлари ва юнон-македон босқинчиларига қарши кураш

Милоддан аввалги 334 йилда македониялик Искандарнинг қўшинлари Кадимги Шаркда хукмронлик қилган форсларга қарши юриш бошлади. Уч асосий қаттиқ жангларда форслар мағлубиятта учрадилар ва македонлар Аҳамонийлар давлати шаркй чегараларига етиб бордилар.


Милоддан аввалги 329 йилда Искандар Ҳиндикуш тоғидан ўтиб Бақтрияning маркази Бақтра шахрини истило қилади. Бақтрия ва Сўғдиёнанинг ҳокими Бесс охирги аҳамоний подшоси Доро Шни ўлдиришда қатнашиб, ўзини Артаксеркс-“улут подшо” деб эълон қилади ва Сўғдиёнанинг Наутака вилоятига қочиб кетишга мажбур бўлади.

“Александр анабасиси”, яъни “Искандар юришлари” деган асрнинг муаллифи тарихшунос Арриан (милодий 90-175 йиллар) “Бесс Окс дарёсидан кечиб ўтади ва кемаларини ёндириб, Наутака-сўғдийлар ерига йўл олади. Спитамен ва Оксиарт билан бирга сўғдийлар чавандозлари ҳамда Танаис дайлари унга эргашадилар. Бақтрия чавандозлари Бесснинг қочишидан хабар топиб, ҳар томонларга қараб ўз уйларига йўл оладилар” дейди.

Бактрадан Сўғдиёна маркази Мароқанда шаҳрига Сурхон ва Қашқадарё воҳалари орқали тўғри йўналишда 12 кун давомида етиб бориш мумкин бўлган. Сўғдиёнага юришлар жиддий ҳарбий тайёргарликдан сўнг, Бақтра шаҳридан бошланган. Искандар озиқ-овқат маҳсулотларини етарли ғамлаб олиб, Окс-Амударёга йўл олади.

Юнон-македонларнинг Окс бўйларига етиб келиши дарёнинг серсув даврига (баҳор ойларида дарё тўлиб оқарди) тўғри келди. Рим тарихшуноси Курций Руфнинг айтишича, Искандар “аскарларга сомон билан тўлдирилган мешларни тарқатишга қарор қиласди; улар мешлар устида дарёдан сузуб ўта бошлайдилар. Дарёдан биринчи бўлиб кечиб ўтганлар кўриқчилар хизматини бажариб, бошқаларни кутиб оладилар. Шу тарзда қўшинлар олтинчи куни дарёнинг нариги қирғогига ўтиб олишга муваффақ бўладилар”.

МАКЕДОНИЯЛИК ИСКАНДАРНИНГ ЮРИШИ



Искандар аскарлари Амударёни Термиз ва Калиф шахри ўртасидан кечиб ўтадилар. Бу вактда Бесс - Артаксеркс Сўғдиёна ичкарисига қараб кетади, уни Спитаман бошчилигидаги сўғдийлар асирикка олиб, Искандарга топширишга тайёр бўладилар. Искандар лашкарбоши Птолемей Лагни Наутакага юборади. Соқчилар ўзлари кўриклаб турган Бессни маҳсус жойда қолдириб, македонлар учун номаълум бўлган томонга қараб кетадилар.

Наутака ҳамда Мароқанда шаҳарларини Искандар забт этади. Мароқанда атрофида жойлашган босқинчиларга қаршилик кўрсатган сўғдийларнинг уй-кўргонлари подшо буйругига биноан вайрон қилинади. Шундан сўнг Сўғд аҳолиси босқинчиларга қарши чикади.

Искандар Мароқанда шаҳрида ўз ҳарбийларининг бир қисмини қолдириб, Сирдарё-Яксарт томонга йўл олади. Уструшона, ҳозирги Жиззах ва Сирдарё ўртасидаги тоғларда яшовчи аҳоли македон қўшинларига ҳужум қиласидилар. Искандар яраланади, аммо бу жанг унинг ғалабаси билан якунланади.

Сирдарё этагига яқин бўлган вилоятда Курушката ёки Кирополис (Кир шахри) қамал қилинади (унинг харобалари ҳозирги Ўратепа атрофида жойлашган).

Шу даврда Сўғдиёнадан хавотирли хабар келади - Спитаман бошчилигига юонон-македонларга қарши кураш бошланади ва Мароқандадаги Искандарнинг ҳарбий қисмлари қамал қилинади. Зарафшон, Қашқадарё ва Сурхон воҳаларининг маҳаллий аҳолиси ўз юртининг озодлиги ва мустақиллигини босқинчилардан ҳимоя қиласидилар.

Қўзғолончиларга қарши Искандар маҳсус қўшинларни Мароқандага шошилинч жўнатади. Политимет (Зарафшон) жангидаги Спитаман юононлар устидан ғалаба қозонади. Ариян ушбу жангни бундай тасвирлайди: “Каран гиппарх (отлик қўшиннинг йўлбошчиси) Андромахга хабар қилмасдан отликларни бекинтириш учун дарёдан кечиб ўта бошлайди; пиёда қўшин ҳам отликлар ортидан буйруксиз йўл олади; умуман тартибсиз ва кўркув ҳолатида бўлган жангчилар дарёга жарлик кирғокларидан тушадилар. Македонларнинг хатоларини сезиб қолган отлик сўғдийлар ҳар иккала кирғоқдан дарёга ташланадилар. Уларнинг баъзилари дарёдан кечиб

ўтганлар ва дарёни кечиб ўтаётганларга рўпара бўлиб, уларни ортга, сувга улоқтирадилар ёки ўқ отадилар, ёки дарёга келаётганлар ортидан хужум қиласидилар. Оғир ахволга учраган македонлар дарё ўртасидаги кичик оролга ташланадилар. Спитаман аскарлари уларни ўраб олиб, барчасини кириб ташлайдилар; бошқа бир кичик қисмини асирикка олиб, ҳаммасини ўлдирадилар”.

“Бу жангда, - ёзади Курций Руф, - 2000та пиёда аскарлар ва 300та чавандозлар ҳалок бўлади. Искандар жанг майдонидан чиқиб келган аскарларни ўлим жазоси билан қўркитиб, бу мағлубият ҳақидаги хабарни эҳтиётлик билан сир саклади”.

“40та отлик ва 300та пиёдалардан ташқари ҳеч ким кутулиб қолмаган, - маҳсус таъкидлайди Ариян. - Шу мағлубият ҳақида Искандарга хабар етиб келганда, у аскарларнинг аччиқ тақдиридан қайғуга тушади ва Спитаманга қарши шиддатли хужум қилишга қарор қиласиди. У ўзи чавандозлар қўшинининг ярмига, қалқончиларнинг барчасига, ўқчиларга ва тез юрар пиёда аскарларга йўлбошчи бўлиб, Мароқандага йўл олади”.

Ёзма манбалардан келтирилган маълумотлар шуни кўрсатадики, Искандар учун бу жуда ҳам йирик мағлубият бўлиб, Спитаманга қарши жiddий тайёргарлик кўришни талаб қиласиди.

Искандар асосий кучлари билан Мароқандага етиб келади, аммо Спитаман “подшо шахри”га ва кейинчалик Бухоро томонга чекинади. Фазабланган Искандар (у ҳали бирор марта енгилмаган эди) Мароқанда ва Бухоро шаҳарлари оралиғидаги 120 минг тинч аҳолини кириб ташлайди.

Милоддан аввалги 328 йилда Спитаман Бактрияда ва Куйи Зарафшонда юнон-македонларга қарши хужум уюштиради, аммо бу жанглар Спитаман учун муваффақиятсиз якунланади ва Спитаман саклар билан чўлга қочишга мажбур бўлади. Саклар Искандарнинг уларнинг ерларига хужумга тайёргарлик кўраётганидан хабардор бўлиб, Спитамани ўлдирадилар.

Юнон-македон босқинчиларига қарши кураш Ўзбекистон қадимги тарихининг ёркин саҳифаларидан бири хисобланади. Спитаман бошчилигидаги кўпдан-кўп аждодларимиз учун ватанпарварлик, она ер мудофааси ва озодлик учун кураш муқаддас бурч бўлган.

Рус тарихчи олими В.В.Григорьев бу қадимий ватан-парварларга хурмат-иззат билан қараб, уларнинг муқаддас курашларига жуда юксак баҳо берган: “Доро Искандардан ўз подшолигини ҳимоя қилолмади, Бесс разил номард бўлиб чиқди, аммо бу ерда, Туронда, шундай юраклар топилдики, улар чет элликларга бўйсуниш сезгисига итоат этмадилар, шундай мардлар топилдики, улар чакирилмаган бегоналарга қарши ҳалқ қососи намоён этдилар”.

Искандар Бақтрия, Сўғдиёна ва Уструшенанинг бир қисмини истило қилиб, милоддан аввалги 327 йилда Ҳиндистонга ҳужум бошлайди. Хоразм, Чоч, Фарғона ва саклар юрти мустақил бўлиб қолади. Сўғдиёна, Бақтрия, Марғиёна ва Парфия янги давлатта қўшилиб, кейинчалик уларнинг тупроғида айрим юонон-македон давлатлари вужудга келади.

Искандар Шарқ ҳалқларини Аҳамонийлар зулмидан озод қилиб, уларни юонон-македон зулми остида қолдирди. Ўрга Осиёда забт этилган вилоятлар ва шаҳарларни бошқариш учун юонон-македон саркардалари билан бирга маҳаллий ҳокимлар ҳам жалб этилган. Ёзма манбалардан маълумки, Искандар даврида маҳаллий аҳоли вакилларидан Артабоз-Бақтрияда, Оксиарт ва Хориен Сўғдиёна вилоятларида ҳокимлик қиласар эдилар.

Тарихшунос Курций Руф: “Искандар бақтрийлар вилоятини Артабоз идорасига топшириб, бу жойдаги кўриқчилар қўшини билан бирга от-арава юкларини қолдиради. Ўзи эса ҳаракатдаги қўшинларга йўлбошчи бўлиб, Сўғдиёна сахросига йўл олади”, дея хабар қилади.

Сўғдиёнада ўз ҳокимиятини мустаҳкамлаш мақсадида милоддан аввалги 327 йилда Искандар Ҳисор тизмасида жойлашган ва Оксиарт эгаллаб турган “Сўғд қальаси”ни қўлга киритиб, унинг қизи Роҳшанакка (Равшана-Роксанা) уйланади. Демак, Искандар маҳаллий ҳокимият вакилларига нисбатан мақсадли сиёsat олиб борган. Шунингдек, Сўғдиёна ва Бақтрия чегараларида жойлашган тоғли вилоят Хориен идорасига топширилади.

Искандарнинг ҳарбий юришлари Шарқ ва Ғарб ўртасидаги кенг савдо-сотиқ ҳамда маданий алоқаларнинг ривожланишига олиб келди. Искандар ва унинг яқин лашкарбошиларининг ўлимидан сўнг маҳаллий ҳамда юонон мада-

НИЯТИНИГ КЎШИЛИШИ ЖАРАЁНИ БОШЛНАДИ. БУ ЖАРАЁННИНГ ТАЪСИРИНИ МОДДИЙ МАДАНИЯТНИНГ РИВОЖЛАНИШИДА, КУРИЛИШ ВА МЕМОРЧИЛИКДА, КУЛОЛЧИЛИК ВА ТАСВИРИЙ САНЪАТДА, ЯНГИ ЁЗУВЛАРНИНГ ТАРҔАЛИШИДА, ТАНГАШУНОСЛИКДА ҲАМДА ДИНИЙ ЭЗТИҚОДЛАРДА КЎРИШ МУМКИН. ЮНОНЛАР ҚАДИМГИ ШАРҚНИНГ ЖУДА КЎП МАДАНИЙ ЮТУКЛАРИНИ ҚАБУЛ КИЛАДИЛАР ВА ЎЗЛАРИНИНГ МАДАНИЙ ТАЪСИРЛАРИНИ ҲАМ МАҲАЛЛИЙ АҲОЛИНИНГ МАДАНИЯТИГА ЖОРИЙ ЭТАДИЛАР. ШУ ДАВРДАН БОШЛАБ, БИР НЕЧА АСРЛАР ДАВОМИДА, ШАРҚНИНГ СИЁСИЙ ТАРИХИ (ДАВЛАТ ТИЗИМИ, БОШҚАРУВ УСУЛЛАРИ, ҚОНУNLАР ВА ХУҚУҚ)ДА ТУРЛИ АНЬАНАЛАРНИНГ СИНТЕЗИНИ, ЯТЬНИ КЎШИЛИБ РИВОЖ ТОПИШНИ КУЗАТИШ МУМКИН.

Үрта Осиёда Искандарнинг бошқарув фаолияти асослари



Милоддан аввалги IV аср охири - милодий IV аср давлатчилик тарихи

Македониялик Искандарнинг ҳарбий юришлари натижасида Болқон ярим ороли, Кичик Осиё, Миср, Сирдарё ва Хиндистонгача чўзилган ҳудудда улкан давлатга асос солинади. Бу давлатнинг пойтахти қилиб Искандар Бобил шаҳрини эълон килади. Аммо унинг асосчиси вафотидан сўнг (мил. авв.323 йил) бу йирик давлат парчалана бошлади.

Милоддан аввалги 312 йилда, тахт учун бўлган тўхтовсиз курашлар натижасида, давлатнинг шарқий қисми (Кичик Осиё, Суря, Эрон ва Ўрга Осиё) саркарда Салавка хукмронлигига ўтади. Салавкийлар ҳокимияти Шарқдаги ҳарбий манзилгоҳларда жойлашган юонон-македон ва македонлар яроғаслаҳалари билан куролланган маҳаллий ҳалкларнинг вакиллари ҳарбий кучларига таянган эди.

Юонон-македон ҳокимиятини мустаҳкамлаш мақсадида Шарқда кўплаб ҳарбий таянч нуқталарни барпо этиш Искандар даврида бошланган эди. Жумладан, юонон тарихчиларининг хабарларига кўра, Искандар Ўрга Осиёда 8-12тacha шаҳарга асос солган (Оксдаги Александрия, Александрия Эсхата, Марғиёнадаги Александрия ва ҳоказо). Уларнинг бъязи бирлари Сўғдиёна ва Бақтрияда вайрон килинган шаҳарларнинг ўрнига қурилганига ҳарбий истехкомлар сифатида пойдевор тоши кўйилган. Шу шаҳарлардаги юонон-македонларнинг отлиқ ва пиёда қўшинлари қўриқчи вазифаларини бажарган.

Салавкийлар давлати яхлит бир ҳалқ ёки элатларни бирлаштиргмаган бўлиб, бу давлат турли этник гуруҳларни ҳарбий йўл билан бирлаштириш орқали ташкил топган эди. Давлат бошқарувининг барча сиёсий, хукукий ва ижтимоий йўналышлари подшо саройи билан боғлиқ бўлиб “подшо саройи” давлат бошқарувида катта аҳамиятга эга эди. Аҳмонийлар даврида бўлгани каби Салавкийлар давлатида ҳам кўпгина давлат ишларини олиб борувчи девонхона мавжуд бўлган. Айрим манбалар Салавкийлар саройидаги хат-хужжат ишларининг бошлиғи лавозими ҳақида маълумотлар беради.

Искандар давлатининг қулаши ва Ўрта Осиёда янги давлатларнинг ташкил топиши



Тадқиқотчиларнинг фикрларига қараганда, Салавкийлар давлатида анчагина мураккаб солиқ тартиби мавжуд бўлиб, Салавкийлар хукмдорлари ўзларигача мавжуд бўлган солиқ тартибини ўзлаштирган ҳолда, унга бирмунча ўзгартиришлар киритадилар. Дехқонлардан ер солигини йигиб олиш сатрап ҳокимларнинг вазифаси эди. Бу солиқларнинг микдори аниқ белгиланган бўлиб, вилоятлардан келадиган солиқларнинг умумий микдори қишлоқ жамоаларидан тушадиган солиқларга боғлиқ бўлган.

Милоддан аввалги 293 йилда давлатнинг шарқий вилоятларига Салавка ва Спитаман қизи Апаманинг ўғли Антиох ҳоким вазифасини бажарувчи бўлиб тайинланади. Она авлоди томонидан Антиох учун Ўрта Осиё ота-боболари юрти бўлган.

Уни ҳоким лавозимига тайинланишида ҳам ушбу қариндошчилик ҳисобга олинган. Демак, Салавкийлар даври бошқарув тизимиға хос асосий хусусиятлардан бири давлатдаги ҳукмрон шахс вакиллари юнон-македон ва маҳаллий зодагонларнинг наслий томондан аралаш бўлиши лозимлигидадир.

Антиох кўпдан-кўп Салавкийларга қарши қўзғолонларни бостиришга, янги истеҳкомларни куришга, отаси ва шахсан ўзининг номидан танга пулларни зарб этишга ва бошқа давлат ишларини бажаришга мажбур бўлади. Ниҳоят милоддан аввалги 280 йилда Салавканинг ўлимидан сўнг Антиох йирик давлатнинг подшоси бўлиб, 20 йил давомида ҳукмронлик килади.

Салавкийлар давлатида таҳтни бошқариш учун ўзаро кураш авж олади. Милоддан аввалги III асрнинг ўргаларида Салавкийлар давлатидан Бақтрия ажралиб чиқади. Юнон муаллифининг маълумотларига кўра: “Диодот, бақтрияликларнинг минг шаҳарлари ҳокими ўзини подшо деб эълон килади”. Шундай қилиб, Юнон-Бақтрия давлатининг тарихи бошланади. Бу давлатта Салавкийлардан мустақил бўлган яна бир давлат - Парфия рақобат қилиб, кейинчалик қудратли Рим империясига қарши кураш олиб боради.

Юнон - Бақтрия давлатининг гуллаб-яшнаган даври милоддан аввалги III асрнинг иккинчи ярми ва II асрнинг биринчи ярмига тўғри келади. Юнон-Бақтриянинг маркази Бақтра шаҳри эди. Давлат бир неча деҳқончилик вилоят ва туманларини ўз ичига олган. Юнон-Бақтрия давлати марказлашган бўлиб, вилоят ва туман ҳокимлари подшога бўйсунар эдилар. Подшо юнон-македон авлодларидан (Диодот, Евтидем, Деметрий, Евкратид) бўлган.

Юнон-Бақтрия давлат тизими Искандар даврида жорий этилган сиёсий анъаналарга асосланган. Подшо фаолияти ҳарбий кучларга ва вилоятлар ҳокимларига таянган эди. Мухим савдо йўллари бўйида ҳарбий-стратегик ва иқтисодий ахамияттага эга бўлган жойларда таянч истеҳкомлар ва қальсаноҳгоҳлар курилган.

Милоддан аввалги III-II асрларда турли давлатлар ўртасидаги низолар ва урушларга қарамай, шу давр ижтимоий-иктисодий хаётида босқичма-босқич ривожланиш жараён-

ларини кузатиш мумкин (қишлоқ хўжалиги, хунармандчилик ва шаҳарларнинг ривожланиши борасида).

Милоддан аввалги II асрнинг ўргаларида Юонон-Бактрия давлати тинимсиз урушлар олиб боришига мажбур бўлиб, ҳарбий-сиёсий қудратини йўқота бошлайди. Бундан фойдаланган юэчжи қабилалари милоддан аввалги 140-130 йилларда Юонон-Бактрия подшолигини босиб оладилар.

Милоддан аввалги I асрда юэчжи қабилари уюшмасида Гуйшуан (Кушон) ҳокимлиги анча кучайди. Олимлар фикрига кўра, дастлаб гуйшуан қабиласи Сурхон воҳасида жойлашган ва уларнинг пойтахти Далварзин шаҳри (Шўрчи тумани) бўлган. Подшо Кужула Кадфиз даврида Кушон ҳокимлиги худуди анча кенгайиб, давлат таркибига Жанубий Тожикистон, Афғонистон ва Каашмир ерлари қўшиб олинган.

Кушон подшолари ичидаги энг машҳури Канишка даврида(I-II асрлар) давлат улкан салтанатта айланди. Кушон подшолиги Сурхон воҳаси, Жанубий Тожикистон, Афғонистон, Шимолий Хиндистон ва Шаркий Туркистон худудларини ўз ичига олган. Канишка замонида пойтахт Пешоворга қўчирилади. Қадимги дунё тарихида машҳур бўлган Рим, Парфия, Хитой давлатлари каби Кушон подшолиги ҳам йирик қудратли давлатлардан бирига айланди. Хитой муаллифи Сюань Цзяннинг ёзишича, Канишка подшолик килган даврда унинг шон-шухрати қўшни мамлакатларга ёйилди.

Шуниси дикқатга сазоворки, Ўзбекистон ҳудудининг асосий қисми (Хоразм, Зарафшон, Қашқадарё, Тошкент ва Фаргона воҳалари) Кушон давлати таркибига кирмаган. Ушбу ҳудудларда бошқа маҳаллий давлатлар ривожланиб, кушон маданиятига хос анъаналар деярли тарқалмаган. Бундан ташқари, Кушон давлатининг шимолий чегаралари Кўхитоғ, Бойсун ва Ҳисор тоғлари орқали ўтгани ҳакида Бойсун туманидаги Дарбанд атрофида топиб текширилган йирик, мустахкам мудофаа деворлари далолат беради. Улар ҳарбий таянч нукта сифатида давлат чегараларида барпо этилган.

Кушонлар сулоласи ёзма манбалар асосида ва тангашунослик тадқиқотлари орқали ўрганилган. Кушонларни ilk тангаларининг бир томонида Юонон-Бактрияning сўнгти

подшоси Гермей тасвири, иккинчи томонда эса “кушонлар ёбуси Кужула Кадфиз” деган сўзлар бор. Демак, дастлаб Кушон ҳокимлари ўз номларини “подшо”, “шоҳ” тушунчалари билан боғламаганлар. Аммо Кушон давлатининг худуди кенгайиши ва унинг сиёсий-ҳарбий аҳамияти ўсиб бориши билан бирга танга пулларда “шоҳ”, “шоҳлар шоҳи” атамаси кўпдан-кўп учрайди. Бундай ўзгаришлар давлатнинг ҳарбий курратини кўпчилик мамлакатлар томонидан тан олинганини изоҳлайди.

Подшо Канишка I ўзидан олдинги давлатни бошқарув анъаналарини саклаб қолди ва давом эттириди. Маълум вилоятлар ва шаҳарлар давлат тепасида турувчи олий ҳукмдор ноиблари томонидан бошқарилар эди. Бундай ноиблар подшо томонидан тайинланиб, унинг энг яқин ва ишончли вакиллари хисобланган. Улар олий ҳукумдорга сўзсиз итоат этиб, доимий равишда давлат хазинасига ўлпонлар тўлаб турганлар. Кушонлар даврида маҳаллий ахолидан йигиладиган солик тартиби ҳақидаги маълумотлар бизгача сакланмаган бўлса-да, бундай тартиб мавжуд бўлганлиги аниқ.

Буюк ипак йўли тармокларида жойлашган Кушон подшолиги гуллаб яшнади. Кўпдан-кўп янги шаҳарлар бунёд этилди. Бу даврда қўплаб сугориш иншоотлари курилиб, янги ерлар ўзлаштирилди.

Шаҳарлар курилишида аниқ бинокорлик қоидалари амалга оширилган. Шаҳарлар тўғри бурчакли бўлиб, қалин деворлар билан ўралган. Шаҳар тузилишига кўра, у бир неча кисмларга бўлинган: ҳоким саройи (қалъя), хунармандчилик устахоналари, гузарлар, алоҳида ибодатхоналар жойлашган кисми, савдо майдони ва бошқалар.

Кушон подшолиги иқтисодиётининг асосини суғорма деҳқончилик, савдо ва хунармандчилик ташкил қилган. Хунармандчилик турли касблардан иборат бўлган: кулолчилик, ҳарбий куроллар ясаш, заргарлик, темирчилик, тўкувчилик.

Хиндистон, Хитой ва Рим салтанати билан савдо ва элчилик муносабатлари ўрнатилди. Савдо муносабатларининг ривожланишида Буюк ипак йўлининг аҳамияти катта бўлган. Хитойдан ипак, турли газламалар ва чинни, Хитойга темирдан ва фил суюгидан ишланган буюмлар, жун, газлама, киммат-

баҳо тошлар ва бошқа маҳсулотлар олиб борилган. Термиздан Рим тангалар хазинаси, Ўрта ер денгизи атрофи ҳудудларида эса кушон тангалари топилган.

Канишка даврида Хиндистондан тарқалган Будда дини давлат динига айланди. Оромий ва юнонлар ёзувлари асосида кушон ёзуви мавжуд бўлган. Кушон даврида меъморчилик ва тасвирий санъат юксак даражада ривожланган. Санъат намуналари ёдгорликлари Айритом, Эски Термиз, Далварзинтепа ва Холчаёнда топилган. Улар жаҳон миқёсида машхур бўлган санъат обидаларирид.

Бироқ шуни алоҳида таъкидлаш лозимки, Кушон подшолиги бир неча ҳудудлар ва қўплаб қадимги ҳалқларни бирлаштирган. Бу борада ўзбек ҳалқи аждодлари ҳам кушон маданиятининг ривожига ўз хиссасини кўшган.

Кушон давлатининг инқирозга учраши Юнон-Бақтрия ва Рим салтанати тарихий тақдирига анча ўхшаб кетади. Бу давлатларнинг барчаси қулаш арафасида тинимсиз урушлар олиб боришга мажбур бўлганлар. Ташки ҳарбий босқинлардан ҳимояланиш учун ички ва ташки сабабларга кўра заифлашган йирик давлатларда етарли ҳарбий имконият топилмади. IV асрга келиб Кушон подшолиги асосий ҳудудларидан маҳрум бўлди. Кушонларнинг айрим мулклари факат Шимолий Хиндистонда сакланди.

Ўзбекистонда қадимги маҳаллий давлатчилик тарихи Қанғ, Довон ва Хоразм давлатлари ривожи билан узвий боғланади.

Қанғ давлати милоддан аввалги III асрнинг бошларида пайдо бўлган. Дастреб унинг ҳудудий асосини Тошкент воҳаси ташкил этган. Қанғ давлатининг ташкил топиш сабабларидан бири ташки ҳарбий ҳужумлардан ҳимояланиш зарурати бўлган. Бу жараён юнон-македон ҳукмронлигига қарши курашлар давридан бошланган. Мъалумки, милоддан аввалги 329 йилда Искандар қўшинлари ҳозирги Бекобод ва Хўжанд оралигига Сирдарёдан кечиб ўтадилар ва маҳаллий аҳоли қўшинларига ҳужум қиласилилар. Қаттиқ жангдан сўнг Искандар ортга қайтиб, Сирдарё бўйида Александрия Эсхата (узокдаги, чеккадаги, охирги Александрия) шаҳрига асос солади.

Маҳаллий аҳоли томонидан Искандарнинг ҳарбий харатларига билдирилган муносабатлари ҳакида тарихшунос

Курций Руф бундай ёзади: “Танаис (Сирдарё) ортидаги скифлар (саклар) давлатининг подшоси македонлар томонидан дарё бўйида солинган шаҳарни куллик бўйинтуруги бўлишини сезиб, уни вайрон қилиш ва македонларни дарё кирғоғидан узоқ масофага қувиб чиқариш учун катта бир отлик қўшинга йўлбошчи тайинлаб ўз акасини юборади”.

Милоддан аввалги II ва милодий I асрда Қанг давлатининг худуди анча кенгайиб, Тошкент воҳаси, Ўрта Сирдарё ерлари, Талас водийси ва Чу дарёсининг қуий оқимидағи ерларни ўз ичига олади. Қанг давлатининг иккита пойтахти бўлган - Қангдиз (Оққўрғон тумани) ва Ўтрор. Қанг хукмдорлари уларнинг бирида ёзни, иккинчисида эса кишловни ўтказар эдилар.

Давлат ахолисининг асосий кисмини ўтрок (дехқонлар), ярим ўтрок ва кўчманчи чорвадорлар ташкил қиласидилар. Бундай вазият Қангнинг табиий шароити ва ахолисининг машғулотлари билан боғланган. Ўтрок ахоли шаҳарларда ва уларнинг атрофларидағи водийларда яшаб, хунармандчилик ва дехқончилик билан шуғулланганлар. Даشت туманларида чорвачилик ривожланган.

Ўзбек халқи давлатчилик тарихи бўйича оз ўрганилган масалалардан бири Довон давлат тарихидир. Бу давлат шу ном билан Хитой манбаларида тилга олинади (бошқа манбаларда “Паркан”, дейилган). Довон давлати таҳминан милоддан аввалги III асрда пайдо бўлган. Довон давлатини тадқиқотчилар қадимги Фарғона ҳисоблайдилар. Ёзма манбаларга кўра, “Довон диёрида 70тacha катта-кичик шаҳар бўлган, ахолисининг сони бир неча юз мингга етади”. Тадқиқотларга кўра, қадимги Фарғонада 300 минг аҳоли яшаган. Шаҳарларнинг ичидаги давлат пойтахти ҳисобланган Эрши шаҳри алоҳида аҳамият касб этган. Милоддан аввалги 104-101 йилларда Хитой қўшиллари Довонга юришлар қилиб Эрши шаҳрини қамал қиласидилар. Шу пайтда Қанг давлати қўшиллари ёрдамга келиб, хитойликларга қарши курашда фаол катнашдилар. Хитой лашкарлари сулҳга рози бўлиб, Довонни ташлаб чиқадилар.

Қадимшуносларнинг тадқиқотлари натижасида Фарғонада кўп сонли уй-қўргонлар, кишлоқ ва шаҳар харобалари топилиб ўрганилган. Улар айрим ҳосилдор дехқончилик ту-

манларида жойлашган. Довон давлатининг аҳолиси дехқончилик билан шуғулланган.

Қадимги Фарғона қишлоқ хўжалик, хунармандчилик ва бинокорлик юксак даражада ривожланган ўлка эди. Довон дехқонлари арпа, шоли, буғдой ва беда етишириш, боғдорчилик ва узум етиширишда катта ютуқларга эришгандар.

Фарғона ўзининг “самовий” отлар зоти билан машҳур бўлган. Ёзма манбалар Хитой императорининг Довонга бостириб кириши сабабини шундай очиб беради: “Довон давлатининг Эрши шаҳрида гаройиб отлар мавжудлиги ҳақида саройга хабар келди. Императорнинг “самовий” отларга иштиёки ортди”.

Довон давлати Хитой, Ҳиндистон ва бошқа Шарқ мамлакатлари билан бўлган халқаро савдода муҳим ўрин тутган.


Милоддан аввалги IV-III-II асрларда қадимги Хоразм мустақил давлат бўлиб, Искандар, Салавкийлар ва Юнон-Бактрия давлатлари таркибига кирмаган. Бу ҳол Хоразмда ўзига хос маҳаллий давлатчилик тизими ривожига муҳим омил бўлди. Искандар даврида Хоразмда Фарасмон исмли подшо ҳокимлик қилган.

Юнон тарихшуноси Арриан бундай хабар қиласиди: “Искандарнинг олдига бир ярим минг чавандозларга йўлбошчи бўлиб хоразмликларнинг подшоси Фарасмон етиб келади. У колхлар ва амазонка қабилаларига қўшни бўлиб яшаганлиги ҳақида ҳикоя қилиб, Искандарнинг амазонкалар, колхлар ва Эвиксин (Қора денгиз) денгизидаги қабилаларни истило қилиш истаги бўлса, йўл кўрсатувчи бўлишга ва қўшинларининг юриши учун барча шарт-шароитлар яратиб беришга хайриҳоҳ эканлигини билдиради”.

Археологик тадқиқотлар натижасида қадимги Хоразм худудларидан кўпилаб ёдгорликлар топилган. Шулардан бири Жонбосқалъадир. Бу кўхна шаҳар тузилишига кўра тўтри бурчакли бўлиб икки қаторли мустаҳкам химоя деворлари билан ўралган. Деворлар бўйлаб қатор шинаклар мавжуд.


Жонбосқалъа икки қисмдан иборат бўлиб, бир томонда “олов уйи” - жамоат бўлиб эътиқод қиласидиган иншоот, иккинчи томонда эса турар-жойлар жойлашган.

Хоразмдаги бу даврга оид кўхна ёдгорликлардан яна бири Кўйқирилган қалъадир. Бошқалардан фарқли ўлароқ Кўйқи-



ЎРТА ОСИЁ КУШОН САЛТАНАТИ ДАВРИДА
(Милодий I-III асрларнинг биринчи ярми)

БУЮК ИПАК ИУЛИ



рилган қалъанинг асосий иншооти айлана шаклда бўлиб, иншоотнинг марказидаги бино икки қаватли бўлган. У расадхона вазифасини бажарган.

Қадимги Хоразмда мавжуд бўлган кўхна шаҳарлардан яна бири Тупроккальъадир. Кўхна шаҳар тўғри бурчакли бўлиб, хом ғиштдан тикланган қалин девор билан ўралган. Деворларда шинаклар ҳамда миноралар мавжуд.

Кўхна шаҳарнинг асосий иншооти улкан қалъа бўлиб, у Хоразм ҳукмдорларининг қароргоҳи бўлган. Тупроқкальъада икки қаватли, турли мақсадларда фойдаланилган хоналардан ташқари маҳсус қабулхоналар, яъни “шоҳлар кошонаси” ҳам очилган. Бу қабулхонадан Хоразм подшолари, шаҳзодалар, йирик зодагонлар ва худолар сиймоси акс эттирилган турли ҳайкаллар топилган. Қабулхонанинг деворлари ва супалари турли тасвирлар билан безатилган. Шунингдек, Тупроқкальъада Хоразм подшоларининг архивларидан ёзув намуналари ҳам топилган.

Хоразмда айниқса дехқончилик ва ҳунармандчилик юкори даражада ривожланган. Шаҳарлар мухим савдо йўлларида жойлашган. Милоднинг дастлабки асрларида Хоразмда кумуш ва мис тангалар зарб қилина бошланган. Ушбу танга пулларда Хоразмшоҳлар исмлари (Артов, Артомух, Вазамар) учрайди.

Хоразмда Ўрта Осиёning энг қадимги ёзувлари топилган. Улар оромий ёзуви асосида бўлиб милоддан аввалги V-IV асрларга оид сопол сиртидаги чекилган маҳаллий ёзув намуналаридир. Ушбу ёзувлар Ойбуйир қалъа ва Кўйкирилган-қалъада топилган.


Илк ўрта асрлар давлатчилиги тарихи (V-VIII аср ўрталариғача).

Эфталийлар давлати

Эфталийларнинг келиб чиқиши ҳақида ягона фикр йўқ. Тадқиқотчиларнинг айримлари эфталийларни Ўрта Осиёning жанубий вилоятлари қадимги маҳаллий элатларидан, бошқалари эса уларни Хоразмдан келиб чиққанлигини таъкидлашадилар. Манбалар орасидан бирида эфталийлар етти

қабиладан иборат массагетларнинг етакчи уругларидан бири сифатида баён қилинади (Лазер Парбский, V аср).

Қанғ давлатининг идора-тартиб усули



Хитой манбаларида эфталийлар юэчжиларнинг бошқа бир кўриниши ёки гаогюй қабиласининг тармоғи, ёхуд улар Қанғюй авлодлари сифатида талқин қилинади. Ўзларини алхонлар деб атаган эфталийлар Бактрия-Тохаристон ерларида яшаб ўтган азалий бактр қабилаларидан чиққан этник груп эканлиги ҳакидаги фикр ҳам мавжуд.

Юқоридаги фикрларга кўшимча яна бир тахмин мавжуд. Унга кўра, эфталийлар Оролбўйидан чиққан элат ҳисобланади. Ва ниҳоят, кейинги йиллардаги тадқиқотлар уларнинг ҳакиқий ватани Бактрия-Тохаристонга мувофиқ келишини кўрсатмоқда.

Сиёсий тузум. Прокопий Кесарийский берган маълумотларга қараганда, эфталийлар ягона подшо бошқарувига,

ривож топган обод фуқаро жамиятига эга бўлишган. Жамиятдаги фуқаролар орасида ва кўшни давлатлар билан муносабатлардаadolat улар учун асосий мезон саналган.

Оилавий муносабатларини кузатиш уларда патриархал тартибга хос жиҳатлар ривож топганинги кўрсатади. Бирор бу вақтга келиб эфталийларда уруғчилик тузуми хусусиятларидан фаркли ерга хусусий мулкчилик мавжудлигини юқорида кузатган эдик. Патриархал бошқарув тартибига хос айрим жиҳатлар қуидаги мисолларда кўзга ташланади: “Улар орасидан энг бой кишилар тахминан йигирма ва ундан ортиқ кишини ўзларига шерик килиб оладилар; дўстлар ҳар доим у билан бирга тушлик қиласидилар, унга тегишли неъматлардан умумий ҳукуклари борлиги сабабли баб-баравар фойдалана-дилар. Дўст ва шерик ортирган шахс ўлимидан кейин, конунга кўра, тобутта унинг дўстлари тириклайин бирга қўйилиши шарт бўлган” (Прокопий Кесарийский).

Эфталийларнинг ҳарбий қўшиллари жуда катта кучга эга эди. Аскарлари кўлида ҳарбий курол-яроғлардан гурзи, ўқёй ва асосийси қилич муҳим ўрин тутган. Муҳорабалар пайтида уларнинг отлиқ бўлинмалари етакчилик қилган.

Милодий V асрда сосонийлар ва эфталийлар давлати ўртасидаги ҳарбий тўқнашувларда эфталийлар қўшинининг устун келиши улар ҳарбий маҳоратининг юқори даражада эканлигидан далолат беради. Фирдавсийнинг “Шоҳнома” асарида Вахшунвор ва Пероз (Феруз) даври воқеалари ҳам ўз аксини топган. Эфталийларнинг подшоси Катулф “Шоҳнома”да шу ҳалқнинг Гатфар номли подшосига ўхшатилган. Гатфар туркларга қарши кураш олиб борган шахс сифатида Фирдавсий асарида гавдаланган.

Эфталийлар давлати йирик ҳудудни қамраб олган эди. Ўрта Осиёнинг асосий қисми, Шаркий Туркистон тўлиқ равишда ва Шимолий Хинdistоннинг айрим қисмлари ҳамда Гандхара бу давлат таркибига кирган.

Эфталийлар давлатининг ҳудудидаги шаҳарлар жумласига асосан Сўғдиёна шаҳарлари кирган бўлиб, бу вақтда улар аҳамияти ошганлигини кўришимиз мумкин. Кушония (Каттакўргон яқинида), Ривлад, Пойканд, Талликон, Термиз, Гургон, Варахша каби шаҳарлар эфталийлар хукмронлиги даврида ривож топган эди. V асрдан эътиборан Самар-

қанд шаҳри ҳам тарақкӣй этди. Эфталийлар давлатининг сиёсий маркази Пойканд шаҳри, давлат бошлиқларининг қаррогоҳи эса Варахшадаги сарой бўлғанлиги таҳмин қилинади.

Эфталийлар йирик давлат тизимини вужудга келтирдилар. Унинг ҳудудлари Кушон давлатидан ҳам катта эди. Улар Эроннинг сосонийлар давлатига, унинг ҳарбий ҳаракатларига қарши туро олдилар. Сосонийларнинг шарқка юришлари эфталийларнинг қаршилиги туфайли тӯхтади. Улар Эрон подшоҳларининг ички сиёсатига ҳам аралашиб турдилар, ҳатто шоҳлардан қайси бирини сайлаш ва тайинлаш масаласини ҳал қилиш уларнинг кўлида эди. Эрон давлати ҳар йили эфталийларга ўлпон тӯлаб турган.

Эфталийларнинг тарих саҳнасида кўзга ташланиши 453-454 ва 457 йиллардаги воқеалар билан боғланган. Эфталийлар уларга ҳужум қилган Яздигерд II қўшинини тор-мор келтириб, Эрон мамлакатининг ичкарисида ҳам талон-тарож юришларини амалга оширганлар. Мазкур воқеалар тарихнинг 453-454 йилларида содир бўлган.

457 йилда эфталий подшоси Вахшунвар Чагониён, Тоҳаристон ва Бадаҳшонни ўзига бўйсундирган.

456 йилда эфталийлар томонидан Хитойга дастлабки элчилар келган.

Эрон подшоси Пероз эфталийлар давлатининг ҳужумини олдини олиш ва бу ҳаракатни йўлини тўсиш мақсадида уларга қарши ҳарбий ҳаракатлар бошлаб юборган, бироқ муваффакиятта эриша олмаган. Жанг чогида Сосонийлар ҳукмдори асирга тушиб қолади ва Византия императори Зенонга ўз жонини ҳалос қилиниши учун ёрдам сўраб мурожаат қолади. Византия ҳукмдори товон тӯлаб, уни кутқариб қолади. Асирийдан кутулганидан сўнг Пероз эфталийларга яна қарши чиқиб, иккинчи маротаба мағлубияттага учрайди. Сосонийлар қўшинлари бу гал қопқон ўрага тушиб қоладилар ва аскарларнинг кўпчилиги бу ерда ҳалок бўлади. Мазкур мағлубият натижасида Хурросон ҳудуди тўлиқ равишида эфталийлар кўли остига тушиб қолади. Энди Пероз олдингидан ҳам кўпроқ товон тӯлаш мажбуриятини ўз бўйнига олади. Шу тариқа Пероз кетма-кет мағлубиятларга учраб, Эронни эфталийлар кўли остидаги давлатга айлантирган эди. Товон тӯлаш ниҳоясига етгандан сўнг, Пероз Вахшунвор билан дўстона муносави

батларни ўрнатмоқчи бўлади ва унга сингилларидан бирини хотинликка беришни ваъда беради. Лекин юборилган қиз унинг синглиси эмас, балки бегона қиз бўлиб чиқади. Ғазабланган Вахшунвор эфталийлар даъватига кўра улар юргидаги эрон ҳарбий мутахассисларини катл этиш фармонини беради.

Византия ёрдамидаги учинчи, сўнгги юришида Пероз ўз ҳарбий қисмлари билан уларга маҳсус тайёrlанган бўри ўраларига тушиб ҳалок бўладилар. 484 йилда содир бўлган мазкур воқеа натижасида Перознинг қизи асирга тушиб Вахшунвор тутқини ва хотинига айланади. Эрон ҳалқи елка-сига эса катта микдорда ўлпон тўлаш мажбурияти юклатилади.

Ижтимоий-иқтисодий тузум. Аҳолининг асосий қисми дехқончилик билан машғул бўлган, қолгани эса кўчманчи чорвачилик ҳаёт тарзини ўз бошидан кечирган. Эфталийларнинг кўпчилиги маҳаллий аҳоли билан аралашиб, ўтрок ҳаёт тарзига ўтган, шаҳар қабиласи ёки шаҳарликларга хос яшашга мослашганлар. Эфталийларнинг кўчманчи аҳолиси эса кигиз ўтовларга, кенг яйловлар ва сувга бой ерларга эга бўлишган. Эҳтимол, улар аввал кўчманчи чорвадор бўлишган, кейинроқ эса, шаҳарларни ишғол этиб, унинг доимий аҳолисига айланишган.

Жамиятда зодагонларнинг мавқеи бошқаларга нисбатан устун ҳисобланган. Кушон подшолиги эфталийларнинг юқори табақалари ер-мулклар ва қўрғонларнинг соҳиблари эди. Чунки ўша вақтда шаҳар ҳаёти инкиrozга юз тутган, хунармандчиликда эса таназзул ҳукм сурган. Эфталий зодагонларининг қарийб барчаси шаҳарларга кўчиб келиб яшай бошлаганлар. Бой-бадавлат кишилар вафотидан сўнг тошдан ясалган қабрлар - даҳмаларда дағн этилган. Қуий қатламга мансуб мархум кишилар оддий гўрларга кўмилган. Ҳатто зодагон ва оддий кишиларнинг кийимларида ҳам тафовут мавжуд эди. Олий табака вакиллари қимматбаҳо лиbosлар кийиб юришган. Зодагон аёллар ҳам шоҳона кийимлар кийганлар.

Диний эътиқод ва маданият. Эфталийларнинг диний таълимоти хилма-хил эди. Эфталийлар кўли остидаги ҳудудларда зардуштийлик ва буддизм сингари динлар мавжуд эди. Шаҳарларда, шунингдек, несторианлар ва яхудийлар жамоалари ўз динларига эътиқод қилганлар.

Эфталийлар буддизмга қисман эътиқод килса-да, оташ-

паастлиқдаги маъбулларга сигиниш устунроқ турган. Ҳар куни тонгда улар ўзларининг ўтовларидан чиқиб қуёшга сифинганлар.

Эфталийларда кушон ёзувининг ривож топган шаклини кўриш мумкин. Мазкур ёзув курсивлиги билан бошқа ёзувлардан фарқ қилиб турган. Алифбосида ҳарфларнинг сони 25та бўлиб, сўзлар эса чапдан ўнгга қараб ўқилган. Сўғд мамлакатида сўғд ёзуви ва сўғд тили етакчилик қилган.

VI-VII асрларда Хоразм, Сўғд ва Фарғона

Давлат ташкилоти. VI асрнинг ўрталарига келиб эфталийлар давлати таназзулга учрай бошлаган. Турк хоқонлигининг эфталийлар устидан қозонган ғалабаси(563-567 йиллар)дан сўнг Ўрга Осиёда хоқонлик ҳокимияти ўрнатилди. VI асрнинг 60-70 йилларида Ўзбекистон худудида бир нечта алоҳида мулклар бўлиб, улар расман турк хоқонига бўйсунар эди. Хитой манбаларида Самарқанд Сўғди Кан деган номда юритилган ва уни маҳаллий сулола вакили бошқариб турганилиги баён қилинади. Умуман, Зарафшон, Қашқадарё ва Амударё дарёларининг ҳавзасида тўққизта алоҳида мулкий худуд мавжуд бўлиб, уларнинг ҳар бири шаҳар ва дехқончилик туманларига эга бўлган. Тарихий манбаларда алоҳида мулкий худудлар Кан сулоласига итоатда бўлганилиги хусусида сўз боради. Ҳар бир маъмурий бирликнинг ўз номи бўлиб, улар қўйидагилардир: Маймурғ, Иштихон, Кушания, Бухоро, Нахшаб, Амул, Андхой ва Самарқанд (Кан). Самарқанднинг ҳокими юқоридаги 9 мулк орасида каттаси саналган. Бошқалари куч-кудрат жиҳатидан юксак бўлган Самарқанд ҳокими билан ҳисоблашиб муомалада бўлган. Ҳатто айрим давлат бошликлари у билан қуда-андачилик муносабатларини ҳам ўрнаттан. Бухоро вилояти ҳокимлари Самарқанд ҳукмдорлари билан қон-қариндош бўлиб, улар умумий аждод тарафидан бир-бирлари билан чамбарчас боғланган эди. Бевосита Кан ҳукмдорига бўйсунган Бухоро ҳокими ҳам худди шу номдаги унвон соҳиби бўлган.

Самарқанд Сўғди ҳукмдорининг саройидаги аждодлар

ибодатхонасида ҳар йилнинг олтинчи ойида қурбонликлар келтириш маросими нишонланиб, унда маъмурий бирликларнинг хукмдорлари иштирок этганлар ва бу ҳолат улар барчасининг қон-қариндошлиқ алоқасида эканлигидан далолат беради.

VII асрнинг биринчи чорагида Кеш вилояти кучайиб, давлатнинг пойтахти ҳозирги Китоб ўрнидаги Кеш шаҳри бўлиб қолган. Манбаларга кўра, унинг ҳокими Тиш деган шахс бўлиб, бу даврда мазкур давлат бошлиги қудратли хукмдорга айланади. Манбаларда Кеш шаҳрига унинг томонидан асос солинганлиги қайд қилинади. VII асрнинг ўрталарида эса Кеш хукмдори - ихшид Шишпир бутун Сўғднинг хукмдори сифатида тан олинган. У ўз номидан тангалар зарб эттирган, бошқа давлатларга эса расмий элчиларни юбориб турган. Жумладан, у Хитой давлати билан дипломатик алоқалар ўрнатган. Кейинроқ, тахминан VII асрнинг иккинчи ярмида - Ахурпат хукмронлик қилган даврда, Кеш ва Самарқанд ўртасидаги қаттиқ курашлар оқибатида Самарқанд сиёсий жиҳатдан хукмронликни ўз қўлига кайтариб олишга эришади. Унинг хукмдори ихшид унвони соҳиби бўлиш билан бир каторда Кеш ҳокимини таҳтдан ағдариб ташлаб, ўрнига ўз вакилини ўтқазади. Эндиликда Кеш хукмдорига ихрид унвони берилади ва у Самарқанд хокимига меросий равищда тобе бўлиб қолди. Самарқанднинг ҳокими ўша пайтда ихшид Вархуман бўлган.

Сўғдиёнанинг маҳаллий ҳокимлари Чоч ва Хоразмнинг мустакил хукмдорлари билан бирлашган эдилар. Йирик сиёсий бирликлар маълум муддатларда шаҳарлардан бирида ўз курултойларини ўтказиб турганлар.

Хоразм бошқа шаҳар-давлатларга нисбатан анча мустақил эди. Мамлакатни Афригийлар сулоласига мансуб подшошлар бошқариб турган. VI-VII асрларда Хоразм ўз бошидан иктисадий инқирозни кечириб турган. Хоразмликлар бошқа давлатлар, хусусан, Шарқий Европа давлатлари билан савдо-сотиқ муносабатларида бўлишган. Хоразм маданияти ўз киёфасини сақлаб қолган ва ҳеч қандай ташки таъсирга учрамаган эди.

Сўғдиёнанинг худудига ўша вақтда ҳозирги Панжикентдан Карманагача бўлган ерлар кирган. Бухоро эса VII

асрда мустақил мулклар иттифоқидан иборат алоҳида бирлашма сифатида Самарқандга бўйсунмай қолган. Унинг подшоси бухорхудот унвони сохиби бўлган.

Фарғона Кан сиёсий иттифоқига кирмаган бўлиб, у алоҳида мустақил давлат эди. Уни афшин бошқарган. Фарғона Тангритоғ халқлари билан ўзаро алоқада бўлган.

Ижтимоий-иктисодий тузум. VI-VII асрларда юртимиз худудида юз берган ижтимоий-иктисодий жараёнлар археологик ва ёзма манбалар асосида ўрганиб чиқилган. Мазкур илмий тадқиқотларнинг натижаларига суюнган ҳолда ўша даврларда Сўғдиёна, Хоразм ва Фарғона ҳамда мазкур тарихий-географик худудларга қарашли мулкларда дехқончилик, боғдорчилик, айникса, узумчилик, пахта етиштириш ва уй чорвачилиги ривож топғанлигини англаш мумкин. Иктисодий ҳаётнинг муҳим жиҳатларидан бири саналган савдо-сотик ва ҳунармандчилик ҳам бу асрларда гуллаб-яшнади.

Араблар даврига қадар ривожланган суғориш тизими бўлган. Самарқанд шаҳрини сув билан таъминловчи алоҳида сув тармоғи ўша вактда мавжуд эди. Кушаниянинг Нарпай, Бухоро воҳасининг эса Шопурком, Самарқанд атрофининг Работи Ҳожа деган жойида учта сув тармогига ажralувчи каналлар сув билан таъминлаган. Араблар Самарқандга келган пайтларида унинг теварак - атрофидаги далаларнинг яшиллиги, боғларнинг ободлигини кўриб ҳайратланиб қолганлар. Бу мазкур жойларда қишлоқ ҳўжалиги ва тармокларининг равнақ топғанлигидан далолат беради. Дехқончилик сунъий суғоришга асосланган, шу билан бирга лалмикор дехқончилик ҳам кенг ривож топган. Зироатчиликда ғалла, нўхат, шунингдек, пахта етиштирилган бўлса, боғдорчиликда узум ва бошқа турдаги мевалар: гилос, шафтоли, олчадан ҳосил олинган. Чорвачилик соҳасида йирик шохли моллар, кўй, эчки бокилган бўлса, от, хачир ва эшакдан улов сифатида фойдаланилган. Сўғд ва Фарғонанинг зотдор отларига Хитойда талаб-эҳтиёж ниҳоятда катта эди ва айнан шу мамлакатга экспорт қилинади. Туялардан текисликлар, дашт ва чўл минтақаларида транспорт ва уй ҳайвони сифатида кенг фойдаланилган.

Сўғдда ипак толаси етиштирилган. Пахта, жун ва ипак

толасини қайта ишлаш заминида мато ишлаб чиқариш анча ривожланган эди.

Манбаларда Сүғдда май тайёрлашнинг анча юксак даражада эканлиги ҳақида маълумотлар бор. Бу ернинг узуми май тайёрлаш учун ниҳоятда бол эканлиги ҳақида сўз юритилади. Узумдан тайёрланган ичимлик катта заҳиралари зодагонларнинг уйларида сақланган.

VI-VII асрларда савдо-сотик ишлари жанубдан шимолга томон кўчган. Бунда воситачилик қилиш сўғдийларнинг кўлига ўтди. Улар нафакат курукликда, балки шу билан бир қаторда Каспий денгизи орқали ҳам савдо ишларида фаоллик қилганлар. Бу борада Пойканд шаҳрини алоҳида тилга олиш лозим, чунки мазкур жойда савдогарлар кўп истиқомат қилганлар ва ўша вақтдаги олди-сотдиларни факат шулар амалга оширганлар. Шу боисдан бу шаҳар “савдогарлар шаҳри” яъни “мадинат ат-тужжор” деб бежиз айтилмаган.

Сўғдан чет мамлакатларга мевалар: шафтоли, оқ ва сарик олча, чорва молларидан куйрукдор кўйлар, шунингдек, йилқилар чиқарилган.

Сўғднинг атрофлари тоғлар билан ўралганлиги боис, бу ерларда олтин, мис, темир, қалайи, кумуш сингари рангли металларнинг конлари талайгина бўлган. Кеш тоғларидан қизил туз, олтин қазиб олинса, Илокдан кумуш ва қалайи, Маймурғдан латун, олтин қазиб чиқариларди. Мазкур маҳсулотларнинг зарур қисми ички эҳтиёжлар учун бўлса, колгани экспорт сифатида чиқариб турилган. Юкоридаги мисоллар Сўғдда темирчилик соҳасининг юксак даражада ривож топганлигидан далолат беради. Металлургияда турли ашёлар ва меҳнат қуроллари: белкурак, болта, ўрок, мих, тақа ва ҳоказо маҳсулотлар ишлаб чиқарилар эди. Турли-туман хунармандчилик буюмлари: пичоқ, қайчи, безак ашёлари, калит, кулф, чирокдонлар, ҳарбий қуроллар ишлаб чиқариш кенг йўлга кўйилганди. Шунинг учун ҳам сўғд ҳарбийлари қуролланиш жиҳатидан бошқа худудлар аҳолисига қараганда анча устун турганлар.

Кумуш, бронзадан турли идишлар ясалар, шу билан бир қаторда бундай ашёларнинг сирти нақши-нигорлар билан ўйма равишида ишланар эди. Олтиндан ясалган ҳалқалар, билагу-

зуклар, сирғалар, кўзмунчоқ феруза, дуру-гавҳарлар билан безатилиб чиқарилар ва жуда бой безак буюмлари саналар эди.

Муғ тогидан қарийб 150 хил матоларнинг нусхаларини топилиши бу ерда тўқимачиликнинг ривож топганидан далолат беради. Мазкур топилмаларнинг асосий қисми пахтадан тайёрланган матолардир.

Ижтимоий тузумга тўхталашибиган бўлсақ, шуни таъкидлаб кўйиш лозимки, VII асрда ҳарбий тўқнашувларнинг кўпайиши иқтисодий ҳаётда катта ўзгаришларни юзага келтирди. Биринчидан, марказлашган ҳокимият заифлашди; иккинчидан, нотинчлик маълум даражада иқтисодий тангликтни юзага келтирди. Бунинг оқибатида шаҳарлар тушкунликка юз тутиб, уларнинг майдони қисқариб борган, катта оиласлар эгалик қилган кўргон-қалъалар аҳамияти ошди ва кўпайди. Хоразм ва Сўғд худудларида бундай кўргон-қалъаларнинг атрофида дехқончилик мавзелари ҳамда уларда дехқонлар ва савдогарларнинг мустаҳкам уй-кўргонлари тўпланиб қолган эди.

Сўғд вилояти аҳолиси асосан савдогарлар, ҳунармандлар, такводорлар, ҳарбий аскарлар, шунингдек, зироаткор ва чорвадор қатлам вакиллари саналган.

Албатта, ижтимоий қатламлар орасида дехқонлар мавқеининг устунлигини алоҳида қайд этиб ўтиш зарур. Чунки улар зодагонлар саналиб, аҳолини бошқа қатламига нисбатан бой-бадавлат ва йирик ер-мулкларига эгалик қилишган. “Кашаварз” ёки “киштукоркунандалар” қатлами вакиллари дехқонлардан ижарага ерларни олиб, маълум даражада тўлов бериш эвазига иш юритганлар. Аккор, чорикорлар эса мардикорлик қилиш билан кун кечирганлар.

Жамиятда диндор шахсларнинг аҳамияти улкан эди. Улар турли диний маросимлар ва удумларни адо этишда оммага раҳбарлик қилганлар. Вағн, яъни ибодатхона хўжалиги ҳам уларнинг қарамоғида бўлган.

Маданият. VI-VII асрларда маданий жараёнлар жамиятдаги сиёсий-иқтисодий ва ижтимоий воқеалар билан ўзаро таъсирда ривожлана борган. Бу даврда турли халқларнинг тил ва ёзув турлари бир-бирларига таъсир ўтказди. Сўғдийлар тили ва ёз уни ўзига хос эди. Унинг айrim сўзлари ва

тушунчалари ҳозирги ўзбек тилида ҳам сакланиб қолган.

Араб ёзувига қадар турк-руний (милоддан аввал шаклланган), уйғур (таксинан, VI аср), монивий (милодий III-VIII асрлар), сўғд, брахма ва сурёний ёзувлари мавжуд бўлган.

Шимолий Мўгулистаннинг Ўрхун ва Селенга дарёлари воҳасида топилган Тўнюқуқ, Култигин, Билга хоқон, Куличур, Унгин битиги сингари ёдгорликлар шулар жумласига киради. Туркий-рун ёзувларини туркий халқлар, туркий тамға(белги)лар негизида ихтиро қилганлар деган фикр мавжуд.

Сўғд ёзувлари кенг ҳудудда тарқалган. Бу жараён сўғдларнинг янги ерларни ўзлаштириш фаолияти ва савдо-гарларнинг “Буюк ипак йўли”даги саъй-харакатлари билан боғланган. Шунинг учун ҳам сўғд тилидаги ёзма ёдгорликлар Ўрта Осиё, Қозоғистон, Шаркий Туркистон, Покистон ва Мўгулистан тупроғида топиб текширилган.

Сўғд ёзуви оромий алифбеси асосида шаклланган бўлиб, унинг таркибида 25 та ҳарф бўлган ва улар сўлдан ўнгта томон ёзид чиқилган. Сўғд ёзуви иш юритишда, савдо ва маданий алоқаларда катта аҳамиятга эга бўлиб, қадимги уйғур, мўғул ва манжурлар ёзувлари пайдо бўлишига асос бўлди.

Сўғдларнинг ўз тақвимлари бўлиб, унда ҳар бир ойнинг номлари аниқ қилиб кўрсатилган ва белгиланган.

Сўғд ҳудудида буддавийлик, христианлик ва манихейлик адабиёти намуналарининг сўғд тилида баён қилиниши мазкур тилнинг устунлигидан далолат беради.

Ўша даврда Хоразмда маҳаллий ёзув ҳам кенг тарқалган ва амалда бўлган. Тупроққалъядан шоҳ архивларининг топилиши шундан далолат беради.

Бой безаклар, сопол, метал идишлар, деворий суратлар, ҳатто кийимлардаги тасвиirlар бу ерда тасвирий санъатнинг тараққиётидан далолат беради.

Диний қарашларда зардуштийлик етакчи ўринда турган. Ахурамазда, (Ормуз, Хурмуз) “само ва ернинг асосчиси” бўлиб, унинг шарафига қурбонликлар келтирсанлар.

Сўғдийларнинг Еттисувдаги айrim ерларга бориб ўрнашишлари оқибатида зардуштийлик билан ўша ерга хос шамонийлик динларининг бир-бiri билан қўшилуви юз берди.

Олтойдан Сўғдга кўчиб келган айрим туркий уруғ-аймоклар эса зардуштийликни қабул қилган эдилар. Уруғ-аймокларнинг оташпарастликни қабул қилишлари куйидаги мисолларда ўз аксини топган: улар бўш ётган ернинг атрофини тўсиклар билан ўраб олиб, у ерга кишилар жасадларини ташлайдилар. Кейинроқ жасаддан қолган суяқ қолдикларини йигиштириб олиб, уларни кўмиб юборгандар ёки маҳсус сопол тобутча - астодонларда сақлаганлар. Сирти турли накшлар билан безатилган бундай астодонлар Қашқадарё, Зарафшон воҳалари ва Хоразмда топилган.

Кушон давридан бошлаб Сўғдда буддавийлик кенг тарқалган. Буддизмга хос ёдгорликлар Самарқанд, Тохаристон ва Хоразмда топилган.

VI-VII асрларда бошқарув тартиб



Араб халифалиги даврида Мовароуннахр

Сиёсий воқеалар. Араблар Ўрта Осиёга дастлабки юришларини 651 йилда Марвни ишғол этишдан бошлаганлар. 654 йилда улар Мовароуннахрнинг Маймурғ ва Сўғд вилоятларига ҳужум қилдилар. Кейинги 35 йил давомида араблар Чагониён, Ромитан, Хўжанд ва Термизга бир неча юришлар ўюштириллар. Мазкур юришлар босқинчлилк ҳусусиятига эга бўлиб, уларнинг айримлари Хурросон ноиблари Убайдуллоҳ ибн Зиёд, Саид ибн Усмон (676 йилдан ноиб), Салмо ибн Зиёд каби шахслар саъй-ҳаракати билан амалга оширилган эди. Арабларнинг қарийб ярим аср давомидаги ҳарбий ҳаракатлари кўпинча талон-тарож қилиш ва чет ерлардан бойликлар йигиш мақсадида олиб борилган эди.

705 йилда Кутайба ибн Муслим Хурросон ноиби бўлиши билан Мовароуннахрни тўлиқ босиб олиш ҳаракати бошланниб кетди. 705 йилда Балх, Чагониён ишғол этилганидан сўнг, Кутайба катта куч билан Мовароуннахрга бостириб кирди. Даставвал кийинчлилк билан Пойканд, сўнгра - 708 йилда Бухоро атрофлари ва Ромитан, 709 йилда эса Бухоро, 710 йилда Шуман, Насаф ва Кеш эгаллаб олинди.

Самарқанд ихшиди Тархун товон тўлаш мажбурияти олиб, араблар билан келишувга муваффак бўлган эди. 710-712 йилларда худди шундай келишув Кутайба билан хоразмшоҳ Хурзод ўртасида юзага келди. Самарқанд ахолисининг товон тўлашга қаршилик кўрсатиши, Тархуннинг ўлими ва унинг ўрнига ватанпарвар Гуракнинг Самарқанд ҳокими бўлиши арабларни бу шаҳарга ҳужум қилиши учун баҳона бўлди. Тархун ўлими учун қасд олиш баҳонасида Кутайба 712 йилда Самарқандга ҳужум ўюштириди ва уни босиб олди. 712-713 йилги Сўғд, Чоч ва Фарғонанинг иттифоқчи қўшинлари вақтинча ғалабага эришган бўлишига қарамай, Кутайба ғолиб чиқади. 714 йилда араблар яна Чочга ҳужум қилишади ва бу худудга яқин Исфижобни эгаллаб олишади. 715 йилда Кутайба Фарғонага иккинчи маротаба юриш ўюштиради. Шу йили Кутайба унга душман бўлган халифа Сулаймонга қарши исён кўтаради ва мағлубиятга учраб ўлдирилади.

Ўрта Осиё босиб олинганидан сўнг бу худудларни

бошқариш маркази Марв шаҳри бўлиб қолган эди. Бу ерда халифанинг ноиби турган ва у Мовароуннаҳр ҳамда Ҳурсонни идора килган.

Ўрта Осиёликлар арабларга қарши бир неча маротаба исён ва қўзғолонлар кўтарганлар. VIII асрнинг 20- йилларидан 30-йиллари охиригача сўғдийлар, фаргоналиклар ва Ҳутталиён ахолиси, Тоҳаристонда ва Сўғдда ҳалқ бош кўтарган эди. Бироқ бу ҳаракатлар қатта кучга эга араб қўшинлари томонидан бостирилган.)

Ўрта Осиё ҳалқлари қарийб ярим аср давомида араб истилочиларига қаттиқ туриб қаршилик кўрсатганлар. Бундай қаршиликни араблар бошқа ерларни босиб олганда учратмаган эдилар. Катта кучга эга марказлашган халифалик ҳарбий қўшинлари қийинчиликларга қарамай, Ўрта Осиёда ўз хукмронлигини ўрнатади.)

Сиёсий ва ижтимоий тузум. Араб халифалиги тасарруфига ўтган Мовароуннаҳр худудида кўпгина йирик ер эгалари - худотлар, дехқонларнинг мавқеи аввалги ҳолатича сакланиб қолди. Улар сиёсий жиҳатдан халифа ва унинг ноибига бўйсунар эдилар. Халифалик ҳазинасига маълум микдорда солиқ тўлаш билан кифояланиб, ўз ерларида хукмронликлари давом этаётган эди.

VIII аср мобайнода йирик дехқон уруғ-аймоклари қўли остидаги ер-мулкларнинг юкори араб ҳарбий мулкдорига ўтиши рўй беради. Араб зодагонларининг дехқонлар билан тил топишиш ҳоллари ҳам шу даврда кучайган. Йирик ер эгалари ўргасидаги зиддият ва қарама-каршилик арабларнинг аралашувига сабаб бўлар ёки мулкнинг бир шахсдан иккинчисига ўтишини таъминлар эди. Масалан, Бухорхудот Тағшода Насрга хурмат юзасидан ўзининг қизи ва Хунбундаги ер-мулкларини инъом қилган эди.

Табарий маълумотларига қараганда, дехқонлар қўли остида қишлоқ жамоалари бўлиб, бу жамоадан ер олган кишилар хирож тўлаганлар.

Дехқонлар мустаҳкам қўрғонларда ҳаёт кечирганлар, уларнинг яхши куролланган ҳарбий бўлинмалари бўлган. Мазкур бўлинмаларнинг аскарларини чокарлар деб номлашган. Наршахий маълумотига кўра Тағшоданинг онаси хукмронлик қилган пайтда, ҳар куни унинг хизматига қиши-

лоқ аҳолисидан 200 дехқон ва подшоҳ авлодлари келиб хизмат қилиб туришган.

Араблар истилосидан сўнг дехқонлар халифалик ноибининг маҳаллий аҳоли орасидан бўлган вакилига бўйсунадилар. Бундай кишилар амир унвонига эга ҳисобланар эдилар. Наср ибн Сайёр пайтида Бухоро амири Васл ибн Амр бўлган. Бироқ амир билан бир қаторда йирик ер соҳиблари - бухорхудотларниң ҳам мавқеи устун бўлган. Наршахийнинг маълумотига кўра, айрим дехқонлар Бухоро амири ва бухорхудотларниң улар ерларини тортиб олганлиги арзини Насрга етказганлар.

Мехнаткаш аҳоли, асосан кадиварлар, кашоварзлар ҳамда қуллар дехқонларниң ер-мулклари маълум улушини ижарага олиб ишлашар ва бунинг эвазига солиқ тўлашарди. Солиқнинг халифа ҳазинасига тушишида дехқонлар ва амирлар воситачилик қилишар эди.

Дехқонлар орасида ер-мулк, шахсий уй-жой ва кўрғонлар масаласида низо ва жанжаллар чиқиб қолса, муаммони халифа ҳал қиласр эди. Албатта, ҳар бир ҳуқуқий муаммо ислом қонун-қоидаларига биноан кўриб чиқилар эди.

Сиёсий воқеаларга алоқадорлик, арабларга қарши кўзғолон ва исёнларда иштирок этиш кўпгина маҳаллий ҳукмдорларниң ўлимига сабаб бўлган. Тағшоданинг ўғли Кутайба ибн Тағшода (739-752 й.) аббосийлар ҳукмдорлигини ўрнатишида жонбозлик кўрсатган Абу Муслимга қарши исёнда иштирок этгани учун ўлимга махкум этилган эди. Абу Муслим ноиблик лавозимига Тағшоданинг бошқа бир ўғли Суқанин ўтказади. Етти йиллик ҳукмдорликдан сўнг у халифа фармони билан қатл этилган. Унинг укаси Бунёд ибн Тағшода эса ўзининг ноиблиги пайтида Муқанна кўзғолонида кўзғолончилар томонига ўтгани сабабли ўлдирилган.

Исён ва кўзғолонлар арабларниң ер-мулкларини кўпайишига имкон туғдирар эди. Баъзида улар қаршилик кўрсатган аҳолини бир жойдан иккинчи жойга мажбуран кўчиришар эди. Наср ибн Сайёр арабларниң Фарғонада ҳукмронликларини кучайтириш мақсадида фарғоналикларниң арабларга уйлари ва экин майдонларини бўшатиб беришларини буюрган.

Арабларниң исломлаштириш сиёсати ҳақида тўхталиб

ўтадиган бўлсак, у ҳолда биз уларнинг бу жараёнда турли усусларни ишлатганинг гувоҳи бўламиз. Шаҳарда исломлаштириш айрим қаршиликларни хисобга олмаганда осон кечган. Шаҳардан ташқарида эса дехқонлар ва оддий кишлоқ аҳолисини исломга жалб қилиш ниҳоятда қийин кечган. Бундай вазиятда, маълумки, мусулмон бўлганлар соликлардан озод этилар эди.

Мовароуннахр VIII асрнинг ўргаларига қадар, қаршилик кўрсатишига қарамай, араб халифалигининг муҳим вилоятларидан бири сифатида унинг тасарруфига узил-кесил ўтди. Марказий ҳокимиёт 749 йилга қадар Дамашқда бўлса, эндиликда Бағдодда жойлашган эди.

Халифа давлатни бошқаришда вазир ул-вузаро (улуг вазир)га таянган. Ҳарбий ишлар, умуман, ҳарбий кўшинлар амир ул-умаро қўли остида эди. Халифа турли масалаларни девон ад-дар, яъни кенгашда кўриб чиқар эди. Девон ад-дар учта асосий девонга бўлинган, улар девон ал-машриқ, девон ал-мағриб ва девон ал-хараждан иборат бўлган. Мовароуннахрга тегишли масалалар девон ал-машриқда ҳал этилар эди.

Халифа вилоят ноибларини лавозимига тайинлаш ёки бўшата олиш хукукига ҳам эга эди. Халифаликнинг хукукий масалалари Куръони Карим ва Пайғамбар кўрсатмалари, насиҳатларига асосланган ҳолда кўриб чиқилган.

Дехқонларнинг араб зодагонлари билан қон-кариндошлиқ ришталарини боғлаши, уларга катта имтиёз берар эди. Биринчидан, улар ўз хукмронлик мавқеларини саклаб қолдилар, иккинчидан, маълум миқдорда халифа хазинасига солик бериш билан ўз ерларини иҳтиёрларида қолдирдилар. Ижарага бериш кучайиши билан уларнинг ижтимоий нуфузи кадиварларга нисбатан анча юқори поғонага кўтарилди. Дехқонларнинг қарамогидаги кам сонли куллар ҳам озодликка чиқиб ижарачиларга айландилар.

Халифа давлат ерларини шахсларга иқта тариқасида тухфа килган. Давлат ерлари айрим ҳарбий йўлбошчилар ва амалдорларга умр бўйи ёки меросийлик тариқасида берилган. Бироқ ерларнинг асосий эгаси халифа саналар ва у иқтадорлардан ушр олиш хукукига эга эди. Халифа ислом давлати худудидаги мусулмон ёки зиммийлар ерларини иқта тари-

қасида беришга ҳақ-хуқуки йўқ эди, чунки бу ерлардан у хирож олиб турган.

Шундай килиб, VIII аср ўрталариға келиб Мовароуннахр худудида сиёсий бошқарув араб халифалиги сиёсий тизимиға мослаштирилган эди. Сўғдиёнада бухорхудотлар ва бошқа хукмдорларнинг кўли остидаги маъмурӣ-идора усули ўз шаклини сақлаб қолган бўлишига қарамай, ҳокимларнинг халифа ноибига итоат этишлари шарт эди. Маҳаллий давлат бошликларининг кўпчилиги ўз хукуклари ва имтиёзларини саклаб қолиш мақсадида ислом динини қабул килган эдилар. Исломни қабул қилмаган зодагонлар ўз ерларидан маҳрум этилар ёки товон тўлар эдилар. Шу тарзда араблар Мовароуннахр сиёсий тизими ва диний эътиқодига ўз таъсирини ўтказа олдилар.

Ижтимоий-иқтисодий тузум. Солиқлар. Араблар Мовароуннахрни истило қилганидан сўнг, бу ҳудуднинг ер-мулклари халифага қарашиб бўлиб қолди. Илгари ерлар, масалан, Бухорода йирик зодагон қатлам-бухорхудотларнинг хусусий мулки саналса, эндиликда улар халифалик мулкларига айланди. Йирик ер эгалари - дехқонлар араб халифалиги даврида ҳам ўз ерларининг эгалари бўлиб қолдилар, бироқ улар эндиликда ижарадорга айланиб, даромаднинг маълум қисмини халифалик хазинасига жўнатиш мажбуриятини олган эдилар. Кўп худолиликка сифинувчи ҳалқларнинг ҳудудлари араблар тасарруфига ўтганидан сўнг, бу аҳолининг катта қисми, асосан исломни қабул қилмаганлар солиқ тўловчилар саналар ва улар зиммийлар деб аталар эди.

Мовароуннахрдаги қишлоқларда ерлар майдага хўжаликлар томонидан ишлов берилган. Йирик ер эгалари - дехқонлар ерларини майдага бўлакларга тақсимлаб зироаткорларга ижара тарзида бўлиб беришган. Мехнаткашлар таркибиға ярим озод қадиварлар, озодликка чиққан қуллар ва қарам қуллар кирав эди. Дехқонларнинг араблар билан яқинлашуви, уларни истилочилар учун ишончли хизматкорлигини таъминлаш билан бир қаторда, ер-мулклари ва бошқа бойликларини муҳофаза қилинишига имконият яратди. Сўғдийларнинг асосий қисми жизъя ва хирож тўлашган (жизъя жон солиги бўлса, хирож ер солиги хисобланар эди). Хирож ҳосилнинг маълум микдорида, кўпинча у ялпи маҳсулотнинг 3/1 қисми

хисобида олинган. Соликнинг бундай тури “муқассама” деган номда ҳам айтилган.

Мовароуннаҳрнинг хирож тўловчи меҳнаткашлар гурухи “харрос” атамаси билан номланган. Хўжанддаги аҳолининг кўзғолони 723 йилда бостирилгандан сўнг араблар жамоатчиларни хирож ва жизъя солиги тўлашга мажбурлаб, уларнинг бўйинларига қўргошиндан қилинган муҳрлар - хаватим осиб юришни талаб қилган. Бундай муҳрларда рустоқ ёки маълум жойнинг номи билан бир каторда тўланадиган солик микдори қайд этилган. Араб манбаларида ижарачилар аккор, шарик, мунасиф, форс манбаларида барзикор ёки кадивар дейилган.

Мовароуннаҳр ва унга қўшни ҳудудларда жамоачилар соликлар, узлуксиз урушлар, талон-тарожлардан қийналиб йирик ер эгаларидан паноҳ излашга интилишган. Бу жараёнда жамоачилар ерни ишлаш ҳукукини саклаб қолган ҳолда йирик заминдорга солик тўлаш асосида ўзаро келишиб олганлар. Заминдорларнинг жамоачилар билан бундай муносабати “илжা”, “ат-талжиъ”, “ал-малажа” атамалари билан изоҳланган.

Солик йигувчилар “амил” деган номда айтилган. Бағдоддан маҳсус солик йигувчи Бухорога келиб соликларни ўзи жамлаб олиб кетган. Соликлар пул ёки маҳсулот шаклида тўланиб турилган.

Солик Мовароуннаҳрда бошқа вилоятлардаги сингари уч хил шаклда йиғилган:

1. Қавонин ёки муқатиъа - майда вилоятлар ва туманлардан хазинага тушиб турган йигин.

2. Мақосима - ҳосилнинг маълум улуши микдорида тўланган. Унинг ҳажми сугоришга боғлиқ ҳолда белгиланган.

3. Мисоха - ер ҳажмига қараб микдори белгиланадиган солик бўлиб, унда экин экилиши ёки экильмаслигига эътибор берилмаган.

Шундай қилиб хирож халифаликнинг мулки ва хазинага тушадиган даромаднинг асосини ташкил этар эди. Ер солигининг бир кисми сугориш иншоотлари барпо этишга сарфланган, бошқа кисми эса халифа хазинасини тўлдирад эди.

Озиқ-овқат нархи оштан тақдирда, солик тўловчилардан ортиб қолган маҳсулот ҳам йиғилган. Озиқ-овқат маҳсу-

лотлари қимматлашган тақдирда, солик тўловчилардан факат маҳсулот олинар эди. Мабодо солик тўлашга курби етмаса, у ҳолда сотиб олиб бўлса ҳам тўлашга мажбур эди.

Солик йиғувчиларнинг ўзбошимчаликлари, талонтарожлик, урушлар, ҳосилсизликлардан зарар кўрган оддий ижарадорларнинг хонавайрон бўлишини тезлаштириди. Мовароуннаҳда бу жараён ижтимоий тоифалар орасидаги фаркни кескин ўзгартиради. Озод ва эркин жамоачилар орасидан кўпчилиги ер-мulkни ижарага олиб солик тўлар ва умуман зодагон киши - дехқонга қарам эди. Солик йиғиши ва халифалик ҳазинасини тўлдиришнинг бошка бир усули - бу исломни қабул қилмаганлардан жон солиги ва хирож олиниши бўлган. Исён кўтарган ва кўзголонларда қатнашган аҳолининг мулклари тортиб олинар, ўзлари қатл қилинар, улар жойлашган жойлар икта тарзида ҳарбийлар ва амалдорларга бўлиб берилар эди. Шу тарзда халифалик иқтисодий ҳаёти Мовароуннаҳдаги хўжаликка, аҳоли турмушига катта таъсир кўрсатди.

Хукуқ. Араблар Мовароуннаҳни истило этиш жараёнида ислом динини ва шу билан бир қаторда мусулмон қонунчилик тизимини ҳам жорий қилдилар. Ислом хукуқшунослигининг асосини шариат ташкил қиласди.

Шариат асосан қуйидаги манбаларга таянади:

1. Куръони Карим - мусулмонларнинг муқаддас китоби.
 2. Ҳадиси Шариф - Муҳаммад пайғамбарнинг насиҳатлари, кўрсатмалари ва фаолияти билан боғлиқ ахлоқий, хукуқий меъёрлар.
 3. Хулафойи рашидиннинг одил қарорлари ва фармойишлари.
 4. Ижмоъ - нуфузли, обрў-эътиборли мусулмон хукуқшуносларининг турли саволларга жавоблари ва қарорлари.
- Юқоридаги мухим манбалар қаторида шариатда урғодатлар билан ҳам хисоблашилган. Удумлар турли ҳалқларда ҳар хил бўлганлиги сабабли, улар шариат асосларига мос келган ҳолда қабул килинган. Ўрта Осиё ҳалқларининг зардуштийлик давридан сакланиб қолган маросимлари - никоҳ тўйи жараёнидаги айрим удумлар (масалан: олов кўтариш, олов атрофида айланиш), байрамлар (Наврӯз, Гули Сурх, Мехр-

жон) ва шунга ўхшаш анъаналар ислом дини билан мувофиқлаштирилган.

Ислом динида фатво атамаси кенг қўлланилиб, у ислом қонуншуноси олий мартабали ва нуфузли шахсларнинг, дунёвий хукмдорларнинг карорлари ва фармонларини ёзма равишда тасдиқлашни англатади.

Ислом қонунчилигини амалга оширувчи хукуқшунослар маълум номга эга бўлиб, улар ўз илмий даражаларига мувофиқ муайян поғонада туришган. Қози суд ишларини амалга оширувчи, шарҳловчи шахс бўлиб, ислом қонунчилигида куйи поғонада турган. Қозилар ижтиҳод, яъни олий қонун илмини билишлари шарт бўлмаган. Қозилар хукуқ ишларини ноиблари воситасида ҳам амалга оширганлар. Куйи поғонада қозилар билан бир қаторда хукуқ масаласида муллалар ҳам тилга олинади. Бироқ муллаларнинг ўзи ҳам турли поғонани эгаллаб туришган.

Муфатиҳ - вакф ишларини амалга оширувчи шахс.

Мужтаҳид - олий даражага эришган илм соҳиби, яъни ижтиҳодни тўлиқ эгаллаган шахс.

Шайх ул-ислом - энг юқори поғонада турувчи хукуқшунос шахс. Муфтий - айрим мамлакатлардаги фатво берувчи, қарор чиқарувчи, суд ишларини амалга оширувчи олий мартабали шахс.

Исломни қабул қиласланлар муслим ёки мусулмонлар дейилади. Ислом жамиятида ҳамма оллоҳ олдида тенг, баббаравар ҳисобланган.

Ҳар қандай инсон, у туғилиши ва қайси ижтимоий тоифага мансуб бўлишидан қатъиназар, шариатда бир хил ва тенг хукуққа эга саналади.

Ҳар қандай шахсий хукуқ меросийликка эга эмас. Инсон ўзининг шахсий хукукларидан қобилияти ва шахсий сифатлари орқали ҳаётда устунликларга эга бўлиши мумкин.

Шахсий хукуқ - инсон ўлганидан сўнг у билан йўққа чиқади.

Ислом қонуншунослиги моҳиятан иккига бўлинади:

1. Хукуқ аллоҳ - инсонларнинг оллоҳ олдида мажбуриятлари.

2. Хукуқ ан-нос - инсонлар ўргасидаги хукуқ ва мажбуриятлар.

Ислом қонунчилигига ҳар қандай шахсга, хоҳ у қози, хоҳ бошқа юқори мартабали ҳукуқшунос бўлсин, совға, пора каби моддий ўзлаштиришлар қатъян тақиқланган. Уларга байт ул-молдан маош бериб турилган. Суд ишлари маҳкама номидан идорада амалга оширилган. Бу идоралар мачит қошида бўлган. Қози суд ишини бошлашдан олдин маълум маросимларни - таҳорат, намозларни амалга оширган. Қозидан бошқалар суд ишларига араласиши мумкин бўлмаган. Сўрўк пайтида қози ўзини сипо тутиши, одоб-ахлоқ талабларига риоя этиши шарт бўлган.

Ислом ҳукуқшунослигида балоғат ёши, оила, никоҳ, қуллар, ҳайвонлар сўйиш, овқатланиш, ичиш, ов қилиш, мулкчилик сингари масалалар алоҳида кўриб чиқилган ва тегишли қоидалардан иборат бўлган.

Ҳар бир мўмин-мусулмон Оллобҳ қаломи ҳисобланган Куръони Карим ва Ҳадиси шарифда асосланган мусулмон ҳукуқига риоя қилиши, шу билан бирга ўзининг юриштуриши, хулқ-атвори ва яшаш тарзини юқоридаги қонун қоидаларга мувофиқлаштирган ҳолда ихтиёрий ҳаёт тарзига эга бўлиши қайд этилган. Мусулмон киши маълум ахлоқ меъёрларига риоя этган ҳолда жамиятда яшаб кун кўриши, мабодо шу ахлоқ меъёрларига нисбатан нотўғри фаолият юритса, у ҳолда бу гуноҳи кабира ҷаналиши таъкидланган. Мусулмон кишининг хатти-ҳаракатлари қўйидагича фарқланади:

1. Қатъий мажбуриятлар.
2. Матлуб (ҳоҳиши иродага мос келувчи).
3. Рұксат берилган.
4. Номатлуб (ҳоҳиши-иродадан ташқари).
5. Тақиқланган ва қатъий жазоланадиган.

Бундай тақсимот дин, ҳаёт, тафаккур, насл қолдириш ва мулкчилик сингари исломда муҳофаза қилинадиган қадрияларга мувофиқ келади. Айнан юқоридаги қоидаларга риоя этмаслик, шунингдек, барча жиноятлар ўз характеристига кўра 3 турга бўлинади:

1. Давлат ва дин асосларига қарши йўналтирилган жиноятлар. Бундай жиноятлар учун аниқ жазо чоралари белгиланган.

2. Алоҳида кишиларга нисбатан содир этилган жиноятлар

учун ҳам маълум тасдиқдаги жазо чоралари белгиланган.

3. Хукуқбузарлик, бу ҳам жиноятга киради. Бундай жиноятларни жазолаш аниқ тасдиққа эга эмас. Жазолаш чораларини суд амалга оширади.

Биринчи жиноятлар турига дахрийлик, диндан юз ўгириш кириб, бунинг жазоси ўлимдир. Тавба-тазарру эса жиноятчани жазодан халос этиши мумкин.

Айрим шахсларга нисбатан содир этиладиган жиноятлар орасида қасддан ўлдиришга алоҳида эътибор берилган. Бундай жиноятни содир этган кишига худди шундай жазо берилиши таъкидланган. Мухаммад пайғамбар ўлдирилган кишининг қариндошларига уч жазодан бирини танлаш лозимлигини таклиф килган: ўлим жазоси, қотилни кечириш, хун олишни пул билан тўлаш. Хун ҳаки ўша вактда 100 тую қийматига teng ҳисобланган ва Қасддан содир этилмаган ўлим учун пул тўлаш ёки бошқа шунга ўхшаш жазолар ҳам берилган.

Ўғирлик, чўнтак уриш сингари жиноятлар содир этган шахсларнинг қўли кесилган.

Маст қилувчи ичимликлар ичган шахслар – ақлдан озган кишилар қаторида саналган. Бундай инсонларга хурмо дараҳтидан маҳсус тайёрланган калтак-дарра билан 40 марта уриш жазоси берилган.

Оила, никоҳ масалалари ҳам Куръони Карим ва ҳадислардаги кўрсатмаларга мувофиқ юритилиши ва шариат қоидаларига мувофиқлиги қайд қилинган. Аёл эрга нисбатан хиёнат килса, унга талок рухсат берилган. Яъни эр ўз хотинидан воз кечган ва никоҳни узган, бироқ асоссиз ажралиш, қандайдир кибру ҳаво, шахвоний ҳирс туфайли талоқ қўйиш муқаддас китобда лаънатланган. Куръони Каримнинг Нисо сурасида куйидаги жумлаларни ўқиш мумкин: “Агарда эр хотин тинчлик ва розилик билан ажрашсалар, Аллоҳ қенг марҳамати ва қарами билан уларни бир-биридан беҳожат килади”.

Халифалик даврида мулкчиликни белгиловчи меъёрлар маълум даражада ривож топди. Ернинг хукуқий асослари тасдиғи қуйидаги тартибда шаклланди:

1. Ҳижоз - Мухаммад Пайғамбар ҳаёт кечирган бу ернинг аҳолисига алоҳида хукуқий меъёр белгиланган эди. Ҳижозликлардан ҳазина ҳисобига 10/1 ҳисобида солик олинган.

2. Вакф - масжид, мадраса мактаб ва муқаддас жойлар учун ажратилган мулк бўлиб, улар соликдан озод этилган.
3. Мулк - хусусий ер эгаларига қарашли ерлар.
4. Иқта - хизмати учун бериладиган муваккат ерлар.

IX-XIII аср бошларида ўзбек халқи давлатчилиги тарихида сулолалар. Тоҳирийлар давлатининг ташкил топиши

Сиёсий воқеалар шархи. IX-XIII аср бошлари ривожланган ўрта асрлар бўлиб, ўзбек халқи давлатчилиги тарихида турли сулолаларнинг бошқарув усуслари ва маъмурӣ тизимига хос қонуниятлар ҳамда хусусиятлар ривож топган. Араб халифалиги ҳудудида маҳаллий халқнинг ҳукмрон маъмурлар зулмига қарши кўзголонлари авж олгач, халифалик ўзларига содик маҳаллий зодагонларни тобеъ ерларни бошқаришга жалб қила бошладилар. Шу муносабат билан Хуросондаги тоҳирийлар хонадони кучаяди. Сижистон (Сеистон) ҳокими Абумухаммад Талха ибн Абдуллоҳ кўлида мазкур хонадон бошлиғи Розиқ хизмат қилган. Унинг Мусъаб, Ҳусайн ва Тоҳир деган фарзандлари Ҳирот вилоятидаги Бушанж шаҳрини бошқаришган.

Маълумки, Хорун ар-Рашид (786-809) вафотидан кейин унинг ўрнига катта ўғли Амин халифа бўлди. Хуросон ноиби бўлиб турган унинг кичик ўғли Абдулла (кейин Маъмун лақабини олган) ҳокимият учун курашда Тоҳир ёрдамидан фойдаланади. Тоҳир қўмондонлигидаги қўшинлар Амин лашкарларини тор-мор келтиради. 813 йили Маъмун Бағдодни эгаллагач, Тоҳирни сипаҳсолор этиб тайинлайди. 821 йилда эса Тоҳир Хуросон вилоятига ноиб бўлади. 822 йили Тоҳир ўлдирилгач, унинг ўғли Талха (822-828) ҳоким бўлди. Ундан кейин Тоҳирнинг иккинчи ўғли Абдуллоҳ (828-844) тахта ўтиргди. 833 йили Маъмун вафот этгач, Абдулла ўзини халифалиқдан мустақил деб эълон қилди. Давлат пойтахти Марв (кейин Нишопур) бўлди. Тоҳирийлар давлатига Табаристон, Журжон, Рай, Кирмон, Хуросон, Сейистон, Мовароуннаҳрнинг жанубий қисми кирган.

Мұхаммад ибн Тоҳир (862-873) даврида ўғиз турклари хужумига қарши Фарова (ҳозирги Қизиларват яқинида) ва Дехистон (Машҳади мисриён) күрғонлари қурилиб, Тоҳирийлар давлати худудлари мустахкамланди.

Халифа Матъмунга хизматлари эвазига мулкка эга бўлган Сомонхудотнинг набиралари Нух (Самарқанд), Аҳмад (Фарғона), Яҳё (Чоч ва Истаравшан), Илёс(Хирот)ларномига бўлса ҳам, тоҳирийларга қарам эдилар.

IX аср ўрталарида аҳолининг қуий табақасидан бўлган саффорийлар мавқеи кучаяди. Яъқуб ибн Лайс ва унинг Амр, Тоҳир ва Али деган инилари 861 йилда Сижистонни, 867 йили Ҳирот ва Бушанжни, 869 йилда Кирмон ва Форсни кўлга киритадилар. 871 йилда халифа Мўтамид (870-892) Яъқубни Балх ва Тоҳаристон ҳокими этиб тайинлаш ҳакида ёрлик жўнатади. 873 йилда Яъқуб тоҳирийлар ҳукмдори Мұхаммад ибн Тоҳирнинг кўшинларини тор-мор келтириб, тоҳирийлар давлатига барҳам берди. Тоҳирийлар сулоласи:

Тоҳир ибн Ҳусайн (821-822);

Талҳа ибн Тоҳир (822-828);

Абдуллоҳ ибн Тоҳир (830-844);

Тоҳир II ибн Абдуллоҳ (844-862);

Мұхаммад ибн Тоҳир (862-873).

Сиёсий-маъмурий тизим. Тоҳирийлар аббосийларга расман тобе бўлганлар. Амалда эса Ҳурносон ва Мовароуннахрни ўз тасарруфига олган мазкур давлат мустақил эди. Тоҳир ибн Ҳусайннинг ал-Маъмун олдида мавқеи устунлиги боисидан, тоҳирийларнинг алоҳида давлат сифатида мавжуд бўлишига кенг имкониятлар очилган эди.

Тоҳир ибн Ҳусайн Ҳурносон ноиби бўлгунга қадар ал-Жазира ноиби, Бағдод сипаҳсолори ва Ирокдаги солиқ мажбуриятларини йигиш бошқарувчиси сифатида давлат бошқарувининг тажрибаларини эгаллаган эди. Албатта юқоридаги лавозимлар ва мансаблар ал-Маъмун томонидан топширилганлигига шак-шубҳа йўқ.

Ҳурносон ноиби бўлган Тоҳир ибн Ҳусайн Нишопурни ўз қароргоҳига айлантирди. Унинг асосий мақсади давлатни мустақил қилиш эди. Халифаликдаги сиёсий тизимнинг конун-қоидаларига кўра Ҳурносон ноиби жомеъ масжидида жума кунларида ўқиладиган хутбада Бағдод халифаси номини

тилга олиши шарт бўлган. Кудратли ноиб эса ўз лавозимига ўтишига ҳали бир йил тўлмасдан халифа номини хутбадан олиб ташлайди. Шундан сўнг, Тохир ибн Ҳусайн ўлимининг тез фурсатда рўй бериши халифа айтгочилари томонидан амалга оширилган, дея шубҳа қилинади. Бу воқеа Бағдод халифасининг ўз ноиблари устидан сиёсий хукмронлигини мустаҳкам тутишга интилишдан далолат берарди.

Юкоридаги воқеадан қатъиназар Ҳуросон ноиблиги Тохир ибн Ҳусайн авлодларига мерос қолади. Маҳаллий сулола вакилларининг ноиб бўлиб қолганлигининг сабаби, халифаликнинг айнан шу ерлик хукмдорларнинг кучидан арабларга қарши қўзғолонларни бостиришда фойдаланиши эди. Ҳуросон ноибининг муҳим вазифаларидан яна бири ўзига карашли худудларда айрим вилоят ҳокимларини сайлаш бўлган. Жумладан, Тохир ибн Ҳусайннинг ўзи сомонийларни Самарқанд, Фарғона ва Шошга бўлишларини расман тасдиклаган.

Ҳуросон ноиби бўлган Абдуллоҳ ибн Тохир ўз давлатини бошқаришда кўп ҳолларда отасининг ёзиг қолдирган насиҳатларига алоҳида эътибор берар эди.

Ўша даврда Ҳуросон ноиблигига қуйидаги вилоятлар кирган эди: Мовароуннаҳр, Хоразм, Сейистон, Кўҳистон, Кермон, Кумис, Табаристон ва Журжон. Ҳар бир вилоят ўз навбатида бир неча маъмурий бирликларга бўлинган. Улар ҳажмига кўра кичик ва катта туманлардан иборат эди.

Мовароуннаҳрда Бухоро, Хоразм сингари вилоятлар ва майда маъмурий бирликлар бўлган. Мовароуннаҳрда жами 300 000 қишлоқ қайд қилиниб, улар 30дан ошиқ маъмурий бирликларни ташкил этган.

Ҳар бир маъмурий бирлиқда қози, почта хизмати бошлиғи, хирож йигувчиси ва муъавун бошлиғи бўлган. Улар ўз навбатида йирик маъмурий бирликларнинг амалдорларига бўйсунгандар. Баъзан амал соҳибларининг сонига қараб маъмурий бирликлар катта ё кичик майдонга эгалигини билса бўлади.

Абдуллоҳ ибн Тохир ўз ҳокимиётини мустаҳкамлаш мақсадида ўз ҳарбий кўшинлари учун маҳсус равишда қўнимтоҳ (казарма) иншоот эттирган. Нишопурда жойлашган бу казарма шадияқ номини олган. Айнан мана шу маҳсус ҳарбий кисмлардан у зарур пайтда тез фойдалана олар эди.

Тоҳирийлар сиёсатидаги хусусиятлардан яна бири, уларнинг исломлаштириш сиёсатидир. Давлатни марказлаштириш учун ҳаракат қилган тоҳирийлар ислом пешволарига ҳам суюнадилар.

Ижтимоий-иктисодий ҳаёт. Тоҳирийлар даврида Моварууннахр ва Ҳуросонда турли ижтимоий тоифа ва қатламлар мавжуд эди. Улар жамиятда ўз мавқеи ва ўринларига эга бўлган ҳолда, мулк, маргаба ва мансабларига кўра бир-бirlаридан фарқ қилганлар. Ижтимоий тузумда халифага яқин ноиблар, пайғамбар авлодлари-араб зодагонлари билан яқин муносабатда бўлган маҳаллий мулк соҳиблари хоссани ташкил қилганлар. Раият орасида қашоварз, киштукоркунанда, чоракор, барзигар сингари ижтимоий қатламлар учрайди. Йирик ва майда ер эгалари дехқон атамаси билан аталган. Халифалик даврида иқтайдорлар хизмати эвазига ер-мулк соҳиби бўлган ҳарбий шахслар ва амалдорлар ҳам тилга олинади. Қишлоқ жамоасининг аъзолари - майда ер эгалари хирож ва жизя тўловчиларнинг асосий қисмини ташкил қилганлар. Ижарага ишловчиilar аккорлар хисобланган. Ижарага бериладиган ерлар - музораҳа дейилган.

Абул-Аббос Абдуллоҳ даврида зодагонлардан бўлган ва ўз ватанини ташлаб Маккага зиёратта бораётган камбағал кишиларга алоҳида ғамхўрлик қилишган. Бундай шахслар туррабоъ ёки ибн сабил номида юритилган. Маҳаллий ҳалқдан бўлган қадимий аҳоли қатлами даъифлар ҳам асли зодагонлардан саналиб, бу пайтда камбағаллашиб қолган эди. Бундан ташқари улар “аҳл-и буютот” номида ҳам айтилган.

Халифанинг буйруқ ва фармонларини бажарувчилар, унга тобе ҳукмдорлар соҳиб ҳарос деган номда айтилган.

Абдуллоҳ отаси маслаҳати билан раиятта нисбатан анча мўътадил сиёsat юритган, чунки бу уларнинг бош кўтариши ва исёнига тўсиқ бўларди.

Тоҳир ибн Ҳусайннинг ўғли Абдуллоҳга ёзган хати сакланиб қолган. Унда шундай дейилади: “Билгилки, бойлик даромад келтирмайди, у кўпайиб, хазина тўлиб-тошганда ҳам. У факат фуқаро зарурати, улар ҳақ-хуқукларини адо этишга, уларни ташвишлардан озод этиш учун сарфланган вактдагина у кўпаяди, зиёда бўлади; шу йўл билан ҳалқ фарновонлиги таъминланса, бу ҳокимларга зеб беради, даврон-

нинг эмин-эркинлиги шу бўлади, шуҳрат ва қудрат бағишлайди... Айни вактда сен ерларингни лозим микдорда кўпайтиранг ва бойлигинг ошса, куч-қудрат ҳосил қиласанг, кўшин сақласанг ва халқ томон саховат қўлингни очсанг, ҳаммани ўзингдан мамнун этурсан”.

Абдуллоҳ маҳсус фармон чиқариб зироатчилар аҳволини яхшилади. “Ризқимизни худо бизга шулар қўли билан беради”, деган эди Абдуллоҳ ўз фармонида. Натижада, 844 йили у зироатчилар (барзигарлар)дан олинган хирождан 48 миллион дирҳам тўплади. Лекин зироатчиларнинг аҳволи ҳамма жойда бир хил эмас эди. Зироатчилар Сеистонда муттасил қўзғолон кўтариб турганлар. Бу ҳол ижтимоий-иктисодий зиддиятлар бир қадар сақланиб қолганлигини кўрсатади.

Хукуқ Тоҳирийларнинг исломлаштириш сиёсатида мустаҳкам турганликлари манбаларда қайд қилинган. Улар ислом пешволарига таянган ҳолда давлатда ҳукукий муносабатларни ривожлантирганлар.

Ўз мамлакатида тартиб сақланишни истаган Абдуллоҳ ҳар қандай исён ёхуд қўзғолоннинг олдини олишнинг энг муҳим усули солик йигувчиларнинг суиистеъмолликларига йўл қўймасликдадир. деб тушунтириди. Хирож ва бошқа соликларнинг микдорини камайтиргмаган бўлса-да, солик йигишида турли жиноий ишга қўл урганларни жазолади. Амал ва мансаб эгаларининг суиистеъмолликларини олдини олиш ва давлат ҳазинасига зиён етказмаслик мақсадида у ўз қўли остидаги содик кишилар орасидан маҳфий айғоқчиларни танлаб, уларнинг хизматидан фойдаланди. Бундай маҳфий шахслар жойларда хукмдорларнинг юриш-туриши, ҳар бир мансабдорнинг Абдуллоҳ олдидаги мажбуриятларини қай даражада бажаришлари хусусида ноибга етказиб туришган. Хоҳ у шахс вилоят ҳокими бўлсин ёки йирик деҳқон бўлсин, Абдуллоҳнинг назорати остида эди.

Манбаларда ер-мулк муносабатларида сув ва суғориш иншоотларидан фойдаланиш хусусидаги қонунлар ишлаб чиқилганлиги ва мазкур ҳукукий қоидаларнинг шариатга асосланиши ҳақида ёзилган. Қози майда мулк эгаси ерида уй курган йирик заминдор ўртасидаги низо-жанжални ёки сув иншоотларидан фойдаланишдаги мунозарали масалаларни шариат қоидалари асосида ҳал қилган.

Абдуллохнинг буйргуга асосан қонуншунослар сувдан фойдаланиш, сунъий сугоришдаги турли мунозараларни ечиш, сугориш тизими хусусида “Китоб ал куний” номли қонулар тұпламини түздилар.

Сомонийлар давлати

Сомонийлар давлатига Сомон қишлоғи (Балх яқинида, баъзи манбаларда - Термиз яқинида) оқсоқоли Сомонхудотнинг авлодлари асос солған. Халифа Маъмунга бўлган садоқатлари эвазига 819-820 йилларда Сомонхудотнинг набиралари Нух Самарқандга, Аҳмад Фарғонага, Яхё Чоч ва Истаравшонга, Илёс Ҳиротга ҳоким этиб тайинландилар.

839-840 йилларда Нух ибн Асад Исфижоб вилоятини босиб олди ва уни мустаҳкамлади. У Суғднинг бир қисми ва Фарғонага ҳоким бўлиб олди. Лекин Сомонийлар давлатини бунёд этишда Аҳмаднинг хиссаси кўпроқ бўлди. Унинг Наср, Яъқуб, Яхё, Асад, Исмоил, Исҳоқ ва Ҳомид исмли ўғиллари бор эди. Нух ибн Асад 842 йили вафот этгач, Самарқандни укалари Аҳмад ва Яхё бошқарди; кейин ҳокимлик Наср (865-892) кўлига ўтди. 856 йилда Яхё ибн Асад вафот этгач, Чоч ва Истаравшан Аҳмаднинг иккинчи ўғли Яъқубга насиб этди. Кейин ташаббус Исмоил ибн Аҳмад кўлига ўтди. Бухорода тоҳирийлар мавқеи суст эди. 874 йилда Ҳусайн ибн Тоҳир Хоразм шаҳарларини талаётган бир пайтда Бухоро зодагонлари илтимоси билан Наср Бухорога Исмоил ибн Аҳмад (849-892)ни ҳоким қилиб жўнатади.

Наср Мовароуннаҳрда марказлашган давлат тузишга киришди. Халқ бу ишда унга хайриҳоҳ эди. 875 йилда у Шовгар (Туркистон яқинида)ни кўлга киритди. Халифа Мұътамиддан Мовароуннаҳрни бошқариш учун ёрлиқ олишга муваффақ бўлди. Бу пайтда Бухорода кучайиб кеттан Исмоил акасига тобеъ бўлишни истамади. 888 йили икки ўргадаги жангда Наср енгилди. 892 йилда Наср вафот этгач, Исмоил Мовароуннаҳрнинг ягона хукмдори бўлиб қолди (892-907). 893 йилда у Тарозни, сўнг Истаравшани кўлга киритди.

Мустаҳкамланиб бораёттан Сомонийлар давлатини заифлаштириш мақсадида Араб халифаси 898 йилда Мовароуннаҳр

ҳокимлигидан Исмоилни тушириб, ўрнига саффорийлар сулоласидан Амр ибн Лайсни ҳоким этиб тайинлаш ҳакида ёрлиқ жўнатади. 899 ва 900 йиллардаги ҳарбий тўкнашувларда Исмоил Амр ибн Лайс бошлиқ саффорийлар кўшинларини тор-мор келтирди. Халифа Исмоил ибн Аҳмадни ҳоким сифатида тан олишга мажбур бўлди.

Шундай қилиб, Хоразм, Исфижоб, Чагониён ва Хуттлондан ташқари (уларнинг ҳокимлари сомонийларга тобе эдилар) улкан худуд (Мовароуннахр ва Хурросон) сомонийлар томонидан бўйсундирилган эди. Улар бу ерда 100 йилча ҳукмронлик қилдилар. 992 йили Қораҳонийлар хони Бугроҳон Бухорони эгаллаганды, Хурросонда Абуали Симжурӣ ва Балҳда Фойик амирга қарши исён кўтаради. Нух II ёрдам сўраб Ғазна ҳокими Сабуктегинга мурожаат этади. Сабуктегин 20000 нафарли қўшин билан келиб, Симжурӣ ва Фойик кучларини тор-мор келтиради. Сабуктегин бу хизмати учун халифадан “Насир-уд-дин ва ад-давла” (дину давлат ҳомийси), унинг ўғли Маҳмуд эса “Сайф-уд-давла” (“давлат шамшири”) лақабини олади.

997 йили Нух II ҳам, Сабуктегин ҳам вафот этади. Нух II нинг ўғли Мансур ибн Нух(997-999)га қарши Нишопур ҳокимлари Бектузин ва Фойик исён кўтардилар. Амирнинг Маҳмудга эътиқоди зўрлигини назарда тутиб, исёнчилар амирнинг кўзига мил тортадилар. Мансур ибн Нух вафтидан сўнг унинг укаси Абдулмалик II ибн Нух Бухоро таҳтига ўлтириди. Маҳмуд интиқом баҳонасида Бектузин ва Фойикқа қарши қўшин тортиб бутун Хурросонни босиб олди. Абдулмалик ибн Нух қўлида факат Мовароуннахр қолди.

Кўп ўтмай қораҳонийлар хони Наср Илокхон Бухорони забт этди. Амир хонаёнини асирга олинди. Сомонийлар давлати тутатилди.

Сиёсий тузум, давлат бошқаруви. Сомонийлар давлати икки улкан мамлакатни Мовароуннахр ва Хурросонни ўз ичига олган. Мовароуннахрга Амударё шимолидаги ерлар кирган. Шулардан Бухоро, Самарқанд Сўғди Истаравшан, Чоч, Илок, Фарғона, Кеш, Насаф вилоятлари сиёсий ва маданий, иқтисодий жиҳатдан тараққий этган эди. Дарёларнинг юқори оқими вилоятларидан Чаганиён, Хутталон, Кубодиён, Ахорун, Шумон, Вашгирд, Рашт, Кумед, Бадаҳшон, Карон, Шикинон,

Вахон, Рўшон қисман Сомонийларга тобеъ эдилар. Хурросон Амударёнинг жанубида жойлашган Балх, Фузонон, Гаржистон, Марв, Ҳирот вилоятларини ўз ичига олган.

Сомонийлар халифаликдагидек ҳукмронлик тизимини ўрнатдилар. Давлат тепасида амир турган. Амирликнинг маъмурий тизими қуийдагича бўлган: даргоҳ (амир саройи) ва девон (давлат идораси). Саройдаги энг улуғ мансабдор хожиби бузург (улуг ҳожиб) бўлиб, унга сарой ахлига кўзкулоқ бўлиб туриш вазифаси юклатилган эди. Ундан кейин сохиби ҳарос (сарой сокчилари бошлиғи) турган. “Амири ҳарос олий ҳукмдор фармонларини ижро этувчи бўлганлиги сабабли, одамлар ундан ҳукмдордан кўра ҳам кўпроқ кўркар эдилар” (Низомулмулк).

Даргоҳнинг хўжалик ишлари билан вакил шугулланган. Давлат бошқаруви Бухоро Регистони атрофида жойлашган ўнта девон кўлида бўлган.

Девони вазир, ёки хожайи калон. У барча: маъмурий, сиёсий ва хўжалик муассасаларни назорат қилган. Вазир барча ҳарбий кучларни ҳам бошқарган. Девони муставфий - молиявий ишлар девонини ҳазиначи бошқарган. Унинг ихтиёрида хисобчилар, мунший ва котиблар, дафтардорлар бўлган.

Девони амид элчилик ва муҳим давлат ишларини бошқарган. У девони расойил, девони иншо ҳам дейилган.

Девони соҳибушрот - сипоҳийларни ва шоҳ саройини моддий жиҳатдан таъминлаган. Йилига тўрт марта лашкар сипоҳийларига маош берилган. Соҳибушрот ҳарбий интизомни ҳам таъминлаб турган.

Девони соҳиббарид - давлат элчилари ва вилоят ҳокимлари устидан махфий назорат ишларини бошқарган. Унинг ҳар вилоядта ўз амалдорлари, қосид ва отлари бўлган.

Девони муҳтасиб - бозорларда тарозу ва нарх-навони, кейинчалик аҳоли томонидан шариат қонун-қоидаларига риоя килинишини назорат килиб турувчи муассаса. Ташиб-бузар ва ўғрилар жойида жазоланганд. Муҳтасиб ўз миргазблари билан барча шаҳарларда фаолият кўрсатган.

Девони мушриф (назорат қилувчи) ҳазина кирим-чиқими ва бошқа муҳим давлат ишларини назорат қилган. Бундан ташқари Девони қози, Девони зиё, Девони мамлакаи хос (давлат мулкларини бошқарган), Девони вакф мавжуд бўлган.

Барча девонларнинг вилоят ва шаҳарларда бўлимлари бўлиб, ҳокимларга бўйсунган. Фақат Девони барид муассасалари марказий давлатга бўйсунган. Хурросон сипохийлари бевосита амир ва вазирга тобеъ бўлган. Шаҳарлар махсус раислар томонидан бошқарилган. Амалдорлар орасида руҳонийларнинг нуфузи юқори бўлиб, улар шайхулисломга итоат қилганлар.

Сейистон, Хоразм, Гаржистон, Ғузон, Ғазна, Хутталон, Чагониён, Исфижоб каби вилоятлар ўз ҳокимлари томонидан бошқарилиб, марказга хирожни мунтазам тўлаб турмаганлар. Улар марказий ҳокимиётдан мустақил бўлишга интилганлар.

Сомонийлар қўшинлари мунтазам ва маҳаллий ҳокимлар қўлидаги ихтиёрий ёлланган лашкардан ташкил топган эди.


Хукукий муносабатлар. Сомонийлар давлатида суд ишлари шариат қонун-қоидаларига асосланган эди. Суд ишлари қозилик девони томонидан бошқарилган. Суд жараёни қозикалон, қозилар, муфти, раислар тарафидан амалга оширилган. Вилоят қозилари қозикалонга бўйсунган. Оғир жиноят қилганлар ўлимга ёки узоқ муддат қамоқ жазосига маҳкум этилган.

Вилоятларда оғир жиноят содир этганлар қозикалон ва амир ҳукмига ҳавола этилган. Ўлим жазосини ибрат учун Бухоро Регистонида, кўпчилик олдида ижро этишган. Ўғирлик қилганлар муҳтасиб ва унинг миргазаблари томонидан ушланиб, аҳоли тўпланган ёки бозор жойларда қўли чопиб ташланган. Енгилроқ гуноҳ қилганларга тан жазоси (калтак, дарра) берилган ёки жарима солинган.

Сомонийлар давлатида исломдаги хукукий муносабатларни маҳаллий ҳалқ урф-одатларига мослаштиришга ёрдам берувчи асарлар яратилган. Улардан қозилик маҳкамалари ёрдамчи қўлланма тарзида фойдаланганлар. Масалан, факиҳ Абулайс Наср ибн Муҳаммад ибн Аҳмад Самарқандий (вафоти 985 йил)нинг “Хазинатул-Фикҳ” (“Мусулмончилик қонун-қоидалари хазинаси”) асарини кўрсатиш мумкин.

Ижтимоий-иқтисодий тузум. Сомонийлар даврида катта ер эгалари - дехқонларнинг нуфузи ортди. Кўпинча бир дехқон қўлида катта ер майдонлари, бутун бир вилоят бўлган. Зироат билан шуғулланувчи зироаткор қадевар дейил-

СОМОНИЙЛАР ДАВРИДА ЎРТА ОСИЁ



ган. Йирик ер эгаси ерида ишлайдиган ижарачи барзигар деб аталган. Хўжаликда кул меҳнатидан ҳам фойдаланилган. Сомонийлар давлати аҳолисининг асосий қисмини зироатчилар ташкил этган. Кейинги ўринда хунармандлар ва савдогарлар турган.

Ер эгалигининг қўйидаги шакллари мавжуд бўлган:

Мулки сultonий - шахсан амирга тегишли ер сув, тегирмон, дўконлар. Бу мулкни қишлоқ чорикорлари ижарага олганлар. Яна ер эгалигининг тўъма (умрбод берилган ер), иктоъ (меросий) турлари бўлган.

Хусусий шахсларга тегишли мулк: хукмдор табақа хонадони, дехқон-зодагонларга, саййидлар, сипаҳсолор, бадавлат савдогарларга тегишли мулклар ҳисобланган. Шартли ер эгалиги ҳам бўлган.

Вақф мулклари: диний муассасалар ва мадрасаларга тегишли мулк. Бу мулкни муассаса мутаваллиси бошқарган. Жамоа мулки - яйлов, тог ёнбағирларидағи лалми ерлар.

Хирож ҳажми шариат ва давлат қонунлари асосида белгиланган.

Сомонийларнинг биргина Бухоро ва Кармана вилоятлари хирожидан тушган даромади 116866 дирҳам, беш ярим данакни ташкил этган.

Сомонийлар даврида ерлар кайтадан тақсим қилинди. Ер эгаларининг янги гурухи ташкил топди. Уларнинг кўпини сипоҳийлардан чиққан эди. Масалан, Алттегиннинг Xурсоңда ва Мовароуннахрда 500 қишлоғи бўлиб, бирор шаҳар йўқ эдики, унда унинг қасри, ё боғи, ёҳуд карвонсаройи бўлмаса. Унинг тасарруфида минглаб отлар ва чорва моллари бўлган.


Савдогарлар ҳам катта боғу, серхосил ерларга эга бўла бошладилар. Улар шаҳарларнинг тараққий этишидан манфатдор эдилар.

Вақф ерлари - юридик жиҳатдан мусулмончиликнинг турли муассасаларига инъом қилинган бўлса ҳам, руҳоний ер эгалари мулкига айланган эди. Улар ва ҳокимиятта яқин кишилар хазина учун хирож тўлашдан озод эдилар. Ушр ерларидан факат ушр (хосилнинг ўндан бир қисми) олинган. Шартли равишда инъом қилинган ерлар ҳам бўлган. Масалан, Аҳмад ибни Асад Самарқанд ва Сўғднинг бир қисмини ўғли Насрга топширган. Айни шу тартибда 855 йилдан кейин Чоч


олдин Мұхаммад ибн Нұхга, кейин Яъқуб ибн Аҳмадга берилган.

Бухорода қадимдан сұғориш тармоқлари мавжуд эди. Каналларнинг ариқ ва шаҳобчалари Зарафшондан олинганди: Шоҳруд, Кармина, Шопурком, Ҳарканрӯд, Гав, Хитфар, Самжон (Қоракўлдарё), Пайканд, Даймун, Арвон, Навканд, Ромитон, Варахша, Хама, Ҳарамком ва бошқа Зарафшондан чиқарилган сұғориш тармоги Самарқанд шарқидаги Варағсар (Работи Ҳожа) кишлоғидан олинганди. Сарбанд дарёни бир неча шаҳобчага бўлиб, қўплаб каналларга сув етказиб берган. Барш (ҳозирги Дарғом) канали барчасидан узун бўлиб, Самарқанд ва унинг атрофларини суторган.

Сомонийлар давлати бошқарув тизими



Сомонийлар давлатида мулкчилик турлари



Қораҳонийлар давлати

Сиёсий воқеалар тафсилоти. Қораҳонийлар давлати Еттисув ҳудудида Қорлук (756-940) давлати ўрнида ташкил топди. Унинг асосчиси Сотуқ Буғроҳон (915-955) хисобланади. У 942 йили Боласоғун ҳокимини мағлуб этиб, ўрнига ўзини ҳоқон деб атади. Қораҳонийлар давлатига икки қабила - яғмо ва чигил қабилалари бирлашдилар. Сотуқ замонида Қораҳонийлар давлати иккига бўлиниб кетади. Бирининг пойтахти Боласоғун бўлиб, олий ҳокимият қабилада ёши катта бўлган ҳоқон томонидан бошқарилган; иккинчи давлатнинг пойтахти Тароз, кейинчалик Кошғар бўлиб, кичик ҳоқон томонидан бошқарилган. Қораҳонийлар Сомонийлар давлатидаги миллий низолардан усталик билан фойдаландилар. Ҳасан Буғроҳоннинг 992 йили Сомонийларга қарши юриши олдидан сомонийлар лашкарбошиси Ҳурсон ҳокими Абуали Симжурӣ у билан музокара олиб борган. Сомонийларнинг бошқа лашкарбошиси, Балх ҳокими Фойиқ Работи Малик яқинидаги Буғроҳонга қарши жангда, ҳар томонлама устунликка эга бўлишига қарамай таслим бўлади. Илоқ ҳокими Мансур ибн Аҳмад эса, ҳоқонга тобеълик билдириб, унинг номига пул зарб этади. Бухородан Кошғарга кетаётганда Буғроҳон касалланиб вафот этади. Бундан фойдаланган Нух ибн Мансур таҳтни қайта эгаллайди.

996 йили Қораҳонийлар хони Наср Бухорони яна босиб олади. Сомонийлар лашкарбошиси Абу Иброҳим Исмоилнинг Бухорони озод этиш йўлидаги уринишлари 1005 йилда муваффакиятсизликка учради. Сомонийларнинг Ғазнадаги ноиби Сабутегин 997 йилда вафот этди. Ўрнига унинг ўғли Маҳмуд Ғазна ҳокими бўлди. Сомонийлар амири Мансур ибн Нух (997-999) унинг таъсирида эди.

1001 йилда, Султон Маҳмуд Қораҳонийлар хони Наср билан шартнома тузиб, Амударёни икки ўртадаги чегара қилиб белгилади. Сомонийлар давлати ўрнида икки улкан давлат ташкил топди:

Биринчиси - Кошғардан Амударёгача чўзилган Шарқий Туркистоннинг бир қисмини, Еттисув, Шош, Фарғона ва қадимги ҳудудларини ўз ичига олган қораҳонийлар давлати.

Иккинчиси - Шимолий Ҳиндистон сарҳадларидан Каспий дengизининг жанубий қирғокларигача чўзилган ҳамда ҳозирги Афғонистон ва шимоли шарқий Эронни ўз ичига олган Газнавийлар давлати эди.

Илоқ ҳокимлари номига корахонийларга қарам бўлиб, ўз юртларини мустақил равишда бошқарганлар. Илоқ дех-конлар сулоласининг асосчиси Мансур ибн Ахмаднинг ўғли Муҳаммад ибн Мансур (1004-1008) бўлган. Унинг ўғли Абушужо Солор ибн Муҳаммад (1008-1009) корахонийлар хони Аҳмад ибн Алига қарам эди. Илоқда Наср ибн Алиниң учинчи укаси Муҳаммад ибн Али (1010-1015) Имолтегин лақаби билан пул зарб қилган. Унга Илоқ, Бухоро, Ҳўжанд, Тароз мулклари тобеъ бўлган. Чуғротегин Ҳусайн ибн Мансур (1016-1030), Муҳаммад Юсуф Буғроҳон (1032-1057)нинг пойтахти Шош эди. Тўғрултегин Қораҳон Юсуф (1068-1075) замонида Илоқ Шарқий Қораҳонийлар давлатига қарам бўлган.

XI аср ўрталарида тамғочхон унвонини олган қораҳоний Иброҳим ибн Наср гарбий Қораҳонийлар давлатининг пойтахтини Ўзганддан Самарқандга кўчирди.

1068 йилда, Мовароуннаҳрда қораҳоний Иброҳим ибн Наср ўғиллари ўргасида таҳт учун кураш бошланди. Курашда Шамсулмулк ғалаба қозонди. Шамсулмулк Абулҳасан Наср ибн Иброҳим (1068-1080) даврида Бухорода катта курилиш ишлари олиб борилган.

1080 йилда, Шамсулмулк вафотидан кейин Мовароуннаҳрда ҳокимият учун кураш авж олади. Бундан фойдаланган салжук султони Маликшоҳ 1089 йилда Мовароуннаҳрга бостириб кирди. Бухоро ва Самарқандни забт этиб, хон Аҳмад асир олинади. Аҳмад билан сулҳ тузиб, уни ўз таҳтида қолдиди. Қораҳоний Ахмаднинг Салжукларга итоаткорлиги амирлар ва руҳонийлар норозилигига сабаб бўлди. Натижада у 1095 йилда ўлдирилди.

Аҳмаддан сўнг таҳтга ўтирган Арслонхон (1102-1130) замонида қораҳонийлар гарчи ярим мустақиллик шароитида сиёsat юргизган бўлсалар ҳам, Самарқанд шаҳрининг ободонлиги бўйича катта ишлар қилдилар. Ҳарбий қўмандонлар ва руҳонийлар Арслонхон ҳокимиятидан норози эдилар. Арслонхон бетоблиги туфайли ҳокимииятни ўғли Насрга

топширади. Лекин фитначилар Насрни ўлдирадилар. Арслонхон Марвдан Султон Санжарни ёрдамга чақиради. Бундан фойдаланиб, Санжар 1130йилда Самарқандни эгаллайди.

XII аср бошларида қорахитойлар Боласоғунни эгалладилар. 1138 йилда қорахитойлар гўрхони Султон Санжарнинг қариндоши, Самарқанд ҳукмдори Маҳмудни Хўжанд яқинида мағлуб этди. Шаҳар таланиб, катта товон ундирилган бўлса-да, босиб олинмади.

1141 йилда қорахитойлар яна Мовароуннаҳрга бостириб кирдилар. Бу гал жанг Самарқанд яқинидаги Қатвон чўлида бўлди. Жангда Султон Санжар билан Маҳмуднинг бирлашган кучлари тор-мор келтирилди. Ҳар икки томондан ўттиз мингта яқин киши ўлдирилди. Султон Санжар ва Маҳмуд Термиз томон чекиндилар. Султон Санжар хазинаси, унинг хотини Туркон хотун гўрхон кўлига ўлжа тушди. Қорахитойлар Самарқанд ва Бухорони эгалладилар.

Самарқанднинг қорахонийлардан бўлган кейинги хонлари яъни эликхонлар куйидагилардир:

Муҳаммад ибн Ҳусайн (1170-1176), Муҳаммад Оқдош Тафғочон (1176-1179); Иброҳим ибн Ҳусайн (1178-1202); Усмон ибн Иброҳим (1202-1212).

Ўзгандда Қодирхон ибн Иброҳим ибн Ҳусайн (1183-1210), Илоқ (Шош)да (пойтахти Бинкат) Шоҳ Қиличон (1177-1183), Тафғач Хоқон (1195-1197), Оқдош Чағрихон (1197-1206) ҳоким эди.

Сўнгти қорахонийлар қорахитойларга тобелиқдан кутулган эдилар. Бирор 1212 йилда Аловуддин Муҳаммад Ҳоразмшоҳ ғарбий қорахонийлар давлатининг хоқони Усмонни ўлдириб, Самарқандни ўз мулкларига қўшиб олди.

Сиёсий тузум. Қорахонийлар томонидан Мовароуннахрнинг ишғол этилиши худуднинг сиёсий ҳаётида катта ўзгаришлар юзага келишига сабаб бўлди. Мамлакат эндиликда марказлашган давлат тизимидан алоҳида мулк бошқарув тизимига ўтди. Ҳар бир вилоят маълум сиёсий мавқега эга ҳолда хондан кичикроқ унвонга эга эликхонлар томонидан бошқариладиган бўлди.

Қорахонийларда икки пойтахт Кошғар ва Боласоғун саналиб, улуғхон шу шаҳарлардан бирида қароргоҳда ўтирган. Улуғ хоқон ёки улуг хон хоқон ул-хоқон деган номда юри-

тилган. Араб манбаларида мазкур унвон султон ул-салотин, форс тарих асарларида шаҳаншоҳга мувофиқ келади. Айнан юқоридаги олий унвон қораҳонийлар даври китобларида тамғачхон деб ҳам юритилган.

Қораҳонийларга қарашли ерлар тамғачхон томонидан унинг ўғиллари, қариндошлари ўртасида тақсимланган эди. Шу боис ер-мулк масаласида ота-ўғил, амаки, жиянлар ҳамда ақа-ука-ю амакиваччалар ўртасида доимий низолар юз бериб, у сиёсий аҳволга салбий таъсир кўрсатиб турган.

Еттисувдан туриб Мовароуннахри бошқариш кийин бўлган. Қораҳонийлар даврида Самарқанд эликхони анча кучайиб кетган эди. Саройда сомонийлар давлатида бўлганидек вазир, сохиббарид, муставфий, хожиб, раис-муҳтасиб каби амалдорлар бўлган. Қораҳонийлар давлатида имом, саййид, шайх, садрлар мавқеи кучли эди.

Қораҳонийлар давлати бошлиғи лавозими хоқоннинг таҳти меросий саналган. Маъмурий идоралар иккига бўлинган: даргоҳ ва девонга. Хоқоннинг улуғ ҳожиби хоқон билан фуқаро ўртасида воситачилик килган. Хоқон саройида қуидаги амалдорлар бўлган: оғичи - шойи кийимлар хазиначиси; бирук-мехмонларни қабул қилиш бўйича мутасадди; ошчи-хоқон ошхонаси бошлиғи (боварчи); битикчи - мунший; котиб - мирза; күшчи хоқон овининг ташкилотчиси.

Хоқон ҳарбий қўшинлари черик дейилган, унга субоши, ёки сипаҳсолор кўмандонлик қилган. Кичик зобитни човуш, сипаҳийлар тўдаси кўмандони хайлбоши дейилган. Қўшин ўнлик, юзлик, мингликларга бўлинган. Қораҳонийлар хоқони қўши (ҳарбий лагер) хонтўй дейилган. Хоқон қўшида доим тўққизта сарик байроқ ҳилпираб турган. Хоқонликда элчини ялавоч ёки ялафар деб аталган.

Хоқонлик худудлари эл, вилоятларга бўлинган.

Ижтимоий-иктисодий тузум. XI-XII асрларда юз берган сиёсий воқеалар Мовароуннахр жамият ҳаётида ҳам ўзгаришлар ясади. Алоҳида мулкларнинг бошқаруви, маъмурий идоралар сомонийлар давридаги тартибларга мувофиқ келар, ижтимоий мансаб ва мартабалардаги фарқ катта эмас эди. Ижтимоий тузумда мавқеи анча баланд хисобланган йирик заминдорлар - дехқонлар қатлами қораҳонийлар даврида ўз аҳамиятини йўқотди. Ўрга Осиё кўхна зодагон тоифасининг

бундай ахволга тушишига асосий сабаб сиёсат майдонида юз берган сулолалар ўртасидаги таҳт алмашуви, энг таъсирили жихати эса кўчманчилик шароитига мослашган эл-улусларниң ўтрок аҳоли худудларини ишғол этишидир.

Сомонийлар замонида мазкур сулола учун хос марказлашган давлат тузумидан қониқмаган аслзода дехқонлар қораҳонийларни қўллаб-кувватлаган эдилар. Йирик хонадон соҳиблари қораҳонийлар ҳокимиятда узоқ давр туриша олмайдилар ва вақти келиб биз худудимизнинг асосий ҳукмдорлари бўлиб қоламиз деб ўйлашган эди. Уларниң бундай режаларини тушунган яғмо ва чигилларниң бошликлари зодагонларни кувгин қила бошладилар. Бунинг оқибатида кекса бой қатлам вакиллари ўз экинзорлари, уй-жойлари, мулклари ва бойликларидан маҳрум бўлдилар. Дехқон деган ном эндиликда факат оддий жамоатчига нисбатан айтиладиган бўлиб қолди. Аслзодалар ўзларининг даромад манбаи - ер мулкдан маҳрум бўла бошлаган сари оддий жамоачи зироаткорлар ижарачиларга айланна бордилар. Бу пайтда ерлар эгасиз ва қадрсиз бўлиб қолди. Унумдор жойлар яйловларга айланди. Бироқ кейинги воқеалар жараёнида Мовароуннаҳр ижтимоий ҳаётида жонланиш юз берганлиги ҳақида маълумотлар бор.

Қораҳонийлар даврида жамиятнинг ижтимоий бўгинлари куйидаги шакл ва кўринишга эга бўлган:

-эликхон - хоқон ул-хоқондан кейинги поғонада турувчи шахс. У хоқон хонадонига мансуб бўлиб, вилоятнинг мулк соҳиби хисобланган;

-иктадорлар - қораҳонийлар давлатининг таянч қатлами, асосий ҳарбий ҳаракатларни амалга оширувчи жанговар бўлинмалар вакиллари. Улар ўз мартабаларига кўра бир-бирларидан фарқ қиласканлар;

-ислом динининг пешволари - имомлар, саййидлар, шайхлар, садрлар. Қораҳоний ҳукмдорлар мусулмон раҳбарлари билан яхши муносабатда бўлганлар. Диний мансаб соҳибларининг мавқеи бениҳоя катта бўлган;

-ҳокимлар, раислар, муҳтасиблар ва ҳоказо. Бундай шахслар сомонийлар давридаги сингари қораҳонийлар даврида ўз мавқеларини мустаҳкам саклай олган ижтимоий қатламлардир;

-тариқчилар - зироаткорларнинг туркча номи, кишлокхўжалик маҳсулотлари билан таъминловчи асосий ижтимоий қатлам саналади;


-хунармандлар - тури хилдаги хўжалик аҳамиятига молик ашё, асбоб-анжомлар ясовчи, тайёрловчи меҳнаткаш қатлам;

-савдогарлар - савдо-сотик билан машгул бўлган шаҳар ахли;


-кўчманчилар - чорвадорлар, яъни чорва маҳсулотлари етиштирувчи асосий қатлам.

Қораҳонийларда оддий ҳалқ будун дейилган. Солиқ тўловчи фуқаро раийят деб аталган. Қабила бошликлари бек дейилган. Савдогарлар сарт деб аталган. Қораҳонийлар давлатида хунармандчилик (кулолчилик, тўқувчилик, шишасозлик, темирчилик, заргарлик), шунингдек зироат ва чорвачилик маҳсулотларини қайта ишловчи соҳалар тараққий этган. Шунингдек, қимматбаҳо тошлар, олтин, мис, темир қазиб олинган. Шаҳарсозлик иншоатлари пишиқ ғиштдан бунёд этилган. Хонлиқда ер эгалигининг иқта шакли кенг тарқалган. Манбада шундай дейилади: “Иктага соҳиб бўлганлар муқтадар шуни билишлари лозимки, улар фақаттина раиятдан ҳақ молини яхшилик билан олишга ҳақлидирлар ва одамлар ўз тану моллари, бола-чакалари, асбоб-ускуналари билан хавфсиз бўлишлари шарт. Агар одамлар саройга келиб, ўз ҳолларини маълум қилмоқчи бўлсалар, улар қаршилик қилмасинлар ва қайси бир муқта шундай қилса, қўлини қисқартириб, иқтасини тортиб олиш, ўзига жазо берив, бошқаларга ибрат этиб кўрсатиш керак. Уларга шуни билдириб кўйиш лозимки, мулк ҳам, раият ҳам хонникидир. Муқтадар ва валийлар уларнинг бошларида шаҳнадек туриб, подшохни раият билан бирга хавфсизликда саклайдилар” (“Сиёсаннома”). Хоқон, вақф, жамоа мулклари қораҳонийлар тасарруфидаги асосий ер-мулклар хисобланади.


Хуқук. Қораҳонийлар ислом дини пешволарига дўстона муносабатда бўлганликлари боис, уларга таянган ҳолда мамлакатда сиёсий-хуқуқий тартибларни ўрнатганлар. Улар кўчманчи туркий қабила вакилларидан бўлганликлари учун ҳам ўша чорвадорларга хос тартиб-қоидаларга риоя этганилларни таҳмин қилинади. Ибн ал-Асир, Юсуф Боласоғуний,




ЎРТА ОСИЁ ДАВЛАТЛАРИ ХІ - ХІІ АСРЛАРДА




Қорахонийлар давлати сиёсий тизими



Қорахонийлар давлатида мулкчилик



Қорахонийлар ҳарбий тизими



Наршахий ва Низомулмулк асарларида баён қилинган воқеалар, тарихий жараёнлардан Мовароуннардаги ҳукукий муносабатларни ҳам англаш мумкин. Бироқ марказлашган давлатнинг йўқлиги бу муносабатларда ҳам ўзининг салбий таъсирини ўтказарди. Айрим ҳолларда ўтроклик билан қўчманчилик бир-бирига мутаносиб келмаслиги боис мавжуд қонун-қоидаларга амал қилмасликка сабаб бўларди. Лекин шунга қарамай, исломни қабул қилган қорахоний раҳбарлар шариатга амал қилиш билан ўз давлатларининг ҳукукий тартибларини саклай олдилар.

Қорахонийлар давлатида салжуқийларда бўлгани сингари иқта масаласида айрим қонуний чекланишлар жорий этилган. Иқта эгаси ўз мулкида ишлаётган зироаткорлардан белгиланган микдорда қонун билан қайд этилган соликдан бошқа ортиқча маҳсулот ёки ҳақ олишга ҳукуки бўлмаган. Мажбурий равишда бирор-бир маҳсулот тортиб олинса, бундай вазиятда иқтаънинг маълум микдори қиркиб олинган, ёки умуман тортиб олинган.

Раъиятдан бирор бир шахс амалдор ёки мансаб сохибидан азият чекса, бундай вазиятда мазлум киши давлат бошлиғига арз қилган ва шундан сўнг зулм қилган киши ўз жиноятига яраша жазога тортилган. Суд ишларини ҳар бир вилоят ёки туман учун масъул қозилар амалга оширганлар.

Қорахонийлардан Иброҳим Тамғачхон исломнинг ашаддий тарафдорларидан бўлганилиги хақида маълумотлар бор. Демак қорахонийлар ўз қонуний ишларида ислом тартибларига қаттиқ риоя этганлар.

Хоразмшохлар давлати

Сиёсий воқеалар тафсилоти. Хоразм давлати ўз мустақиллигига ғазнавийлар ва салжуқийлар ҳукмронлигига қарши кураш жараёнида эришди. 996 йилда, Шимолий Хоразм шохи Маъмун ибн Мухаммад (995-997) икки қисмга бўлиниб кетган ўлкани бирлаштириб хоразмшоҳ увонини олади ва Урганчни ўз пойтахтига айлантиради.

Махмуд Ғазнавий Хоразмнинг моддий бойликлари ва маданий салоҳиятини (Урганчда ташкил этилган Маъмун

академиясини назарда тутилмоқда) хисобга олиб, Хоразм шохини ўзига тобеъ этиш мақсадида, ўз сингилларини хоразмшоҳ Али ибн Маъмун (997-1009), унинг укаси Маъмун ибн Маъмунга узатади. Маъмун ибн Маъмун (1009-1016) шоҳлигининг сўнгти йилларида Махмуд Ғазнавийнинг Хоразмга нисбатан тазики кучайди. 1017 йилда, шохнинг Ҳазораспда турган қўшинида Маъмунга қарши фитна уюштирилиб, сунқасд қилинади. Исёнчилардан ўч олиш баҳонасида Махмуд Ғазнавий Хоразмга бостириб кириб, уни эгаллади, Хоразмда ўз одами Олтунтошни ноиб килиб колдиради. 1043 йилда Хоразмни салжуклар босиб олди. Салжук султони Маликшоҳ (1072-1092) ўз таштдори Ануштегинни 1076 йилда Хоразм ҳокими этиб тайинлади. Султон Санжар (1118-1157) ҳукмронлиги даврида Ануштегиннинг набираси Отсиз (1127-1156) Хоразмнинг мустақиллиги учун курашди. Ўз давлатини кучайтириш мақсадида Жанд шаҳрини, Ғарбда Мангышлок ярим оролини босиб олди. Султон Санжар унинг бу журъатидан ташвишга тушиб, Отсизнинг таъзирини бериш мақсадида, 1138 йил унга қарши қўшин тортди. Отсиз енгилиб, чекинди. Отсиз ўз акл-заковати ва моҳир саркардалиги туфайли яна ҳукмдор этиб тайинланди.

Мустақиллик учун курашни Отсизнинг ўғли Эл арслон (1156-1172) давом эттириди. Лекин натижасиз бўлди. 1172 йилда, Хоразмни қорахитойлар босиб олди. Бу вақтда Эларслон вафот этган эди. Унинг ўғли Текеш (1172-1200) даврида Мовароуннаҳрдаги сиёсий вазият бирмунча кескинлашди. Лекин, қорахитойлар таъсири сусайди. Хуросондаги тартиб-сизликлардан фойдаланиб, Текеш 1187 йилда Нишопурни, 1192 йилда Райни, 1193 йилда Марвни босиб олиб, Эронда мавқенини мустаҳкамлади. Бир йилдан сўнг Салжук султони Тўғрул Йининг қўшинларини тор-мор келтириб, “Шарқий Эронни ўз давлатига қўшиб олди. 1195 йилда Текеш халифа Носир қўшинларини мағлубиятта учратиб, Ироқни талонтарож қилди. Бу ҳол ироқликлар ғазабига сабаб бўлди. Хоразм қўшинларининг кўпи қириб ташланди. Қолгани аранг қочиб кутулди. Текеш вафотидан кейин унинг ўғли Аловуддин Мұхаммад (1200-1220) ўз эътиборини қорахитойларни тор-мор этиб, Бухорони эгаллашга қаратди. Бухоро хунармандларининг 1206 йилда қорахитойларга қарши кўтарилган

Қўзғолони унинг бу мақсадини амалга ошириш учун бир баҳона бўлди. Қўзғолонга қалқонсоз хунарманд Малик Санжар бошчилик қилди. Аловуддин Мухаммад қўзғолонни бостириб, Бухорони эгаллади. Сўнг 1210 йилда қорлуклар билан иттифок тузиб, қорахитойларни тор-мор келтирди ва Ўзганддаги ҳазинасини кўлга киритди. 1211 йилда, қорахонлар хони Усмон билан бирга қорахитойларга қарши Еттисувга кўшин тортди. Тароз (Талас) ёнидаги жангда гўрхон Тоянгунинг кучларини тор-мор келтириб, ўзини асир олди. Бу ғалабадан кейин Аловуддин Мухаммад Усмонга ўз қизини никоҳлаб берди. Қипчоқлардан тузилган, Самарқандда қолдирилган кўшин аҳолига тазиик ўтказади. Бунга қарши аҳоли қўзғолон кўтаради. Усмонхон қўзғолончиларга хайриҳо эди. Хоразмшоҳ қўзғолонни бостириб, Усмонхонни ҳам қатл эттиради, натижада Самарқанд мулкини ҳам ўз ерларига кўшиб олади.

Хоразмшоҳлар ўз сиёсатларида Араб халифалигини тан олмадилар, унга қарши бир неча бор кўшин тортдилар. Кўпчилик шаҳарларга ва вилоятларга шоҳ ўз қариндошлирини ҳоким этиб тайинлайди. Бу ҳол муайян амалдор (Махмуд Ялавоч) ва саркардаларнинг норозилигига сабаб бўлди. Араб халифаси Носир Аловуддин Мухаммадни муртадликда айблади, Махмуд Ялавоч ва бир неча саркарда Чингизхон хизматига ўтиб кетди.

Сиёсий тузум ва давлат бошқаруви. Хоразмшоҳлар Марказий давлат бошқаруви “ал-мажлис ул олий ал фахри ат-тожи” деб номланган бўлиб, унга вазир раислик қилган. Вазир хоразмшоҳга бевосита бўйсунар ва ҳукмдорнинг бош маслаҳатчиси эди. Вазирнинг вазифалари куйидагилардан иборат бўлган:

-асҳоб ад-давовин, яъни девон амалдорларининг бошлиги. У кишиларни юқори мансаб соҳибларини ишга тайинлаш ва бўшатиш билан шуғулланган;

-давлат амалдорларига нафака (арзак) белгилаш;

- давлат амалдорларини ҳаёт учун зарурий озуқа ва ашёлар билан таъминлашни белгилаш;

-солиқ ва хазинани назорат қилиш;

-хукмдорни халқаро алоқалар, расмий маросимларда расмий равищда таништириш ҳамда раият билан муносабатларда воситачилик қилиш;

-хукмдорга мунтазам ҳамроҳлик, баъзи пайтларда қўшин юбориш ва уларга бошчилик қилиш.

Вазирларда садр, дастур, хожайи бузург сингари унвонлар бўлган. Улар асосан араб-форс амалдорлари мухитидан тўплангандан ва араб ҳамда форс тили, маъмурий ишдаги кобилиятлар, сарой одоби сингари билимларга эга бўлишилиги ҳал қилувчи рол ўйнаган. Хоразмшоҳлар давлатининг вазирлари асосан Хоразм, Бухоро, Нишопур, Исфахон, Балх, Ҳиротдан чиққан шахслар бўлган. Хоразм давлатига қарашли вилоятларнинг маъмурий бошқарувида ҳам вазирлар бўлган. Баъзан шаҳарларда вазирлар тайинланган бўлиб, улар ўша маданий ва иқтисодий марказнинг ягона ҳокими ҳам эдилар.

Хоразмшоҳлар давлатида, унинг бошқарув ташкилотида яна куйидаги мансаб ва лавозимлар мавжуд эди:

-хожиб ул-кабир - хукмдор шахси билан боғлиқ масалалар, маросимларнинг назорати билан алоқадор ишларга жавобгар эди. Улар сultonнинг энг зарур топширикларини бажаргандар ҳамда хукмдорга доимий равишда ҳамроҳлик килгандар. Улар вазирлик девонининг дафтарлари, ундаги ёзувлар, архивлар, молия соҳасидаги котиблар ва амалдорларнинг хатти-ҳаракатини назорат қилган. Хожиб ул-кабир билан бир каторда Хожиб ул-хос ҳам тилга олинади;

-устоздор - барча хўжалик ишлари: отхона, ошхона, новвой, сарой хизматкорлари устидан идора ишларини амалга оширган сарой атьёни. У бундан ташқари, саройнинг барча чикимларини амалга оширган. Мамлакат ҳазинаси ва бойликларининг маълум қисмига эгалик қиласр эди. Шу пул ҳисобидан новвой, ошпаз, отбоқар ва бошқа сарой ишлари ҳамда юмушларига сарфлар эди. Ҳазинадан чиқадиган сарф-ҳаражатлар учун шоҳга ҳисобот бериб турар эди;

-амир-охур - отхона бошлиғи лавозими сultonга қарашли миниб юриладиган отларга эгалик қилган. Мирохурлар ҳарбий юришларда фаол иштирок этганлар;

-амир шикор - сultonнинг ов ишлари бошлиғи;

-таштдор - сultonнинг ювиниш ишларида зарур бўлган ашё ва нарсаларни сакловчи шахс. Унинг кўл остида ғуломлар бўлган. Сultonнинг айрим яширин амаллари борлиги учун ҳам таштдор унга энг яқин киши ҳисобланар эди. Таштдорлар малик унвони соҳиби ҳам бўлишган. Айримлари ҳатто ўн

минг аскарларга бошчилик қилиб, ҳарбий юришларда қатнашганлар;

-шаробдор - султон шаробхонасининг бошлиғи. Шаробхонада турли хилдаги шароблар бўлган. Шаробдорлар амирлар орасидан тайинланган;

-қиссадор - сарой аъёни бўлиб, хафта мобайнида сultonга келган илтимоснома ва шикоятларни жамлаб, уларни жума куни ҳукмдорга топширган ва сўнгра жавобини зулм кўрганларга етказган;

-чишнигир - бу кўп ҳолларда баковулнинг синоними, яъни сultonга узатилажак таомни синаб кўрган;

-давотдор - сultonнинг котиби;

-фаррош - фаррошона бошлиғи. Сultonга тегишли кўрпашаклар, гиламлар, поёндоzlар соҳиби;

-амир ал-алам (аламдор) сulton тугининг соҳиби.

Ижтимоий тузум. Хоразм давлатининг аҳолиси ва уларнинг турли қатламлари ҳақида Мухаммад Бағдодийнинг китобида маълумотлар берилади:

1. Саййидлар - пайғамбар авлодлари саналиб, хоразмшоҳлар уларни муборак насаб вакиллари сифатида хурмат қилганлар ҳамда уларни ҳеч нарсага муҳтоҷ қиласликка интилганлар.

2. Имомлар ва олимлар - давлат ишларида бундай шахсларнинг маслаҳатлари ва кўрсатмаларига амал килинган. Ижтимоий ҳаётда уларнинг мавқеи анча устун бўлган.

3. Қозилар ва ҳокимлар - қонунлар чиқарганлар, шариатнинг аҳоли устидан назоратини амалга оширганлар.

4. Тасаввуф вакиллари - исломда ноортодоксал оқим вакиллари бўлиб, факирона ҳаёт кечирганлар. Улар орасидан донишмандлар, машойихлар чиққан ва сўфийларнинг аксарияти ҳалқ томонидан эъзозланган. Ҳукмдорлар бундай шахсларни хурмат қилганлар ва кўпинча улардан дуо тилагини сўраганлар.

5. Оқсоқоллар - қишлоқ, касаба, урут-қабила бошликлари.

6. Амалдорлар ва сипохийлар. Хоразмшоҳларнинг жойлардаги ноиблари қўли остидаги хизматдаги шахслар.

7. Фозийлар - ислом дини учун курашувчи кишилар.

Мамлакат меҳнаткашларнинг катлами ва шунингдек

марtabалар ўртасидаги фарқлар сомонийлар давлатидаги сингари эди.

Хоразмшохлар даврида хам қораҳонийлар давридагидек мулклар иқтая тарикасида инъом этилган. Масалан, хоразмшох Текеш (1172-1200) Насо вилоятини Тўғоншоҳ ғузга иқтая тарикасида беради. Ёрлиқда хоразмшохлар давридаги куйидаги ижтимоий гурухлар тилга олинади, мазкур ҳудудда яшовчи руҳонийлар, ғозийлар, уламо, давлатмандлар, ҳакимлар, саркардалар, заминдорларнинг Тўғоншоҳ ғузга тобеъ бўлишлари таъкидланади. Унда шихна-қишлоқ ва музофот ҳокими, мутасарруф-молия ва хирож ишлари маъмурлари, мирабсув тақсимоти билан шугулланувчи, Омил-хирож йигувчи эканлиги кўрсатилади. Хужжатда барзгардан ортиқча хирож олиш холиқ ва ҳалқ олдида номақбул ҳисобланиб, ўша ноҳиядаги аёллар номуси, молу мулк ва аҳоли хаёти муҳофаза этилиши таъкидланади.

IX-XII асрларда солиқ турлари

Тоҳирийлар ва сомонийлар хукмронлик қилган даврда солиқ тизими қатъий тартибга солинган. Яъни, барча экин ерлари, мулклар рўйхат килиниб, ҳар йилги даромад ҳисоблаб чиқилган. Бу билан маҳаллий амалдорларнинг ўз лавозимларини сунистество мол килишларига йўл қўймаганлар. Зироатдан олинадиган солиқларнинг энг асосийси хирож бўлган. Хунарманд ва савдогарлардан тамға ва божундирилган. Файридин-зардуштийлардан катта миқдорда жизя ундирилганидан, аҳоли (масалан, Уструшона ҳалқи) ислом динини қабул килишга маҷбур бўлган.

Тоҳирийлар даврида Сўғдиёна (Зарафшон водийси), Буттом, Кеш ва Насаф билан бирга Араб ҳалифалигига 1089000 дирҳам; Бухоро вилояти 1189200 дирҳам солиқ тўлаган. Фарғона аҳолиси 280 минг дирҳам, Чоч аҳолиси 607 минг дирҳам, Хўжанд аҳолиси 100000 дирҳам хирож тўлашган. Сирдарёнинг ўрта ва қўйи оқимида яшайдиган шаҳарлар аҳолиси 46400 дирҳам тўлаган. Хирож тоҳирийлар ва сомонийлар даврида кучайган бўлса, қораҳонийлар замонига келиб иқтая солиқ йигишнинг асосий манбаига айланди. Бундан

ташқари қорахонийларнинг имомлар, эшонлар ва садрларга хурмат-эътибор кучайганлиги боис вақф мулкларининг ҳам кўлами анча кенгайди. Айниқса дин маркази саналган Бухорода мадраса, масжит, хонақолар кўли остида ер-мулклар ни-хоятда кўп тўпланиб қолди.

Иbn Хурдодбехнинг келтирган маълумотларига кўра Чагониён 48500, Шутғон 40000, Каэрон 4000, Ваҳон 20000 дирҳам хирожни Тоҳирийлар хазинасига топширганлар. Умуман 827 йили Абдуллоҳ ibn Тоҳир халифалик хазинасига 44846000 дирҳам, 13 бош зотдор от, 2000 бош кўй, 2000 нафар ўгуз ғуломи, 600000 дирҳамлик қимматбаҳо буюмлар, 1187 тўп мато, 1300 пора темир жўнатган.

844 йилда биргина Тоҳирийлар давлатининг хирождан тушган даромади 48 миллион дирҳамни ташкил этган.

842 йили сомонийлар аҳолидан икки марта хирож ундирганлар. Хирождан ташқари аҳоли бошқа мажбуриятларга - қурилиш, истеҳкомлар таъмири, сугориш иншоотларини тозалашга жалб қилинган.

Бурхониддин Марғиноний қаламига мансуб “Ҳидоя” китобида экин ерларидан олинадиган солик миқдори ҳақида сўз боради.

Барзигарлар тўлайдиган хирож ҳажми уларнинг ер эгасидан экиш учун зарур уруғ, ҳўқиз ё омоч олган-олмаганингига боғлиқ бўлган; олган бўлсалар барзигарлар ҳосилнинг 1/10, 1/12 қисмига эга бўлганлар. Акс ҳолда ҳосилнинг чорак улушини олганлар. Ер эгаси ҳам, барзигар ҳам давлатга хирож тўлаганлар.

“Айтишларича Искандарғом нахри бўйлаб 1486 жуфтигов экин ери, Мазоҳин канали бўйлаб 2750 жуфтигов экин ери, Санграсон канали бўйлаб 275 жуфтигов экин ери жойлашган. Маълум бўлсинки, мазкур ерлардан қолгани муайян хужжатлар бўйича вақф этилган бўлиб, имом, саййид, шайхларга тегишли ерлардир. Кимнинг (баротига) тушадиган бўлса, подшоҳни ранжитадиган иш содир бўлмаслиги лозим” (Қандия).

Демак вақф ерларидан хирож, вақфга тегишли жойлардаги дўкон, устахоналар сингари мулклардан солик ундирилмаган.

Вақф ерларида ғуломлар ҳам ишлаган. 1303 йилги Қозон-

хон ёрлиғига кўра кўчиб кетган зироатчи яна ўз жойига қайтарилган. Чунки, мўтуллар кирғинидан кейин зироатчилар сони камайиб кетган эди.

Тарихий манбага кўра 16 минг нафар бухоролик хунар-манддан 5000 нафари Ботуга, 3000 нафари Сиуркўктени-беги (Хулокӯхон, Мангӯхон, Кубилайхонларнинг онаси)га тегишили бўлган. Қолганлари хон ихтиёрида эди.

Мангу коон фармонига кўра авом ҳалқ - тожирлар, дўкондорлар ва косиблар ўз неъматларидан баҳшида этиб туришлари лозим бўлган. Яъни тамғо тўлаганлар.

IX - XII асрларда маданий ҳаёт

Сомонийлар даврида Бухоро сиёсий жиҳатдан юксалган шаҳаргина бўлиб қолмасдан, маънавий марказ ҳам хисобланар эди. Бухоро тарихига оид қимматбаҳо асарнинг муаллифи Наршахий (Абу Бакр Мұхаммад ибн Жаъфар) ҳам Бухоро яқинидаги Наршах қишлоғида туғилиб (899-959) ўзининг тарихий асарларини шу шаҳарда яратган.

Наршахий 934-944 йилларда Бухоро тарихи (“Таърихи Бухоро”) номли асарини араб тилида ёзив, уни сомонийлар амири Нуҳ ибн Насрға(943-954) тақдим этади.

Наршахийнинг номи Ўрта Осиёнинг X-XII асрлар тарихига доир кўпчилик илмий асарларда тилга олиннишига карамай, унинг асарининг асл нусхаси бизгача етиб келмаган.

IX-X асрларда Мовароуннаҳрда тарих ва географияга зўр қизиқиши уйғонади. Шунинг учун бўлса керак, бу илмларга Сомонийлар саройида катта эътибор берилади. Мадоиний, Балазурий, Табарий, ибн Мисқавайх, Наршахийлар ўша даврнинг машҳур тарихчилари эдилар.

Мансур ибн Нуҳ Сомонийнинг(961-976) фармони билан собиқ вазир Балъамий 963 йилда Табарийнинг араб тилида ёзган “Тарих ар-русул вал-мулук” асарини дарий тилига таржима қилган.

“Тафсири Табари”(“Куръони Каримга “Табарий шарҳлари”)-нинг араб тилидан дарий тилига таржимаси нафакат X асрнинг, балки ҳар қандай дунёвий динларга, жумладан, ислом динига ва Куръони Каримга нисбатан янгича тафак-

курда ёндошилаётган ҳозирги кунда ҳам мусулмон дунёсида катта маънавий эҳтиёж уйғотишга сабаб бўлиб келмоқда. Бу асар 14 жилдан иборат бўлиб Мовароуннаҳр олимлари томонидан Табарийнинг “Тарих” асари билан бир вақтда, яъни 963 йилда таржима қилинган.

Абу Абдулло Жаъфар Рудакий - Ўрта Осиёнинг X асридаги атоқли шоири. У IX асрнинг охирида Панжикентта яқин Панжруд қишлоғига туғилган.

Рудакий ёшлигидан чанг чалиш ва ашула айтишни меъёрига етказиб ижро этган. Наср II ибн Аҳмад (914-943) Рудакийни ўз саройига таклиф этади. Рудакий умрининг кўп даври Сомонийлар саройида ўтди. Абул Фазл Баль амийнинг ёзишича Рудакий ўз даврида тенгдошлари ичida шеър ёзишда пешво эди. У ажойиб ижрочи, машшоқ ва хонанда эди.

Рудакий ҳаётининг сўнгти даври бирмунча фожиали ўтди. 937 йилда яқин дўсти ва ҳомийси, Наср Ининг вазири Балъамий вазирлик лавозимидан бўшатилади. Ёши ўтиб қолган шоир карматлар ҳаракатига алоқадор бўлғанлиги учун кўр қилиниб саройдан кувилади ва ўз қишлоғига қайтиб қашшоқликдан 941 йилда вафот этади.

Рудакий қатор шоҳ асарлар яратди. “Калила ва Димна”, “Синдбоднома”, “Даврони офтоб”, “Ароис ун-нафоис” шулар жумласидандир. Афсуски, Рудакий шеърий асарларининг кичик парчаларигина бизга етиб келган. Лекин бизгача етиб келган ана шу озгина қисми ҳам шоирнинг зўр ва ёрқин истеъдодидан, поэтик тилининг таъсирчанлигидан, образларнинг теранлигидан далолат беради.

Х асрда яшаб ижод этган қобилиятли шоирлардан бири Дақиқий эди. У “Шоҳнома” номли машҳур асарини ёзишга киришади. Муаллиф бу асарида Эрон ва Ўрта Осиёнинг араблар истилосигача бўлған этник тарихини акс эттиришни режалаган эди. Дақиқийнинг эрта вафот эттанлиги бу асарни якунлашгина имкон бермади. Бироқ унинг бошлаган улкан иши бекор кетмади. Унинг ишини улуғ Фирдавсий давом эттириди ва шараф билан якунлади. Дақиқий томонидан ёзилган 1008 байт Фирдавсий “Шоҳнома” сида ўз ўрнини топди.

Абулқосим Фирдавсий тахминан 934 ва 941 йилларда Тус шаҳри яқинидаги Бож қишлоғига аслзода оиласида дунёга

келади ва ўз даврига нисбатан мукаммал билим олади. “Шоҳнома” устида 35 йил ижод этган Фирдавсий узоқ мулоҳазалардан сўнг уни Маҳмуд Ғазнавийга тортиқ қилган. “Шоҳнома”да буюк орзулар, олижаноблик, инсонпарварлик, севги ва биродарлик мадҳ этилган.

“Шоҳнома”нинг тарихий қисмида Зардўштнинг пайдо бўлиши ва оташпастлик динининг жорий қилинишидан бошлаб, Ўрта Осиё ва Эрон худудларида бўлган тарихий воқеалар тасвиrlанган. Асарда 50 та подшолик тарихи тасвирига маҳсус қисмлар ажратилган. Ҳар бир подшолик тасвири ҳар бир достон қатъий бир услубда ёзилган бўлиб, дебоча, асосий қисм ва хотимадан иборат.

XI-XII аср адабиётидан бизгача фақат бир неча ёдгорликлар сакланиб қолган. XI асрнинг улкан шоири, донишманд ва давлат арбоби Юсуф Хос Ҳожибнинг “Кутадғу билик” (“Саодатга бошловчи билим”) ва Аҳмад Юғнакийнинг “Хибатул-ҳақойик” (Ҳакиқатлар армуғони) достонлари, Аҳмад Яссавийнинг “Девони ҳикмат”, Сулаймон Бокирғонийнинг “Бокирғон китоби” шеърлар тўплами ҳамда “Охир замон” ва “Биби Марям” достони шулар жумласидандир.

“Кутадғу билик” достони 1069-1070 йилларда боласотунлик Юсуф Хос Ҳожиб томонидан яратилган. Муаллифи Қораҳонийлар саройида ҳукмдорга яқин “хос ҳожиблик” мансабида бўлган. Ўша даврдаги анъанага кўра асарини қораҳонийлар ҳукмдори Тавғоч Буғрахонга тақдим қилган.

Асарида давлатни идора қилиш усулларини ва аслзодалар ҳукмдорлигини мустахкамлаш йўлларини уқтириб ўтади; салтанатни бошқаришда қатъий тартиб, қонун-қоидалар ўрнатиш гоясини илгари суради. У ҳукмдорлар-подшолар, ҳонларни илоҳийлаштиради. Лекин шунга қарамай, шоир ҳукмдорнинг олдига қатор талаблар қўяди: ҳукмдор ўқимишли, донишманд бўлсин, эл-юртга ғамхўрлик қilsin, ҳалқнинг осойишталиги ва мамлакатнинг ободлиги учун курашсин, хулқ-атвори яхши бўлсин ва ҳакозо.

Аҳмад Юғнакийнинг “Хибатул-ҳақойик” достони ўз хислати билан “Кутадғу билик”ка яқин туради. Бу асарнинг бир неча боби илм ва унинг аҳамияти, қарам ва сахийлик, тил ва дил одоби каби масалаларга бағишланган.

Маҳмуд Кошғарий Қорахонийлар салтанатининг ривож топган даврида яшаб ижод қилган. У кўп йиллар давомида туркий қабилалар орасида илмий кузатишлар олиб борди. “Девону луготит турк”ни шу бой фактик материаллар асосида ёзди. Маҳмуд Кошғарий туркий тилларни қиёсий ва тарихий метод билан ўрганган ҳамда бу тилларнинг ўзига хос ҳусусиятларини, нозик томонларини усталик билан тавсиф қилган. У ўз асарида баъзи сўзларнинг этимологиясини ҳам жуда аниқ ва тўғри изоҳлаб берган.

Маҳмуд Кошғарий “Девону луготит турк” асарига ўзи тузган дунё ҳаритасини илова қилган. Маҳмуд Кошғарий “Жавохир ун-наҳф фил-лугати-турк” (“Турк тили синтаксиси асослари”) деган асар ҳам ёзган. Аммо бу асар ҳозиргacha топилганий йўқ.

Муҳаммад ибн Мусо ал-Хоразмий (795-857 йиллар) жаҳон маданияти ва фанига буюк хиссаси қўшган машҳур олим бўлиб, унинг “ал-Жабр” вал-муқобала” асари бир неча асрлар давомида бутун Шарқ ва Ғарбда алгебра фанидан асосий дастуриламал бўлиб келган.

Хоразмийнинг лотин тилига таржима қилинган “Зиж” (“Астрономия жадвали”), “Куёш соати ҳакида рисола” ва бошқа асарлари Шарқ ва Ғарб мамлакатларида ўрга асрларга оид илмий фикрларнинг тараққиётига катта таъсир кўрсатган.

Г’ IX-X асрларда Ўрта Осиёдагина эмас, балки бутун дунёда илм ва фаннинг тараққий этишида улкан хисса қўшган, Шарқ мамлакатларида улугланиб “Муаллим ас-соний”, яъни Аристотелдан кейин “Иккинчи муаллим”, “Шарқ Арастуси”, “Арастуи замон” деб ном олган олим Абу Наср Форобийдир (873-950). Форобий 873 йилда Фороб шаҳрида ҳарбий хизматчи оиласида туғилган. Башлангич маълумотини она юртида олди. Тошкент(Шош), Бухоро, Самарқанд шаҳарларида ўқиди.

Абу Наср Форобий ўрта аср даври табиий-илмий ва ижтимоий билимларининг қарийб барча соҳаларида 160дан ортиқ асар яратди. “Фозил одамлар шахри”, “Баҳт-саодатга эришув йўллари ҳакида”, “Шаҳарни бошқариш ҳакида” рисолалари шулар жумласидандир.

Абу Наср Форобий шаҳарни ижтимоий уюшишнинг етук шакли, инсоният камолатта эришишининг зарурий воси-

таси деб хисоблайди. Бутун инсонларни ўзаро ҳамкорликка, ҳалқларни тинчликка қақиради, дунёда ягона инсон жамоасини тузиш ҳақида орзу қилади.

Форобий “Бахт-саодатта эришув йўллари ҳақида” рисоласида ўзининг орзу қилган идеал жамиятини яна ҳам ёрқин тасвирлайди. Давлатнинг вазифаси инсонларни бахт-саодатта олиб боришидир, - деб ёзади у, - бу эса илм ва яхши ахлоқ ёрдамида кўлга киритилади. Форобий давлатни етук шахс, етук хислатларга эга бўлган бир неча зодагон ва сайланган шахслар (демократия) ёрдамида бошқариш шаклларини қайд этади.

Абу Али ибн Сино (980-1037) Бухоро яқинидаги Афшона қишлоғида дунёга келади. У ўз даврига нисбатан кенг ва ҳар томонлама билим олади. Амир Нух ибн Мансур Сомонийни даволагач, у Сомонийларнинг машҳур китобхонасидан фойдаланиш имкониятига эга бўлади.

Унинг “Ал-қонун фит-тиб” асари медицина соҳасидаги энг мукаммал асар бўлиб, олти аср давомида (IX асрдан то XVII асрнинг ўрталаригача) бутун Европа шифокорлари учун дастуруламал ва ўқув кўлтанмаси бўлиб хизмат қилиб келди.

Ибн Сино ўз даврида Шарқ ва Ғарбнинг йирик файласуфи сифатида ҳам машҳур эди. Унинг “Китоб уш-шифо” асари мантиқ, табиатшунослик, метафизика ва математикага бағишлиланган бўлса, “Донишнома” мантиқ, табиатшунослик, фалсафа, математика ва астрономия масалаларини ўз ичига олган бўлиб, муаллифнинг “Ал-Қонун” ва бошқа асарлари каби X-XI асрлар даврининг энг илғор тафаккур ёдгорлиги хисобланади.

Х асрнинг охири, XI асрнинг бошларига келганда Хоразмнинг маркази Урганч Шарқнинг машҳур олимлари тўпланган илмий марказ бўлиб қолди. Ибн Сино ва Хоразмлик олим Берунийдан ташқари тарихчи Ибн Мискавейх, математик Абу Наср Аррок, файласуф Абусаҳл Масиҳий, ҳаким Ибн Хамморлар шу жойга тўпланган эдилар. Урганч шаҳрида дорул-хикмат ташкил этилиб, унда турли илмий мунозаралар ўтказилар эди. 1017 йилда хоразмшоҳ Маъмуннинг ҳалок бўлиши ва Урганчнинг Махмуд Фазнавий томонидан босиб олининиши маданий мухитнинг инқирозга юз тутишида бурилиш даври бўлди.

Абу Райхон ибн Аҳмад Беруний (973-1051) Урганч яқинидаги Кот шаҳрида туғилади. Ривоятларга қараганда у Наврӯз байрами (21 март ва ҳосил байрами (21 сентябр)дан бошқа ҳар куни тинмай илмий иш билан машғул бўлган. Беруний илмий мақсадларда кўп саёҳатларда бўлган. 999-1000 йилларда Беруний ўзининг машҳур асарларидан бири “Алосор ул-бакия ан ал-курун, ал-холия” (“Ўтмиш аждодлардан колган ёдгорликлар”) асарини ёзиб якунлайди. Берунийнинг бу асари юонон, римликлар, форслар, сўғдликлар, хоразмликлар, христианлар, яхудийларнинг ислом динидан илгариги арабларнинг урф-одатлари, диний эътиқодлари, математик ва география тушунчалари тўғрисида бўлиб, унда ёзма манбаларни, ҳалқ оғзаки ижодини тўплаб ўрганиш ва шахсан ўзи олиб борган илмий кузатишлар асосида энг қимматли илмий-тариҳий маълумотлар баён этилган. Берунийнинг бу асари Ўрта Осиё ва бутун Шарқ тариҳидан энг муҳим тариҳий манба хисобланади.

Беруний Маҳмуд Ғазнавийнинг ҳарбий юришларида иштирок этади. Жумладан Ҳиндистонда бўлиб, у ерда санскрит, шунингдек, ҳинд ҳалқининг урф-одати ва ҳулқ авторини ўрганди ва саёҳатдан қайтиши билан “Ҳиндистон” асарини яратди.

Беруний астрономия, геометрия ва астрология масалаларига бағишлиланган икки асар яратди. Биринчисини 1024 йилда Ғазна шаҳрида араб тилида ёзиб тугатиб, хоразмшоҳ авлодларидан бири ал-Ҳасан қизига бағишилайди, иккинчи асари “Астрономия ва юлдузлар бўйича Масъуд қонуни” (1030 ва 1036 йиллар орасида ёзилган) бўлиб, сulton Масъудга бағишлиланган эди. Берунийнинг бу асари мазкур соҳа бўйича бутун Шарқ мамлакатлари учун биринчи асар бўлиб, хариталар тузишда асосий кўлланма бўлиб хизмат қилди.

Беруний кўп илмий асарлар яратди, бироқ уларнинг барчаси бизгача етиб келмаган. Ўрта аср араб сайёхи Ёкутнинг ёзишича, Марвдаги масжидлардан бирида ҳужжатлар орасида 60 варакдан иборат бўлган Беруний асарлари рўйхатини учратган. Унинг “Ўтмиш аждодлардан колган ёдгорликлар”, “Ҳиндистон”, “Минералогия”, “Геодезия”, “Астрономия ва юлдузлар бўйича Масъуд қонуни” асарлари дунё фанига кўшилган буюк дурдоналардир.

Дунёга машхур ал-Ҳаким ат-Термизий IX асрда сўфийлик тарикати ва сўфийлар хақидаги биринчи тарихий географик асарлар яратди. Ал-Ҳаким ат-Термизий қомусий олим бўлиб, хаёти давомида кўпдан-кўп асарлар ёзган. Унинг “Жами ал-улум” (“Илмлар тўплами”), “Баён ул-касб” (“Касб ва хунарнинг баёни”) ва бошқа асарлари машхур бўлган. Ал-Ҳаким ат-Термизий инсонпарвар ва покиза умри туфайли халқ орасида “Термиз Ота” номи билан шухрат топган.

IX асрда машхур муҳаддис олим имом Абу Исо ат-Термизий яшаб ўтган. Имом ат-Термизийдан етиб келган бой илмий мерос бутун ислом оламининг мулкига айланган. Унинг таълимотидаги юксак маънавият, барча даврларда ҳам долзарб бўлиб келган инсонга муҳаббат, бағрикенглик гоялари туфайли Исо ат-Термизийнинг номи бугунги кунда ҳам катта хурмат билан тилга олинади. IX аср муҳаддисларидан яна бири Имом Абу Абдулоҳ Бухорий ўзининг “Ас-Саҳиҳ” асари билан дунёга машҳурдир. Имом ал-Бухорий 600 минг ҳадисни ўрганиб, тўрт жилдан иборат китобига уларнинг 7563ни киритган.

Меъморчилик. Бизгача етиб келган иншоотлар бино-корлик техникаси ва меъморчилик санъатининг ривожланганлигидан далолат беради. Бу давр курилишида сифатли пишиқ ғишт ва ганчдан кенг фойдаланилганлиги маълум.

IX-X асрларда курилган Ахмад ибн Асад мақбараси Сомонийлар хонадонининг дахмаси бўлиб қолади.-

Х асрда Ўрта Осиёда меъморчилик маданиятининг яна бир тимсоли Тим қишлоғидаги Аработа мақбарасидир. Қадимги Термиз харобаларидағи Чорустун ҳам IX-X асрлар меъморчилигининг намунасидир.

XI-XII асрларда бир қанча иншоотлар курилди. Бухоро вилояти Ҳазора қишлоғидаги масжид, унга яқин жойда, чўлда курилган Работи Малик номи билан машхур ҳашаматли работ, қораҳоний Арслонхон замонида - 1127 йилда курилган Минораи Калон, жоме масжиди - Масжиди Калон, 1198-1199 йилларда Садр Абдулазиз фармони билан курилган Вобкент минораси, Бухородаги Намозгоҳ, шунингдек, гул ва нақшлар билан яхши безалган пештоқли Мағоки Атторий масжиди, Жарқўрғонда(Сурхондарё вилояти) жимжимакор гуллар солиниб, ғоятда пишиқ килиб курилган миноралар

Қорахонийлар замонасига оид, 1108-1109 йилларда ушбу давр мъеморчилик намуналари ҳисоблади.

Х-XII асрларда Хоразмда ҳам Буронқалъя, Ноибқалъя, Каватқалъя мажмуалари, Урганчдаги Фахриддин Розий ва Шайх Шариф мозори мақбаралари ҳам ажойиб мъеморчилик ёдгорликлари ҳисобланади.

Хунармандчилик. Мовароуннахрда тўқимачилик, матога нақш босиш, маҳсулотни қайта ишлаш корхоналари ҳакида тарихий манбаларда кўплаб маълумот сакланиб қолган. Бухоро яқинидаги Зандона, Самарқанд яқинидаги Ведар, Сурхон водийсидаги Дарзанги кишлокларида ишлаб чиқиладиган матолар бутун Шарқда машҳур бўлган. Бағдод сұлтонларидан бири ведари матосини Хуросон зарбафти деб атаган. Бошқа шаҳарларда ҳам (Дабусия, Насаф, Кеш, Бинкаг) нафис матолар ва карбос ишлаб чиқарилган. Муқаддасийнинг ёзишича, Самарқанднинг сиймгин, зар бафт, кимхоб, синизий каби турли-туман шойи матолари машҳур бўлган.

Самарқанддаги қоғоз ишлаб чиқариш корхоналари бутун Шарқни қоғоз билан таъминлаб турган. Курол-аслаҳасозлик ҳам тараққий этган. Ҳиндий шамширлар Ҳирот пўлатидан тайёрланган. Маъдан эритишда кимё фани ютукларидан фойдаланилган. Эски Термиз темирчилари маҳсулоти сифатли бўлган.

Бадиий безатилган кулолчилик маҳсулотлари ҳатто чет ўлкаларга чиқарилган. Шиша ишлаш ҳам ривож топган. Нисо, Термиз, Марв, Афросиёб, Варахша, Ҳўжанд шаҳарларидан сифатли шиша буюмлари археологларимиз томонидан топилган.

“Самарқанд Мовароуннахр бозори ва тожирлар жамъ бўладиган жой ҳисобланган. Мовароуннахр молларининг кўп қисми Самарқандга келтирилиб сотилган ва бошқа вилоятларга олиб кетилган” - деб ёзди тарихчи Истаҳрий.

Бухородан четга ҳарир, шол, қалин жойнамоз, мис, фонуслар, Карманадан сочик, Добусия ва Ведардан якранг ведари матолари, Арбинжондан қизил чакмон, пўстин, қалайи идишлар, Самарқанддан зарбофт матолар, кимхоб, ипак матолар, чодир, қоғоз, шиша, мис, катта қозонлар, нафис жомлар, узанги, Жиззахдан жун мато ва кийимлар, Истаравшан ва Фарғонадан новшадил чиқарилган.

Мўғул босқинчиларига қарши кураш

Мўғул қабилалари ва элатларининг қудратли давлатга бирлашуви ва жипслашуви жараёни мўғул хони Темучин (1155-1227) номи билан боғлик. У мўгулларгина эмас, улар билан ёнма-ён яшаб келаётган жалойир, ўйрот, кероит, найман, қорахитой, қирғиз, уйғур, корлик сингари туркий қабилаларни ҳам ўз кўли остида бирлаштириб, кучли давлатга асос солди.

1205 йили Коракурумда мазкур қабила ва элатлар оқсоқоллари ва бийларининг курутгойи бўлди. Курутгойда Темучин ҳоқон этиб сайланди ва Чингизхон (Жаҳонгир) лақабини олди. “Чингнинг маъноси улуф ва қатти темак бўлур. Чингиз анинг жамъи турур” (Абулғози, 54-бет.)

1218 йилнинг баҳорида Чингизхон қимматбаҳо совғалар ортилган катта карвон билан савдогар Маҳмуд Ялавочни элчи қилиб Хоразмшоҳ хузурига жўнатди. Чингизхоннинг маҳсус номасида Муҳаммад Хоразмшоҳни ўзининг ўғиллари каторида кўриши шама қилинган эди. Бу сўз замирида Хоразмшоҳлар давлатининг мўғул хонига тобе бўлиши лозим, деган мазмун ётади.

Бу элчилик Хоразмшоҳнинг 1215 йилда Чингизхон хузурига жўнатилган Баҳовуддин Розий бошчилигидаги элчилар фаолиятига жавобан юборилганди. 1218 йилда ҳам Хоразмшоҳ Аҳмад Хўжандий ва Аҳмад Балхийларни элчи қилиб жўнатган эди.

Чингизхон элчилар зиммасига жосуслик маълумотларини тўплашни юклайди. 1218 йилдаёқ Чингизхон 500 туяга қимматбаҳо матоларни юклатиб 450 нафарлик карвон билан жўнатади. Ўтрорда карвон таланиб, одамлари катл этилди. Чингизхон учун баҳона топилди. Ҳар икки томон урушга тайёргарлик кўра бошлади.

Аловуддин Муҳаммад тўнгич ўғли Жалолиддиннинг, Хўжанд ҳокими Темур Малик сингари саркардаларнинг ҳарбий кучларини асосий нукталарда тўплаб, душманга зарба бериш ҳақидаги маслаҳатларига амал қилмади ва қўшиналарини йирик шаҳарларга бўлиб юборди. Мўгуллар Чингизхон ва нўёнларининг ўтрорликларидан ўчи борлигидан 1219 йил

кузида Ўтрорга хужум қилдилар. Шаҳар ҳалки ҳокими Ғойирхон (Инолчук) ва Қорачар баҳодир етакчилигига мӯғулларга карши жанг қилдилар. Шаҳар мудофааси беш ойга чўзилди. Кечаси Қорачар ҳожибининг лашкари билан Сўфиҳона дарвозасидан чикиб мӯгулларга таслим бўлиши душманга қўл келди. Шаҳар эгалланниб, аҳолиси қирғин қилинди. Ғойирхон 20 минг нафар қўшини билан қалъага кириб олиб, бир ой давомида қаршилик кўрсатди.

1220 йилнинг ilk баҳорида Чингизхон мусулмон шарқининг йирик маданий маркази Бухоро устига қўшин ташлади. Бухоро қамали 12 кун давом этди. Шаҳар эгаллангач, унинг ҳимоячилари қириб ташланди. Қолган аҳоли Самарқандга хужумга сафарбар қилинди. Бу ерда хоразмшоҳнинг 100 минг нафарли қўшини турарди. Уч кунлик қаттиқ қаршилиқдан сўнг, Чингизхон ҳийла ишлатишга мажбур бўлди. Қанғли қабиласи қўшинларига у шаҳар олингач омонлик ваъда қилди. Улар таслим бўлиб, шаҳар талангач, 30 минглик қанғли қўшини қолган ҳимоячилар ҳам қириб ташланди. Уларнинг йўлбошчилари Борушмае, Богон, Сарзиҳон ва яна 20 нафар саркарда қатл этилди.

Хўжанд шаҳри ҳимоячилари мӯғул босқинчиларига қаттиқ қаршилик кўрсатдилар. Шаҳар ҳокими Темур Малик бошчилигига улар қарийб бир ярим ой давомида жон олиб, жон бердилар. Охири иложсиз қолганда ўт ичида қолган шаҳар қалъасини минг нафарга яқин баҳодир тарқ этиб, Темур Малик билан Сирдарё ўртасидаги оролда жойлашиб олиб, душман билан мардларча олишдилар. Нихоят, маҳсус кемалар ясад, дарё оқими бўйлаб Хоразм томон сузуб кетдилар. Йўлйўлакай душман билан жанг қилдилар.

Халқ қаҳрамони Темур Маликнинг бундан кейинги ватанпарварлик жасорати Хоразм ва она юртининг бошқа худудларини ҳимоя қилувчилар сафида кечди.

Бухоро, Самарқанд, Хўжанд сингари буюк шаҳарларнинг қўлдан кетиши Аловуддин Муҳаммадни ва амирларини ларзага солди. У энди жануби-ғарбий худудларга чекина бошлади. У яккаланиб қолди, кўплаб ишончли амирлари хиёнат йўлини тутди. Қундуз, Бадаҳшон вилоят ҳокимлари ҳам ундан юз ўғирдилар. 1220 йилнинг апрелида Аловуддин Муҳаммад Нишопурга келади. Аммо, Субутой нўённинг уни таъқиб

этиб келаётгани хабарини эшишиб, бир қанча шаҳар ва қаль-аларда яшириниб юрди. Ҳеч қаерда уни илиқ кутиб олишмади. Охири Каспий денгизидаги Ашурга оролида ўғли Жалолиддинни таҳт вориси этиб тайинлаб, 1220 йилнинг декабрида вафот этади. Унинг Ўзлоқшоҳ, Оқшоҳ деган ўғиллари мӯгуллар кўлига тушиб, ўлдирилади. Шоҳ билан келишолмай, салтанат ичидан салтанат қуриб олган унинг онаси Туркон хотин қисмати ҳам фожиали якун топди. Мӯгуллар уни асир олиб, ҳисобсиз хазинасини талаб, Мӯгулистонга жўнатдилар. Унинг ҳаёти хорлик ва зорликда якун топди. Хоразмшоҳлар пойтахти Гурганчда 110000 нафарли кўшин турарди. 1221 йил ёзида мӯгуллар унга хужум қилганда Жалолиддин Мангуберди, Темур Малик сингари саркардалар халқ қасоскорлари билан бир сафда жанг қилдилар. Бу жангда оташнафас шоир, ҳакиқат ва маърифат илми пешвоси Шайх Нажмиддин Кубро ибрати беназирдир. Мамлакат бошига мусибат тушганда 76 ёшли шайх ўз муридларини ёвга қарши курашга илҳомлантириб турди.

Чингизхон довруғи дунёга кетган шайх хузурига элчи жўнатиб, унга ўз яқинлари билан шаҳарни тарқ этишни таклиф қилади. Шайх Чингизхон “марҳамати”ни рад этиб, элчисига “Шу тупрокда туғилибмиз, шу тупрокда ўламиз!” деб жавоб беради. Эртаси куни шайх Нажмиддин ўз шогирдларини қуроллантириб, мӯгулларга қарши жангта бошлайди. Ўзи қўлида найза билан жанг қилади. Яралангач кулаётib душман байроғига чанг солади. Жангчи мӯгуллар жонсиз шайх қўлидан байроқни тортиб ололмайдилар. Шайхнинг бир ўзи душман байроғини сарнигун қилди. Жалолиддин Румий бу фожиа хусусида қалам тебратиб ўз рубоийсида, “биз ўлганда ҳам ўз эътиқодига собит қоладиганлар наслиданмиз” деб ёзган эди.

Гурганж қамали етти ой давом этди. Мӯгуллар хийла ишлатиб ҳам кўрдилар. Бир чўпонга 100-150 бош кўй, эчки бериб, шаҳар дарвозаси ёнидан хайдаб ўтишни буюрдилар. Ўзлари эса пиистирмада турдилар. Оч қолган аҳоли дарвозалардан чикиб сурув кетидан кувиб кетдилар. Шаҳардан бир фарсанг ерга Боги Хуррамга еттандаридаги мӯгуллар уларга бало-қазодек ёпирилдилар. Юз мингта якин одам катл этилди. Мӯгуллар аҳолининг қолган-кутганини кувиб келиб Амо-

нилон дарвозасидан шаҳарга кириб, Шўра маҳалласида жанг қилдилар. Хоразмшоҳ амирларидан Фариудун удий бошлиқ химоячилар мӯғулларни шаҳардан ҳайдаб чиқардилар. Лекин шаҳар қайта ҳужум билан олинди. Юз минг нафар санъат, ҳунар арбобларини, ёш болалар ва аёллардан ажратиб олиб, Мӯгулистонга жўнатдилар. Қолган ҳалқни шаҳардан ҳайдаб чиқиб, аскарларга 24 нафардан бўлишириб бердилар. Қотиллар юз минг нафардан зиёд эди. Демак, Гурганж аҳоли-сидан миллион нафари қирғин қилинган.

Мовароуннаҳни босиб олиш мӯғулларга осонликча муяс-сар бўлмади. Хоразмшоҳнинг тўнгич ўғли Жалолиддин Ман-губерди ва Темур Маликлар ҳаётининг сўнгти дамларигача курашаётган ҳалқка раҳнамолик қилдилар. Улар ўзларининг ботир жангчилари билан ўн йил давомида гоҳ Мовароуннаҳр, гоҳ Афғон ва Хинд, гоҳ Эрон ёки Қафқозда пайдо бўлиб, мӯғулларга қақшатқич зарбалар бердилар. Тарихчи Насавий ёзади: “У ўрта бўйли, бугдой-ранг, туркча сўзларди, форсийча ҳам биларди. Унинг мардлигига келганда, шерларнинг шери, довюрак суворийлар орасида энг жасури эди. У жиддий киши эди, сира кулмас, фақат жилмайиб кўярди, камгап эди. У адолатни яхши кўтарди. Лекин у дучор бўлган ғулгула даври ундан ғолиб келиб, унинг феълини ўзгартирди. У фуқаролар оғирини енгиллаштиришни ёқтиарди, лекин инқироз даврида ҳукмронлик қилгани учун зўравонлик ишлатар эди”. Жалолиддин 1231 йилнинг 17-20 августларида хоинона равища ўлдирилди.

Мӯғуллар босиб олган худудларда тўрт давлат, яъни тўрт улус вужудга келди.

Чигатой улуси

Сиёсий воқеалар тафсилоти. Чингизхоннинг улкан давлати у ҳаётлигидаёқ ўғиллари Жўчи, Чигатой, Ўғадой ва Тулуй ўртасида тақсимлаб берилган эди.

Иртиш дарёсининг нариги томонидан то “мӯғуллар отининг туёғи етган жой”гача бўлган ерлар, Сирдарёнинг қуи оқими (Сифноқ, Барчинлигкент, Жаникент, Ашнас шаҳарлари) ва Хоразмнинг шимоли гарбий худудлари тўнгич

ўғли Жўчига берилди. Жўчининг яйлови Иртишда, қишлиш жойи Сирдарёнинг куйи оқимларида эди.

Кошгар, Еттисув ва Мовароуннахр Чингизхоннинг иккинчи ўғли Чигатойга берилди. Чигатойнинг кўши Ила дарёси бўйида эди.

Ўғадойхонга Ғарбий Мўғулистон ва Тарбағатой ўлкаси ажратилди. Унинг кўши Чўгучакда эди.

Чингизхоннинг кенжা ўғли Тулуйга ота улуси Халха Мўғулистон, яъни Шимолий Мўғулистон мерос қолди. Унинг кўши Керулен дарёси бўйида эди.

Жўчининг ўғли Ботухон (1227-1255) Ўғадой (1227-1241) ва Тулуйнинг ўғли Мунка (1251-1260) замонида мўғуллар салтанати ижтимоий-сиёсий ҳаётида муҳим ўрин тутди ва Олтин Ўрда хонлигига асос солди. Булғор вилояти, Крим ва унга қарашли денгиз бўйи шаҳарлари, Қафқознинг Дарбанд, Боку шаҳарларигача, Хоразмнинг шимоли Урганч шаҳри билан Ғарбда Днестрдан бошланган чўллар, шарқда эса Ғарбий Сибир ва Сирдарёнинг куйи оқимларигача бўлган ерлар Олтин Ўрдага қараган. Чигатой (1227-1241) ўз ерларига инжу тарзида эгалик қилган. Олгуй (1261-1266) гача бу ерларда қооннинг ҳокимияти жорий бўлган. Қоон номидан Чигатой улусини Маҳмуд Ялавоч бошқарган. 1239 йилда у Хитойга ҳоким этиб тайинлангач, ўрнига ўғли Масъудбек (1239-1289) ўтқазилган. Ҳарбий ҳокимият, аҳолини рўйхатдан ўтказиш, солиқ йигиш ишлари дорухачи ва танмачи деб аталувчи мўғул амирлари қўлида бўлган. Масалан, Ўғадой қоон замонида Нахшаб, Самарқанд ва Бухорода Ҳазор Буқо, Чинсаг Тойфу Буқо Нушиб сингари дорухачилар турган. Маҳмуд Таробий кўзголонини (1238) тор-мор келтирган хоқон лашкарбошилари Илдиз нўён ва Жикан қўрчиларга Бухорони талон-тарож, аҳолисини қирғин қилишларига йўл қўймаганига қараганда, Чигатой улусида Маҳмуд Ялавочнинг нуфузи баланд бўлган. Дорухачи ва танмачилар у билан ҳисоблашишга мажбур бўлишган.

Маҳмуд Ялавоч Хитойга ҳоким қилиб жўнатилгач, унинг ўғли Масъудбекка Уйгуристонга қарашли Хўтан, Кошгар, Олмалиқ, Қояликдан то Самарқанд ва Жойхун дарёси соҳилларигача, Бешбалиқ ва Қораҳўжа ерлари инъом этилди.

Кепакхон (1309, 1318-1326) давригача Чигатой улусида

сиёсий барқарорлик бўлмади. Чигатойнинг набираси, 1221 йилда Бомиён жангидаги ҳалок бўлган Мутугеннинг ўғли Қора Хулагу хукмронлиги (1241-1247) узокка чўзилмади. Унинг ўрнига Гуюк қоон (1246-1249) Чигатой ўғли Есу Мункани (1247-1252) кўйди. Есу Мунка давлат ишлари билан кизикмади. Унинг ўрнига хотини Тўқаши ва Фарғона Шайхулисломининг ўғли вазир Бурхониддин Марғиноний давлатни бошқарди. 1249 йилда Ботухон қоонлик таҳтига Гуюкнинг беваси Ўғул Гаймишни ўтқазди (1249-1251). Чинтой уйғур унинг вазири бўлди. Чигатой улуси хони бу тадбирга қарши чиқди. Шунда Ботухон хонлик таҳтига Тулуйнинг ўғли Мункани ўтқизмоқчи бўлади. 1251 йили Қоракурумдаги қурултойда Мунка хон сайданди. У бундай ўзгаришга қарши чиққанларни рўйхат қилиб, жамъи 72 нафар хонзоданинг ишини ярғучи(қози)га топширади. Ярғучи ҳукмига кўра улар катл этилди. Катл этилганлар орасида Ўғул Гаймиш ва Широмуннинг онаси Қадағоч хотингилар ҳам бор эди. Чигатой улуси хонлигига Қора Хулагу тайинланди. Бироқ йўлда у вафот этди. Унинг қўшини йўлида давом этиб, Есу Мункани асир олиб, Ботухон хузурига жўнатди. Чигатой улусига Ориқ Буқонинг қизи, Қора Хулагунинг беваси Эргана хотун, ҳали вояга етмаган ўғли Муборакшоҳ билан бирга 1266 йили Оҳангарондаги қурултойда хон этиб тайинландилар. Улар номигагина хон эдилар. Ҳокимиятни Ботухон ва Мунка қоон номидан Масъудбек бошқарарди.

Хуллас, 1251 йилги Қоракурум қурултойидан кейин Чигатой улуси иккига бўлинниб кетди: Шарқий Туркистон, Ғулжа ўлкаси, Еттисув, Фарғонанинг шимоли шарқий қисми қоон ихтиёрида қолди; Мовароуннаҳр, Фарғонанинг ғарбий қисми Олтин Ўрда кўл остига ўтди.

Олғуй ибн Бойдар ибн Чигатой (1261-1266) Чигатой улусини Олтин Ўрда таъсиридан қутқазиш чораларини кўрди: Олгин Ўрданинг Бухорода турган беш минг нафарли қўриқчи қўшини қириб ташланди; уларнинг мол-мулки, оиласлари мусодара қилинди. Олғуй Берка хон қўшинларини Ўтрор яқинида тор-мор келтирди, Ўтрор таланди.

Бароқ ибн Йисунқор ибн Комкор ибн Чигатой замонида (1266-1271) Чигатой улуси анча кучайди. Бароқхон Олгин Ўрда хони Мангу Темур (1267-1280) ва Қайду қўшинларини

Сирдарё бўйидаги жангда мағлуб этса-да, лекин охри енгилди. Унинг элхон Абоқохонга(1265-1289) қарши юришлари хам натижа бермади. Чигатой улусининг кўп қисми Ўғадойнинг набираси Қайду ва Олтин Ўрда хони Мангу Темур таъсирига тушиб қолди. Некплой (1271-1272) ва Буқо Темур (1272-1291) хукмронлиги даврида эътиборга лойик ўзгариш бўлмади. Қайду улус таҳтига Барокхоннинг ўғли Дувани(1291-1306) ўтқазди. Андижоннинг тикланиши, Ўзганнинг Фарғона ўлкаси пойтахтига айлантирилиши унинг номи билан боғлик. Дувахон Қайду билан ҳамкорлик қилиб, катта эътибор қозонди. Дува-хон вафотидан кейин ўғли Кунжакхон ва Толғу ибн Кудағай ибн Бўри Мутуган ибн Чигатойлар хонлиги узокқа чўзилмади.

Кепакхон ибн Дувахон ўз уруғдошларининг низоларига барҳам берди. Чигатой давлатининг ривожи, шаҳарлар қурилишига омил бўлган пул ва маъмурий ислоҳотлар Кепакхон номи билан боғлик. Насафдан икки фарсах масофа нарида курилган сарой (мўғулчада - Қарши) унинг номи билан боғлик. Маъмурий ислоҳотта кўра мамлакат Бухоро ва Самарқанд вилоятларида туманларга, Фарғона ва Шарқий Туркистонда орчинга(пойтахт атрофи ноҳияларига) бўлинди. Янги пул бирлиги тариҳда кепакий номи билан машҳур бўлди. Бир динор кепакий икки мисқол, бир дирҳам кепакий эса учдан бир мисқолга teng бўлган.

1326 йилда Дувахоннинг ўғиллари Элчиgidой ва Дурра Темур ўртасида таҳт учун кураш бошланди. Сўнг таҳни эгаллаган Аловуддин лақабли Тармасирин (1326-1334) мустаҳкам мавқега эга бўлди. Дувахоннинг набиралари Бузан, Чанқши, Есун Темур 1334-1338 йилларда номигагина хон бўлдилар.

ХІУ асрнинг 40 йилларида Чигатой улуси икки қисмга: Еттисув, Фарғонанинг шарқий қисми, Шарқий Туркистондан иборат Мўгулистонга ва Ғарбий улус - Мовароуннаҳрга бўлиниб кетди ва сиёсий жиҳатдан парчаланди.

Ҳарбий-сиёсий тузум. Мўгуллар асос солған давлат ярим кучманчи типидаги, асосан ҳарбий тартибларга мувофиқ келган давлат бошқарувига эга сиёсий ташкилот эди. Чингизхон ва унинг авлодлари хон унвони соҳиблари эдилар. Уларнинг қўли остидаги бошқарув тизимида турли унвон, мартаба ва мансаб эгалари бўлган. Бундай амалларнинг

аксарияти ҳарбий тартибларга мос тушарди. Йирик ҳарбий бўлинма бошида ноёнлар, баҳодирлар ва мергандлар турган. Ўн минг аскардан иборат туманга хоннинг фарзандлари ҳам бошчилик қилишган. Хоннинг шахсий соқчилик бўлинмаси - кешик ҳам бўлган. Фавқулодда ҳолатларда мазкур бўлинманинг ҳаракати кўл келган.

Туманлар ўз навбатида минглик, юзлик, ўнликларга бўлинган ва ҳар бир бўгинда ҳарбий бошликлар: мингбоши, юзбоши ва ўнбошилар турган. Тартиб-интизом борасида сўз юритмоқчи бўлсақ, бунда мўғулларнинг кўшини энг интизомли ва ўз бошликларининг сўзини икки қилмайдиган кескин, ўз замонасининг ҳақиқатдан ҳам қатый жанговар армияси саналарди. Жангчилар эса ботир, кўрқмас ва чақон бўлган.

Чигатой улуси даврида Мовароуннахрни бошқариш ишлари маҳаллий ҳукмдорларга топширилган эди. Мовароуннахрнинг бошқарувчиси йирик савдогар ва судхўр Маҳмуд Ялавоч эди. У Хўжанддан туриб ўз кўли остидаги мўғул ҳарбий бўлинмалари ёрдамида давлатни бошқарган, солиқларни йикқан. Бухорода эса маҳаллий зодагонлар ва руҳоний раҳбарлар мамлакатда бошқарувни ўз қўлларига олган эдилар. Булар маҳаллий амирлар ва садрлар хисобланган.

Маҳаллий бой-зодагонлар қатламига таянган ҳолда мўтул хонлари Ўрта Осиёдаги вилоят ва ҳудудларни идора қиласидилар. Ишончли кишиларга маҳсус хужжат-пайзалар берганлар. Алоҳида ёрлиқларга кўра маҳаллий аҳоли амалдорлар, савдо-гарлар, руҳонийлар, хон хонадони вакилларига ўша ерлардан ўтиб қолса, туар жой берганлар ҳамда уларни озиқ-овқат ва от-улов билан таъминлаганлар.

Чигатой улусида иқтисодий муносабатлар. Чигатой улуси хонлари ўз улусларига инжу тарзида эгалик қиласидилар, яъни хону хонзодалар ўзларига берилган юртнинг даромадидан фойдаланиш ҳукукига эга бўлганлар, холос. Ер солиги мол (хирож) умумий ҳосилнинг ўн фоизини ташкил этган. Кўчманчилар тўлайдиган кўпчур юз бош молдан бир бош хисобида бўлган. Савдодан тарғу жаримаси олинган. Мунка қоон номида пул зарб этилгач, 1270 йилдан солиқ ва жарималар пул билан олина бошлаган. Пул улуснинг кўплаб йирик шаҳарларида, масалан, Олмалик, Бухоро, Ўтрор, Тароз, Кош-

ғар, Тошканд, Ўш, Марғилон, Оқтепа, Ўзганд, Хўжандда зарб қилинган.

Масъудбек ташаббуси билан 1271 йилда пул ислоҳоти ўтказилди. Чигатой улусининг барча шаҳар ва туманларида бир хил вазндаги кумуш тангалар ҳарб этиш ва муомалага киритиш бу ислоҳотнинг асосий мөҳиятини ташкил этар эди. Бу ҳол ички савдо ва ѝхтимоий муносабатларни тартибга соларди: энди кумуш тангалар зарб этиш эркинлиги вужудга келди; хоҳлаган киши ўз ихтиёридаги кумуш буюмларини зарбхонага олиб келиб кумуш тангага айлантириши мумкин эди.

Аҳолининг кумуш тангаларга ишончи мустаҳкамланди, танга нуфузи ортиб борди. Натижада XIII асрнинг 80-90 йилларида улуснинг 16 та шаҳрида зарбхоналар очилиб, уларда доимий равишда кумуш тангалар зарб этилди.

Соликлар. Чигатой улусида ер солиги ўндан бир ҳажмда белгиланган. Олий мансабдорлар солик тўламаганлар. Гап шундаки, йирик мулқдорлар, савдогарлар, ислом пешволари мӯғуллар билан яқинлашиб, катта имтиёзларни қўлга киритган, ҳар хил ёрликлар олган эдилар. Солик турларидан яна бири кўпчур эди. У чорвадор хўжаликлардан олинган.


Чорвадорлардан яна шулси солиги олганлар: ҳар сурувдан бир кўй ва қимиз учун ҳар минг бош отдан бир бия ундирилган.

Яна бир солик тарғу деб аталган ва хунарманд, савдогарлардан олинган. Тарғу ишлаб чиқарилган ва сотилган молнинг ўттиздан бир улуси ҳажмидаги бўлган. Яна маҳаллий халқ туз солиги, жон ёки кумуш солиги тўлаган.


Маълумки, мӯғул хонлари ноибларга барот (ижара ёрлиғи), пайза берганлар, ноиблар солик йигиш пайтида расмий белгиланган ҳажмдан зиёдроқ ундириб олган.

Кўп сонли мансабдорлар, ҳарбийлар, тархонлар, доруга ва тамғачилар ёмларда(бекат)ларда тўхтаб ўтганларида, ҳар бир оила бир цинъ (596,8 гр.) гўшт, бир шин гуруч ва бир шиша ароқ етказиб беришлари зарур эди. 1235 йил ҳоқон фармонига кўра ҳар бир ёмдаги алоқа хизмати икки туман аҳолисига юқлатилади. Икки туман аҳолиси ём учун 20 бош от, сўйишга кўй-эчки, соғишига биялар, арава ва бошка зарур анжомлар ажратишлари лозим эди. Яна шуни таъкидлаш

Чиғатой давлатининг бошқарув тизими



Чиғатой улусида солик тизими



жоизки, Чигатой улуси ноиблари Маҳмуд Ялавоч (1227-1238) ва унинг ўғли Масъудбек (1239-1289) мўғул хонлари билан умумий тил топишга ҳаракат килиб, Мовароуннахрнинг иқтисодий ва ижтимоий юксалиши, савдо-сотикнинг жонланиши, сугориш иншоотларини таъмирлаш, сиёсий барқарорлигини таъминлашга эътибор бердилар. Улуғ қоонлар Гюокхон (1246-48), Мункахон (1251-1260), Чигатой хони Олғуй (1261-1266)ларнинг ҳар хил мўғул шаҳзодаларининг Мовароуннахр ҳайтига аралашувлари, ўзбошимчаликларига чек қўйилган, кўп шаҳарлар таъмирланган.

Кебекхон (1318-1326), Тармасирин (1326-1334) даврида ислом дини давлат дини мақомига эга бўлди. Улус маънавий ҳаётида ўтгрорлик Ҳабаш Амид, Шайх Сайфуддин Боҳарзий, фарғоналик Баҳовуддин Марғинонийларнинг ҳам ўрни бор эди. XIII аср ўрталаридан бошлаб ўзбек қабилаларининг ўзаро уюшуви жараёни кучайди. Жумладан барлос қабиласи Қашқадарёда, жалойирлар Оҳангарон водийсида, арлотлар Афғонистон шимолида, қовчинлар Фарғона водийсида жойлашиб, чукур томир отдилар. Бу ҳол ўзбек ҳалқининг ташкил топишида муҳим омиллардан бири бўлди.

Амир Темур давлати

Сиёсий воқеалар тафсилоти. Ўзбек ҳалқи давлатчилиги тарихининг янги босқичи улуғ саркарда ва давлат арбоби Амир Темур ҳукмронлик даври билан узвий боғлиқдир.

Амир Темур 1336 йилнинг 8 апрелида Кеш шаҳри яқинидаги Хўжа Илғор қишлоғида (ҳозирги Яккабоғ тумани ҳудудида) барлос қабиласи улуғларидан Тарагай Баходир хонадонида дунёга келди.

Унинг болалиги ва ўспиринлик йиллари маҳаллий амirlар, нўёнлар ва бекларнинг ўзаро урушлари, низолари даврига тўғри келди. Чигатой улусида нисбатан барқарорликни вужудга келтирган Қозонхон (1336-1347) ўлимидан сўнг мамлакат ҳудудлари парчаланиш, иқтисодий вайронлик сари юз тутди. Амир Қозоғон (1347-1357) даврида бу жараён янада авж олди. Амир Қозоғон фитна натижасида ўлдирилгач, Чигатой улуси беклари ўзларини мустақил деб эълон қилдилар: Кешда

Ҳожи Барлос, Ҳўжандда Боязид жалойир, Балҳда Ўлжой Буғо сулдус, Шибирғонда Мухаммад Ҳожа Аперди найман, Ҳутталонда амир Кайхусрав ва Ўлжой Аперди, Тотканд ва Сарипулда Хизр Ясовурий, Кўҳистонда Амир Сотилмиш ҳукмронлик қиласи. Бу ҳол Мўғалистон хонлари тинчлигини бузди. 1348 йилда хонлик таҳтини эгаллаган Туғлук Темур Чигатой улусида мўғуллар мавқенини мустаҳкамлаш мақсадида икки марта (1360-1361) кўшин тортиб келди. Ҳожи Барлос Ҳурносон сари қочди. Амир Темур мўғулларнинг ўзбошимчиликларига йўл қўймаслик мақсадида Туғлук Темур хизматига кирди. 25 яшар Амир Темур Шаҳрисабз ҳокими этиб тайинланди. 1362 йилда у Балҳ ҳокими амир Ҳусайн ибн Мусаллаб билан яқин бўлиб, улар мўғуллар ҳукмронлигига қарши курашишга аҳду паймон тузишади. 1365 йилдан Туғлук Темурнинг ўғли Илёсхожа Чигатой улусига кўшин тортади. Чиноз яқинида (Лой жангига) иттифоқчилар Илёсхожадан енгиладилар. Илёсхожа Самарқандни ишғол қилмоқчи бўлганида, сарбадорлар халқни мўғулларга қарши зарба беришга сафарбар этадилар. Мавлонозода, Абубакр Кулувий, Ҳўрдак Бухорийлар уч кечакундуз тиним билмай мудофаага тайёрландилар. Мўғуллар енгилиб, Мўғалистонга кетишга мажбур бўладилар. Бу хабарни эшитиб иккала амир қайтиб келади ва Самарқандни эгаллайдилар. Сарбадорлар раҳбарларининг амир Ҳусайн томонидан қатл этилиши, улар ўртасидаги муносабатнинг бузилишига сабаб бўлди.

1370 йил баҳорида Амир Темур ўзига яқин амирларнинг кўшинлари ёрдамида Балҳ устига кўшин тортиб, Амир Ҳусайн кўшинини тор-мор келтиради. Шу ердаги амирлар қурутойида Амир Темур Мовароуннаҳр ҳукмдори этиб сайланди. Лекин Чингизхон наслидан Суюрготмиш (1370-1388) ва кейинчалик унинг ўғли Султон Махмуд (1388-1402) расмий равишда хон сифатида таҳтга ўтқазилди.

Амир Темур Мовароуннаҳрнинг қонуний ҳукмдори сифатида унинг ҳудудларини бирлаштиришга киришар экан, у тўғридан тўғри ҳарбий юришларга эрк бермасдан, ўзини мустакил деб билган маҳаллий ҳукмдорларга мурожаат этиб, уларни марказий ҳокимиятта бўйсунишини талаб қиласиди. Масалан, Амир Темур 1371 йил марта әлчи Алуфа товачи орқали Ҳусайн Сўфига шундай мурожаат этади: “Кот билан

Хивак аслида Чигатой улусига тегишилдири. Лекин кўп муддатдан бери уни эгасиз билиб, бошқалар ўзининг тасарруфи қабзасига олмишлар. Энди инсоф юзасидан, уни барча тобеъ ерлари билан қўшуб Чигатайхон хонадони мулоғимларининг илгиға топширилиши адлу инсоф намунаси бўлтур эрди. Биз шундай бўлуб қолишига умид билдириб қолурмиз". Хусайн Сўфи бу гапларга назар - писанд қилмади. Амир Темур Хоразм устига беш маротаба (1371, 1373, 1375, 1379, 1388 йилларда) қўшин тортишга мажбур бўлди. Шош, Терmez, Ҳисор, Бадаҳшон, Кундуз хукмдорлари тобеълик билдирган бўлсалар ҳам, Шарқий Туркистон, Еттисув, Сирдарёning юқори оқими мўғул хонлари таъсирида эди. Амир Темур 1371 йил бошларида Мўгулистонга қўшин тортади. Кепак Темур лашкари тор-мор келтирилади. Сўнг Қамариддин ва унинг иттифоқчиларига қарши уч бор ҳарбий юриш (1374-1375, 1376-1377) уюштириди ва Мовароуннахрнинг шарқий ва шимолий худудлари даҳлизлиги таъминланди. Охирги жанг 1377 йил баҳорида Иссиққўлнинг Буғам деган жойида бўлиб, Қамариддин кучлари яксон этилди.

Манғишлоқ ҳокими Тўйхожа ўғлон фарзанди Тўхтамиш 1380 йилда Мамайни енгиб, Олтин Ўрда хони бўлиб олганди. У Амир Темурнинг Эрон ва Кавказ худудларини эгаллаш йўлидаги хатти-харакатларига халақит бермоқчи бўлди. Шу жихатдан Соҳибқироннинг 1389, 1391 ва 1394-1395 йилларда унга қарши ҳарбий харакатлари жиддий аҳамиятга эга бўлди.

Маълумки, Эрон ва Хурсонда ҳам бир неча кичик давлатлар мавжуд бўлиб, оддий ҳалқ ва савдогарлар улардан кўп талофат кўрар эдилар. Масалан, Эроннинг шимолий қисми, Озарбайжон худудида Жалойирлар давлати (1336-1411), Сабзаворда Сарбадорлар давлати (1337-1381), Хиротда Куртлар давлати (1337-1381), Исфаҳонда Музаффарийлар ва ҳоказо.

Амир Темур 1380 йилдан бошлаб Хурсон юришларини бошлайди. Тус, Нишопур, Сабзавор шаҳарлари жантсиз таслим бўлади. Шундан кейин Амир Темур Эроннинг бошқа худудларига қарши 1386 йилдан бошлаб уч йиллик, 1392 йилдан беш йиллик, 1399 йилдан эса етти йиллик юришларини амалга оширади.

Амир Темурнинг Ҳиндистон устига ҳарбий юришининг

(1398 йилнинг сентябридан 1399 йил марта гача) ҳам ўз сабаблари бор эди. Шимолий Хиндистон ва Кашмир мусулмонлари қароқчилардан азият чекаётганди.

Унинг 1401 йилда Шомга, 1402 йили эса Боязидга қарши юришлари муваффакиятли якунланди (1402 й. 28 июля Анкара жангига).

Амир Темур кўпдан буён Хитойга юришни дилида тушиб кўйган эди. У бунга 1404 йил кузидан тайёргарликни бошлайди. Аммо 1405 йилнинг 18 февралида вафот этиши туфайли, бу юриш амалга ошмай қолди.

Сиёсий тузум. Амир Темур ўз давлатини барпо қилишда ўтмишда мавжуд сиёсий бошқарув тажрибаларидан кенг фойдаланди. Мазкур давлат ўз таркибий тузилишига кўра кўпинча харбий-сиёсий тартибларга асосланган эди. Қурдатли хукмдор тарих фанига ихлос кўйганидан бўлса керак, қадимги ва ўрта аср Шарқ мамлакатларидаги турли давлатлар ва уларнинг сиёсий ҳамда маъмурий идора усули, бошқарув тизимлари ҳакида кенг тасаввурга эга эди. Бироқ унинг давлат бошқарув тизими кўл остидаги бутун худудда ягона марказлашган сиёсий тартиб асосига курилган бўлиб, бу соҳадаги тажрибалар Ўрта асрлардаги Ўрта Осиё давлатларида кенг кўлланилган идора усуллари тажрибаси билан бойитилган эди. Амир Темурнинг Низомулмulk томонидан яратилган “Сиёсатнома” асаридан давлат ишларида кенг кўлланма сифатида фойдаланиши, “Темур тузуклари”да “Сиёсатнома”дан фикрлар келтириши бунга ёркин мисолдир.

Амир Темур ўзига қадар мавжуд бўлган давлатчиликнинг саккизта асосига амал қилди:

- давлат сиёсий жиҳатдан мустакил бўлиши;
- давлат ва жамиятнинг сиёсий яхлитлиги бузилмаслиги;
- давлат ва жамият муайян қонунлар, тартиблар, мафкура асосида бошқарилмоғи.
- бошқарув тизимини мувофиқлаштириб турувчи қоидалар шаклланган бўлиши;
- жамиятдаги ижтимоий-иктисодий муносабатлар ахволи давлат эътиборида бўлиши;
- фан ва маданият равнаки тўғрисида доимий қайғуриш;
- хар бир давр шарт-шароити, тартибларига кўра давлат жамият ички тараққиёти масалаларини ташки дунёдаги мавжуд

омиллардан фойдаланган ҳолда олиб бориши;

-давлат төпасидаги күчлар ўтмиш, замона ва келажакни теран тафаккур, мустаҳкам иймон, ғоят юксак маънавият ва миллатпарварлик ила англамоги.

Амир Темур давлатчиликнинг бу асосларига тўкқизин-чисини, жамият ривожи ва барча ижтимоий табақалар, манфаатларини таъминлашни қўшиди.

(4) Бошқарув икки идорадан: даргоҳ ва вазирлик (девон) дан иборат бўлган. Даргоҳни Олий хукмдор бошқарган. Даргоҳ фаолиятини бошқариш, унинг девонлар, маҳаллий ҳокимият идоралари билан боғланиб туриш ишлари Олий девон зиммасида бўлган.

Олий девонда - ижроия ҳокимиятда бош вазир, ҳарбий вазир, мулкчилик ва солиқ ишлари вазири, молия вазири турган. Сарҳадлар ва тобеъ мамлакатларнинг бошқаруви билан шуғулланувчи яна уч вазир бўлган ва девонбегига ҳисбот бериб турган. Марказий ҳокимият тизимида шайхулислом, қозикалон, қозийи аҳдос (одат бўйича ҳукм чиқарувчи қози), қози аскар, садри аъзам (вакф ерлари, мулклари мутасаддиси), долдоҳ (шикоятларни кўрувчи), эшикога, сарой вазири, ясовул (хукмдорнинг шахсий буйргуни бажарувчи), қалақчи (хирож микдорини аникловчи), муҳассил (солиқ ундирувчи), тавочи (асосий қўшинларни тўплаш ишига мутасадди амалдор), қоровулбеги, кутвол (қалъабон), муҳтасиб (шариат қоидалари ижросини, бозор тартибларини назорат қиливчи) ва бошқалар бўлган.

Шунингдек, даргоҳда бош ҳожиб, ҳожиблар, хазина-бон, хонсолар жибачи, күшчи, баковул, котиблар, битикчилар, табиблар, созандалар, дорихоначилар бўлган.

Амир Темурнинг тарихдаги хизмати шундан иборатки, у давлатчиликнинг бошқарув тизими, ички ва ташки сиёсатининг тартиб-қоидалари, хукукий асосларини янги тарихий шароитда такомиллаштириди. Ташки ва ички фавқулодда воқеалардан воқиф этиб турувчи минг нафар пиёда, минг нафар тужумган, минг нафар от минган чопарлари бўлган. Бутун салтанат бўйлаб бир кунлик йўл оралигига ёмхоналар ташкил этилган. Ҳар бир ёмда 50-200 бошдан от-улов тутилган.

Соҳибқирон мамлакатни бошқаришда ўз яқинларига сунди.

Мамлакатнинг ғарбий вилоятлари ўрганча ўғли Мироншохга, Балх вилояти катта ўғли Жаҳонгири миззога, Хурносон кичик ўғли Шоҳруҳ миззога суюргол этилган. У набира-ларига ҳам суюргол берган. Жумладан, Кобул, Ғазна, Қандайхор, Ҳинд ерлари Пирмуҳаммадга, Исфаҳонни Умаршайхнинг ўғли Рустамга, Бағдодни Мироншоҳнинг ўғли Абу-бакрга суюргол қилади.

Амир Темур салтанат ишларида ўзининг пирлари масла-ҳатларидан ҳам кенг фойдаланган. “Темур тузуклари”да соҳибқироннинг пирлари ва уларнинг кўрсатмалари баёни берилган. Асли хурсонолик йирик шайх бўлган Зайнуддин Абубакр Тойободий Амир Темурга давлат бошқариш ишларида кенгаш, машварату маслаҳат, хушёрлик, эҳтиёткорлик амалларига риоя этишни маслаҳат берган.

Шунингдек, саййид Барака, Мир Сайид Шариф Журжоний, Термиз саййидларидан Ал-ал мулк, Абул Маолий ва Али Акбарларнинг Амир Темур Давлати даргоҳларидаги машварату - кенгашларда фаол иштирок этсанларидан “Темур тузуклари” далолат беради.

 Давлат бошқарув ишларида Соҳибқирон ислом қонун-қоидаларига асосланган. Унинг Куръони Карим ва Ҳадиси шарифларга бўлган муносабати самимий ва олий даражада бўлган. Пайғамбар авлодлари, шайхул - машойихларга хурмати чексиз бўлган. Давлатни кучайтиришда ҳам айнан шундай кишиларга таяниб иш юритган.

Ижтимоий тузум. Амир Темур даврида Мовароуннаҳрда аҳолининг яшаш даражаси ва шароити яхшиланган. Ягона марказлашган давлатнинг шаклланиши ва ривож топиши билан оддий аҳолининг тинч ва осуда яшаб, меҳнат қилишига шарт-шароитлар яратилди.

Мўғуллар истилоси даврида ва ундан кейин Амир Темурнинг марказлашган давлат барпо этгунига қадар Ўрта Осиё ва унга қўшни худудларнинг халқ оммаси ниҳоятда оғир азоб-укубатлар, қийинчиликлар билан ҳаёт кечираётган эди. Мўғулларнинг вайронагарчилик ва бузгунчилик ишлари туфайли меҳнаткаш аҳолининг яшаш шароити кўйи даражага тушиб қолди. Хўжаликни қайта тиклаш ишларига эътиборсиз бўлган кўчманчи мўғуллар халқ бошига турли соликларни солдилар, улар орасидан баъзиларини қулларга айлантирилдилар.

Амир Темур ҳокимият тепасига келгач, у мамлакатда қайта тиклаш ишлари, ободончилик, суғориш тармокларини таъмирлаш ишларига катта эътибор қаратди. Турли тоифага мансуб мулк сохибларини бир қўл остида бирлаштириди. Қаттиқ интизом ҳар қандай зодагонни ўз хукмдори олдида бош эгишга мажбур килар эди. Мехнаткаш ҳалқ, жумладан, ҳунарманд қатламига мансуб кишиларнинг яшаш даражаси анча яхшиланди. Шаҳарларда, маданият марказларида яратувчилик, ободончилик ишлари ниҳоятда кучайиб кетди.

Амир Темур давлатининг сарҳадлари кенг эди. У нафакат ҳозирги Ўрта Осиё балки, Эрон, Афғонистон, Ҳиндистон, Кавказ, Қозогистон, Ирок сингари мамлакат ва ҳудудларни ўз таркибиға олган эди. Ижтимоий тузум масаласида тўхталганимизда, айнан шу жойлардаги аҳолининг турли қатламлари, уларнинг ўзаро нисбати, бир-бирига алоқадорлигини назарда тутишимиз керак.

(7) “Темур тузуклари”да Амир Темур ўз мамлакатини бошқаришда аҳолини маълум ижтимоий қатламларга бўлганлиги кайд этилган. Улар асосан ўн иккита гурухга бўлинган ҳолда ўша даврдаги омма ва хоссанинг бир-бирига нисбатини яққол кўрсатади. Булар қўйидаги ижтимоий тоифалар:

- сайидлар, олимлар ва шайхлар;
- катта тажрибага эга илмли кишилар;
- дуо килувчи тақводорлар;
- лашкарнинг сипоҳлари, сарҳанг ва амирлари;
- аскарлар ва ҳалқ оммаси;
- давлат бошқарув ишларини ипидан-игнасиғача биладиган маслаҳаттўй доно ва ақли кишилар;
- вазирлар, котиблар, девон бошлиги;
- тиббиёт аҳли, мунажжим ва мухандислар;
- муҳаддислар ва муаррихлар;
- тасаввуф вакиллари ва орифлар;
- хунармандлар ва санъаткорлар;
- ажнабий сайёхлар ва савдогарлар.

Юқоридаги ижтимоий қатламлар Амир Темур давлатини маъмурий-бошқарув тизимидағи тартиблар билан алоқадор ҳолда унинг ҳарбий-сиёсий характерда бўлганлигини ҳам кўрсатиб турибди.

Ижтимоий тузумни биз мулк эгалигисиз тасаввур қила

олмаймиз. XV асрда зироатчиллик билан машғул қишлоқ аҳли орасидан маълум қисми имтиёзли ҳақ-хуқуқлар эгаси бўлган. Улар давлатга жуда оз микдорда солиқ тўлашган. Аҳолининг жуда катта қисмини ижарачи-чорикорлар ва жамоатчи дехқонлар ташкил қилган. Қишлоқлар жамоа ёки қарийа деб номланган. Унинг мулки бутун жамоа аҳлига қараши эди.

Хунармандчилик соҳасида асосий ишлаб чиқарувчи ижтимоий тоифа вакили эркин хунармандлар бўлган. Улар шаҳарда яшовчи савдогарлар билан бир қаторда маданий марказнинг ўрта ҳол тоифалари вакиллари саналганлар. Булар жумласига амалдорлар ва ўрта ҳол ислом пешволарини ҳам киритиш мумкин.

Амир Темур ўзига тобе мамлакатларнинг сипоҳу раият кайфиятини, турмушини, бирор киши уларга жабр-ситам қилса, уларни жазолаш тадбирларини ўз қонунларида қайд этиб ўтган.

Ҳар бир шахс ўз қобилияти ва ўз хоҳиши иродасига кўра, шунингдек, билим ва тажрибасига мувофиқ муайян вазифани эгаллай олар эди. Албатта, у ўша ишни ва амални уддай олса, ўз харакатига мувофиқ ижтимоий қатламнинг юкорироқ даражасига кўтаришлади.

Солиқ тизими. Кўпгина манбалар Амир Темур ва Темурийлар даврида Ўрта Осиё ва бошқа худудларда солиқ тизими маълум меъёрга туширилганлигини баён қиласиди. Мансабини суистеъмол қилган айрим амалдор шахслар аҳоли норозилигига учраган ва хукмдорлар томонидан қаттиқ жазоланган. Темурийлар даврида солиқнинг асосий тури хирож бўлган. Ер солиги ҳосилнинг учдан бир микдорича бўлган. Танобона боғлардан олинган. Жон солиги, улоғ, бегор амалда бўлган.

Ерга эгаликнинг суюргол - хусусий мулк тури кенг тарқалган.

XV асрда зироатчилар қандай ер мулкларида яшаб, экин экишларига қараб хирож тўлаганлар. Улар асосан тўрт турга -

- давлат ерларида яшовчи зироатчилар;
- хусусий мулк ерларида яшайдиган;
- ўз ерида яшовчilar;
- вақф ерларида яшовчilarга ажralганлар.

Ердан асосан хирож (мол) ундирилган. У маҳсулот ёки

пул билан олинган. Ҳажми хосилнинг ярми микдоригача борган.

Маглуб шаҳар аҳолисидан сари шумор (жизъя) олинган.

Мамлакат катта ҳавф остида қолган пайтларда фавқу-лодда солиқ - аворизот йиғиб олинган. Мамлакат ҳудудидан чопар ёки әлчилар ўтаётганда, зарурат тугилганда, аҳоли уларга улоғ - от топиб бериши лозим бўлган.

Дўйондор ҳунармандлардан тамғо солиги олинган. Зарур бўлганда аҳоли қаср қурилиши, сугориш иншоотлари, кўп-риклар қуриш ишига - ҳашар(бегор)га жалб этилган. Мазкур ишлар жараёнида миробона, доругона соликлари ундирилган. Накд бойлигининг (Тангри Таоло муҳофаза этсин деган умидда) камбагаллар ва ўзидан қолганлар фойдасига закот берганлар. У йилига бир бор берилиб, кўчмас мулкнинг кирк-дан бири ҳажмида бўлган. Чегара ҳудудларида божхоналар бўлиб, четдан келадиган савдогарлардан бож ундирилган. Махаллий савдогарлар тагжой, боғдорлар танобона тўлаганлар.

Хукук. Ҳар бир ислом давлатида шариат қонун-қоидалари етакчи ўринни эгаллайди. Шу жихатдан олиб қараганда, Амир Темур давлатида ҳам хукукий муносабатлар Куръони Карим ва Ҳадиси шарифда баён қилинган тартиб-қоидаларга асосланган.

Амир Темурнинг хукуқ ва конун унсурлари “Темур тузукларида” ўз аксини топган. Бу асарда давлат юмушлари, ҳарбий соҳа, раият ва ижтимоий тузумнинг барча қатламлари ҳакида сўз юритилган. “Темур тузуклари”да таъкидланишича, дунёвий жихатларни хукмдорнинг ўзи, яъни Амир Темур назорат қилган ва керакли жазони ҳам айнан давлат бошлиги берган. Шариат ишларини бошқариш эса, шариат қозисига берилган. Бироқ давлатнинг девонида, унинг турли бўгинларида ҳам алоҳида қозилар суд, жиноят ва жазо ишларини амалга оширганлар. Масалан, лашкар учун маҳсус қози, раият учун алоҳида қози тайинланган. Хукуқ тизими қуйидагича бўлган:

Шайхулислом - ҳар бир мамлакатда мусулмонларни ножӯя ишлардан саклаш, савоб ишларга ундаш бўйича масъул шахс.

Садрлар - асосан саййидлардан чиқсан шахслар бўлиб, аҳли исломга бошчилик килган. Уларнинг энг муҳим вазифаларидан бири мамлакатдаги вакфларни назорат қилиш бўлган.

Садрлар суюрголни ҳам белгилаб турганлар.

Мутаваллий - садрлар томонидан вакфларни бошқариш ва назорат қилиш учун тайинланган шахс.

Қози - ҳар бир шаҳар ва вилоятда, девоннинг тури бўғинларида қонунни назорат қилган. Қозилар даражаси ва мартабасига кўра бир-бирларидан фарқ қилиб турган.

Мударрис - диний масалалар, шариат, тафсир, хадис ва фикхдан дарс берувчий шахс.

Мухтасиб - бозорларда тарози, нарх-навони назорат килувчи масъул шахс.

Қози ва садрлар Амир Темурнинг шахсан ўзига ҳисобот бериб турганлар. Амир Темур қатъий тартиблар ва қонундарни ўз тузукларида ёзиб чиқкан:

1) -хазинабон молия ишида хиёнат қилса, текширувдан сўнг, куйидагича жазога тортилган. Масъул шахснинг ўзлаштириб олган маблағи маошидан икки баробар ортиқ бўлса, ортиғи оладиган ойлиги ҳисобидан ушлаб қолинган;

-қайси бир сипоҳий ҳаддидан ошиб, кўл остидаги кишига зулм қилса, уни зулм кўрган кишига топширганлар ва ўша мазлум кишининг ўзи сипоҳийни жазолаган;

-қишлоқ оқсоколи, шаҳар улуғлари пастрок тоифадаги кишига зулм қилса, ўша зулмга яраша катта микдорда жарима солинган;


-халқка жабр-зулм қилган ҳарбий киши жарима тўлаган, ёки дарра билан калтакланган;

-кимда-ким ўғирлик қилиб, бировнинг молини тўнаса, ўшани қайтариши шарт бўлган ёки ясога мувофиқ қаттиқ жазога тортилган;

Бировнинг тишини синдиrsa, кўзини кўр қилса, қулоқбурнини кесса, шароб ичса, зино ишлар билан машғул бўлса, шариат қозиси томонидан тегишли жазоларни олган.

Маданий ҳаёт. Темурийлар даврида (XIV аср иккинчи ярми - XV аср) Мовароуннарҳ ва Хуросон - Ўрта Осиё маданий ҳаётида жуда катта юксалиш рўй берди. Бу давр ўз моҳияти билан Шарқ ренессансининг, уйғониш даврининг ўзига хос босқичи бўлди. Бу даврда маданий ҳаётнинг кучайиш даражаси IX-XII асрлар орасидаги ilk мусулмон ренессансидан қолишимайди.

Амир Темурнинг буюк давлат тузиш мақсадлари доираси



Ўрта Осиёни бутун дунё маданий марказига айлантириш каби режаларни ҳам ўз ичига олган эди. Темур ўзининг сиёсий мақсади йўлида кўп ҳарбий ва ички сиёсий тадбирларни амалга ошириш билан бир қаторда жуда катта ижтимоий-маданий тадбирларни ҳам юзага чиқарди. Усталарнинг техник билимлар ва ижодий изланишлари натижасида шаҳарлар киёфаси тубдан ўзгариб кетди. Дабдабали саройлар, ҳашаматли мақбаралар, масжид ва хонақохлар, боғлар яратилди. Амир Темур серҳашам бинолар яратишни, ўз давлатининг шуҳратини оширишга хизмат қиласди, деб тушунади. Шунинг учун ҳам у Шаҳрисабзда курдирган Оқсарой биноси пештоқига, “бизнинг буюклигимизга шубҳанг бўлса курдирган иморатларимизга бок” деган жумлани битишни буюрган.

Машхур авлиёлар, дин пешволарига бағишлиган мақбаралардан Шохи-Зинда мақбаралар мажмуаси Мұхаммад пайғамбарнинг қариндоши Қусам ибн Аббосга бағишлиган. Гўри Амир мақбараси ҳам мақсад эътибори билан Темурнинг пири Амир Саййид Барака шарафига бағишилаб қурилган эди. Туркистон шаҳридаги Хожа Аҳмад Яссавий мақбараси ҳам шулар жумласига киради.

XIV асрнинг машхур илоҳиётчиларидан Хожа Баҳовуддин Нақшбанд (1319-1389) Бухоро яқинидаги Қасри Орифон кишлоғида таваллуд топган. У асос солган нақшбандийлик тариқатининг асосий моҳияти “Кўл ишда, дил Оллоҳда!” шиорида ўз ифодасини топган. Амир Темур нақшбандийлик тариқатига амал қилган ва шундай деган: “Пири комил Шайх Баҳовуддин Нақшбандийнинг “Кам егин, кам ухла, кам гапир”, деган панду насиҳатларига амал қилдим. Аркони давлатга, барча мулозимларга ҳам айтар сўзим шу бўлди. “Кам енглар, очарчилик кўрмасдан бой-бадавлат яшайсизлар, кам ухланглар - мукаммалликка эришасизлар, кам гапиринглар-доно бўласизлар!”

Темурийлар даври маданий ҳаётида Улугбек даври (1409-1449) алоҳида дикқатга сазовордир. У Регистон майдонида улугвор мадрасаса ва хонақо барпо қилди. Ундан жануброкда улкан ҳаммом курди.

Улугбек замонида фан тараққиёти ҳам яққол кўзга ташланади. Илми нужум (астрономия), илми риёзиёт (математика), илми табобат (медицина), тарих, кимё ва бошқа

фанлар ривожланди. Айниқса, Улугбек мадрасаси ва расадхона, илмий ҳаётда катта роль ўйнади. Мадраса шу давр илгор фанининг ҳақиқий минбарига айланди. Мадрасада Улугбекнинг ўзи ҳам дарс берган. Улугбек обсерваториясида олиб борилган тадқиқот ва кузатишлар ўз замони учун энг мукаммал астрономик жадвал “Зижи Кўрагоний”нинг яратилишига олиб келди. Расадхонада Улугбек билан бирга Қозизода Румий, Гиёсиддин Жамшид, Аловуддин Али Кушчи каби олимлар ишлаган.

Улугбекнинг математика ва астрономия соҳасидаги ютуклари ўз замони илми ҳаётида юксак баҳолангандардан тан олинган эди. Бунинг ёркин ифодаси сифатида XVII асрда Европада яратилган расм гравюорани эслатиш мумкин. Унда Мирзо Улугбек дунёнинг энг машҳур астрономлари сифатида тасвиirlанган.

Темурийлар даври тарих фанида ҳам жиддий ўсиш кузатилади. Ибн Арабшоҳ ўзининг “Китоб ажойиб ал маклур фи ахбори Темур” (“Темур ҳақидаги ахборотларда тақдир ажойиботлари”), Низомиддин Шомий ва Шарафиддин Али Яздий “Зафарнома”лари муҳим тарихий асарлардир.

XV аср давомида тарихчи олимлар сифатида Мирхонд ва Хондамир шуҳрат қозонди. Мирхонднинг “Равзатус-сафо” (“Жаннат боғи”) ҳамда Хондамирнинг “Ҳабиб ус-сияр” (“Олижаноб хислатлар китоби”) асарларида Султон Ҳусайн Бойқаро даври акс этган. Булардан ташқари темурийлар даври тарихи баён этилган китоблардан Гиёсиддин Алиниң “Рўзномаи ғазовоти Ҳиндистон”, Ҳофизи Абронинг “Зубдат - ут - таворих” каби асарлари ҳам мавжуд.

Темурийлар салтанати хукм сурган давр маданий ҳаётида адабиёт ва санъат, тарихнавислик, тилшунослик ва хотира-навислик, санъат турларидан: мусиқа ва рассомчилик, китобат ва хаттотлик соҳалари жадал ривожланган.

Темурийлар даври адабий ҳаёти Ўрта Осиё ҳалқлари тарихида муҳим боскич бўлди. Бу давр адабиёти Кутб, Хоразмий, Сайфи Саройи, Ҳайдар Хоразмий, Дурбек, Амрий, Якиний, Атоий, Саккокий, Лутфий, Навоий, Бобур каби шоирлар номлари билан белгиланади. Булар ўрта асрнинг кучли мутаассибона таъсири хукмрон бир даврда юксак бадиий дунёвий адабиёт тараққиётига хизмат қилдилар.

XV аср бошларида туркий адабиёт Атоий, Саккокий ва Лутфий лирик мероси билан фахрланади. Бу шоирлар ижодида юксак бадиий санъат мужассам бўлди.

Темурийлар даври адабиётининг марказида буюк шоир ва мутафаккир Алишер Навоий туради.

Шоирнинг дурдона бадиий асарларидан ташқари адабиётшунослик, тилшунослик, мусаввирлик, тарихчилик соҳалида яратган ўлмас мероси хануз ўзининг илмий ва маънавий аҳамиятини йўқотмаган.

Темурийлар салтанати инкиrozга юз тутаётган бир паллада тарих саҳнасида истеъодли шоир ва олим Захириддин Мухаммад Бобур пайдо бўлади. У 1483 йилда Андикон ҳокими Умаршайх оиласида дунёга келган, 12 ёшида таҳт эгаси бўлган Бобур тақдири мураккаб сиёсий, ҳарбий шароитда кечди. Лекин шунга қарамай, Бобур чукур билим олишга муваффақ бўлди. Бобурнинг адабиётшунослик бўйича шарқ шеър санъатидаги аруз ҳақида яратган илмий иши муҳим назарий аҳамиятга эга. Бобур яратган буюк мемуар асар - “Бобурнома” темурийлар даври тарихини ўрганишда муҳим манба бўлиб келмокда.

Темурийлар даври жуда кўп санъат турларини ривожланишига кенг йўл очиб берди. Жумладан, китобат ва ҳаттотлик санъати кенг ривожланди. Бу санъат турлари билан боғлиқ ҳолда Шарқ миниатюра рассомчилиги ҳам ривожланди. Унинг Ҳирот, Самарқанд каби маданий марказлари билан боғлиқ мактаблари пайдо бўлди. Миниатюра санъатида Беҳзод каби рассомлар машҳур бўлишди.


Ҳаттотлик санъатида Абулжамил котиб, Султон Али Машҳадий кабиларнинг гўзал асарлари пайдо бўлди. Хусусан, бу икки котиб Алишер Навоий асарларини кўчириш билан шуҳрат қозонди.

Кўп ҳолларда темурий хукмдорлар саройлари ҳам маданий хаёт марказига айланар эди. Саройларда ташкил этилган кутубхона қошидаги котиблар ҳаттотлик ва китобат санъати мамлакат маданий ҳаётида катта ўрин тутди.


Темурийлар даврида юз берган сиёсий, ижтимоий ва маданий юксалиш тасодифий ҳол эмас эди. Бу ҳодисанинг илдизлари ҳалқ даҳосининг минг йиллар давом этиб келган маънавий тафаккур булоқларидан сув ичади. Ана шу ижодий

имкониятни рўёбга чиқиши учун эса, тарихий зарурият сифатида мустаҳкам марказлашган давлат барпо қилмоқ, ўзаро низолар ва парокандаликни тутатмоқ лозим эди. Ана шу тарихий заруриятта Амир Темур асос солган давлат хизмат килди.

Темурийлар давлати сиёсий тузуми




Темурийлар давлатида бошқарув тизими




Темурийлар ҳарбий бошқарув тизими



Темурийлар даври бошқарув тизими



Темурийлар даврида маҳаллий ҳокимият



Бухоро хонлиги

Бухоро хонлиги XVI - XX аср бошларида Ўрта Осиёда мавжуд бўлган йирик давлат бўлиб, унда Зта сулола - шайбонийлар (XVI аср), аштархонийлар (XVII - XVIII аср ўрталари) ва манғитлар ҳукмронлик қилганлар. Бу сулолалар ҳукмронлиги даврида хонликнинг сиёсий нуфузи, куч-кудрати турлича бўлганлиги сабабли ҳам Бухоро хонлигини Шайбонийлар давлати, Аштархонийлар давлати ва Бухоро амирлиги деб алоҳида ажратиб аташ ҳоллари учрайди.

Шайбонийлар сулоласи даври

Муҳаммад Шайбонихон бошчилигидаги кўчманчи ўзбеклар XVI аср бошларида Мовароуннаҳр ва Хуросонни эгаллаб, темурий шаҳзодалар ҳукмронлигига чек қўйдилар ва бу улкан худудда ўзларининг марказлашган давлатига асос солдилар. Бу давлат пойтахти аввал Самарқандда бўлган бўлса, XVI аср ўрталаридан бошлаб Бухорога қўчирилади. Шундан кейин бу давлат Бухоро хонлиги деб ҳам атала бошланди. Бутун XVI аср мабойнида ҳокимиятни ўз қўлларида саклаб келган шайбонийлар сулоласи ҳукмронлиги ўзбек давлатчилиги тарихида катта аҳамиятга эга бўлиб, худди шу даврда ўзбек ҳалқининг этник шаклланишидаги учинчи давр бошланди. Даشت қипчоқлик ўзбеклар Мовароуннаҳр ва Хуросондаги маҳаллий туркий ҳалқ - ўзининг азалий қон-қариндошлари билан қўшилиб кетди ва уларга ҳам ўзининг номини берди.

Манбалар. Шайбонийлар давлати тарихини ёритишда турли тарихий манбалардан фойдаланиш, яъни ёзма манбалардаги маълумотлар билан бирга археологик, эпиграфик, нумизматик ва бошқа тарихий тадқиқотлар натижаларидан фойдаланиш мавзуни тўлароқ ёритишга ёрдам беради.

Даشت Қипчоқда ҳамда Мовароуннаҳр ва Хуросонда XV-XVI асрда бўлиб ўтган тарихий воқеалар ҳакида қимматли маълумотлар берувчи маҳаллий (ески ўзбек, форс-тожик тилларида битилган) ёзма манбалар анчагина. Улар ичida темурий шаҳзода Захрилдин Муҳаммад Бобурнинг(1483-1530) ўзбек тилида битилган “Бобурнома” асари ҳамда Шайбонихон

хизматига кирган шоир ва тарихчи олимлардан Камолиддин Биноий (1453-1512) ва Мухаммад Солих(1453 -1535)ларнинг Шайбониҳонга бағишлаб ёзилган асарлари мухим ўрин тутади. Мухаммад Солихнинг “Шайбонийнома” асари ўзбек тилида назмий услубда ёзилган бўлса, Биноийнинг “Шайбонийнома”си (бу асар “Футухоти хоний” деб ҳам аталади) форс тилида битилган ва ҳозиргача ўзбек тилига тўлиқ таржима қилинмаган. Бу асарларда Шайбониҳоннинг Даشتி Қипчоқда ҳокимият тепасига келиши, Мовароуннаҳр ва Хуросонни эгаллаши тафсилотлари баён этилади. Уларда мухим этнографик ва жутрофий маълумотлар мавжуд.

Шайбониҳоннинг Даشتги Қипчоқда ҳокимиятни қўлга олиши, Мовароуннаҳр ва Хуросонни забт этиши, бу худудда XVI асрда рўй берган мухим ижтимоий-сиёсий, иқтисодий ва маданий жараёнлар ҳақида Хондамирнинг “Ҳабиб ус-сияр”, Фазлуллоҳ ибн Рузбехон(1457-1530)нинг “Мехмонномайи Бухоро”, номаълум муаллифининг “Тавориҳи гузида, Нусратнома” (Бу асарни Шайбониҳоннинг ўзи ёзган деган фикрлар ҳам бор), Мирзо Муҳаммад Ҳайдарнинг “Тарихи Рашидий”, Муҳаммадёр ибн Араб қатағоннинг “Мусаххир ал-Билод”, Абдуллоҳ ибн Насруллоҳийнинг “Зубдат ул-Осор”, Ҳўжа Қулибек Балхийнинг “Тарихи Қипчоқхоний”, Ҳофиз Таниш Бухорий(1547-1604)нинг “Шарафномайи-шоҳий” (“Шоҳларни шарафловчи асар”) асарларида ва бошқа ёзма манбаларда ҳам мухим маълумотлар бор..

Шайбонийлар давлатининг ташкил топиши. Сиёсий тарихи. Балхаш кўли ва Сирдарёнинг қуий оқимларидан то Днепр дарёсининг қуий оқимларигача бўлган улкан ҳудуд XI асрдан бошлаб Даشتги Қипчоқ деб атала бошланди. Қипчоқлар ва бошқа туркий қабилалар ҳукмронлиги остида бўлган бу худудни 1236 йилда Ботухон ўзининг турк-муғул кўшинлари билан эгаллади ва тарихга Олтин Ўрда номи билан кирган давлатга асос солди. XIV аср бошларида икки қисмга бўлинниб кетган Олтин Ўрда давлатининг шарқий қисмида ташкил топган давлат - Оқ Ўрда тарихий манбаларда “Ўзбеклар мамлакати” деб ҳам юритилган. XV асрнинг ўргаларида бу худудда Жўжихоннинг бешинчи ўғли Шайбон уруғидан бўлган Абулхайрхон (1412-1468) кўчманчи ўзбеклар давлатига асос солди. Бу даврда Олтин Ўрда(Кўк Ўрда)да, Мўгу-

листонда ва темурийлар ҳукмронлик қилаётган Мовароуннахрда ўзаро феодал урушлар ниҳоятда кучайиб кетди. Бундан фойдаланган Абулхайрхон Сирдарёнинг ўрта оқимидағи бир қанча шаҳарларни, Хоразмнинг бир қисмини босиб олиб, темурийлар давлатининг ён қўшниси бўлиб қолди. Абулхайрхоннинг вафотидан сўнг инқирозга учраган бу давлат XV асрнинг 80-йиларида Муҳаммад Шайбонихон (1451-1510) томонидан қайта тикланди. Шайбонихоннинг ҳокимият тепасига келишида Мовароуннахр амирларидан олинган ёрдам хам катта аҳамиятга эга бўлган. Ҳозирги Қозогистоннинг катта қисмини, жануби-ғарбий Сибирни ва Хоразмнинг жануби-ғарбий қисмини ўз ичига олган бу давлат билан темурийлар давлати ўргасида ўзаро иктисадий ва сиёсий алоқалар мавжуд эди. Темурий шаҳзодаларнинг кўпчилиги тожу-тахт учун курашда кўчманчи ўзбеклардан моддий ва ҳарбий ёрдам олиб турганлиги тарихий манбаларда қайд этилган. Аслида битта миллиатга, битта ҳалққа мансуб бўлган ҳар икки давлатнинг ҳукмрон табакалари бир-бирлари билан куда бўлишга интилганлар. Ҳусусан, кўпгина темурий шаҳзодалар Даشتни Кипчокдан келин олган бўлсалар, баъзи темурий маликалар у ерга келин бўлиб тушганлар.

Шайбонийлар давлатининг асосчиси Муҳаммад Шоҳбахт Шайбонихон (1451-1510) бўлиб, у истеъододли шоир ва замонасининг ўқимишили, билимдон кишиларидан бири эди. У ҳокимиятни қўлга олмасдан олдин, Бухорода бир неча муддат яшаб, бу ердаги мадрасада таълим олади, диний ва дунёвий илмларни ўрганади. Машҳур илоҳият олими Муҳаммад Хитоий унинг устози бўлганлиги, машҳур шайх ва олим хожа Муҳаммад Порсонинг издошларидан Ҳофиз Ҳусайн Бусирӣ ва унинг халифаси хожа Маҳмуд ҳамда Бухорой шарифнинг бошқа кўпгина уламою-шуаролари хам Шайбонихон билан яқин муносабатда бўлганлиги маълум.

Кўчманчи ўзбеклар хони сифатида ҳокимиятни қўлга олган Шайбонихон тез орада тажрибали давлат раҳбари ва ҳарбий саркарда эканлигини намойиш қилди. XV асрнинг 90-йиларида ёқ Мовароуннахрнинг марказий вилоятларига ўзаро курашлар ва ички низолар туфайли тобора заифлашиб бораётган темурийлар давлати ҳудудларига ҳужумлар уюштира бошлади. Бу даврда Мовароуннахрдаги темурийлар салтанати

амалда мустакил бошқариладиган кичик-кичик вилоятларга бўлинниб кетган эди. Айникса, 1494 йилда Самарқанд хукмдори Султон Аҳмад Мирзо вафотидан сўнг темурий шаҳзодаларнинг ўзаро низолари янада кучайиб, мамлакатда бошбошдоклик, кўп ҳокимиятчилик юзага келди. Бундан фойдаланишга интилган Шайбонихон 1497 йилда Мовароуннаҳрга ўзининг дастлабки хужумини уюштириди. У катта куч билан Самарқандга юриш қилди, лекин шаҳарни ололмасдан, Қарши ва Шаҳрисабзга хужум килиб катта ўлжа билан қайтиб кетди.

Темурий шаҳзодалар Бойсункур Мирзо ва Султон Алилар ўртасидаги Самарқанд таҳти учун бўлган урушлардан фойдаланган Андижон ҳокими Захриддин Мухаммад Бобур 1497 йилда темурийлар пойтахти Самарқанд шаҳрини эгаллайди. Лекин қисқа вакт (100 кун) хукмронликдан сўнг яна Андижонга қайтиб кетишга мажбур бўлади. Самарқанд таҳтига темурий шаҳзода, Қарши ҳокими Султон Али ўтиради. Темурийларнинг бу низоларини дикқат билан кузатиб турган Шайбонихон 1499 йилда катта куч билан яна Самарқандни қамал қилади. Бухоро ҳокими Боки Тархоннинг 10 минг кишилик қўшин билан самарқандликларга ёрдамга келаётганлигидан хабар топган Шайбонихон қамални тўхтатиб унга қарши чиқади. Самарқанд ва Бухоро оралиғида жойлашган Добусия қальясини мудофаа қилиб турган Боки Тархон қўшинлари билан бўлган қисқа жангдан сўнг, унинг қўшинлари ҳимоясиз қолган Бухорога юриш қилиб, шаҳарни жангсиз эгаллайдилар. Боки Тархон Самарқанд ва Бухороликларнинг бирлашган қўшинига бош бўлиб Бухорога қайтади. Лекин Шайбонихоннинг иниси Султон Махмуд бошчилигидаги саралangan ўзбек қўшинлари билан Бухоро остонасида бўлган жангда маглубиятга учраб, Қарши шаҳрига чекинади.

Бу воқеаларни кузатиб турган ва темурий хукмдорлар учун жиддий хавф пайдо бўлганлигини анлаган Бобур Мирзо 1500 йилда ўз қўшини билан яна темурийларнинг пойтахт шаҳрига - Самарқандга юриш қилади. Лекин Шайбонихон ундан олдинрок ҳаракат қилиб Самарқандни қамал қилди. Шаҳар ҳокими Султон Али ўзининг баъзи амалдорлари таҳти Бобур Мирзога топшириш учун яширин ҳаракатлар олиб бораётганлигидан хабар топиб, Шайбонихон билан музокаралар олиб боришга мажбур бўлади. Улар орасидаги келишувга

кўра Шайбонихон Султон Алиниң онасига уйланади ва Самарқанд шаҳрини ҳам жангсиз кўлга киритади. Тез орада Қарши ва Ҳузор (Ғузор) шаҳарлари ҳам шайбонийлар томонидан босиб олинди.

Мовароуннахрнинг икки йирик шаҳарлари - Бухоро ва Самарқанднинг жангсиз Шайбонихон қўлига ўтиши, унинг нафақат тажрибали саркарда, балки етук давлат арбоби ва акъли сиёсатчи ҳам эканлигини кўрсатиб турибди. 1501 йилда Шайбонихон асосий кўшини билан Тошкент ҳокими Маҳмудхон ва Фарғона ҳокими Аҳмадхонларга қарши юриш килиб Тошкент вилоятидаги Шоҳрухия ва бошқа кўпгина қалъаларни босиб олишга муваффақ бўлади.

Худди шу пайтда Бобур Мирзо Самарқанддаги ўзига хайриҳоҳ кишилар ёрдамида шаҳарни иккинчи марта кўлга киритишга эришди. Қарши ва Ғузорда ҳам шайбонийларга қарши ғалаён кўтарилди. Мовароуннахрда Шайбонийлар учун таҳликали вазият юзага келди. Ўзининг Мовароуннахрдаги асосий ракиби Бобур Мирзо эканлигини англаган Шайбонихон катта куч билан Самарқандга қайтади ва шаҳар яқинидаги Сарипул деган жойда бўлиб ўтган ҳал қилувчи жангда Бобур Мирзо кўшинларига қаттиқ зарба беради. Шаҳарга қайтиб, мудофаага ўтишга мажбур бўлган Бобур Мирзо бошқа темурий ҳукмдорлардан ёрдам ололмаганидан сўнг, узок қамалга бардош беролмай, Шайбонихон билан келишувга кўра Самарқандни ташлаб чиқиб кетишга мажбур бўлади. Зарафшон ва Қашқадарё воҳалари яна Шайбонихон қўлига ўтди.

Шундан сўнг Шайбонихон Мовароуннахр ва Хурсоннинг турли вилоятларини қўлга киритиш учун бир неча йўналишда жанглар олиб борди. Бу вазифани бажарицида тажрибали саркардалар Султон Маҳмуд Баҳодир, Убайдулло Султон, Ҳамза Султон, Кўчкунчихон, Суюнчхўжахонлар катта роль ўйнадилар. 1501-1502 йилларда Султон Маҳмуд бошчилигидаги кўшинлар Диззак (Жиззах), Ўратепа, Шош, Шоҳрухия, Сайрам каби шаҳар ва қалъаларни эгаллайди.

1503 йилнинг охирида Шайбонийхон Султон Маҳмуд бошчилигидаги кўшинларни Хоразмни эгаллаш учун юборади. Бу биринчи ҳарбий юриш давомида Хоразмнинг бир кисми, хусусан, Кат қалъаси эгалланди. Лекин Шайбонихон Ҳисор

вилоятига юриш қилиш учун барча кучларини йигаётганлиги сабабли, Султон Маҳмуд қўлга киритилган катта ўлжа билан Бухорога қайтади. Хоразмни бутунлай эгаллаш учун Шайбонихоннинг ўзи 1504 йилда иккинчи марта ҳарбий юриш қилиди. 1505 йилнинг ёзида Урганч шаҳри эгаллангандан сўнг Хоразм тўлалигича босиб олинди.

Шайбонихон асосий қўшинлари билан 1504 йилда Ҳисор вилоятига юриш қилиб, уни босиб олишга муваффақ бўлди. Ҳисор ҳокими Ҳусравшоҳ анча катта ҳарбий кучга эга бўлса-да, Шайбонихонга жиддий қаршилик кўрсата олмади. Натижада Ҳисор вилояти барча туманлари билан бирга Шайбонийлар ихтиёрига ўтди ҳамда Термиз ва Амударёнинг сўл кирғозида жойлашган Кундуз, Толқон, Бадаҳшон ва Балх ишғол этилди. Бу ҳарбий юришларда қатнашган тажрибали лашкарбоши Султон Маҳмуд 1505 йил Кундузда касалликдан вафот этади. Унинг жасади Қарши орқали Самарқандга олиб келиниб, дафн этилади.

Шайбонихоннинг Мовароуннаҳр ва Ҳуросонни бирлаштириб марказлашган давлат тузишига халақит бераттан яна бир жиддий ракиб Даشتி Қипчокда хукмрон бўлиб қолган қозоқ сultonлари эди. 1504 йилда Балх шаҳрини қамал қилиб турган Шайбонихон қозоқ сultonларининг Мовароуннаҳрга ҳужум қилганлигини эшишиб, орқага қайтишга мажбур бўлди ва Даشتி Қипчокқа юриш қилиди. Қозоқ сultonлари очик жангдан қочиб чекинган бўлсалар-да, 1506 йилда Шайбонихоннинг Ҳуросонда эканлигидан фойдаланиб яна Мовароуннаҳрга бостириб кириб, уни талон-тарож қиласидилар. Шайбонихон орқага қайтиб, уларни яна Даشتி Қипчоқнинг ичкарисигача кувиб киради. 1508 йилда қозоқ сultonлари ҳужуми яна тақрорланди. Ўша йили Шайбонихон ҳозирги Афғонистоннинг Қандаҳор ва Заминдовур вилоятларини ишғол қилиб, Қобулда турган Заҳриддин Муҳаммад Бобур билан курашиш учун куч тўплаётган эди. Унинг йўқлигидан фойдаланган қозоқ сultonлари - Аҳмад сulton билан Жониш сultonлар Мовароуннаҳрга ҳужум қилиб, Бухоро ва Самарқандгача етиб келдилар ва кўп одамларни асир олиб, катта ўлжа билан қайтиб кетдилар. 1508 йилда Шайбонихон Бухорога қайтиб келади ва қозоқ сultonларига қарши ҳал килувчи жангта тайёргарлик кўра бошлиайди. 1509 йилнинг

бошларида ўзбекларнинг катта қўшини Даشتி Қипчоқ устига юриш бошлади ва март ойида Жониш султоннинг юрти Қора Абдални эгаллайди. Шундан сўнг қозоқ султонлари ва хонлари ичида энг нуфузлиси ва кучлиси бўлган Бурундуқхон улусига ҳужум қилинди. Бурундуқхон билан Қосим султон Шайбонихоннинг катта куч билан келаётганлигини эшишиб, Даشتி Қипчоқнинг ичкарисига чекиндилар. Шайбонихон уларни анча ергача таъқиб қилиб борган бўлса-да, бутунлай тор-мор қилишга муваффақ бўла олмади. Бу юришлар натижасида Сифноқ, Ясси, Саврон шаҳарлари қайта қўлга киритилди. Туркистондаги Хўжа Аҳмад Яссавий мақбарасини таъмирлатиб, бу ерда баъзи иморатлар курдирган Шайбонихон Туркистон вилоятига илгари Қарши вилоятининг ноиби бўлиб турган Саъид Ошикни ҳоким қилиб тайинлайди ва Мовароуннаҳрга қайтади.

Мовароуннаҳрнинг марказида мустаҳкам ўрнашиб олгандан сўнг Шайбонихон Хуросонни забт этишга жиддий киришиди. Султон Ҳусайн Бойқаронинг 1506 йилда вафот этиши, сўнгра Хуросон таҳти учун ўғилларининг ўзаро кураш бошлаши унга жуда қўл келди. Ҳирот таҳтига бирданига икки шаҳзода Музаффар ва Бадиuzzамон ўтказилди. Темурий шаҳзодаларнинг келишиб ҳаракат қила олмаганлиги ва ҳарбий жиҳатдан укувсизлигидан фойдаланган Шайбонихон Балх шаҳрини эгаллади. 1507 йилда Ҳирот шаҳри ҳам қўлга олингандан кейин бутун Хуросон Шайбонилар давлатига кўшиб олиниди.

Темурийлар давлатининг асосий вилоятларини ўз ичига олган Мовароуннаҳр ва Хуросон эгаллангандан сўнг Эронни босиб олиш учун зимдан тайёргарлик кўрила бошланди. 1509 йилнинг апрель ойида Шайбонихон Қаршида ўз қўшинларини тўплайди ва уларга бош бўлиб Амударё кечуви - Бурдалик томонга (ҳозирги Чоржўй яқинида) қараб йўлга тушади. Лекин, Фазлуллоҳ ибн Рузбехоннинг берган маълумотига қараганда, йўлда ўзбек султонларини ўз улусларига қайтариб юборади. Муҳаммад Темур султон Самарқандга, Ҳамза султон Ҳисори Шодмонга, Убайдулло султон Бухорога ўз қўшинлари билан қайтиб кетадилар. Бу билан Шайбонихон Мовароуннаҳрдаги сиёсий барқарорликни саклаб туриш ва эҳтимол қозоқ султонларининг янги босқинининг

олдини олишни кўзлаган бўлса керак. Марв шаҳрини эгаллаган Шайбонихон Эроннинг ички вилоятларига юриши қиласди. Машҳад ва Тус шаҳарларини эгаллаб, улардаги муқаддас жойларни зиёрат этиб, баъзи меъморий иншоатларни таъмирлашга буйруқ беради. 1510 йилда Эрондан орқага қайтган Шайбонихон орқадан катта куч билан етиб келган Эрон шохи Исмоил Сафовий қўшинлари билан Марв яқинида, Мовароуннахрдан ёрдам келишини кутмасдан жангга киришга мажбур бўлади ва сон жиҳатдан устунликка эга бўлган “Кизил бошлилар” қўшинидан мағлубиятта учрайди. Шайбонихоннинг ўзи ҳам бу жангда ҳалок бўлди ва унинг Эронни забт этиш режаси амалга ошмади.

Замондошлари томонидан “Халифа ур-Рахмон” ва “Имом аз-Замон” деб улуғланган Шайбонихон тириклик вақтидаёк Мовароуннахр ва Хурросонни ўзбек султонларига суюргал сифатида тақсимлаб берган эди. Шайбонихоннинг ўлимидан сўнг таҳтга Шайбонихоннинг амакиси Кўчкінчіхон (1510-1529) кўтарилиди. Бу хон она томондан темурийлардан бўлиб, машҳур олим, давлат арбоби Мирзо Улугбекнинг кизи Робия Бегимнинг ва кўчманчи ўзбеклар давлатининг асосчиси Абулхайрхоннинг ўғли эди.

Лекин бу даврда ўзбек султонлари орасида бошланган келишмовчиликлар давлатни заифлашишига олиб келди ва шайбонийлар кейинги жангларда мағлубиятта учрай бошлидилар. Натижада Хурросон ва Хоразм кўлдан бой берилиди. Қобулни эгаллаб турган Бобур 1511 йилда Эрон шохи қўшинлари ёрдамида Ҳисор, Кўлоб, Қундуз, Бадашхон ва Самарқандни босиб олди. Мовароуннахрни бутунлай эгаллаш ниятида бўлган Бобурга тажрибали саркарда Нажмиддин Соний бошчилигига 12000 кишилик эрон қўшини келиб қўшилди. 1512 йилда Қарши шаҳрини қаттиқ жанглардан сўнг кўлга киритган эронликлар шаҳарни талон-тарож қилиб, кўпгина бегуноҳ одамларни кирғин қилдилар. Бу урушда шаҳар химоячилари сафида бўлган тарихчи олим, шоир Биноий ҳам ҳалок бўлди. Бу кирғин Мовароуннахрда эронликларга қарши кучли норозилик ва ғалаёнлар кўтарилишига олиб келди.

Кейинги ҳал қилувчи жанг Ғиждувон яқинида бўлиб ўтди. 1512 йилнинг ноябрь ойида Бухорога юриш қилган Бобур ва эронликларнинг бирлашган қўшини Шайбонихон-

нинг жияни, Султон Махмуднинг ўғли Убайдулла Султон томонидан бутунлай тор-мор этилди. Бу мағлубиятдан сўнг Бобур Мирзо Мовароуннаҳр таҳтидан умидини узиб, яна Қобулга қайтиб кетишга мажбур бўлди. Кейинчалик у ўз қўшини билан Хиндистонга юриш килди ва бирин-кетин Лахор, Дехли, Аgra шаҳарларини ишғол этиб, хозирги Покистон, Хиндистон, Бангладеш ва Афғонистоннинг катта қисмини ўз ичига олган Бобурийлар империясига асос солди.

Кўчкинчихоннинг ўлемидан сўнг Мовароуннаҳр таҳтига унинг ўғли Абу Сайдхон ўтқазилди(1529-1533). Лекин тез орада Шайбоний султонлар ичida катта мовқега эга бўлган Убайдуллахон олий ҳокимиятни ўз қўлига олишга эришди. Бухоро вилоятининг хукмдори бўлган бу тажрибали сиёсатчи ва ғайратли саркарда хўкмронлиги даврида (1533-1539) Моворауннаҳр, айниқса, Бухоро вилояти ҳар томонлама ривожланди. Ҳонликнинг пойтахти Самарқанддан Бухоро шаҳрига кўчирилди. Шундан сўнг Шайбонийлар давлати расман Бухоро ҳонлиги деб атала бошлади. Лекин Убайдуллахоннинг ўлемидан кейин ўзбек султонлари орасидаги келишмовчиликлар яна кучайиб, мамлакат амалда бир неча қисмларга бўлиниб кетди. Бухорода Абдулазизхон (1540-1550), Самарқандда Абдулатифхон (1540-1551), Тошкент ва Туркестонда Наврўз Аҳмадхон (1540-1556) хукмронлик кила бошлади. Бу хукмдорларнинг бир-бирлари билан ўзаро курашлари мамлакатни анча заифлашишига олиб келди. Шайбоний султонларнинг ўзаро курашларига барҳам бериб, уларни ягона ҳокимият остига бирлаштира оладиган қаттиқ-қўл ва тажрибали давлат арбобига ҳаётий эҳтиёж пайдо бўлди. Бу эҳтиёж тарих сахнасига Абдулла ибн Искандархонни олиб чиқди.

XVI аср ўрталарида ўз сиёсий фаолиятини бошлаган Абдуллахоннинг илк ютуклари Қашқадарё воҳаси билан боғлиқ. 1552 йилда Абдуллахон Қарши ва Каспи кўргонларини эгаллаб, Самарқанд ва Кешга таҳдид solaётган Наврўз Аҳмадхоннинг катта қўшинини Косон ёнида бўлган жангда тор-мор килишга муваффак бўлди. 1553-1554 йилларда Наврўз Аҳмадхон Самарқанд ва Миёнколни эгаллагандан кейин Балхга кетишга мажбур бўлган Абдуллахон 1556 йилдан сўнгтина (Наврўз Аҳмадхоннинг ўлемидан кейин) Бухоро

тахтини эгаллаш учун жиддий кураш бошлади. Хонлик тахтига ўтирган тоғаси Пирмуҳаммад ёрдамида у 1556-1557 йилларда Миёнкол, Кеш, Бухоро ва Насафни эгаллади. 1560 йилда у отаси Искандар султонни Бухорога олиб келиб бутун ўзбекларнинг Олий хони деб эълон қиласди. Лекин амалда ҳокимият Абдулахоннинг қўлида эди.

Абдулахон узоқ йиллар (1557-1583) давомида олиб борилган жанглардан сўнг бутун Мовароуннаҳри, Хисорни, Xурсоннинг катта қисмини, Хоразм ва Туркистонни қўлга киритиб, бу улкан худудда марказлашган давлат барпо этишига эришди. Абдулахоннинг ютуқларида Жўйбор хўжаларининг қўллаб-кувватлашлари ҳам катта аҳамиятга эга бўлди. Ҳокимият амалда Абдулахоннинг қўлида бўлса-да, то 1583 йилгача Бухоро хони расман унинг отаси Искандархон ҳисобланар эди. Аввал Миёнкол туманининг ҳокими бўлган Искандархон(1560-1583)нинг ғайратли ва тажрибали ҳарбий саркарда бўлганлиги, лекин қаригандан кейин тақвога берилиб кетганилиги манбаларда қайд этилган.

Абдулахоннинг савиий характеристики билан ташкил топган ва ҳар тамонлама қудратли бўлган бу хонлик ўзбек давлатчилиги тарихида Амир Темур салтанатидан кейинги энг иирик давлат эди. Лекин бу давлатнинг куч-қудрати ҳам худди Амир Темур тузган давлатдек, ҳокимият тепасида турган ҳукмдорнинг шахсий фазилатларига суюнار, даврнинг ҳар қандай синовларига бардош бера оладиган мустаҳкам давлатчилик тизими яратилмаган эди. Шу туфайли ҳам Абдулахоннинг ўлимидан сўнг (1598) катта қийинчилик билан барпо этилган бу давлат ҳам тез орада инқирозга юз тутди. Унинг ворислари Абдулахоннинг буюк давлатчилик сиёсатини давом эттира олмадилар ва ҳокимиятни жуда қисқа вақтгина ўз қўлларида саклаб турса олдилар. 1598 йилда, Абдулахоннинг ўлимидан кейин тахтга ўтирган унинг ўғли Абдулмўмин б ойдан сўнг сарой фитначилари томонидан ўлдирилди. Ҳокимиятни Шайбони-хоннинг сафдошларидан Жонибек султон(1528 йилда вафот этган) нинг уруғидан бўлган Пирмуҳаммад Ибн Сулаймон (1599-1601) эгаллади. Абдулахоннинг жияни бўлган бу хон шайбонийлар сулоласининг сўнгти вакили бўлиб қолди.

Абдулахоннинг вафотидан кейин марказий давлат

ҳокимиятининг заифлашуви натижасида Хоразм ва Хурисон кўлдан кетди. Мовароуннахрнинг марказий вилоятларига қозоқ хони Таваккалхон катта кўшин билан бостириб кириб Фарғона водийини, Тошкентни, Самарқанд ва Зарафшон воҳасининг катта қисмини босиб олди ҳамда Бухорони қамал қилди. Ўзбек сultonларининг бирлашган кўшиллари Пирмуҳаммадхон бошчилигига Бухоро ёнида қозокларга қаттиқ зарба бериб уларни чекинишга мажбур қилган бўлса-да, лекин Мовароуннахрдаги сиёсий вазият яхшиланмади. Шайбоний ҳукмдорлар ўргасидаги ўзаро курашлар охир-оқибат бу сулола вакилларининг бутунлай қирилиб кетишига олиб келди ва 1601 йилда Пирмуҳаммадхоннинг ўлимидан кейин Бухоро тахти янги сулола - Аштархонийлар (Жонийлар) қўлига ўтди.

Давлат тизими. Шайбонийлар давлати ўз моҳиятига кўра йирик давлат бўлиб, олий ҳокимият чекланмаган ҳукукларга эга бўлган давлат бошлиғи - хон томонидан бошқарилган. Ҳонликнинг сиёсий тизимида, бошқарувда Амир Темур ва темурийлар даврида қарор топган тартиб-коидалар, хусусиятлар билан бирга кўчманчи ўзбеклар давлатига хос анъаналар ҳам мавжуд эди. Давлат бошқарувида исломий шариат ва одат қонун-коидаларига амал қилинган. Давлатни бошқаришда хон саройидаги олий даражали амалдорлардан ташкил топган марказий бошқарув ва вилоят ҳокимлари қўлидаги маҳаллий бошқарув асосий ўрин тутиб, улар мамлакатнинг амалдаги ҳақиқий эгалари эдилар. Улар ёрдамида, бевосита иштирокида хон маъмурий бошқарувни амалга оширади.

Марказий бошқарув давлатнинг ички ва ташқи ҳаётига боғлиқ барча масалаларни ҳал қиласидиган даргоҳ - сарой девонида жамланган эди. Давлатнинг олий даражали амалдорлари аъзо бўлган ва одатда бош вазир томонидан бошқариладиган бу маҳкамамамлакатнинг сиёсий, молиявий, ҳарбий, ташкилий ва бошқа масалаларини кўриб чиқар эди. Бу ерда қабул қилинган қарорлар хоннинг тасдиғи билангина кучга кирап ва ҳаётта жорий этиларди. Кўкаaldoш, оталиқ, нақиб, вазири аъзам, вазир, девонбеги ва бошқа олий даражали сарой амалдорлари, нўён, туғбеги, кутвол, доруга, қурчибоши ва бошқа ҳарбий амалдорларнинг фикри ва манфаатлари ҳам қарорлар қабул қилинишида катта аҳамиятга эга эди.

Давлат бошқарувида ҳарбий-маъмурий амалдорлардан ташқари, уломалар, дин пешволари, шайхлар ва ҳожаларнинг, хусусан, Шайх ул-ислом, Қози калон, Муфти каби диний мансаб эгаларининг ҳам таъсири катта бўлган. Бу даврда, айниқса, Бухоро яқинидаги Жўйбор қишлоғидан чикқан ҳожаларнинг мавқеи жуда ошиб кетди.

Маҳаллий бошқарув вилоят ҳокимлари қўлида бўлиб, улар ҳам ўз бошқарув тизимиға эга бўлган. Унга кўшинга бошчилик қиласиган, аҳолидан соликларни йифиб оладиган, шариат қонунларининг тўғри бажарилишини назорат қиласиган амалдор(раис)лар кирган. Вилоятлар, ўз навбатида, кичик маъмурий бирликлар: туман, қасаба ва мавзеларга бўлинниб идора қилинган. Маҳаллий бошқарувнинг энг куйи бўгини оксоқол (калонтарон) томонидан бошқариладиган қишлоқ жамоалари эди.

Маъмурий тузилиши. Бухоро хонлигининг бу даврдаги асосий маъмурий бирлиги вилоят (улус) бўлиб, манбаларда Самарқанд, Қарши, Шахрисабз, Ҳисор, Балх, Термиз, Кармана, Қоракўл, Миёнкол, Шош (Тошкент), Туркистон, Фарғона, Ўратепа, Марв каби вилоятлар тилга олинади. Пойтахт шаҳар ва унга тегишли туманлар хоннинг ўзи томонидан бошқарилган. Вилоят ҳокимлари хон томонидан тайинланган. Одатда бундай юксак мавқега хоннинг яқин ва ишончли кишилари, қариндошлари, йирик қабила бошликлари, ҳарбий юришларда ўзини кўрсатган ўзбек сultonлари муяссар бўлган. Шуни алоҳида айтиб ўтиш керакки, хонликнинг давлат чегаралари доимий бўлмай тез-тез ўзгариб, кенгайиб ёки қисқариб турган. Баъзи вилоятлар ташки ва ички сиёсий вазиятта қараб марказий ҳокимиятта бўйсунмай қўйган ва уларни қайта бўйсундириш учун ҳарбий юришлар олиб борилган.

Ижтимоий тузум. Жамият ҳаётида, давлат бошқарувида туттан ўрнига, мавқеига қараб қўйидаги бир нечта ижтимоий табакаларни ажратиб кўрсатиш мумкин:

- Олий табақа. Унга хон ва унинг яқинлари, ўзбек сultonлари, йирик сарой амалдорлари(вазири вузаро) кирган. Давлат бошқарувини ана шу ижтимоий табака амалга оширган.

- Умаро. Ҳарбий-маъмурий амалдорлар, йирик саркар-

далар, вилоят ҳокимлари, кўшин ва қабила бошликлари. Маҳаллий бошқарув улар қўлида бўлган.

- Уламолар. Йирик дин пешволари, шайхлар, хожалар. Улар нафакат диний, балки дунёвий бошқарувда ҳам фаол иштирок этганлар.

- Фузало. Жамият маданий-маънавий ҳаётини акс эттирган ижтимоий табақа: олимлар, шоирлар ва бошқалар.

- Раият (фуқаро). Жамиятда асосий ишлаб чиқарувчи, моддий бойлик яратувчи, хазинага солиқ тўловчи ижтимоий табақа бўлиб, уларга дўкондорлар, хунармандлар, ўртаҳол дехқонлар ва чорвадорлар, ёлланиб ишлайдиган аҳоли кирган.

- Куллар. Бу даврда кулчилик сакланиб қолинган бўлиб, кулларни асосан ҳарбий талончиллик юришлари пайтида асирга туширилган, ўлжа қилиб олинган кишилар ташкил этган. Маълум ҳақ эвазига улар озод бўлиши мумкин бўлган. Куллар меҳнатидан саройда, йирик амалдорлар ва уламолар хўжаликлирида фойдаланишган.

Ҳарбий соҳа. Мамлакат сиёсий ҳаётида, давлат бошқарувида йирик саркардалар, кўшин бошликларининг ўрни катта эди. Ички ва ташки хавфни бартараф этишда, янги ерларни босиб олиш учун қилинадиган истилочилик юришларида кўшинларнинг сони, ҳарбий тайёргарлиги, кўшин бошликларининг кўмондонлик маҳорати катта аҳамият касб этарди.

Шайбонийлар кўшини асосан отлиқ ва пиёда аскарлардан ташкил топган. Кўшин урушда ўқ-ёй, узун найза, қилич, гурзи, узун дастали жанг болтаси(табарзин), чангак каби асосий хужум куролларидан фойдаланган. Абдуллахон Иккинчи даврида кўшин хориждан келтирилган пилта милтиклардан билан ҳам қуроллантирилди. Шайбонийлар кўшинида навкарлар ҳимоя учун қалқон(сипар)дан фойдаланганлар ҳамда темир симдан майда қилиб тўкилиб, усти ипак ва баҳмал мато билан ёпилган совут - жовшан (форсча баҳтар) ёки жиба (жева) - темир ёки пўлатдан ишланган маҳсус кийим кийиб жанг қилганлар. Абдуллахон Иккинчи даврида Европадан келтирилган фарангি жовшан (совут) ҳам бўлган. Урушда яроқ ва ўқ ўтмаслиги учун отлар устига ҳам маҳсус ёпинчиқ - гежм (кежим) ёпишган.

Кўшин таркибида нафтандозлар, манжалиқчилар ва тош

отувчилар ҳам бўлиб, улар шахар ва мудофаа кўрғонларини эгаллаща катта ўрин туттган. XVI асрнинг 2-ярмидан бошлаб Абдуллахон Иккинчи қўшинида чет эллардан келтирилган кичик замбараклар пайдо бўлди.

Қўшин таркиби, унинг жанговар сафланиши, жанг қилиш тартиби Чингизхон ва амир Темур қўшинлари харбий тузилиши, уруш тактикасига асосланган бўлиб, унга Шайбонихон даврида кўчманчи ўзбекларга хос бўлган бир қанча янги жанг усуслари киритилди. Хусусан, Бобур Мирзо Шайбонихон қўшини “Тулғама” жанг усулини мукаммал ўзлаштирганликлари хақида маълумот беради.

Шайбонийлар қўшини асосан қалб (қавл) деб аталувчи марказий қисм, баронғор (ўнг қанот) ва жавонғор (сўл қанот) қисмларидан ҳамда хировул (қўшинининг орқа қисми)дан ташкил топган. Уларга хоннинг ўзи ва тажрибали ўзбек саркардалари бошчилик қилган. Қўшинининг қанотларига бошчилик қилган саркарда ўтлон деб юритилган. Қўшин олдида манглай (авангард) деб аталувчи ҳарбий қисм ярим доира шаклида саф тортиб борган. Унинг олдида эса тез харакатланувчи кичик жанговар қисм - илғор бўлган. Шайбонийлар қўшинида умумий қисм олдида борувчи “Қорувул” деб аталган маҳсус қисм, қўшинининг ўнг ва сўл қисмлари олдида борувчи кичик ёғул деб юритилган бўлинмалар ва ортидан борувчи маҳсус ёрдамчи бўлинма - чаноҳ бўлган.

Қўшин таркибида туғчи қисм, яъни байроқ остида эҳтиётда турувчи (туғни кўрикливчи) 20-30 минг кишилик жанговар харбий бўлинма ҳамда забонгири, яъни душман томонидан яширин равишда “тил” тутиб келувчи маҳсус бўлинма ва хабаргири - душман тўғрисида умумий маълумот келтирувчи бўлинмалар ҳам бўлган.

Манбаларда, фавқулодда вазиятларда энг қалтис ҳарбий вазифаларни бажаришга мўлжалланган, сараланган ўзбек жангчиларидан ташкил топган жанговар қисмлар бўлганилиги ҳам таъкидланади.

Ҳарбий юришлар пайтида хон учун расмий қабул маросимлари ўтказиладиган маҳсус жой - баргоҳ ҳозирланган. Қўшинда сараланган ўзбек навкарларидан тузилган хоннинг кўриқилари ҳам катта роль ўйнаган.

Шайбонийлар қўшини ҳам Чингизхон ва Амир Темур

қўшинларидек, 10 минглик корпуслар - туманларга бўлинган. Унга нўён деб аталувчи ҳарбий саркарда бошчилик қилган. Туманлар ўз навбатида минглик, юзлик, ўнликларга бўлинган.

Қўшинни жангта ҳозирлаш, уларнинг маошини тўлаш ва бошқа ташкилий ишлар билан маҳсус амалдор - тавочи шуғулланган. Қўшинни қурол-яроғ билан тъминлашга масъул бўлган амалдор - жевачи бўлиб, у хоннинг қурол-аслахаларига ҳам жавобгар бўлган.

Ҳарбий амалдорлар ва навкарларга хазинадан бериладиган ийллик маошдан ташқари ҳарбий юришлар пайтида кўлга киритиладиган ўлжадан ҳам бериб турилган.

Суд ишлари. Хонликда жиноятни аниқловчи ва жазо берувчи асосий маҳкама исломий шариат қонун-қоидаларига асосланиб иш тутувчи қозилик идоралари эди. Давлатдаги олий судья Қози калон бўлиб, вилоятлардаги жиноятларни жазолаш вилоят қозилари кўлида бўлган. Олий жазо - ўлим ҳукмини факат хоннинг маҳсус фармони билан амалга оширганлар. Айборни аниқлашда, шариат қонунларига асоссан, икки кишининг гувоҳлиги етарли бўлган. Вилоятларда, туманларда жиноят ишларини вилоят ҳокими назоратида маҳаллий қозилар олиб борган. Жиноятчиларга гуноҳига қараб ўлим жазоси, маълум муддатга (кўп ҳолларда умрбод) зинданга ташлашдан тортиб, тан жазоси бериш (дарра уриш, бармоқларни кесиб ташлаш ва бошқалар), сазойи қилиш, қозикқа ўтказиш каби жазо чоралари ҳам қўлланилган. Айборларга жазо бериш кўпинча бозор олдидаги маҳсус майдонда - аҳоли кўз ўнгидан амалга оширилган.

Ҳарбийлар содир этган жиноятлар ва жазо турлари маҳсус ҳарбий судьялар - Қози аскар ва муфти аскар томонидан кўриб чиқилган.

Мол-мулк билан боғлиқ жиноятлар, ўғирлик, шариат қонунларига риоя қилмаганлик (ичиш, чекиш, қимор ўйнаш, зино билан шуғулланиш ва бошқалар) учун бериладиган жазолар тури кўпинча амалдорларнинг хоҳиш-иродасига боғлиқ бўлиб, маълум жиноятлар учун аниқ жазо олдиндан белгилаб қўйилмаганлиги, суд ишларида порахўрлик, мансабни сунистсемол қилишга йўл очиб берарди.

Бу даврга оид ҳужжатларда(Жуйбор шайхлари архиви, Самарқанд қозилик идораси ҳужжатлари ва бошқалар) турли

фуқаролик ишлари, хукуқий-маъмурий жиноятлар, тартиб-бузарликлар ва уларга нисбатан қўлланиладиган жазо чоралари хақида маълумотлар сакланиб қолган. Масалан, Бухородаги Катта Ғозиён ва Кичик Ғозиён мадрасасига тегишли ҳужжатларда (1535) мадрасада ўқиши ва ҳужрада яшаш тартиб-қоидаларини бузган талабаларга қуидаги жазо чораларини кўрилиши қайд этилган. Агар талаба дарсларга бир ой сабабсиз қатнашмаса, уни ҳужрадан маҳрум қилишган, агар талаба дангасалиги сабабли дарсларни яхши ўзлаштира олмаса ва бир босқичдан иккинчи босқичга ўта олмаса, унга нафақа тўлаш бекор қилиниб, ҳужра тортиб олинган.

Иқтисодий ҳаёт. Хонликда қишлоқ ҳўжалиги (дехқончилик ва чорвачилик), савдо-сотик ва хунармандчилик иқтисоднинг асосий тармоқлари ҳисобланарди. Мамлакатнинг асосий бойлиги ер бўлиб, Шайбонийлар даврида ер эгаларининг қуидаги асосий тармоқлари мавжуд эди.

1. Мулки сultonий - давлатга қарашли ерлар.
2. Мулки холис - хусусий шахсларга тегишли ерлар
3. Вакф - диний маҳкамаларга, мадраса ва масжидларга, қабристонларга қарашли ерлар.
4. Қишлоқ жамоалари эгалик қиладиган ерлар.

Дехқончилик асосан сугориладиган ҳосилдор ерларда ва лалми дехқончилик учун қулай бўлган адирлар, тоф ва тоф олди ҳудудларида ривожланган эди. Ерда меҳнат қиладиган кишиларнинг асосий қисми камбағал қишлоқ ахолиси бўлиб, улар ўз ер майдонига эга бўлмасдан, ижарага олинган ерда дехқончилик қилиб кун кечирган.

Манбаларда келтирилишича, бу даврда буғдойнинг ўн хил нави, арпа, қўнок, жўхори, мош, нўхат, маккажўхори, ловия, кунжут, беда, сули, сабзавот ва полиз экинлари етиштирилган. Техник экинлардан шоли, пахта ва бошқалар экилган. Сабзвотчилик, полизчилик, боғдорчилик ва ипакчилик юксак тараққий этган.

Дехқончилик учун қулай бўлган ҳосилдор ер майдонлари, бепоён яловлар хон ва унинг яқинлари, йирик ҳарбий-маъмурий амалдорларга қарашли эди. Бу даврда хусусий ер эгалигининг ўрга асрларда мавжуд бўлган иқтоъ, суюргол ва танҳо каби шакллари ҳам кенг тарқалган. Ҳарбий-маъмурий амалдорларга ва йирик дин пешволарига давлат олдидаги

хизматлари учун бериладиган бундай ерларда асосан ерсиз камбағал дехқонлар ёлланиб ишлаганлар.

Шайбонийлар давлати ижтимоий-иктисодий ҳаётида Бухоро яқинидаги Жуйбор қишлоғидан чикқан Жуйбор хожалари катта таъсирга эга эди. Шайх Мұхаммад Ислом (1493-1563) ва унинг авлодларидан хожа Саъд (1531-1585), хожа Тожиддин Ҳасан (1574-1646), хожа Абдураҳим (1575-1629) каби йирик Жуйбор хожаларининг Бухоро, Самарқанд, Насаф (Қарши), Марв ва бошқа вилоятларда катта ер майдонлари бўлиб, бу мулклар мерос тарикасида авлоддан авлодга ўтган ва барча солиқлардан озод этилган. Хонлар ва бошқа йирик амалдорлар томонидан уларга ҳадя этилган ер мулкларидан ташқари улар Мовароуннаҳр ва Ҳурросоннинг серунум яйловларига, беҳисоб подаларга, катта шаҳарларда жойлашган ўз ҳунармандчилик дўконларига, савдо расталарига, тегирмонлар, ҳаммом ва карvonсарайлардан келадиган даромадларга ҳам эга бўлганлар.

Катта бойликка эга бўлган Жуйбор хожалари ўз хусусий ерларидан ташқари вақф ерлардан келадиган даромадни ҳам назорат килганлар. Бу хожаларнинг давлат ишларидаги мавқеи шунчалик кучли эдики, ҳатто, улар амалдорларни юқори мансабларга тайинлаш ёки четлатишда ҳам катта таъсирга эга бўлганлар.

Шайбонилар даврида дехқончиликни ривожлантиришга ёрдам берувчи ислоҳотлар ўtkазилди, давлат хазинасиға дехқончиликдан тушадиган даромадни яхшилашга хизмат килувчи илғор тартиблар жорий қилинди. Хусусан, қаровсиз ерларни давлат мулкига киритиб, бу ерларда дехқончиликни ривожлантириш, бундай ерларда дехқончилик қилишни хоҳлаганларга ҳар томонлама ёрдам бериш, маълум муддат солиқлардан озод қилиш, ердан олинадиган солиқларни йифишида маҳаллий амалдорларнинг ўз мансабларини суистеъмол қилишларига йўл қўймаслик учун бир қатор тадбирлар амалга оширилди.

Чорвачилик қишлоқ хўжалигига етакчи тармоқ сифатида катта аҳамиятга эга эди. Йирик ва майда туёқли ҳайвонларни бокиши, йилқичилик, туючилик анча ривожланди. Яirim кўчманчи ҳаёт кечирувчи ўзбек қабилалари бошликлари, йирик чорвадор бойлар, шунингдек, хон ва сарой амалдор-

лари, ҳарбий-маъмурий мансабдорлар, дин пешволари тоғ ва тоғ олди туманларида, даштларда катта-катта яйловларга эга бўлиб, бу ерларда уларга тегишли бир неча минглаб кўйлар, йилқилар, туялар бокилган. Чорвадорлар ички ва ташки бозорга чорва моллари, турли маҳсулотлар, хомашиб (тери, жун) етказиб берганлар. Ўтроқ дехқончилик туманларида уй чорвачилиги ривожланган бўлиб, дехқончиликда ер ҳайдашда йирик шохли ҳайвонлар (хўқиз, сигирлар)дан фойдаланилган.

Хунармандчилик XVI асрда ўз тараккиётининг юксак чўққисларига чикди. Хунармандчиликнинг асосий турлари бўлган тўқимачилик, кулолчилик, металлга ишлов бериш билан боғлик хунарлар (куролсозлик, темирчилик, дегризлик, мисгарлик), дурадгорлик ва бошқа соҳаларда меҳнат қилган хунарманд усталар маҳсулоти кўп ҳолларда юксак санъат асари даражасига кўтирила олди. Хунармандчиликнинг асосий марказлари Самарқанд, Тошкент, Бухоро, Қарши, Балх каби йирик шаҳарлар эди. Самарқанд ва Бухорода хунармандчилик турларининг сони 60дан ортиқ бўлганлиги манбаларда қайд этилган. Бу давр кустар ҳалқ хунармандчилигига бутун ўрта асрлар хунармандчилигига хос бўлган илғор анъаналар янги шакл ва кўринишида давом эттирилди.

Хунармандлар ижтимоий жиҳатдан ўз уюшмаларига эга бўлиб, улар одатда арабча “касаба” (олмоқ, ишлаб топмок) термини билан аталди. Ҳонликдаги барча шаҳарларда хунармандлар ўз уюшмаларига эга бўлиб, улар сайлаб қўйила-диган раис ёки оқсоқол томонидан бошқарилган. Манбаларда хон саройи эҳтиёжи учун ишлайдиган маҳсус сарой хунармандлари бўлганлиги тўғрисида ҳам маълумотлар мавжуд.

Савдо-сотик. Шайбонийлар даврида савдо-сотик мамлакат иқтисодининг муҳим тармоғи эди. Асосий савдо марказлари бўлган йирик шаҳарлар(Бухоро, Самарқанд, Қарши, Балх, Тошкент, Андижон)дан ташкари кўргина катта қишлокларда ҳам бозорлар мавжуд эди. Савдо билан шуғулланадиган кишилар асосан икки тоифага бўлинган: савдогарлар - йирик маблағта эга ва ташки савдода иштирок этувчи бой-бадавлат кишилар ҳамда дўкондорлар - ўз дўконларига эга бўлган кичик тоифадаги савдо аҳли.

Ташки савдо катта фойда келтирганлиги учун хон ва

йирик сарой амалдорлари, вилоят ҳокимлари, йирик уламолар ва қабилалар бошликлари ўз маблагларини савдо-сотикқа ҳам сарфлаганлар. Манбаларда уларга тегишли савдо карвонлари хорижий мамлакатлар билан бўладиган ташки савдода фаол иштирок этганлигини кўрсатувчи маълумотлар бор. Шайбонийлар даврида Туркия, Эрон, Хиндистон, Россия, Хитой каби давлатлар билан иқтисодий савдо алоқалари олиб борилди.

1558 йилда Ўрта Осиёда бўлган инглиз сайёхи Антони Женкинсон Бухоро шаҳрида ҳар йили йирик савдогарлар курултойи бўлиши, бу ерга Хиндистон, Эрон, Балх, Россия ва бошқа мамлакатлардан катта-катта савдо карвонлар келиши хақида маълумот беради.

Катта худудга эга бўлган хонликнинг турли вилоятлари ўргасидаги яқин иқтисодий савдо алоқалари ҳам мавжуд эди. Айниқса, Абдуллахон Иккинчи хукмронлиги даврида Бухоро хонлигига ички ва ташки савдо кенг ривожланди. Карвон йўллари бўйида кўпилаб иншоотлар: карвонсаройлар, работлар, сардобалар барпо этилди, савдо карвонлари хавфсизлигини таъминлаш чоралари кўрилди.

Соликлар. Тарихий манбаларни, ҳужжатларни таҳлил қилиш шуни кўрсатдики, Шайбонийлар даврида 40дан ортиқ турли соликлар ва жарималар мавжуд бўлган. Солик тўловчи аҳоли фукаро (раият) деб юритилган ва улардан турли соликлардан ташкири жарималар ҳам ундириб олинган.

Ердан олинадиган асосий солик хирож бўлиб, у ишлаб чиқарилган маҳсулотнинг 5/1 микдорида пул ёки маҳсулот билан олинган.


Закот солиги савдогарлар ва чорвалорлардан олиниб, унинг хажми 40/1 микдорида бўлган.

Шаҳар аҳолиси: хунармандлар ва дўкондорлар маҳсус солик - тамға тўлаганлар. Ундан ташкири, йирик бойлар ва судхўрларга тегишли савдо раастасида дўконларни маълум ҳақ эвазига ижарага олиб, ўз маҳсулотларини сотганлиги учун тахти жой (тагжой) деб аталувчи солик тўланган.

Бошқа динга мансуб(христиан, яхудий, буддий) савдогарлар ўз маҳсулотининг 5/1 қисмини жизъя солиги тарзида тўлаганлар.

Манбаларга кўра, бу даврда яна ихрожат, тоғар, улуфа,

ШАЙБОННИЙЛАР ДАВЛАТИ ВА ХОРАЗМ ХVI АСРДА



кўналға, бегар, мадади лашкар, бож, тансуқот, тухфа ва бошқа соликлар мавжуд бўлиб, уларнинг кўпчилиги бутун ўрта асрлар даврига хос эди. Раият соликлар тўлашдан ташқари турли ишларга (мудофаа иншоотларини, сугориш тармоқларини тиклаш кабиларга) мажбуран жалб этилган.

Маданият. Илм-фан. Амир Темур ва темурийлар даврида Мовароуннаҳр ва Хурросонда ривожланган юксак маданият анъаналарини Шайбонийлар давом эттиридилар ҳамда маълум маънода уларни янада бойитдилар. Бу даврда адабиётнинг турли жанрларида, тарихнавислик, хаттотлик санъати, эпиграфия, меъморчилик ва маданиятнинг бошқа бир қатор соҳаларида катта ютуқлар кўлга киритилди.

Бутун ўрта асрлар даврида бўлганидек, бу даврда ҳам бошланғич таълим бериладиган мактаблар ҳамда диний ва дунёвий билимлар бериладиган, жамиятга ўқимишли, билимли кишиларни тайёрлаб берадиган мадрасалар асосий маданият даргоҳлари бўлган. Хонликнинг барча катта-кичик шаҳарларида олий таълим берувчи мадрасалар мавжуд бўлиб, уларда ўқиш уч босқичда бўлган ва 21 йил давом этган.

Адабиёт. Шайбонийлар даври адабий хаётида юксалиш, адабиётнинг турли жанрларининг ривожланиши давом этди. Адабиёт майдонида дастлаб Муҳаммад Солиҳ, Ҳожа, Афсадий, Восифий, Мажлисий, Убайдий, Бақоий, Шайдо, Ошик, Азизий, Нисорий, Мушфикий, Наҳлий, Мутрифий ва бошқа кўплаб сўз санъаткорлари ўз ижоди билан ном қозондилар. Ўзбек ва тожик мумтоз адабиётини ривожлантиришга катта хисса кўшган бу адабиёт вакиллари билан бобурийлар хукмронлик килаётган Ҳиндистон, шунингдек, Эрон, Туркия, Озарбайжон ва Шаркий Туркistonдаги сўз санъаткорлари орасида ижодий алоқалар мавжуд эди. Бу даврда яратилган адабий асарлар ичida Бухоролик адабиётшунос олим, шоир, саройда “Малик уш-шуаро” деб улугланган Ҳасанхожа Нисорий(1516-1597)нинг “Музаккири аҳбоб” (Дўстлар ёдномаси) асари муҳим аҳамиятга эга. (Бу асарни ўзбек тилидаги таржимаси 1993 йилда “Мерос” нашриётида чоп этилди).

Бу асар қомусий характерга эга бўлиб, унда XVI асрда Мовароуннаҳр, Хурросон, Ҳиндистон, Эрон, Туркия, Шаркий Туркistonда ижод қилган 288та шоирлар ҳақида, Жомий, Навоий, Ҳусайн Бойқаро, Ҳусайн Воиз Кошифий

сингари устоз салафлар тўғрисида, Арслонбоб, Аҳмад Яссавий, Сулаймон Бокирғоний, Занги ота, Шайх Худойдот каби тасаввуф намояндалари ҳёти, кароматлари ҳакида, шунингдек, тарихий воқеалар, илму-фан ривожи, санъат соҳасидаги ихтиrolар, шарқнинг турли шаҳарларидағи меймормонлик мўжизалари, табиатдаги ажойиб ҳодисалар тўғрисида хикоя қилинади. Шайбоний Абдуллаҳон Иккинчига бағишлаб ёзилган бу асар Давлатшоҳ Самарқандийнинг “Тазкират ушшуаро” ва Алишер Навоийнинг “Мажолис ун-нафоис” асарларидан кейинги “Учинчи теакира” ҳисобланади ва XVI асрда Ўрта Осиё, Эрон ва Хиндистондаги адабий мухитни, адабиётнинг бошқа масалаларини ёритишида муҳим ўрин тутади.

Хукмрон сулола вакиллари адабиёт ривожига ҳомийлик қилишдан ташқари, ўzlари ҳам ижод билан шуғулланганлар. Ҳусусан, Шайбонихон гарчи болалик ва ёшлиги доимо қувғин, таъқиб остида ва ҳёти жанг майдонида кечган бўлсада, яхши таълим-тарбия олишга улгуради, истеъоддли шоир, мусаввир, мусиқачи ва хушовоз кироатхон бўлиб етишди. Ундан бир нечта ўзбекча ғазал, рубоий ва “Баҳр-ул худо” номли достон етиб келган. Шайбонийхоннинг ўғли валиаҳд Темур султонга атаб ёзган панд-насиҳатлардан иборат китоби (1507-1508) ҳам мавжуд бўлиб, унинг ягона нусхаси ҳозир Туркияда сакланади.

Бошқа Шайбоний ҳукмдорлар томонидан битилган анчагина адабий асарлар ҳам мавжуд бўлиб, улар ичида ЎЗР ФА Шарқшунослик Институти қўлёзмалар фондида сакланётган Убайдуллаҳоннинг шеърий девонини, Наврӯз Аҳмадхоннинг ўғли Дўст Муҳаммад Султоннинг “Силсилот - ус салотин ва анис-ул ошиқин” асарини, Абдуллаҳон Иккинчининг ўзбек тилида “Хон” тахаллуси билан ёзган газалларини айтиб ўтиш мумкин.

Тарихнавислик. Бу даврда кўплаб тарихий асарлар яратилиб, ўрта аср мусулмон тарихнавислигидаги етакчи анъаналар давом эттирилди. Сулола асосчиси Шайбонихонга, унинг ворисларига атаб бир неча йирик тарихий асарлар яратилди. Булар ичида Камолиддин Биноийнинг, Мулло Шодий, Муҳаммад Солих, Фазлуллоҳ ибн Рўзбехоннинг асарларини, Абдуллоҳ ибн Муҳаммад ибн Али Насруллоҳий-

нинг “Зубдат-ал асар”, Мирзо Мухаммад Ҳайдарнинг “Тарихи Рашидий”, Ҳофиз Таниш Бухорийнинг “Абдулланома” (“Шарафномаи шоҳий”), номаълум муаллифнинг “Товариҳи гўзида, Нусратнома” каби тарихий асарларни айтиб ўтишимиз мумкин.

XVI асрда яратилган Зайниддин Восифийнинг “Бадоеъул вақоєъ” (“Нодир воқеалар”), Захириддин Мухаммад Бобурнинг “Бобурнома” асарлари ҳам Шайбонийлар даври тарихнавислигидаги етакчи анъаналар ҳакида кимматли маълумотлар берувчи асарлардир.

Шайбонийлар даврида Мовароуннаҳр ва Ҳурсон тарихига оид форс тилидаги тарихий асарларни ўзбек тилига таржима қилиш ишлари ҳам олиб борилди. Ҳусусан, Шарафиддин Али Яздийнинг “Зафарнома” асари Кучкунчихоннинг топшириғи билан ўзбек тилига таржима қилинганлиги ҳам Шайбоний хукмдорлар миллий тил равнаки учун қайғурганликларидан далолат беради.

Шайбонийлар даврида, шунингдек, мусаввирлик, хаттотлик ва мусика санъатида, фикх, тиббиёт, мантиқ, риёзиёт (математика), ҳандаса (геометрия) ва илми нужум (астрономия) ҳамда илм-фан, маданиятнинг бошқа соҳаларида ривожланиш қўзга ташланади. Мухаммад Амин ибн Убайдулла Мўминбойнинг “Ҳисоби амали шабака” (1550), Бобокалон муфти Самарқандийнинг “Рисола дар илми хисоб”, “Васият бар чаҳар қисм”, Мухаммад Ҳусайн Мунахжим Бухорийнинг “Маърифати самти қиблა” ва бошқа асарлар бу даврда қўпгина аниқ фанлар соҳасидаги юксалишлардан далолат беради.

Тиббиёт соҳасида ёзилган асарлар ичida Султонали Самарқандийнинг “Дастур-ул илож” (1596), Мухаммад Юсуф Қаҳҳолнинг “Таҳқиқ-ал Ҳумаййот”, “Зубдат-ул Қаҳҳолий” асарларини, Убайдуллоҳ Қаҳҳол ибн Мухаммад Юсуфнинг “Шифо-ул илал” (Касалликлар давоси) ва “Ум дат-ул куҳлия фил-амродул басария” (Кўз касаллигига доир асосий китоб) асарларини айтиб ўтиш мумкин. Бу асарларда илгари сурилган даво услублари, ташхис қўйиш, дорилар тайёрлаш ва бошқа фикрлар ўрта аср мусулмон шарқ тиббиётига хос илғор анъаналар XVI асрда ҳам давом эттирганлигидан далолатdir.

Меъморчилик. Шайбоний хукмдорлар ҳам меъморий

иншоатлар барпо этишга ўз куч-кудратларининг ифодаси сифатида қарадилар. Сифатли пишиқ ғиштлардан баланд пойдевор устига курилган кўплаб иншоатлар бу давр шаҳарсозлиги ва мъеморчилиги юксак тараккӣй эттанлигидан далолат беради. Самарқанд, Тошкент, Қарши, Марв, Балх, Хива ва айниқса, хонлик пойтахти Бухорода кўпгина муҳташам иншоотлар барпо этилди. Мовароуннаҳр шаҳарсозлигига темурийлар даври мъеморий анъаналари давом эттирилди ва бойитиди. Шаҳарларда кўплаб мадрасалар, масжидлар, хонақоҳлар, ёпиқ бозорлар, карvonсаройлар, ҳаммомлар курилган бўлса, йирик дарёларда мустаҳкам кўприклар, карvon йўллари бўйида карvonсаройлар, работлар, сардобалар барпо этилди. Мъеморий иншоотларни куришда давлат хазинасидан ташқари, хусусий кишилар ҳам ўз маблағларини сарфланликларини айтиб ўтиш керак.

Бу давр иншоотлари ичida Самарқанд яқинида Шайбониҳон томонидан Зарафшон дарёси устида қурдирилган кўприк - сув айиргични, шаҳардаги Шайбониҳон мадрасаси (1515-1516) ва масжидини, Абдураҳим Садр мадрасасини, Тошкентда Наврӯз Аҳмадхон қурдирган Бароқхон мадрасасини (Хозирги Хасти Имом) ва Абдуллахон Иккинчи даврига мансуб Кўкалдош мадрасасини, Қарши шаҳридаги Абдуллахон мадрасаси ва Намозгоҳ (Кўк Гумбаз) мачитини, Боқибий мадрасасини, ҳаммом ва сардобани, Кармана яқинида Зарафшон дарёси устидаги кўприкни (1582), бу шаҳарда барпо этилган бир нечта мадраса, хонақоҳ, масжидларни ва хонликнинг бошқа шаҳарларидаги кўплаб биноларни айтиб ўтиш мумкин.

Убайдуллахон давридан бошлаб пойтахт шаҳар мақомига эга бўлган Бухорода айниқса кўплаб мъеморий иншоотлар барпо этилди. Бу шаҳарда Убайдуллахон томонидан Мир Араб мадрасаси (1535-1536), Абдулазизхон даврида кошинли хонақоҳ, Масжиди калон (1540-1541) ва бошқа иморатлар борпо этилди. Айниқса, Абдуллахон Иккинчи даврида шаҳарда кўплаб бинолар: мадрасалар (Модарихон, Ойпошшо ойим, Говқушон, Фатхулла Күшбеги, Дўстим, Абдуллахон кабилар), масжидлар, ёпиқ бозор ва савдо расталари (Тоқи Заргарон, Тоқи Саррафон, Тоқи Қитобфурушон), хонақоҳлар, ҳаммомлар курилди.


Хоњликда шаҳарлар таракқиёти ва меъморчилик, айникса, Абдуллахон Иккинчи даврида жуда юксалди. Ҳозирги Ўзбекистон, Тожикистон, Қирғизистон, Жанубий Қозогистон, Туркманистон ва Шимолий Афғонистон худудларини ўз ичига олган кудратли салтанат барпо этган Абдуллахон Иккинчи ўз умрини от устида, жанг жадалда ўтказган бўлса-да, иқтисодиёт, маданият, хусусан, меъморчиликка ҳомий йирик давлат рахбари сифатида халқимиз хотирасида, тарихимиизда қолди. Ҳозирги пайтда Ўрта Осиёдаги XVI асрга мансуб меъморий обидаларнинг асосий қўпчилиги бу ҳукмдор даврида курилган бўлиб, манбаларнинг гувоҳлик беришича, уларнинг сони 1000дан ортиб кетади.

Шайбонийлар сулоласи ҳукмронлиги даврига хulosа тарзида шуни айтиш керакки, ижтимоий-иқтисодий ҳаётда ижодий силжишлар юз берди. Сўнгти темурий ҳукмдорлар даврида кичик-кичик мустақил бошқариладиган вилоятларга бўлинниб кетган Мовароуннаҳр яна ягона давлатга бирлаштирилди. Илм-фанда, маданиятда темурийлар даври анъаналари давом эттирилди ва янада бойитилди. Шаҳарсозлик, меъморчилик, хунармандчиликда катта ютуклар қўлта киритилди, ташқи ва ички савдо юксак ривожланди. Буларнинг барчаси Шайбонийлар ҳукмронлиги ўзбек давлатчилиги тарихида муҳим аҳамиятга эга даврлардан бири эканлигини кўрсатиб турибди.

Шайбонийлар сулоласи ҳукмдорлари

1. Мухаммад Шайбонихон - 1451-1510 й.й.
2. Кучкинчихон - 1510-1529 й.й.
3. Абусаидхон - 1529-1533 й.й.
4. Убайдуллахон - 1533-1539 й.й.
5. Абдулазизхон - 1540-1550 й.й. (Бухорода)
6. Абдулатифхон - 1540-1551 й.й. (Самарқандда)
7. Наврӯз Аҳмадхон (Бароқхон) - 1540-1551 й.й. Тошкент ҳокими.
8. Искандархон - 1560-1583 й.й.
9. Абдуллахон Иккинчи - 1557-1583-1598 й.й.
10. Абдулмўмин - 1598 йилда 6 ой таҳтда ўтиради.
11. Пирмуҳаммад II - 1598-1601 й.й.


Шайбонийлар даври ижтимоий тизими




Давлат тизими



Нуён	Кўкалдош	Шайх ул-Ислом
Тұғбеги	Оталиқ	Кози калон
Тавочи	Нақиб	Аълам
Жевачи	Парвоначи	Имом Садр
Кутвол	Вазири Аъзам	Муфтий
Доруга	Вазир	Раис (Мухтасиб)
Курчибоши	Девонбеги	Мударрис
Мингбоши	Мушриф	
Қози аскар	Хазиначи	
Қози муфти	Шиговул	
Чухра боши		



Шайбонийлар ҳарбий қўшинларининг тузилиши



Аштархонийлар (Жонийлар) сулоласи даври

Шайбонийлардан кейин Бухоро таҳтини эгаллаган сулола - Аштархонийлар (келиб чиқиши Астрахондан бўлганлиги учун) ёки Жонийлар (сулола асосчиси Жонибек сulton номидан олинган) ҳукмронлиги ўзбек давлатчилиги тарихидаги энг зиддиятли давр ҳисобланади. Олий ҳокимиятни 150 йилдан ортиқроқ (1601-1756) давр мобайнида ўз қўлларида саклаб келган аштархонийлар даврида марказий давлат ҳокимияти жуда заифлашди, ўзаро урушлар ниҳоятда авж олди. Абдуллахон Иккинчининг саъй харакати билан барпо этилган улкан Бухоро ҳонлиги ҳудуди қисқариб кетди. Марказий ҳокимият мамлакатдаги вазиятни назорат қилолмаганлиги, ҳудудий яхлитликни таъминлай олмаганлиги сабабли XVII аср бошларида ёк Xуросоннинг катта қисми кўлдан бой берилди. Хоразмда мустақил Хива ҳонлиги барпо этилди. XVIII аср бошига келиб эса ҳонликнинг шимолий чегараларида Кўқон ҳонлигига асос солинди. Кўпгина Аштархоний ҳукмдорларнинг сиёсий фаолияти ва ҳаёти давлатни қандай бошқармаслик кераклиги ҳақидаги аччиқ сабоқ бўлиб тарихга кирди.

Манбалар. Аштархонийлар ҳукмронлиги даврига оид ёзма манбалар ичida Маҳмуд ибн Вали (1595 -1640)нинг “Баҳр ул-асрор фи маноқиб ул-аҳёр” (“Олижаноб кишиларнинг шон-шавкати ҳақида сирлар дентизи”), Мир Муҳаммад Амин Бухорийнинг “Убайдуллонома”, Муҳаммад Юсуф Муншининг “Тарихи Муқимхоний”, Хўжа Самандар Термизийнинг “Дастур ал-Мулук”, Абулғозиҳоннинг “Шажарайи Турк”, Муҳаммад Амин Бухорийнинг “Мухит ут-таворих”, Муҳаммад Вафо Карманагийнинг “Тухфат ул-хоний”, Абдураҳмон Толеъ(Абдураҳмон Давлат)нинг “Тарихи Абулфайзхон” асарлари муҳим тарихий манбалардандир.

Сиёсий тарихи. Аштархонийлар Жужихоннинг ўн учинчи ўғли Тўқай Темур авлодидан бўлиб, XV асрнинг 80-йилларидан бошлаб Астрахон(Хожи Тархон)да ҳукмронлик қилганлар. Бу щаҳар Иван Грозний қўшинлари томонидан эгаллангач (1556), сулола етакчиси Ёрмуҳаммад ўз яқинлари

билин Бухорога келиб жойлашди. Бухоро хони Искандархон томонидан илиқ кутиб олинган Ёрмуҳаммадхоннинг ўғли Жонибек Султон тез орада хоннинг қизи Зухро бегимга уйла-нади ва шу тариқа Аштархонийлар (Астрахонликлар) Шайбонийлар билан яқин қариндош бўлиб қолдилар. Жонибек Султон ва унинг ўғиллари (Динмуҳаммад, Боки Муҳаммад, Вали Муҳаммад) Абдуллахон Иккинчи ҳукмронлиги давридаёқ юксак мавқега эга бўлган эдилар. Унинг ўлимидан сўнг Шайбонийлар ўртасида тожу-тахт учун бошланган кураш бу сулоланинг бутунлай кирилиб кетишига олиб келди. Натижада йирик ўзбек қабилалари бошликлари томонидан Бухоро тахти Аштархоний Жонибек Султонга таклиф этилди. У Хуросонда ҳокимлик қилаётган ўғли Дин Муҳаммад фойдасига тахтдан воз кечди. Лекин Динмуҳаммад Бухорога келишида кизилбошлар билан тўқнашувда ҳалок бўлгач, унинг укаси, Самарқанд ҳокими Боки Муҳаммад тахтга ўтказилди (1601-1606). Лекин расман олий ҳокимият Жонибек Султон қўлида бўлиб, унинг номидан тангалар зарб этилган, унинг номи хутбага кўшиб ўқитилган.

Боки Муҳаммад хонликдаги ички сиёсий низоларга чек кўйишга ҳаракат қилди, хонликнинг шимолий чегараларини кўчманчи қабилалардан химоя қилиш чораларини кўрди. Балх вилоятидан эронликларни ҳайдаб чиқариб, у ерга укаси Вали Муҳаммадни ҳоким этиб тайинлади. Лекин XVII аср бошларида Бухоро хонлиги худуди Абдуллахон Иккинчи давридагига караганда жуда кискариб кетган эди. Аштархонийлар Хоразмни ва Хуросоннинг катта қисмини бутунлай қўлдан бой бердилар. Тошкент учун қозоқ султонлари билан кўплаб урушлар олиб боришга тўғри келди.

Боки Муҳаммаддан сўнг тахтга Вали Муҳаммад ўтириди. Унинг қисқа ҳукмронлиги даврида (1606-1611) ички курашлар янада кучайди, йирик ўзбек қабилалари беклари иқтисодий-сиёсий жихатдан катта кучга эга бўлиб, хон ҳокимиятига бўйсунмас эдилар. Марказий ҳокимият мамлакатда вазиятни назорат қилолмас, ҳудудий яхлитлигини таъминлай олмас эди. Янги хоннинг марказий ҳокимиятини кучайтиришга бўлган интилиши унга қарши фитна билан якунланди ва тахтни Боки Муҳаммаднинг ўғли Имомқулихон эгаллади. У ўзининг нисбатан узоқ давом этган ҳукмронлиги даврида

(1611-1742) хонликда хукм суроётган ўзаро феодал урушларга чек кўйишга ва марказий ҳокимиятни мустаҳкамлашга муваффақ бўлган бўлса-да, Хурросон ва Хоразмни кайта кўлга кирига олмади. Тошкент ва хонликнинг шимолий чегаралари учун кўчманчи қабилалар: қозоклар, қалмиклар, мўғулларга қарши муваффакиятли кураш олиб борди ва хонлик худудини шимоли шарққа кенгайтирди. Бу даврда хон ҳокимиятининг мавзеи ошиди, ички вазият бирмунча яхшиланди. Лекин ундан кейин таҳтда ўтирган Надр Мухаммадхон (1642-1645), Абдулазизхон (1645-1681) ва Субҳонқулихон (1681-1702) даврида мамлакатда сиёсий вазият яна издан чиқди. Бу хонлар маҳалий феодалларга ва ташки душманларга қарши тўхтовсиз урушлар олиб боришга мажбур бўлдилар. Бу курашларда ҳокимиятнинг асосий таянчи дин пешволари эди. Шу сабабли бу даврда ер майдонлари оммавий равишда диний маҳкамалар ва йирик уламолар (Жўйбор хожалари қабилар) ихтиёрига ўта бошлади. Мамлакатда диний мутаассиблик кучайди. Бу ўз навбатида дунёвий тараққиётни бўгар, давлат ва жамият тараққиётига тўсқинлик килар эди.

Субҳонқулихон даврида Бухоро ҳудудида хивалик-ларнинг уюштирган хужумлари иқтисодий-сиёсий вазиятни янада кийинлаштириди. Абдулазизхон ва унинг ўғли Анушахон бошчилигидаги Хива отрядлари Зарафшон ва Қашқадарё воҳасига талончилик юришлари уюштириб, шаҳар ва кўргонларини, кишлакларни талон-тарож килдилар. Суғориш иншоотлари вайрон этилди, дехқончилик издан чиқди. Натижада озик-овқат маҳсулотлари нархи ҳаддан ташқари ошиб кетди, халқнинг аҳволи янада ёмонлашди. Соликлар бир неча баробар оширилди ҳатто, манбаларнинг гувоҳлик беришича, 7 йиллик соликлар бирданига йиғиб олина бошланди.

Тинимсиз урушлар, ҳаддан ташқари оғир соликлар, маҳалий ҳокимларнинг бебошликлари устига тез-тез бўлиб турган табиий оғатлар (курғоқчилик, ҳашарот босиши) ҳам мамлакатнинг иқтисодий аҳволини издан чиқарди, халқнинг аҳволини янада ноҷорлаштириди.

XVIII аср бошларига келиб Аштархонийлар давлатидаги инқизозли вазият янада кучайди. Бу сулола хонлари йирик сарой амалдорлари ва ўзбек қабилалари бошликларига тамо-

мила тебе бўлиб, улар хонларни тахтга кўтаришар, тахтдан маҳрум этишар, мамлакатдан қувгин этишар ёки ўлдиришарди. Убайдуллахон (1702-1711) марказий ҳокимиятни кучайтиришга, мамлакатда ҳукм суроётган сиёсий бебошликларни тугатишга интилган сўнгги Аштархоний ҳукмдор эди.

Унинг Ҳисор, Термиз ва Шаҳрисабз вилоятларининг исёнкор ҳокимларини бўйсундириш учун килган харакатлари натижасиз тугади. Балх бўйсундирилган бўлса-да, қиска вақтдан сўнг яна қўлдан бой берилди. Убайдуллахон бебош ўзбек амирларининг иқтисодий кучини сусайтириш, давлат хазинасини тўлдириш ва мамлакатнинг молиявий аҳволини яхшилашга уриниб ўтказган пул ислоҳоти (1708 й.) сиёсий-иктисодий вазиятни янада чигаллаштириди. Зарб этилган паст қийматли мис пуллар бозорларда савдогарлар томонидан олинмасдан, дўконлар ёпилиб, Бухоро шаҳрида катта қўзғлон кўтарилди. У катта қийинчилик билан бостирилган бўлса-да, мамлакатдаги сиёсий-иктисодий вазият яхшиланмади. Натижада Убайдуллохон ўлдирилиб, тахтни Аштархонийлар сулоласини амалдаги сўнгти хони Абулфайзхон эгаллади. Унинг ҳукмдорлиги даврида (1712-1747) мамлакатда қабила бошликлари, вилоят ҳокимларининг марказий ҳокимиятта қарши чиқишлиари янада кучайди. Амалдорлар фитнаси авж олди. Натижада Абулфайзхон ҳам Убайдуллахондек ўз шахсий кўрикчиларини рус ва қалмиқ кулларидан тузишга мажбур бўлганлиги манбаларда таъкидланади.

Бухородаги марказий ҳокимият амалда бир гурух сарой амалдорлари (Жавшин қалмик, Маъсум бий оталик, Ҳоким бий оталик) қўлида эди. Бу даврда уларнинг Шаҳрисабз вилояти ҳокими билан муносабатлари жуда кескинлашади. Бухорода бутун ҳокимиятни ўз қўлида тўплаб олган Ҳоким-бий мангит билан душманчилик кайфиятида бўлган Иброҳим Мирохур кенагас бошчилигидаги шаҳрисабзликлар 1716, 1719 йилларда Қаршига ва ҳатто Бухорога ҳужум қилиб, ҳокимиятни қўлга олишга харакат килдилар. Бу уриниш натижасиз тугагандан сўнг, Иброҳим кенагас бир гуруҳ маслак дошлари: Ниёз хожа катағон, Қоплон Қипчоқ, Аваз Тўқсоба ва бошқалар билан бирлашиб, 1722 йил Самарқандда Хива хонлари авлодидан бўлган Ражабхонни қадимий одатга кўра Кўктошга ўтказиши ва хон деб эълон қилишди. Шу тариқа

мустакил Самарқанд хонлигига асос солинди ва бу хонлик 1730-1731 йилларгача сақланиб турилди. Бу ишнинг бошида турган Иброҳим Мирохур бутунлай караҳт бўлиб қолган Бухоро ҳокимиятини тутатишга интилди.

“Тухфат ал-хоний” асари муаллифи Муҳаммад Вафо Карманагийнинг ёзишича, мамлакатдаги икки ҳокимиятчиликдан кўчманчи қозоқлар унумли фойдаландилар. Улар 7 йил(1723-1729) давомида доимий равишда ҳосилдор Зарафшон ва Қашқадарё воҳаларига талончилик юришлари ўюштириб турдилар. На Бухорода, на янги Самарқанд хонида уларни тўхтатишга қодир бўлган ҳарбий куч топилди. Шаҳарларда хаёт издан чиқди, бутун-бутун қишлоқлар ҳувиллаб қолди. Самарқанд ва Шаҳрисабзда бир неча йил давомида шаҳар хаёти тўхтаб қолди. Бухорода Арқдан ташқари факат иккита маҳалладагина аҳоли қолди, холос. Мамлакат иқтисодий ва сиёсий инқироз ёқасига келиб қолди. Йирик ўзбек қабила ва уруғ бошликлари ўзларига тегишли ҳудудларда мустаҳкам кўргонлар барпо этиб, марказий ҳокимиятга бутунлай бўйсунмай кўйдилар. Бунинг устига уларнинг бир-бирлари билан ўзаро низолари янада авж олди.

Бу сиёсий парокандаликдан яна бир ташқи душман усталик билан фойдаланди. Кўчманчи қозоқ қабилаларига караганда анча кучли бўлган бу душман Эронда янги сулолага асос соглан Нодиршоҳ кўшинлари эди. Бухоронинг Нодиршоҳ кўшинлари томонидан босиб олиниши кўпгина ёзма манбаларда, хусусан, Муҳаммад Қосимнинг (1720-1750) “Номайи оламаро-йи Нодири” (Нодиршоҳнинг оламни безовчи тарихи) асарида батафсил ёритилган бўлиб, унда марказий ҳокимият мамлакатни ташқи душманлар ҳужуми даврида ҳам бирлаштира олмаганлиги кўрсатилган.

1736 йилда Нодиршоҳнинг ўғли Ризоқул бошчилигидаги Эрон кўшинлари Амударёни кечиб ўтиб Қаршига юриш килдилар. Бухородан ўз душманлари иғвоси билан чиқиб кетишга мажбур бўлган Ҳокимбий бу пайтда Қаршида ҳокимлик қиласарди. У бу вазиятда Абулфайзхонга содик қолиб, шаҳар мудофаасини ташкил этди ва Бухородан ёрдам сўради. Катта кўшин билан етиб келган Абулфайзхон шаҳар яқинида бўлган жангдан енгилиб, Қарши қўргонига бекинишга мажбур бўлди. Ғузор шаҳрини ва бир нечта мудофаа қўргонларини

эгаллаган Эронликлар кўшини қайтиш ҳақидаги Нодиршоҳ буйругини олгандан сўнг, Қарши қамалини тўхтатдилар. Лекин орадан 3 йил ўтиб, 1740 йилда Нодиршоҳнинг ўзи катта кўшин билан келиб Бухоро, Қарши, Шахрисабз, Самарканд ва Ҳисорни эгаллади ҳамда катта бойликларни олиб кетди. Бу ҳарбий харакатлар вақтида Қарши ҳокими Муҳаммад Ҳокимбийнинг ўғли Раҳимбий мангит Нодиршоҳ хизматига кирди. Бу Муҳаммад Раҳимга кейинчалик Бухоро тахтини эгаллашга ёрдам берди. 1747 йилда Нодиршоҳ Мовароуннаҳрга яна ҳужум уюштириб Тошкент, Утрор, Туркистонни эгаллади. Шу йили Абулфайзхон сарой фитнаси оқибатида ўлдирилди ва ҳокимиятни Муҳаммад Раҳим мангит эгаллади. Сўнгти Аштархонийлардан Абулмўмин (1747-1751), Убайдуллахон Иккинчи (1751-1754) ва Шерғози (1754-1756) Бухоро тахтига расман ўтқизилган бўлсалар-да, амалда давлат бошқаруви бутунлай Муҳаммад Раҳим мангит (1756-1759) кўлида эди. У 1756 йил декабрида расман Бухоро тахтига ўтказилди ва шу тариқа Бухоро хонлигида янги сулола - мангитлар ҳукмронлиги бошланди.

Давлат тизими. Аштархонийлар давлат тизими ўз тузилиши, моҳиятига кўра Шайбонийлар давлат тизимидан деярли фарқ қиласмиш эди. Хон расман олий ҳокимият бошлиғи бўлиб, давлатнинг ички ва ташқи сиёсатга боғлиқ барча масалалар унинг ихтиёри билан ҳал қилинарди. Барча олий фармонлар хон томонидан жорий қилинар, унинг номидан тангалар зарб қилинар, хоннинг номи хутбада кўшиб ўқитиларди. Лекин амалда кўпгина аштархоний ҳукмдорлар йирик сарой амалдорлари кўлида ўйинчок бўлиб, марказий давлат бошқаруви сарой амалдорлари кўлида тўпланган бўлса, жойларда маҳаллий ҳокимият тамомила вилоят ҳокимлари ихтиёрида эди. Бу марказий бошқарувнинг заифлиги оқибати бўлиб, давлат тизимини бекарорлигига, ижтимоий-сиёсий инқизорзларга олиб келар эди.

Аштархонийлар даврида Бухородан кейинги энг нуфузли шаҳар Балх бўлиб, уни таҳт вориси бошқарар эди. Давлат бошқаруви икки босқичли бўлиб - марказий ва маҳаллий бошқарув тизимига эга эди.

Марказий бошқарув хон саройи амалдорлари кўлида бўлиб, аштархонийлар даврида оталиқ мансабига эга шахс

айниқса, катта мавқега эга бўла бошлади. Бу даврда сарой амалдорлари, мансаблар номланиши шайбонийлар давридагидан айтарли фарқ килмасди. Оталикдан ташкари девонбени, парвоначи, мушриф, хазиначи ва бошқа сарой амалдорлари давлат бошқарувида катта аҳамиятта эга эдилар.

Вилоят ҳокимларининг марказий ҳокимиятта бўйсунниши белгиланган йиллик соликларни тўплаб хон хазинасига юбориб туриш, хон фармонига кўра ҳарбий юришларда ўз қўшинлари билан қатнашишдан иборат эди, холос. Вилоят ҳокимлари ҳам ўз бошқарув тизимида, ҳарбий кучларига эга эди.

Аштархонийлар даврида ҳарбий ва маъмурий амалдорлар катта ҳуқукларга эга эди. Улар билан бир қаторда йирик дин пешволари - хожалар ва диний мансаб эгалари - шайхулислом, қози калон, садр ва бошқаларнинг аҳамияти ҳам катта бўлган. Давлат бошқарувида Жўйбор хожаларининг мавқеи бу даврда ҳам юқори бўлиб, асосий диний мансабдорлар улар ичидан тайинланар эди.

Маъмурий тузилиши. Аштархонийлар даврида Бухоро ҳонлиги ҳудуди кескин қисқариб кетди. XVII аср бошларига тегишли манбаларда ҳонликка бўйсунувчи олтита вилояти, Бухоро, Самарқанд, Сагараж, Ўратепа, Шахрисабз ва Ғузор вилоятлари тилга олинади холос. Кейинчалик И момқулихон томонидан Ҳисор, Тошкент, Туркистон, Фарғона, Балх вилоятлари қайта бўйсундирилган бўлсада, Ҳурсондаги бир неча йирик вилоятлар (Ҳирот ва бошқа ҳудудлар) ва Хоразм бутунлай Бухоро ҳонлиги таркибидан чиқди. Ҳонликка бўйсунувчи вилоятлар ўргасидаги аниқ маъмурий чегаралар ҳақида маълумотлар сакланиб қолмаган. Кўпгина вилоятлар, хусусан, Ҳисор, Шахрисабз амалда ярим мустақил бошқарилиб, Бухорога номигагина тобе ҳисобланарди. Вилоятлар ҳудди шайбонийлар давридагидек туманларга ва бошқа маъмурий бирликларга бўлинган.

Ижтимоий тизим. Бу даврда шайбонийлар давридагидек ижтимоий табакалар сакланиб қолган бўлса-да, уларнинг мавқеида ўзгаришлар кўзга ташланади. Расман олий табака ҳисобланган хон ва йирик сарой амалдорлари кўп ҳолларда ҳарбий-маъмурий мансабдорлар, вилоят ҳокимлари, йирик қабила бошликлари фикри билан ҳисоблашишга мажбур

бўлиб, бу уларнинг ижтимоий аҳволини деярли тенглаштириб қўярди. Бу даврда Жўйбор хўжаларининг авлодлари бўлган уламолар ва бошқа диний амалдорларнинг ижтимоий хаётдаги мавқеи янада ошди. Асосий солик тўловчи бўлган ижтимоий табака - раиятнинг аҳволи оғирлашиб борди. Бу даврда ижтимоий пиллапояннинг энг пастида турган кулларнинг, айниқса, сарой хизматчи кулларининг мавқеи ошиши учун имкониятлар кенгайди. Хонга ва бошқа йирик сарой амалдорларига тегишли бўлган қуллар, баъзи ҳолларда ўз салоҳияти билан саройдаги йирик амалдорлар қаторидан ўрин олишга ҳам муваффақ бўлган. Кўпгина хонларнинг шахсий кўриқчилари қуллардан иборат бўлиб, бу уларнинг саройдаги мавқеини ошириб турарди.

Ҳарбий соҳа. Аштархонийлар даврида ўзаро урушлар, ташқи кучлар хужуми (кўчманчи қозоклар, Хива хонлиги, Эрон шоҳларининг босқинчилик юришлари) одатий бир ҳолга айланиб қолган бўлсада, мамлакатда ҳарбий соҳада жиддий ўзгаришлар, ислоҳотлар олиб борилмади. Ўз даври учун замонавий бўлган ҳарбий курол-яроғлар, замбараклар билан кўшиннинг таъминланиши ўта ёмон аҳволда эди.

Кўшин тузилиши, жанг олиб бориш услубида шайбонийлар даврига хос ҳарбий тартиб-қоидалар сакланиб қолинди. Лекин ўз самарадорлигини тобора йўқотиб бораётган бу ўрта аср ҳарбий жанг тартибларини ҳам аштархонийлар кўшини етарли ўзлаштира олмаганлигини кўрамиз. Мамлакатдаги ички низоларга, сепаратик кучларга, ташқи душманлар хужумига тўсик кўя оладиган доимий қудратли ҳарбий кўшиннинг барпо этилмаганлиги, кўшин таркибиغا урушлар пайтида оддий фуқароларнинг кент жалб этилиши, уюшган марказий ҳарбий кўмondonликнинг йўклиги ва бошқа сиёсий-иктисодий сабаблар туфайли Аштархонийлар даврида Бухоро хонлиги ҳарбий жихатдан ўта заифлашиб кетди. Натижада, хонлик ҳудуди қисқариб борди. Шайбонийлар даврида Бухоро таркибиға кирган вилоятлар, катта ҳудудлар кўлдан бой берилди. Фақат Имомқулихон давридагина кўшиннинг жанговар қобилиятини оширишга бирмунча эришилди холос.

Иқтисод. Аштархонийлар даврига хос бўлган ўзаро урушлар, сиёсий тарқоқлик, соликларнинг мутассил ошиб бориши мамлакат иқтисодини, хусусан, унинг етакчи тармоғи

бўлган қишлоқ хўжалигини инқирозли ахволга солиб кўйди. Айниқса, ички низолар ва ташки хужумлар авж олган йилларда дехқончиликнинг издан чиқиши, сугориш иншоотларининг, экин майдонларининг қаровсиз қолиши ва натижада дехқончиликдан олинадиган ҳосилнинг кескин камайиши, нарх-навонинг ошиб кетишига сабаб бўлди.

Бу давр дехқончилигида ўрта асрларга хос ер эгалиги, иқтисодий муносабатлар тўлалигича сакланиб қолинди. Ҳосилдор яхши ерлар олдинги даврлардагидек хон ва унинг хонадонига тегишли эди. Анъанавий равищда Мулки сultonий деб аталадиган бу ерлардан олинадиган даромад хон ва унинг хонадонининг шахсий бойлиги ҳисобланарди. Ҳарбий - маъмурӣ ва диний амалдорларга тегишли бўлган ва суюргол иқтоъ, танҳо шаклдаги хусусий ерлар ҳам ер эгалигининг мухим кўриниши сифатида сакланиб қолинди. Бу даврда вакф ерлар ҳажми ҳам муттасил оширилиб, диний амалдорларнинг мамлакат ижтимоий-иктисодий ҳаётидаги мавқеи ошиб борганлигидан далолат берди.

Давлат ерларида ҳам, вакф ва хусусий ер мулкларида ҳам асосан ерсиз камбағал дехқонлар ижара ҳисобига меҳнат килганлар. Лекин асосий маҳсулот етиштирувчи бундай қишиларнинг моддий ахволи оғирлигича қолди.

Аштархонийлар даврида сугориладиган ерларда Ўрта Осиё минтақаси учун анъанавий бўлган буғдой, арпа, жўхори, ловия, мош, шоли, пахта, сабзавот ва полиз экинлари, дашт ва тоғ олди худудларидаги лалми ерларда буғдой, арпа, кунжут, тарвуз, қовун ва бошқалар экилиб, дехқончилик қилинган. Манбаларда қайд этилишича, ўзаро урушлар дехқончилик тараққиётини бир мунча орқага суруб турган бўлсада, тинчлик даврларида ерлардан анча юқори ҳосил олинган. Дехқончилик маҳсулотлари ички талабини тўла кондириб, ташки бозорга ҳам чиқарилган. Бу мамлакат иқтисодининг бутунлай инқирозга тушиб қолишидан саклаб турган асосий омиллардан бири эди.

Чорвачилик аштархонийлар даврида ҳам қишлоқ хўжалигининг етакчи тармоғи сифатида катта аҳамиятта эга эди. Хон ва йирик сарой амалдорлари, дин пешволари, қабила бошликлари, йирик чорвадор бойларга тегишли катта яйловлардаги сурувларда минг-минглаб кўйлар, подалар, йилқилар,

туялар бокиларди. Ўтрок дехқончилик туманларида анъанавий уй чорвачилиги ривожланди. Йирик шохли уй ҳайвонлари(сигир, ҳўқиз)дан дехқончиликда ер ҳайдашда (омоч тортишда) асосий восита сифатида фойдаланиш давом этди. Чорвачилик ички ва ташки бозорда талаб катта бўлган кўйлар, йирик шохли ҳайвонлар, қорабайир отлар, икки ўркачли туялар ҳамда жун, тери ва бошқа маҳсулотлар етказиб берадиган асосий тармоқ сифатида ҳам бу даврда ўз мавқеини сақлаб қолди.

Хунармандчилик. Хунармандчиликнинг асосий марказлари шаҳарлар бўлиб қолган бўлса-да, ўзаро иқтисодий муносабатларнинг заифлашиши ва натурал хўжаликнинг ривожланиши сабабли, энг керакли хунармандчилик маҳсулотларини етиштириш кўпгина йирик қишлоқларда ҳам ривожлана бошлади. Мамлакатнинг хунармандчилик маҳсулотларига бўлган эҳтиёжи асосан маҳаллий хунармандлар маҳсулотлари хисобига қондириларди. Бу даврда тўқимачилик ва у билан боғлиқ хунармандчилик турлари (ип йигириш, газламалар тайёрлаш, тайёр кийимлар тикиш ва бошқалар) ривожланишда давом этиб, бу соҳа бутун ўрга асрлар даврида бўлганидек хунармандчиликнинг етакчи тармоғи бўлиб қолди. Хунармандчиликнинг энг ривожланган тармоқларидан бири бўлган кулолчилик хонликнинг барча йирик шаҳарларида, кўпгина қишлоқларида мавжуд бўлиб, унинг ривожида бутун Ўрга Осиёга хос анъаналар билан бирга, маҳаллий хусусиятлар ҳам яққол кўзга ташланади. Асосан икки тоифа(косагарлар ва кўзагарлар)га бўлинган кулолларнинг маҳсулотларига ички бозорда талабнинг юқорилиги, ҳом ашё манбай бўлган соғ тупроқнинг кўп жойларда мавжудлиги соҳанинг тараққиётига сабаб бўлди.

Металл ва ёғочга ишлов бериш, ёғоч ва ганч ўймакорлигига ҳам ўрга аср анъаналари давом эттирилиши билан бирга кўпгина ўзига хосликлар кўзга ташланади.

Умуман олганда, Аштархонийлар даври хунармандчилигига асрдан-асрга ўтиб келаётган етакчи анъаналар сақланиб, ривожлантирилиши билан бирга маҳаллий (локал) хусусиятларнинг ҳам таъсири ошиб борганилигини кўрамиз.

Савдо-сотик. Мамлакат иқтисодий ҳаётида савдо-сотикнинг ўрни ва аҳамияти, ҳатто ўзаро урушлар кучайган даврда

ҳам бир қадар сақланиб қолди. Асосий савдо марказлари сифатида Бухоро, Самарқанд, Қарши, Тошкент, Балх ва бошқа йирик шаҳарларнинг мавқеи ошиб борди. Хонликда дехқончиликдан, чорвачилик ва хунармандчиликдан олиандиган маҳсулотларнинг турли-туманлиги ички савдонинг ривожланишига катта таъсир кўрсатади. Шаҳарларда дехқончилик ва чорвачилик туманларидан келтириладиган маҳсулотлар(ғалла ва бошқа озиқ-овқат маҳсулотлари, ҳом ашёлар - тери, жун)га талаб юқори бўлса, шаҳарлик хунармандларнинг маҳсулотлари (қишлоқ хўжалигида ишлатиладиган меҳнат қуроллари, рўзғор буюмлар, сопол идишлар, турли хил асблоблар)га дехқон ва чорвадор аҳолида талаб катта эди.

Бу даврда ташки савдо алоқалари ривожланди. Хусусан, Россиянинг турли савдо шаҳарлари, (Астрахан, Оренбург, Сибирдаги шаҳарлар), Ҳиндистон, Эрон, Кошғар, Туркия билан савдо сотик олиб борилди. Ташки бозорга асосан турли қишлоқ хўжалик маҳсулотлари чиқариларди. Бу даврда пахта, тери, жун, турли матоларнинг асосий ҳаридори сифатида Россия катта аҳамиятта эга бўла бошлади. Россияга, шунингдек, Ҳиндистонда тайёрланадиган маҳсулотларни олиб боришда ҳам Ўрта Осиёлик савдогарлар мухим роль ўйнар эдилар. Россияда Ўрта Осиёдан олиб келинадиган маҳсулотларга талаб анча катталиги боис, Бухоролик савдогарлар бу ерда кўпгина имтиёзларга эга эдилар. Манбаларда таъкидланишича, Бухоролик савдогарларнинг Сибир шаҳарларида доимий фаолият кўрсатувчи ўз савдо расталари бўлиб, улар бу шаҳарларда нафақат савдогар, балки билимдон ва ўқимишли кишилар сифатида ҳам катта мавқега эга бўлишган.

Бухоро хонлиги билан Хива хонлиги ўргасида гарчи ўзаро низолар бўлиб турғанлигига қарамасдан икки ўртадаги иқтисодий савдо алоқалари тўхтаб қолмаганлигини ҳам айтиб ўтиш лозим.

Ташки савдо катта фойда келтирганлиги сабабли, хон ва унинг яқинлари, сарой амалдорлари, дин пешволари, вилоят ҳокимлари ҳамда бошқа турли ҳарбий -маъмурий амалдорлар ҳам унда фаол иштирок этишган. Улар ўз савдо карvonларини чет элларга ишончли кишилар бошчилигига жўнатаб туришган ва катта фойда олишган.

Соликлар. Аштархоний ҳукмдорлар даврида давлат

хазинасини бойитишнинг ягона усули халқдан соликларни кўпроқ йигиб олиш деб ҳисобланилганлиги сабабли ҳам соликлар сони ва микдори ҳаддан ошириб юбориларди. Масалан, Субхонқулихон даврида 7 йиллик соликларни бир йилда йигиш ҳақида фармон эълон қилинган эди. Бу аҳолининг янада камбағаллашувига, ерларнинг қаровсиз бўлиб қолишига, дехқончиликнинг инқирозига, нархларнинг ошиб кетишига олиб келди.

Бу даврда хонликдаги анъанавий бўлган хирож, закот, ихржот, бож каби соликлардан ташқари жуда кўплаб катта-кичик соликлар жорий этилди. Улар асосан ўзаро низолар туфайли тез хувиллаб қоладиган хазинани тўлдиришга, кўшинлар таъминотига, хон ва сарой аъёнлари харажатларини қоплашга сарфланарди. Асосий солик тўловчи аҳоли раият - дехқонлар, хунармандлар, савдогарлар, чорвадорлар эди. Турли соликлардан ташқари кишлоқ ва шаҳар аҳолиси турли ишлар (каналлар қазищ, арикларни тозалаш, курилиш ишлари ва бошқалар)га мажбуран жалб этиларди. Бундан ташқари, мазкур тадбирлар учун сарфланадиган харажатлар аҳолидан турли йўллар билан ундириб олинарди. Мамлакат фуқаролари бўлмаган савдогарлардан олинадиган соликлар (бож) деярли ўзгаришсиз бўлиб, кўпинча уларнинг микдори сиёсий муносабатларга ҳам боғлиқ эди.

Илм-фан. Маданият. Аштархонийлар хукмронлиги даврига хос бўлган ижтимоий-иктисодий ва сиёсий зиддият маданий ҳаётта салбий таъсир кўрсатди. Мамлакатда диндорлар мавқеининг ошиб бориши ва уларнинг давлат ишларига аралашувининг кучайиши аниқ фанлар (хандаса, риёзиёт, тиббиёт астрономия) соҳасида ўрта асрларда эришилган ютуқларининг аста-секин унутилишига, дунёни, жамият тараққиётини тушунтиришда фақат илохий дунёқарашнинг хукмронлиги ўрнатилишига олиб келди. Бу ўз навбатида диний ақидапарастликка, миллий бикиқликка, ижтимоий фикрнинг ва дунёвий тараққиётнинг бўғилишига сабаб бўлди. Натижада илм-фан, маданият бешиги бўлган Мовароуннаҳр Аштархонийлар даврида сиёсий, иктисодий ва маданий жиҳатдан қолоқ бир ўлкага айланди.

XVII асрда Бухоро хонлигидаги йирик шаҳарларда олий таълим берувчи 150га яқин мадрасалар фаолият кўрсатган

бўлса-да, улардаги таълим тизими замон таракқиётини белгилаб берадиган билимларни беришда ожиз эди. Гарчи бу даврда ҳам риёсиёт, (математика), хандаса химия, астрономия соҳасида иш олиб борган (Мулло Турсун Фаризий), фалсафа ва мантиқ каби илмлар билан шугулланган (Мулла Юсуф Қорабогий) кишилар бўлган бўлса-да, бу соҳаларда ҳатто ўрта асрлардаги ютуклар даражасига ега оладиган асарлар яратилмади. Лекин шу билан бирга маданий ҳётни бутунлай йўқка чиқариш ҳам мумкин эмас. Аштархонийлар даврида тиббиётда Шарқ ҳалқларига хос анъаналар, ҳалқ табобати ўз замонасига мос равишда ривожланишда давом этди. Бухорода Субхонкулихон даврида тиббиётга ихтисослашган мадраса ва шифохона фаолият кўрсатган бўлиб, бу ерларда бу соҳага оид билимлар ўқитилиши билан бирга, беморларни даволаш ишлари ҳам олиб борилганлиги маълум. Шунингдек, бу даврда тарих, адабиёт каби ижтимоий фанлар фаолиятида ҳам ривожланиш давом эттирилди.

Тарихнавислик. Бу даврда ўрта аср анъанавий тарихнавислиги давом эттирилиб, кўпгина тарихий адабиётлар яратилди. Улар ичида Махмуд ибн Валининг XVI аср охири - XVII аср бошларидағи Ҳурносон ва Мовароуннаҳр тарихига оид “Баҳр ал асрор” асари, Мухаммад Юсуф Муншийнинг Балх ҳокими Муқимхонга атаб ёзилган “Тарихи Муқимхоний” асари, хожа Самандар Термизийнинг ўрта аср мусулмон бадиий-тарихий адабиётида нодир ҳисобланган “Дастур ал-мулук” асари, Мир Мухаммад Амин Бухорийнинг “Убайдуллонома”, Мухаммад Вафо Карманагийнинг “Тұхфат ул-хоний (Бу асарнинг иккинчи қисми Сайдо Насафий томонидан ёзіб тугалланган), Абдураҳмон Давлат(Толеъ)нинг “Тарихи Абулфайзхон” каби тарихий асарларни айтиб ўтиш мумкин. Бу асарларда хон ҳокимиятини, шахсини улуғлаш билан бирга жамиятдаги инқирозли ҳодисалар ўзаро урушларнинг натижаси эканлиги тўғри англаниб, бунга барҳам беришнинг асосий чораси марказий ҳокимиятниadolатли бошқаришда деган фикрлар ҳам илгари сурилган. Ушбу тарихий асарларда мусулмон оламида кенг тарқалган афсоналар, ривоятлар, шеърий ва насрый шаклдаги ҳикматли сўзлар, Куръон оятлари ва диний китоблардан парчалар тарихий воқеаликка ўта маҳорат билан бирлаштирилиб юбо-

рилганлигини кўрамиз. Бу аштархонийлар даври тарихшунослигига ҳам ўрта аср анъаналари давом эттирилганлигини кўрсатадиган мухим белгидир.

Адабий ҳаёт. Аштархоний хукмдорлар ўз мавқеини мустахмкалашда сўз усталари нуфузидан фойдаланишга интилиб, уларга ҳомийлик қилардилар. Адабиёт айниқса, Субхонқулихон даврида анча ривожланди. Хоннинг ўзи ҳам “Нишоний” тахаллуси билан шеърлар ёзганлиги маълум. Бу даврда ижод қилган шоирлар ичida Турди Форогий (VII аср) фаолиятини алоҳида айтиб ўтиш лозим. Ўзбекларнинг Юз уруғидан бўлган бу шоир Абдулазизхон даврида анча нуфузга эга бўлиб сарой доираларига яқин турган бўлса, Субхонқулихондан анча зулм кўради ва хонга карши кўтарилиган кўзголонда ҳам иштирок этади. Ундан 400 мисрадан ортиқроқ шеърлар бизгача етиб келган бўлиб, уларда меҳнаткаш ҳалқ ахволига ачиниш, амалдорлар зулмини қоралаш, ўзаро тутувликка, тинчликка чорловчи гоялар етакчи ўрин тутади. Турди Фарогий айниқса “Тор кўнгуллик беклар”, “Субхонқулихон ва унинг амир амалдорлари хақида ҳажв” каби шеърлари билан машҳурдир.

Бу даврда ижод қилган шоирларнинг кўпчилиги начор ахводда яшаб, ўз меҳнатлари билан кун кечирганлар. Улар ижодида ҳалол меҳнат билан ҳаёт кечиришни таргиг қилувчи нақшбандия тариқатининг таъсирини ҳам кўрамиз. Масалан Бухорода мадрасани тугатиб шу ерда яшаб қолган Қаршилик шоир Сайидо Насафий тикувчилик қилиб кун кечирган. Унинг ижодида турли ҳунармандлар меҳнатини улуғлаш етакчи ўринда туради. Насафийдан мажозий услубда ёзилган “Баҳориёт” асари ва кўплаб шеърлари бизгача етиб келган. Бутун умр қашшоқликда ҳаёт кечирган бу шоир аштархонийлар даврида Мовароуннаҳр вайрон бўлган қишлоқ ҳолига келиб қолганлигини ачиниб ёзган эди.

XVII асрда Самарқандда кўпгина шоирларни бирлаштирган адабий мактаб вужудга келди. Унинг вакиллари ижодида ҳам ҳалол меҳнатни улуғлаш, зулмни қоралаш ва шарқ шеъриятига хос бошқа гоялар етакчи ўрин тутади. Самарқандлик бу ижодкорлар ичida атторлик билан шуғулланган Ғофур Самарқандийни, темирчи Масиҳони, этикдўзлик билан ҳаёт кечирган Манзур Самарқандийни, зардўзлик касби

билан шутулланган Фитрат Самарқандийни ва бошқаларни адабиёт, хусусан, шеърият ривожига бирмунча хисса қўштан ижодкорлар сифатида айтиб ўтиш мумкин.

Самарқандлик яна бир шоир Мұхаммад Вали Самарқандий томонидан яратилган 200га яқин ижодкорнинг ҳаёти ва ижоди ҳақида маълумот берувчи “Музаккир ул-асҳоб” (1692) асари шу давр маҳсулидир. Бу мажмуудаги маълумотлар XVII аср адабий ҳаёти ҳақида аник тасаввур ҳосил қилишга имкон беради.

Ижтимоий-иктисодий жараёнлар адабиёт ривожига ҳам ўз таъсирини ўтказган. Бу даврда Сўфи Оллоёр ва Машраб каби буюк ижодкорларнинг ижодий фаолиятлари жамиятнинг ҳаётида адолат устунлик қилиши учун курашнинг ўзига хос ифодасидир.

Меъморчилик. Аштархонийлар даври ҳам ҳонлиқда кўплаб мачит ва мадрасалар, бозорлар, хонақоҳлар, карвон-саройлар, работлар, ҳаммомлар, сардоби ва бошқалар барпо этилди. Бинолар, анъанавий равишда ҳон ва сарой амалдорлари, қабила бошликлари, йирик бойлар, уламолар маблағлари ҳисобига қуриларди. Улар ичida Бухорода Абдуллаизхон томонидан барпо этилган мадрасани алоҳида таъкидлаб ўтиш керак. Бу мадраса ўз тузилиши билан ўрга асрлардаги Мовароуннаҳрда қурилган мадрасалардан фарқ қиласа-да, лекин ундаги мармар таҳтачалар, қимматбаҳо кошин безаклар, нафис ганчли гумбазлар бу давр меъморчилигида ҳам етакчи анъаналар сакланиб қолганлигидан далолат беради.

Бухоронинг энг бадавлат кишилардан бўлган Нодир девонбеги томонидан Бухорода масжид-мадрасадан иборат меъморий мажмуа - Лаби Ҳовуз барпо этилди.

Самарқандда ҳам XVII аср охирида бир қанча олий сифатли бинолар барпо этилган. Шулар ичida ҳозирги пайтда ҳам шаҳар кўркига кўрк қўшиб турган, Регистон майдонида қурилган Шердор ва Тиллакори мадрасаларини айтиб ўтиш керак. Самарқанднинг йирик бойларидан бўлган Ялангтӯшибий маблағига қурилган бу иншоотларнинг бири - Шердор мадрасаси (1661 й.) Улуғбек мадрасаси (XV аср) рўпарасида барпо этилган бўлиб, улар ўз тузилишлари билан бир-бирига ўхшаб кетади. Мадраса пештоқида чиқиб келаётган қуёш ва ўлжага интилаётган иккита шер тасвиrlанган. Мадрасанинг

номланиши шу шерлар тасвирига боғлиқ бўлиб, мутахассисларнинг фикрича бундай шерлар тасвири Шаҳрисабзда Амир Темур қурдирган машхур Оқсарой биноси пештоқида ҳам бўлган. Бу мадрасанинг нақш ва безакларида ҳам қадим шарқ мъеморий анъаналари кўзга ташланиб туради.

Ялангтўшибий қурдирган Тиллақори мадрасаси ҳам XVII аср мъеморчилигининг нодир намунаси. Бу бино безатилишига жуда кўп олтин ишлатилганлиги учун у “Тиллақори” (“Олтин қадалган”) деб аталган. Бу мадраса жума масжиди вазифасини ҳам бажарган. Ялангтўшибий қурдирган бу икки мадраса Самарқандда Регистон майдонининг яхлит ансамбл бўлиб шаклланишига олиб келди.


Аштархонийлар даврида, шунингдек, Самарқанд атрофидаги Хожа Ахрор қабри олдида мадраса ва Намозгоҳ, Самарқанд ва Бухоро йўлида бир нечта работлар барпо этилган.

Хонликнинг кўпгина бошқа шаҳарларида ҳам йирик қурилишлар олиб борилгани маълум, хусусан, Қаршида XVIII аср бошларида 2 та иншоот - Шермуҳаммадбий ва Хўжа Курбонбий мадрасалари, Шаҳрисабз воҳасида Хўжа Илим кон мъеморий мажмуаси (XVII-XVIII) барпо этилди.

Аштархонийлар даврида савдо-сотиқ билан боғлиқ иншоатлар қурилиши ҳам анча ривожланди. Маҳаллий бойлар, амалдорларнинг хусусий маблағлари ҳисобига барпо этилган кўплаб карвонсаройлар, работлар, карвон йўллари бўйидаги сардобалар буни кўрсатиб турибди. Масалан, Саройда дастурхончи лавозимини эгаллаб турган Зокирбий ўз маблағидан Бухоро - Қарши савдо йўлида катта работ қурдирган бўлса, хонликдаги энг йирик бойлардан бўлган Нодир Девонбеги томонидан Бухоро-Самарқанд савдо йўли бўйида ҳашаматли работ барпо этилади. Бу бинолардан ташқари хонликнинг бошқа шаҳарларида, қишлоқларида кўплаб масжидлар, хона-қоҳлар, карвонсаройлар, ҳамомлар, ёпиқ бозорлар ва бошқа ижтимоий фойдали бинолар қурилдики, бу ўзаро низоларга, мураккаб сиёсий вазиятга қарамасдан Мовароуннаҳр мъеморчилигинида етакчи анъаналар давом эттирилганлигини кўрсатиб турибди.

Хулоса қилиб айтганда Аштархонийлар даври (1601-1756) Мовароуннаҳрда ўзаро сиёсий келишмовчиликлар, марказий ҳокимиятнинг заифлашиб бориши билан характерланса-да,

XVII аср бошида Имом Кулликон хукумронлаги
 даварни давлат чегаралари
 XVIII аср охин Шохумород хукумронлиги
 даварнади давлат чегаралари
 XVIII асрдаги киник мустакип давлатлар
 == == == НИНГ ТОХМИНИЙ чегаралари



XVII - XVIII АСРЛАРДА ЎРТА ОСИЁ

иқтисодий ҳаётда, маданиятнинг баъзи соҳалари (меъморчилик, тарихнавислик, адабиёт)да ижобий силжишлар ҳам кўзга ташланади. Бу ҳар қандай оғир вазиятда ҳам меҳнаткаш халқимизнинг бунёдкорлик, яратувчалик хислатларини намоён қила олганлигидан далолатдир.

Аштархонийлар сулоласи ҳукмдорлари

1. Боки Мухаммад - 1601 - 1606 йй.
2. Вали Мухаммад - 1606 - 1611 йй.
3. И момқулихон - 1611 - 1642 йй.
4. Нодир Мухаммадхон - 1642 - 1645 йй.
5. Абдулазизхон - 1645 - 1681 йй.
6. Субконқулихон - 1681 - 1701 йй.
7. Убайдуллахон - 1702 - 1711 йй.
8. Абулфайзхон - 1711 - 1747 йй.
9. Абдулмўмин - 1747 - 1751 йй.
10. Убайдуллоҳ II - 1751 - 1753 йй.
11. Шерғози - 1754 - 1756 йй.

Бухоро амирлиги

Бухоро хонлигига XVIII асрнинг ўрталарида юз берган сиёсий воқеалар ўзбекларнинг мангит уруғи вакилларини ҳокимият тепасига олиб чиқди. Ҳукмрон сулола алмашуви давлатнинг сиёсий мақомида ҳам ўзгариш бўлишига олиб келди. Янги ҳукмдорлар ҳокимиятни расман “Амир” унвони билан бошқара бошладилар ва бу давлат Бухоро амирлиги номи билан тарихда қолди.

Манбалар. Бухоро амирлиги тарихига оид ёзма манбалар ичida “Кушбеги архиви” хужжатлари, маҳаллий тилларда, шунингдек, рус ва бошқа Европа тилларида ёзилган тарихий асарлар мухим ўрин тутади. Маҳаллий тарихчилар асарлари ичida “Тарихи салотини мангития”, “Тухфаи шоҳий”, “Дастони амирони мангит”, “Тарихи амири Ҳайдар”, “Гулшан ал-мулук”, “Рисолаи мухтасари аз тарихи салотини хонадони мангития” (“Мангитлар хонадони ҳукмдорлари тарихидан кисқача рисола”) каби бир қанча асарларни айтиб ўтиш

мумкин. Уларнинг баъзилари рус тилига таржима қилиниб, нашр этилган.

Бу давр тарихига оид рус манбалари ичida 1820 йилда Бухорода бўлган Е.К.Мейендорфнинг “Оренбургдан Бухорога саёҳат” асарини, 1833 йили Бухорода татар муллоси Мирзо Жаъфар номи билан 4 ой яшаган П.И.Демезоннинг “Бухоро хонлиги хақида қайдлар” асарини, 1841 йилда амирликка Бутенов элчилик миссияси таркибида ташриф буюрган ориентолист Н.Ханиковнинг “Бухоро хонлигининг таърифи” асарини айтиб ўтиш мумкин. Ўрта Осиё Руслар томонидан истило этилгандан сўнг Бухоро тарихига багишланган рус тилидаги манбалар сони янада ортиб кетди.

Бухорода XIX асрнинг 1-ярмида бўлган инглиз жосуслик хизмати ходимлари Мир Иззатулло ва А.Борис, шунингдек, А.Вамберининг асарларида ҳам Бухоро амирлиги тарихига оид муҳим маълумотлар бор.

Сиёсий тарихи. Ўзаро низолар ва ташқи душманлар хужуми туфайли тобора заифлашиб бораётган, марказий давлат ҳокимият бошқаруви караҳт ҳолга келиб қолган аштархонийлар даврида катта сиёсий нуфузга эга бўлган ўзбекларнинг мангит уруғи бийлари аста-секин давлат бошқарувида муҳим ўринларни эгаллай бошладилар. Нодиршохнинг истилочилик юришлари бу сиёсий ўзгаришларни бирмунча тезлаштириди. Абулфайзхоннинг ўлеми(1747)дан сўнг тахтга то 1756 йилгача унинг авлодлари ўтқазилган бўлса-да, амалда ҳокимият мангитлар сулоласи вакили Мухаммад Раҳим кўлида эди. У ўз хукмронлигининг дастлабки давридаёқ марказий Давлат ҳокимиятини мустаҳкамлашга киришди. Мамлакатдаги сиёсий вазиятнинг яхшиланишидан манфаатдор бўлган кучлар: йирик ер эгалари, савдогарлар, уламою фузалолар унинг бу интилишларини кўллаб-кувватладилар. Ишни аввало сарой амалдорларини ўзгартиришдан, марказий бошқарувни тартибга олишдан бошлаган Мухаммад Раҳим аста-секин вилоятлар ҳокимлигига ҳам ўзига содик одамларни кўйишга киришди. Бунинг учун у сепаратистик кайфият жуда кучли бўлган Шаҳрисабзга 1750-1752 йилларда 4 марта юриш килиб, бу ердаги муҳим мудофаа кўргонлари (Китоб, Санғфурӯш, Говмиш, Кушчи)ни эгаллади ва воҳада тўлиқ ўз ҳокимиятини ўрнатди. Ғузор ҳам Бухоро ҳокимиятини тан олди.

Бу хукмдор шунингдек, Миёнқол, Нурота, Ургут, Кабодиён, Бойсун каби марказий ҳокимиятни тан олмаётган вилоятларга бир неча бор ҳарбий юришлар килиб, уларни бўйсундиришга эришди. 1753-1756 йилларда Зарафшон воҳасининг юқори оқими, Жиззах, Зомин яна Бухоро таркибига қўшиб олинди. Бухоро шаҳрининг мудофаа деворини янада мустаҳкамлаш учун 1752-1753 йилларда эски девор ёнида баланд (2м) мудофаа девори курилди.

1756 йил декабрь ойида Муҳаммад Раҳимни расман таҳтга ўтқазиш маросими бўлиб ўтди. Қадимий одатга кўра у оқ кигизга солиниб, унинг 4 томонини йирик ўзбек уруғлари (манғит, сарой, кипчоқ, баҳрин) вакиллари кўтариб таҳтга ўтқазилди. Лекин у Чингиз авлодидан бўлмаганилиги учун “Хон” бўлиб эмас “ноиб” деб эълон қилинди. У таҳтга ўтиргач, бир қанча сиёсий-маъмурий ислоҳотлар ўтказди. Янги хукмдорга бу соҳада ёрдам берган қабилалар вакиллари саройдаги олий ва юқори мансабларга ўтқазилди. Сўнгти аштархонийлар даврида қисқариб кетган сарой амалдорлари, мансаб-унвонлар сони анча ошди. Исёнкор шаҳрисабзликлар кучини сусайтириш учун илгари Шаҳрисабз вилоятига тегишли Яккабоғ тумани алоҳида беклик деб эълон қилиниб, Имомкули парвоначи Яккабоғ ҳокими этиб тайинланади. Расмий равищда ҳам таҳтни эгаллаган Муҳаммад Раҳим Шарқий Бухорога: Ҳисор, Денов, Душанбе, Термиз, Бойсунга қарши янги ҳарбий юришларни амалга ошириди ва бу ерларни ҳам ўзига бўйсундириди. Хоразмдаги сиёсий низолардан фойдаланиб, Хива таҳтига ҳам ўз одамларини ўтқазишга эришди.

Ўз ҳокимиятини мустаҳкамлаб олган ғайратли Муҳаммад Раҳимни Бухоронинг қонуний хукмдори эканлигини тан олишиб, Кўкон, Тошкент, Марв, Балх ва Кундуз бекликларидан расмий элчилар ташриф буюришди.

Муҳаммад Раҳимнинг вафотидан сўнг, Бухоро таҳтига унинг тоғаси, Миёнқол ҳокими Дониёлбий манғит (1759-1784) ўтирди. Унинг хукмронлиги даврида (1759-1784) “Бухорода давлат ва дин ишларида бузуклик кўпайди” (Аҳмад Доңиш). Бу марказий ҳокимиятта қарши чиқишиларда кўринади. Айниқса, турли ўзбек қабилалар ва уруғлар ўртасида низолар, сиёсий бирликнинг йўқлиги, марказий бошқарувнинг давлат-

чиликдаги аҳамияти тушуниб етилмаганлигини мангитлар давридаги ўзаро урушлар тасдиқлаб турибди.

Дониёлбий таҳтга ўтирган дастлабки йилларда ёқ марказий ҳокимиятта қарши чиқиш мамлакатнинг ҳамма ерида кенг ёйилди. Юз, Кенагас, Бургут, Баҳрин, Сарой ва бошқа йирик ўзбек уруғларининг амирлари бирлашиб катта қўшин билан Бухорога юриш килдилар. Томонлар орасидаги музокаралар самарасиз тугагандан сўнг, марказий ҳокимиятнинг кучайишидан манфаатдор бўлган савдогарлар, ҳунармандлар ва шаҳар аҳолисининг кўллаб-кувватлаши туфайли кўзғлончилар тор-мор этилди, унинг бошида турганлар тутилиб, катл этилди.

Лекин мамлакатдаги сиёсий вазият яхшиланмади. Мамлакатнинг шарқий қисмида ҳам Бухородаги марказий ҳокимиятта қарши қўзғлонлар кўтарилиди. Айниқса, 1771 йилда Шаҳрисабз ва Ғузорда кўтарилиган кўзғолон давлат асосларини жиддий ларзага солди. Бухородан давлат тўнтариши килишга уринганлиги учун кувилган Норбўтабий ўзининг Каршилик навкарлари билан Кўзғлончилар сафига қўшилганлиги вазиятни янада кескинлаштириди. Бу кўзғлонни катта куч сарфлаб бостиришга муваффак бўлган Дониёлбий кўзғлончилар раҳбарларини тутиб катл эттириди.

Мамлакатда ғалаёнларнинг деярли тўхтовсиз равища кўтарилиб туриши марказий ҳокимиятнинг обрўсини, кудратини тушириб юборди. Иқтисодий вазият ҳам начор ахволга келиб қолди. 1784 йилда Бухорода бошланган кўзғолон таҳтга янги ҳукмдорни олиб келди. Кўзғолон бостирилиган бўлса-да, таҳтдан воз кечиш пайти келганлигини анлаган Дониёлбий вазият тақозасига кўра, 1785 йилда ҳокимиятни ўғли Шоҳмуродга топширади.

Шоҳмурод Бухоро давлати тарихида ўз ўрнига эга бўлган ҳукмдорлардан саналади. У мангитлар сулоласи ҳукмдорлари ичida биринчи бўлиб, “амир” унвони билан давлатни бошқарди. Шундан сўнг бу давлат Бухоро амирлиги деб атала бошланди. Тарихда “Амири маъсум” (“Бегуноҳ амир”) номи билан қолган Шоҳмуроднинг ҳукмронлиги йиллари (1785-1800) Бухорода марказий ҳокимиятнинг нисбатан мустахкамланиш даври бўлди. Марказий давлат бошқарувини тиклаш учун Шоҳмурод ҳам ўз ҳукмронлигининг дастлабки йилла-

рида мамлакатдаги сепаратистик кучларга қарши қаттиқ кураш олиб боришга мажбур бўлди. Одатда хукмдор алмашган пайтда юз берадиган ғалаёнлар туфайли Бухорога бўйсуннишдан бош тортган Кармана, Шахрисабз, Хўжанд ва бошқа шаҳарларга катта қўшин билан ҳарбий юришлар уюштириб, бу ерларни қайта эгаллади ва улар унинг вафотигача Бухоро таркибида қолди. У нафақат сиёсий вазиятни яхшилашга эришди, балки бир қатор маъмурий, иқтисодий-маданий тадбирларни амалга ошириди. Саройда камтарона, дарвишларга хос хаёт кечирган, ислом ақидаларига катта эътиқод қўйган бу хукмдор Зарафшон ва Қашқадарё воҳаларидағи, Амударё бўйларидағи суғориш тизимларини қайта тиклади, янги ижтимоий-фойдали иншоотлар, кўпприклар, йўллар барпо эттириди.

Амир Шоҳмурод томонидан ўтказилган молия, суд, маъмурий ва ҳарбий соҳалардаги ислоҳотлар натижасида мамлакатда сиёсий-иқтисодий юксалиш кўзга ташланади. Соликларининг тартибга солиниши, суд ишларидаги ноҳакликларга чек қўйилиши, маҳаллий амалдорлар фаолияти устидан назорат ўрнатилиши савдо-сотик ва хунармандчиликнинг, қишлоқ хўжалигининг юксалишига шароит яратди.

Амир Шоҳмурод ўғли Амир Ҳайдарни мангитларнинг ота мерос мулки хисобланган ва амирликда катта нуфузга эга бўлиб бораётган Қарши шахрига ҳоким қилиб тайинлади. Шундан сўнг Бухоро тахти ворисларининг Қаршида ҳокимлик қилиши одат тусини олди.

Шоҳмуроднинг вафотидан сўнг тахтга ўтирган Амир Ҳайдар отаси бошлаган сиёсатини изчиллик билан давом эттира олмади. Унинг амирлиги даврида (1800-1826) мамлакатда сиёсий вазиятда кескинлик сакланиб қолди. У Бухорога бўйсунишдан бош тортган Шахрисабз, Ургут бекликларига, Миёнқолга қарши жанглар олиб боришга мажбур бўлди. Ҳарбий куч самара бермаган вазиятларда келишувчанлик йўлини тутди. Ҳусусан, бўйсунмаган Шахрисабз маҳаллий ҳоким Дониёр валломага мулк сифатида тақдим этилди ва Шахрисабз воҳаси то 1858 йилгacha деярли мустақил равища бошқарилди. Ўратепа беклиги ҳам бўйсундирилди ва амирлик худуди анча кенгайтирилди. Бухорога тобе бўлган Марвда

кўтарилиган туркманлар кўзғолонини, айниқса, 1821-1826 йилларда Миёнқолда бўлиб ўтган қўзғолонни бостириш учун амир Ҳайдар катта куч сарфлашга мажбур бўлди.

Бу даврда кўшни хонликлар билан муносабатлар анча кескинлашди. Хива хони қўшиналарининг Бухоро сарҳадларига уюштириб турадиган талончилик ҳужумлари давом этди. Лекин уларга қарши оддий халқ кўмагида қаттиқ зарба берилди ва мамлакатдан қувиб чиқарилди.

Унинг ҳукмронлиги даврида тобора кучайиб бораётган Кўкон хонлиги билан муносабатлар анча ёмонлашди. Азалдан Бухорога тобе ҳисобланган Тошкент, Туркистон, Ўратепа, Ҳўжанд ва бошқа шаҳарларга кўконликларининг тажовузи анча авж олди. Амир Ҳайдар 1807-1810 йилларда Кўкон хони Олимхон билан Тошкент, Ўратепа, Жиззах, Зомин шаҳарлари учун жанглар олиб боришга мажбур бўлди ва бу шаҳарлар бир неча бор кўлдан кўлга ўтиб турди.

Амир Ҳайдар вафотидан кейин таҳтни унинг учинчи ўғли Насрулло эгаллади. Ўз акалари(Хусайн, Умар)ни ўлдириб, Бухоро таҳтини эгаллаган Амир Насрулло Бухоронинг энг шафқатсиз ва қонхўр ҳукмдор сифатида тарихда қолди. Шу билан бирга у давлат ҳокимиятини бирмунча мустаҳкамлаган, ҳарбий соҳада анча самарали ислоҳотлар ўтказиб, ўз қўшининг жанговар ҳолатини оширган, мамлакатнинг ҳудудий яхлитлигини бирмунча тиклаган ҳукмдор эди.

Унинг ҳукмронлиги даври (1826-1860) ҳам ички ва ташки душманлар билан тўхтовсиз курашлар остида ўтди. Биринчи галда у таҳтни эгаллашда ўзига ёрдам берган (яъни унинг ўз акаларининг қотили бўлганлигини билган) кишиларни йўқ килди. Ўз душманларида кўркувни кучайтириш, ўз ҳокимиятини мустаҳкамлаш учун Бухорода ҳар куни кўплаб кишиларни қатл эттириб турганлиги учун уни “Қассоб амир” деб ҳам аташарди. Марказий ҳокимиятни тан олмайдиган бўйсунмас маҳаллий ҳукмдорларга қарши у қаттиқ кураш олиб борди. Айниқса, иктисадий жиҳатдан анча қучли бўлган Шаҳрисабз беклигига қарши олиб борилган урушлар узоқ давом этди. 1832 йилда бошланган бу урушлар 1858 йилда Шаҳрисабз ва Китоб бекларининг бўйсундирилиши билан якунланди. Шаҳрисабз эгалангандан сўнг у маҳаллий ҳукмдор Искандар Валломанинг синглисига уйланади. Бухорода

“Кенагас хоним” номи билан машхур бўлган бу жасур аёл амир Насруллонинг кулоғига симоб кўйиб ўлдиришга уриниб кўрганлиги манбаларда қайд этилган.

Амирликнинг шимолидаги чегара шахарлари (Хўжанд, Ўратепа, Тошкент, Жиззах, Зомин) учун кўконликлар билан бўлган низолар давом этди ва ҳарбий жиҳатдан анча кучи бўлган Бухоро қўшинлари бу шахарларни аста-секин ўзига бўйсундирди. Амир Насрулло 1842 йилда Кўкон шаҳрини ҳам эгаллади ва Кўкон хони Муҳаммад Алихонни оила аъзолари билан бирга қатл этиради. Ҳатто истеъодди шоира Нодирабегимга ҳам шафқат килинмади. Бунда Насруллохонга Кўкон хонидан норози бўлган бაъзи амалдорлар ҳам ёрдам бердилар.

Кўшни Хива хонлиги билан ҳам низоли муносабатлар сакланиб қолинди. Амир Насруллонинг Кўкон юришида эканлигидан фойдаланган хиваликлар Бухоро ҳудудига ҳужум қилганлиги (1843), Хива хонининг Марв туркманларини Бухоро ерларига ҳужум қилишга рағбатлантирганлиги бу икки давлат ўртасидаги муносабатларни характерлайдиган воқеаларга мисол бўлиши мумкин.

Амир Ҳайдар ҳамда амир Насрулло ҳукмронлиги даврида Ўрта Осиё Россия ва Англияning сиёсий иқтисодий манфаатлари тўкнаш келган ўлкага айланиб қолди. Бу даврда Хиндистанни эгаллаган ва Афғонистонда катта таъсирга эга бўлган Англия Ўрта Осиёнинг кудратли давлати - Бухоро амирлигига ўз вакилларини юбора бошлайди. XIX асрнинг 30-40 йилларида амирликда бир қанча инглиз разведкаси ходимлари: Муркрофт (1824), А.Борнс (1831), Майор Вольф (1843) ҳамда Насруллохон томонидан қатл этилган (1838) полковник Стоддарт ва майор Коннолилар бўлишиб, бу ерда Россияга қарши Бухоро-Хива иттифоқини ташкил қилишга уриниб кўрдилар. Лекин бу уриниш самарасиз якунланади.

Амир Насрулло даврида чор Россияси қўшинларининг Ўрта Осиё чегараларига яқинлашиши давом этирилди. Россия ҳукумати ҳам Бухорога ўз таъсирини ўtkазишга фаол интилди. Истилочилик юришларига қадар Бухорога 4ta йирик рус элчилик миссиясининг ташрифи фикримизнинг далилидир. Бухорода бўлган рус дипломатларига рус маҳфий хизмати томонидан маҳсус топшириклар берилган бўлиб, улар мам-

лакатдаги сиёсий-иктисодий вазият, шаҳарлар ва мудофаа кўргонлари, кўшин тузилиш, қурол-яроғлар, алоқа йўлларига оид керакли маълумотларни йигишлари шарт бўлган. Бу маълумотлардан кейинчалик Россия империясининг Ўрта Осиёга босқинчилик юришларида кенг фойдаланилганлиги маълум.

“Кўқондан Кешгача бўлган барча мамлакатлар”ни (Аҳмад Дониш) бўйсундирган Насруллохон амалда Бухоронинг охирги мустақил ҳукмдори бўлиб қолди. Ўлими олдидан ўзининг севимли хотини “Кенагас хонимни”, унинг акаси Искандар Валломани ва уларнинг қариндошларини қатл эттиришга улгурган Насруллохондан сўнг Бухоро таҳтига унинг ўғли Музаффархон ўтири (1860-1885). Унинг ҳукмронлиги бошидаёт амирликнинг худуди бирмунча қисқарди. Катта кийинчилик билан бўйсундирилган Шаҳрисабз-Китоб бекликлари яна Бухорога бўйсунишдан бош тортдилар. Лекин амирлик учун энг катта хавф ҳали олдинда эди. Унинг ҳукмронлиги даврида Ўрта Осиёнинг катта қисми, шунингдек Бухоро амирлигининг бой ва ҳосилдор Зарафшон воҳасининг юкори ва ўрта оқими унинг бош шаҳри Самарқанд билан бирга руслар томонидан босиб олинди. Руслар Тошкентни (1865), Ўратепани ва Жиззахни (1866) ҳамда Самарқандни (1868) эгаллаганларидан сўнг, Бухоро қўшинлари билан руслар ўртасидаги ҳал қилувчи жанг 1868 йилнинг ёзида Зирабулօк ёнида бўлиб ўтди. Бу жангда мағлубиятга учраган амир Музаффар (“Фолиб амир”) руслар томонида тузилган шартномага имзо чекишга ва Бухоронинг Россияга қарам эканлигини тан олишга мажбур бўлди.

Амир Музаффардан сўнг Бухоро таҳтига Амир Абдулаҳад (1885-1910) ва Амир Олимхон (1810-1820) ўтирилар. 1920 йилда амирлик большевиклар томонидан бутунлай тугатилди.

Давлат тизими. Манғитлар ҳукмронлиги даврида ҳам Бухоронинг давлат тизимида жиддий ўзгаришлар амалга оширилмади. Гарчи олий ҳукмдор энди “Амир” унвони билан мамлакатни бошқарган бўлса-да, Бухоро амирлиги ҳам ўз тизими, қонун-қоидалари, бошқарув тартиблари ва бутун моҳияти билан Мовароуннахрдаги ўрта аср мусулмон давлатлари, хусусан, шайбонийлар ва аштархонийлар давлат тизимидан айтарли фарқ қилмайди. Давлат мутлоқ қонун

чикарувчи ва ижро этувчи ҳокимиятга эга бўлган Амир томонидан бошқарилар эди. Давлат ҳаётига тегишли сиёсий, иқтисодий, диний ва бошқа барча масалаларда Бухородаги бош қароргоҳ - Аркда ҳал этиларди. Аркда Амир ва унинг оиласидан ташқари күшбеги, шиговул, тўпчибоши, мирзобоши ва бошқа баъзи сарой амалдорлари, уларнинг оиласидарни, хизматкорлари яшаганлар. Вақти-вақти билан Давлат Кенгаши чакирилиб туриларди. Одатда 5тадан 20тагача энг юқори амалдорлар аъзо бўлган бу кенгашда давлат ҳаётига таалукли ўта муҳим масалалар кўриб чиқиларди.

Мангитлар даврида ҳам давлат бошқаруви асосан икки бўғинли, яъни марказий ва маҳаллий бошқарувдан иборат бўлиб, уларнинг ҳар бири мусулмон давлатларига хос бўлган мураккаб бошқарув тармоқларга эга эди. Марказий ижроия ҳокимият сарой аъёнларидан ташкил топган эди. Мангитлар сулоласи даврида давлат бошқарувида күшбеги мансабини эгаллаган кишининг мавқеи жуда ошиб кетди. Бу мансаб эгаси амалда бош вазир ҳисобланарди. Давлат бошқарувида девонбеги, парвоначи, оталик, додхоҳ, худойчи, мирзабоши ва бошқа сарой аъёнларининг ҳамда Шайхулислом, Қози қалон каби диний раҳбарларнинг ҳам аҳамияти юқори эди.

Маҳаллий бошқарув вилоят беклари кўлида эди. Уларнинг ҳам, одатдагидек, ўз бошқарув тизими мавжуд бўлиб, миршаббоши, солик йиғувчи амалдорлар (танобчи, закотчи), қози, раис каби диний мансабдорлар, қишлоқ оқсоқоллари ёрдамида бекликлар идора қилинарди. Вилоят беклари одатда амир томонидан тайинланар, кўп ҳолларда бу лавозимга мангит уруғидан бўлган кишилар лойик кўриларди.

Маъмурий тузилиши. Мангитлар сулоласи даврида ўтказилган маъмурий ислоҳотлар туфайли давлатнинг асосий маъмурий бирлиги бекликлар бўлиб қолди. Амирлик ҳудуди энг кенгайган Амир Насрулло ҳукмронлиги даврида, Бухоро таркибида асосан 30та беклик бор эди. Улар Қарши, Ғузор, Чироқчи, Китоб, Шахрисабз, Яккабоғ, Бойсун, Денов, Шеробод, Хисор, Қоратегин, Дарвоза, Балжуон, Шуғнон, Рушон, Кўлоб, Кўргонтепа, Кободиён, Калаф (Келиф), Керки, Бурдалик, Қалакли, Наразм, Чоржўй, Кармана, Зиёвуддин, Нурота, Ҳатирчи, Ургут ва Самарқанд бекликларидир. Улардан ташқари бу даврда Жиззах, Ўратепа, Тошкент, Туркистон

ва бошқа қўшни худудлар ҳам амирлик таркибига вактинча киритилган эди.

Пойтахт шаҳар Бухоро ва атрофдаги туманлар амир томонидан бошқарилган. Бекликлар ўз навбатида кичик худудий бўлинма - амлакдорликларга бўлинган бўлиб, уларни бошлиғи амлакдор деб аталарди. Давлат маъмурӣ тузилишидаги энг куйи бўғини оқсоқол томонидан бошқариладиган қишлоқ жамоалари хисобланарди.

Шу тарика Бухоро амирлиги то рус истилосигача ҳозирги Ўзбекистон, Тожикистон ва Туркманистон Республикаларининг катта қисмини ўз ичига олган Ўрта Осиёдаги йирик давлат эди.

Ижтимоий тузум. Мангитлар сулоласи даврида ҳам олдинги даврларга хос ижтимоий табакалар сакланиб қолинди. Уларнинг ижтимоий ахволида айтарлик ўзгаришлар кўзга ташланмайди. Одатдагидек Олий табака хисобланган Амир ва сарой аёнлари (вазиру-вузаро) ижтимоий жиҳатдан энг катта имтиёзларга эга бўлган табака эди. Давлат бошқарувида у ёки бу даражада иштирок этадиган ҳарбий-маъмурӣ амалдорлар (умаро) ҳам нуфузли ижтимоий табака сифатида ўз аҳамиятини саклаб қолдилар.

Ўзларини оқсусяклар деб бошқа барча аҳолидан устун кўядиган, Мухаммад пайғамбар авлодларидан ҳисобланган саидлар ҳамда хожалар (улар ўз авлодлари шажарасига эга бўлишлари шарт эди) бир қатор имтиёзларга эга бўлган табака бўлиб, улар бошқа ижтимоий табакалардан ажралиб туришарди. Хусусан, ҳар қандай бой-бадавлат киши бу ижтимоий табакага мансуб бўла олмас эди. Агар бошқа ижтимоий табакалар ўртасида қатъий чегара йўқ бўлиб, оддий фуқаро маълум вазиятда амалдорга айланиши мумкин бўлса, лекин бошқа ҳеч қайси ижтимоий табака вакили бу “оқсусяк” табакадан ўрин ололмасди. Бу олий насаб факат авлоддан авлодга ўтар эди.

Бу даврда жамият маданий хаётига масъул бўлган ижтимоий гурухлар: олимлар, шоирлар, мударрислар, талабалар хаётидаги ҳам жиддий ўзгаришлар рўй бермади. Асосий солик тўловчи аҳоли, жамиятдаги барча моддий бойликларни яратувчи ижтимоий табака - раият (фуқаро) ижтимоий погона-нинг куйи қисмида қолиб, ижтимоий адолатсизликларнинг

асосий оғирлиги улар зиммасида эди. Бухоро амирлигига қулчилик бу даврда ҳам сақланиб қолинди. Қуллар асосан рус, эрон миллатларга мансуб бўлиб, улар ҳарбий талончилик юришлари пайтида кўлга олинарди ва кўпинча туркман ҳамда қозоқлар томонидан Бухоро бозорида сотилар эди. Манбаларда ҳар бири 40тагача қулга эгалик қилувчи бадавлат бухороликлар борлиги ҳакида маълумотлар сақланиб қолган. Бу қулчиликнинг анча кенг ривожланганлигини кўрсатиб турибди.

Амирликдаги ижтимоий тузим ҳакида фикр юритганда шуни эътиборга олиш керакки, ахолини табақаларга бўлишида уларнинг қайси миллат ёки уругга мансублигига ҳам эътибор беришган. Масалан, баъзи манбаларда амирликдаги барча ахоли қўйидаги табақаларга бўлинган ҳолда келтирилади.

1. Оксуяклар. Уларга Муҳаммад пайғамбар авлодлари хисобланган сайдлар ҳамда хожалар кирган.
2. Уруғдорлар. Уларга ўз уругига эга барча ахоли, яъни ўзбеклар мансуб бўлган.

3. Шогирдпеша. Уларга тоҷиклар, форслар мансуб бўлган.
4. Муллалар. Уларга мадрасани тугатган ва етарли билимга эга бўлган ўқимишли барча кишилар кирган.

Бу табақаларнинг барчаси ўз навбатида сипойи, яъни давлат хизматида бўлган амалдорларга ва фуқароларга бўлинган.

Ҳарбий соҳа. Бухоро давлати учун одатий ҳолга айланиб колган урушлар туфайли ҳарбий соҳада ҳам жиддий ўзгаришлар амалга оширилишини давр тақозо қиласди. Бундай ислоҳотлар қисман сулола асосчиси Муҳаммад Раҳим томонидан, кейинчалик Амир Шоҳмурод томонидан олиб борилди. Бухоро амирлигининг ҳарбий кудрати айниқса, Амир Насрулло ҳукмронлиги даврида ўзининг энг юқори нуқтасига етди. Унинг даврида Бухорода мунтазам армия - сарбозлар (сипоҳ) қўшини ташкил этилди. Уларнинг сони, баъзи манбаларга қараганда 40 мингта яқин бўлган. Қўшинлар отлик ва пиёда жангчилардан ташкил топган бўлиб, уларнинг куроллари асосан қилич, найза ва ўқ-ёйдан иборат эди. Бухоро қўшинлари мамлакатнинг барча шаҳарларида, айниқса, чегара шаҳарларда (Жиззах, Ўратепа, Қоракўл, Марв) жойлаштирилганди. Бу даврда Бухорода замбараклар ясовчи чет элипк

(эронлик) мутахассислар ҳам бўлганлиги маълум. Лекин қўшинни замонавий милтиклар ва замбараклар билан куроллантириш соҳасида бошланган ишлар туталланмасдан қолиб кетди.

Олий ҳарбий амалдорлар саркарда унвонига эга бўлиб, давлат хазинасидан маош олиб туришган. Энг юқори ҳарбий амалдор (амирдан кейин) додхоҳ (кўшин бошлиғи) бўлиб, қўргонбеги, тўқсабо, мингбоши каби олий тоифали ҳарбий амалдорлар ҳамда понсадбоши, чурабоши, юзбоши, даҳбоши каби ҳарбий бўлинма бошлиқлари томонидан кўшин бошқарилган. Мингбоши түғ (байроқ) олиб юришга ҳақли бўлган.

Суд ишлари. Бу даврда ҳам асосий судловчи идора қозилик маҳкамалари хисобланиб, қозикалон бутун мамлакатнинг бош қозиси (судьяси) эди. Жиноятни аниқлашда ва жазо белгилашда шариат қонунлари ва асрлардан асрларга ўтиб келаётган одоб-ахлоқ қоидалари асосий мезон эди. Суд ишлари улар қўлида бўлиб, фукаролик ва жиноий ишларнинг барчасини қозилар кўриб чиқкан. Суд ишларида оддийлик ҳукм сурарди. Қозига оғзаки ёки ёзма равишда ариза тушгандан сўнг, айборлар қози ҳузурига чакирилган. Икки кишининг гувоҳлиги айборни аниқлашда етарли эди. Гувоҳликка факат намоз ўқийдиган, шариат қонун-қоидаларига риоя қиласидиган, ҳалол кишиларгина ўтиши мумкин бўлган. Айборларга айбига караб жарима солиш, тан жазоси бериш, зинданга ташлаш, сазойи килишдан тортиб ўлим жазоси беришгача бўлган жазо чоралари кўлланилган. Қози ҳукмидан норози бўлганлар қози қалон ёки амирга ариза беришга ҳақли эди. Қози чиқарган ҳукмни қозикалон, унинг ҳукмини эса факат амир бекор қилиши мумкин бўлган. Суд ишларида аълам, муфти каби диний мансаб эгалари ҳам катта рол ўйнаганлар. Одатда ҳар бир айбордан ёки унинг оила аъзоларидан белгиланган жазодан ташқари каттагина жарима ҳам ундириб олинар эди. Амирликдаги жазо турларига мисол тариқасида Бухорода ароқ соттанилиги учун айбор деб топилган маҳаллий яхудийга 60 дарра урилиб, унинг оиласидан 150 тилло жарима ундириб олинганини келтириш мумкин.

Аркнинг шарқ тарафида айборлар сакланадиган иккита зиндан -Зиндан боло ва Зиндани поён жойлашган эди. Одатта

кўра ҳар икки ойда жиноятчилар Амир хузурига - Аркка олиб борилган. Бу ерда кимни озод қилиш, кимни қатл этиш масаласи кўрилган. Қолганлари яна зинданга қайтарилиган. Аркнинг ўзида ҳам давлат ва амир учун ўта хавфли ҳисобланган айбдорларни сақлаш учун мўлжалланган маҳсус зиндан бор эди.

Иқтисодий хаёт. Дехқончилик ва чорвачилик, хунармандчилик, савдо-сотик мамлакат иқтисодининг асосий тармоқлари эди. Олдинги даврларигидек давлатта, амир ва унинг яқинларига карашли давлат ерлари, хусусий мулкдорларга тегишли ер мулклар (мулки холис), диний маҳкамалар, мадраса ва масжидлар, қабристонлар харажатлари учун берилган вақф ерлар мавжуд эди.

Дехқончилика сезиларли ўзгаришлар кўзга ташланмайди. Асосий меҳнат куроллари деярли ўзгармасдан қолди. Лекин шунга қарамасдан XVIII асрнинг охирларида бошланган иқтисодий юксалиш аввало дехқончиликнинг тикланиши билан характерланади. Одатдагидек, суториладиган ва лалмикор ерларда ерсиз дехқонлар ижара асосида дехқончилик килишарди. Асосий зироатчилик буғдой, арпа, жўхори, полиз ва сабзавот экинлари ҳисобига эди. Бу даврда анъанавий боғдорчилик, узумчиликда ҳам ривожланиш кўзга ташланади. Факат узумнинг 10дан ортиқ навлари экилганлиги фикримизнинг далилидир. Шоликорлик ҳам амирликда анча ривожланган. Сифатли шоли гуруч, айниқса, сув манбалари етарли бўлган Шахрисабз, Каттақўргон ва бошқа воҳаларда кўплаб етиштирилган. XIX аср бошларига келиб пахтачилик янада тарақкий этди. Пахта толасининг Россияга кўп микдорда чиқарила бошлаши туфайли бу ҳосил экиладиган ер майдонлари тўхтовсиз кўпайиб борди.

Шариатда чекиши қаттиқ тақиқланганлигига қарамай, Қарши ва Каттақўргонда тамаки етиштириш ҳам анча ривожланганлигини айтиб ўтиш керак.

Чорвачилик. Амирлик ҳудудидаги бепоён дашт ва чўллар, тоғ ва тоғ олди туманлари чорвачилик учун қулай шароит түғдиради. Чўл зоналарида, хусусан, Бухоро, Қарши атрофидаги даштларда, айниқса, коракўл тери етиштиришга ихтинослашган қўйчилик ривожланиб борди. Ташки бозорда унга талабнинг катталиги бу соҳанинг тараққиётини белгилаб

берарди. Чорвачиликнинг етакчи тармоқлари сифатида йилкичиликнинг ҳам аҳамияти катта эди. Айниқса, ўз чидамлилиги, тезлиги ва кучи билан Шаҳрисабз қорабайир отлари амирликда жуда машхур бўлган. Чорвачиликка ихтисослашган хўжаликларнинг ташки ва ички бозорга туёқли моллар, сифатли тери, жун ва турли маҳсулотлар (шол, намат, арқон ва бошқалар) ҳамда озиқ-овқат (гўшт, сут маҳсулотлари) етказиб беришда ўрни катта эди.

Хунармандчилик. Амирликда асосий хунармандчилик марказлари сифатида шаҳарлар катта ўрин тутса-да, кўпгина йирик қишлоқларда ҳам хунармандчиликнинг баъзи соҳалари ривожланди. Бутун ўрта асрларда бўлганидек, хунармандлар бу даврда ҳам ўз уюшмалари(касаба, цех)га эга бўлиб, уларнинг ташкил топиши маълум турдаги маҳсулот ишлаб чиқариш жараёни устидан назорат ўрнатишга, бу соҳада ўз монополиясини, яъни маҳсулотни ишлаб чиқаришга бўлган ягона ҳуқукини сақлаш ва ракобатга дош беришга интилиш билан боғлиқ эди. Хунармандчиликнинг барча соҳаларида бундай уюшмалар мавжуд бўлиб, уни сайлаб қўйиладиган киши - раис ёки оқсоқол бошқарган. Одатда бундай лавозимга тажрибали ва катта ҳурматга эга бўлган кекса кишилар сайланган.

Хунармандлар ишлаб чиқарган маҳсулотларнинг нархини белгилашда, турли солиқларни йиғишида, уста ва ёлланиб ишлайдиган шогирд (халифа) муносабатларни, хўжалик муносабатларини олиб боришда Уюшма раисининг вазифаси катта бўлган.

Хунармандлар ўз уюшмаларига эга бўлсалар-да, ўзларига тегишли алоҳида устахоналарда ишлаганлар. Ҳар бир устанинг ўз ёрдамчилари, шогирдлари бўлиб одатда шогирдликка устанинг ўғиллари ёки яқин қариндошлари олинган. Четдан шогирд ёллаш жуда кам учрайдиган ҳолат бўлиб, хунармандчилик сирлари авлоддан-авлодга, отадан-ўғилга ўтиб келган.

Бухоро амирлигида олдинги даврларида гидек тўқимачилик хунармандчиликнинг етакчи тармоғи бўлиб қолди. Унинг тараққиёти, бир томондан ички ва ташки бозорда бу турдаги маҳсулотларга талаб катталиги туфайли, иккинчи томондан маҳаллий ҳом ашё манбалари (пахта, жун, ипак) етарли эканлигига боғлиқ эди. Тўқимачиликнинг ип йиги-

риш, матолар(бўз, алага, чит) тўкиш, тайёр кийимлар тикиш, гиламчилик ва бошқа соҳалари анча ривожланган эди. Бухоронинг зарбоф тўнлари, Шаҳрисабзнинг Ироки дўп-пилари, Самарқандлик усталарнинг ипак буюмлари, айниқса машҳур эди.

Кулолчилик амирликнинг кўпгина жойларида ривожланган эди. Унинг асосий марказлари Ғиждувон, Қарши, Шаҳрисабз, Каттакўрғон ва бошқа шаҳарлар бўлиб, бу ерлик кулоллар маҳсулотига талаб анча юқори бўлган. Бу давр кулолчилигида Ўрта Осиёning кўпгина кулолчилик районларига хос бўлган мотивлар (турли гул ва ўсимликлар тасвири, геометрик нақшлар), турли ҳайвонлар, кушлар, ҳашаротларни ёки улар танасининг бир қисмини шартли равишда тасвирлаш косагар усталар томонидан кенг кўлланилган.

Россия истилосидан кейин бу мамлакатдан келтирилаётган фабрика маҳсулотлари(чинни)нинг кўпайиши билан Ўрта Осиёда кулолчилик бир қадар орқага кетди. Лекин бу нарса кўпроқ Туркистон генерал-губернаторлиги худудидаги ерларга тегишли бўлиб, амирлиқда эса бу соҳа янада ривожланиб борди. Маҳаллий кулоллар энди гул учун вазалар, йирик декоратив вазалар, мевалар қувиш учун мўлжалланган идишлар ясад, ўз маҳсулотлари турини янада кўпайтиридилар.

Амирликда металлга ишлов бериш ва металл буюмлар ясаш ҳам етарлича ривожланган эди. Хонликнинг тоғлиқ туманлари (Шаҳрисабз, Бойсун, Шеробод)да қадим даврлардан бошлаб турли маъданлар қазиб олинган бўлиб, бу конлардан фойдаланиш баъзи танаффуслар билан то XX аср бошларигача давом этди.

Металлга ишлов бериш ва металл буюмлар ясашни ўз навбатида янада майда тармоқларга бўлиниб кетадиган 4та асосий турини кўрсатиш мумкин.

Темирчилик. Темирчи усталар (чилангар) қишлоқ хўжалигига ва кундалик турмушда ишлатиладиган меҳнат қуроллари ясаганлар. Кўпгина шаҳарларда темирчи усталарнинг маҳсус маҳаллалари (Темирчи, Гузари чилангарон) борлиги хунармандчиликнинг бу тури анча тараққий этганлигидан далолат беради.

Мисгарлик. Асосан йирик шаҳарларда ривожланган. Мисгар усталар турли идишлар, чилим ва бошқа буюмлар

ясашган. Мис асосан Россияядан келтирилган. Мисдан ясалган идишларга нафис накшлар туширилган бўлиб, улар ички бозор эҳтиёжини тўлиқ таъминлаб қўшни ўлкаларга ҳам чиқарилган.

Чўян қўйиш. (Дегрезлик) Металга ишлов берувчи кустар саноат турлари ичидаги дегрезлик катта аҳамиятта эга эди. Дегрезлар асосан шаҳарларда маҳсус гузарларда яшашган. Улар чўян қозон, чироқ, манқалдан ва бошқа буюмлар ясашган.

Рихтагарлик. Бронзадан қуиб буюмлар ясаши ҳам Бухоро амирлигининг кўпгина шаҳарларида ривожланган эди. Бу усталар турли буюмлар, тақинчоқлар ясаганлар, баъзи мис идишларнинг қисмлари, бўйни, дастаси ҳам бронзадан ясалган.

Хунармандчилик турлари ичидаги заргарлик ҳам қадимий анъаналарга эга хунармандчилик тури сифатида катта аҳамият касб этди. Заргар усталар қимматбаҳо тошлар ва металлардан, рангли шишелардан турли тақинчоқлар ясаганлар. Бухоро заргарлари маҳсулотлари ўз чирой ва нафислиги билан анча шуҳрат топган эди.

Хунармандчилик турлари ичидаги кўнчилик (терига ишлов бериш, чармгар), ёғочга ишлов берувчи усталар (дурадгорлар), турли озиқ-овқат маҳсулотлари тайёрлайдиган (новвойлар, ошпазлар, баққоллар ва бошқалар) усталар борлигини ҳам айтиб ўтиш керак.

Амирликдаги бу хунармандчилик турлари нафақат шаҳарларда, балки кўпгина йирик қишлоқларда ҳам ривожланган бўлиб, хунарманд усталарнинг кўп маҳсулотлари ички бозор эҳтиёжини тўлиқ таъминлаб қолмасдан, кўп ҳолларда ташки бозорга ҳам чиқариларди.

Савдо-сотик. Бухоро амирлиги, гарчи сиёсий жиҳатдан иккинчи даражали давлатлар каторига тушиб қолган бўлсада, йирик савдо мамлакати сифатидаги аҳамиятини саклаб қолди. Қишлоқ ҳўжалиги ва хунармандчилигининг нисбатан анча ривожланганлиги туфайли бу соҳа маҳсулотлари нафақат ички бозорни тўлиқ таъминлаб, балки кўп миқдорда ташки бозорга ҳам чиқариларди.

Амирликдаги йирик шаҳарлар: Бухоро, Қарши, Самарқанд, Шахрисабз, Денов, Каттакўргон ва бошқалар асосий савдо марказлари сифатида юксалиб борди. XIX аср бошларига

келиб йирик карвон йўллари чорраҳасида жойлашган Қарши шаҳрининг аҳамияти жуда ошиб кетди.

Ички савдонинг тараққиётида йирик шаҳарларнинг атрофлардаги қишлоқлар билан иқтисодий муносабатлари, шаҳарлараро савдо алоқаларининг ривожланганини мухим ўрин тутарди. Амирликдаги барча шаҳарларда, йирик қишлоқларда ихтисослашган бозорларнинг мавжудлиги ички савдонинг иқтисоддаги аҳамиятини кўрсатиб турувчи мухим белгидир.

XVIII аср охири - XIX аср бошларидан бошлаб Бухоронинг ташки савдо алоқаларида Россиядаги савдо шаҳарлари (Оренбург, Астрахан) мухим ўрин тута бошлади. Амирликдан ташки бозорга чиқариладиган қишлоқ хўжалик маҳсулотлари, хом ашёлар (тери, қоракўл тери, жун, пахта, ипак, толалар, турли матолар ва бошқалар)нинг асосий харидори Россия эди.

Россиядан эса турли фабрика маҳсулотлари, металлар (чўян, мис, кўргошин) келтириларди. Амирликнинг ташки савдо алоқаларида Хива ва Кўкон хонликлари, шунингдек Афғонистон, Ҳиндистон, Эрон ва Қашқар билан муносабатлар ҳам мухим ўрин тутган эди. Ички савдо ривожида амирликдаги мавжуд пул муомаласининг ўрни катта эди. Мангитлар ҳукмронлиги даврида бу соҳада бирмунча баркарорлик ўрнатилди. Муомалада асосан уч турдаги: тилло, танга (кумуш) ва пул (мис) мавжуд бўлиб, савдо-сотик ва турли тўловларда кўпинча танга ва пул ишлатилган.

Соликлар. XVIII асрнинг сўнгти чорагида ўтказилган иқтисодий ислоҳотлар, хусусан соликларнинг тартибга солиниши мамлакат иқтисодининг бир қадар юксалишига имкон берди. Бу даврда ҳам соликлар сонининг ва майдорининг белгиланишида шариат қонун-қоидалари ва давлат хазинасининг эҳтиёжидан келиб чиқилганлигини кўрамиз.

Ўрта асрлардаги мусулмон давлатлари учун анъанавий бўлган, асосий ер солиги хирож, савдогарлар ва чорва молларидан олинадиган закот, ташки савдодан келадиган бож солиги, шунингдек, хунарманделар тўлайдиган турли соликлар (закот, тамға, таҳтажой), амирликдаги асосий солик турлари эди. Соликлар пул ва маҳсулот тарзида маҳаллий солик

йигувчилар, ҳамда амир тайинлайдиган кишилар томонидан йигиб олинган.

Улардан ташқари турли майда соликлар ҳам мавжуд бўлиб, шаҳар ва кишлок ахолиси турли оммавий ҳашар ишларига ҳам жалб этиларди.

Маданий ҳаёт. Бухоро Амирилиги иктисадининг XVIII аср охириларда бир қадар юксалиши маданий ҳаётга ҳам ўзининг самарали таъсирини ўтказди. Бухоро бу даврда ҳам мусулмон Шарқининг йирик маданий маркази сифатида ўз аҳамиятини сақлаб қолди. Асрлар давомида шаклланган мактаб ва олий таълим берувчи мадрасалар фаолияти бу даврда анча юксалди. Бошлигич таълим мактаблари мамлакатдаги барча йирик кишлокларда, шаҳарларнинг ҳамма маҳалла-гузарларида мавжуд бўлиб, бу ерда болаларнинг дастлабки саводи чиқарилган. Бу мактабларнинг энг катта ютуғи сифатида мураккаб араб алифбосининг болаларга ўргатилганлигини айтиб ўтиш керак. Олий таълим масканлари бўлган мадрасалар амириликнинг барча шаҳарларида мавжуд эди. XIX аср бошларида, манбаларнинг гувоҳлик беришича, факат Бухоро шаҳрининг ўзида вақф ерлардан келадиган даромад ҳисобига фаолият кўрсатадиган 108та мадраса бўлган бўлиб, уларнинг 60 таси асосий таълим масканлари сифатида машҳур эди. Мадрасада ўқитиши, олдинги давлардагидек, куйидаги 3 босқичда амалга оширилган: 1) паст қадам; 2) миона; 3) пешқадам. Мадраса ўқитувчилари - мударрислар ва бошқа хизматчиларнинг йиллик маоши (250-350 тилло), талабалар нафаси (3 тиллодан 4 тиллогача), мадрасадаги кутубхона харажатлари, таъмирлаш ишлари ва бошқаларга асосий маблағлар ҳар бир мадрасага бириктирилган вақф ерлардан келадиган даромадлар ҳисобига қопланган. Мадрасалар, одатда пишиқ гиштдан икки қаватли қилиб курилган бўлиб, унинг 1-қаватида дарсхоналар, кутубхона, масжид ва бошқа хўжалик хоналари, 2-қаватида эса талабалар яшайдиган хужралар бўлган.

Мадрасаларда талабалар Куръонни, фикҳ, шариат асосларини, диний-ахлоқий адабиётларни ҳамда тил, адабиёт, тарих, фалакиёт, мантиқ, фалсафа, шунингдек, хандаса (математика) ва бошқа бир қанча аник фанлардан таълим олишган. Лекин бу даврда мадрасаларда диний-ахлоқий таълим беришга

асосий эътибор қаратилиб, дунёвий таълим бериш бир қадар орқада қолган эди.

Шу билан бирга, амирликдаги мадрасаларни тутатиб бир қатор илмларни эгаллаган машҳур кишиларнинг яшаб ўтганилиги мадраса таълимининг ютукларини ҳам кўрсатиб турибди.

Бу давр маданий ҳаёти ҳақида адабиёт, тарих, хаттотлик, мусика санъати ёдгорликлари, меъморчилик обидалари муҳим маълумотлар беради.

Адабиёт. Амир Ҳайдар саройида Мунши (амир котиби) лавозимида хизмат қилган Мирзо Содик Мунший XIX аср бошларидағи адабий ҳаётнинг кўзга кўринган намояндаларидан биридир. Ундан мерос қолган шеърий девон ҳамда шеърий усулда битилган “Манғит ҳукмдорлари тарихи” асари унинг адабиёт ривожига сезиларли ҳисса қўшган талантли шоирлигини кўрсатиб турибди.

Бу даврда амирликнинг турли шаҳарларида яшаб ижод қилган кўплаб шоирлар (шоир Ҳозик, шоир Мужрим ва бошқалар) ижодида халқпарварлик, жабр зулмга қарши исёнкорлик кайфияти кучли бўлиб, бу ҳукмрон табақаларнинг уларни сиқувга олишига сабаб бўлди. Масалан, шоир Ҳозик амир зулмидан қочиб Шахрисабзга кетган бўлса-да, Бухородан юборилган маҳфий жаллод томонидан ўлдирилди.

XIX аср адабий ҳаётида, Шавқий таҳаллуси билан шеърлар ёзган Каттақўргонлик Муҳаммад Шариф, “Чор дарвиш”, “Махфилоро”, “Тўтинома” каби асарлар муаллифи Мулло Курбон Хиромий ва бошқалар ҳам катта роль ўйнаганлар.

Бухоро адабий муҳити ривожига катта ҳисса қўшган, кўп киррали ижодкор Аҳмад Дониш (1827-1897) фаолиятида ҳам бу давр адабиётига хос бўлган етакчи анъаналарни кўрамиз. Ундан бизга кўпгина илмий, бадиий, тарихий асарлар мерос бўлиб қолган бўлиб, улар ичida “Манозир ал-кавокиб”, “Жадвали соат”, “Мажмуи рисолаи нужумий”, “Рисолаи аъмоли кура”, “Тақвим соли асб”, “Наводир ул-вақое”, “Таодили ҳамсай мутақаййиро”, “Манғитлар хонадони ҳукмдорлари тарихидан қисқача рисола” ва бошқаларни айтиб ўтиш мумкин.

Каттақўргонлик қози Очилди Мурод Мирий Каттақўргоний (1830-1893) ҳам амирликдаги маданий ҳаёт тараққиётига ўз ҳиссасини қўшган ўқимишли кишилардан бўлган. У бошланғич мактабда домлалик қилиб, ўқувчиларнинг тез

савод чиқаришларига ёрдам берадиган янги дарслик-алифбе яратади; араб, форс, ўзбек, туркча лугатлар тузиб чиқади. Ундан бизга “Порахўр козилар”, “Мурид овловчи”, “Эшонжар” каби ўткир ҳажвли адабий-шерий сатиралари етиб келган. Бу асарларда уламоларнинг нафсиб узуклигини, пораҳўрлигини қаттиқ танқид қилганлиги учун, у қора кучлар томонидан 1899 йилда ўлдиририлди.

Тарихнавислик. Бу даврда яратилган тарихий асарларнинг кўпчилиги хукмрон манғитлар сулоласи тарихига бағишиланган бўлиб, уларда ўрта аср тарихнавислигидаги анъаналар давом эттирилганлигини кўрамиз. Амирликда яшаб ўтган зиёли ижодкорлар фаолияти кўп киррали бўлиб, уларнинг аксарияти тарихий асарлар ҳам ёзиб қолдирганлар. Улар ичida Мулло Ибодулло ва Муҳаммад Шарифларнинг “Тарихи амир Ҳайдар” ва “Дастони амирони манғит”, Миролим Бухорийнинг “Фатхномаи-султоний”, Мирзо Абдулазим Сомийнинг “Тарихи салотини манғития”, “Дахман шоҳон” каби асарлари, Муҳаммад Шариф ибн Муҳаммад Накининг “Тожу таворих” асарини, Аҳмад Донишнинг “Манғитлар хонадони хукмдорлари тарихидан қисқача рисола” асарини ва Мирзо Содик Муншийнинг “Тарихи силсилоти Манғития” (Манғит хукмдорлари тарихи) асарларини эслатиб ўтиш мумкин. Умуман олганда, бу даврда ўндан ортиқ тарихий асарлар яратилган бўлиб, улар манғитлар хукмронлиги даврида ҳам ўрта аср тарихнавислигидаги етакчи анъаналар давом этганлигини кўрсатади.

Бухоро амирлиги маданий ҳаётида хаттотлик ҳам катта ўрин тутарди. Давлат ва хўжалик ишларига оид хужжатлар, илмий-бадиий асарларнинг барчаси араб ёзувида битилиб, уларни чиройли ёзиш, кўчириш маҳсус тайёргарликни талаб этарди. Бу даврда ижод қилган ижодкорлар ҳам хаттотлик сирларини яхши эгаллаганлар. Лекин бу ишни ўзига касб қилган тажрибали хаттотлар бўлиб, улар ўз илмий мактабларига асос согланлар. Хусусан, Бухоро, Самарқанд, хаттотлик мактаблари мавжуд эди. Хаттотлар меъморий иншоотларга турли ёзувлар (Куръон оятлари, ҳадислар, ҳикматли сўзлар)ни чиройли накшлар тарзда битища ҳам муҳим роль ўйнаган.

Меъморчилик. XVIII аср иккинчи ярми XIX аср Ўрта Осиё, хусусан Бухоро амирлиги меъморчилигидаги ўзига хос

давр хисобланади. Гарчи бу даврда мамлакатда Амир Темур ва темурийлар ҳамда шайбонийлар давридагидек олий сифатли меъморий иншоотлар кўп курилмаган бўлса-да, ижтимоий бинолар қурилиши тўхтаб қолмади ва қурилаётган биноларда услубий ўзига хослик кўзга ташланади. Бухоро, Қарши, Самарқанд, Шаҳрисабз, Фузор, Каттакўргон ва амирликнинг бошқа бир қанча шаҳарларида кўплаб масжид ва мадрасалалар барпо этилди.


Бухоро шаҳрида барпо этилган бинолар ичida Домулло Турсунжон (1796-1797) мадрасасини, масжид, мадраса ва сардобани ўз ичига олган Худойдод меъморий мажмуасини (1777-1855), Эрназар элчи мадрасасини (1795), халиф Ниёзкул маблағига қурилган Чор минор (1807) мажмуасини ва бошқаларни айтиб ўтиш мумкин.

Меъморчиликнинг ривожланган йўналишлари савдо-сотик билан боғлиқ иншоотлар қурилишида ҳам кўзга ташланади. Амирлик пойтахти Бухорода ва бошқа шаҳарларда кўплаб ихтисослашган ёпиқ бозорлар мавжудлиги, шаҳарларда карvonсаройлар сонининг мутгасил ошиб бориши, савдо йўллари бўйида работлар, сардобалар қурилиши фикримизнинг далилидир. Улар ичida XIX аср ўрталарида амир Насрулло томонидан Бухоро-Қарши йўлида қурилган Қакир сардебани, Қарши-Оқработ -Термиз йўлидаги бир нечта работларни айтиб ўтиш мумкин.

Қарши шаҳрига манғитларнинг ота юрти сифатида катта эътибор берилди. Натижада XIX аср бошларига келиб Қарши ўз тараққиётида Самарқанд ва Балх каби шаҳарларни ҳам оркада қолдириб, амирликда Бухородан кейин ўз аҳамияти жихатидан иккинчи ўринда турувчи шаҳарга айланди. Қаршида бу даврда кўплаб мадрасалар масжидлар, ёпиқ бозорлар ва бошқа ижтимоий бинолар барпо этилди. Улар ичida Қаршилик сут сотувчи аёл маблағи ҳисобига қурилган Али мадрасасини (бу мадраса амир Ҳайдар томонидан қуриб тутатилган) ва Мир Муҳаммад мадрасасини айтиб ўтиш мумкин.

XVIII аср охири - XIX асрнинг I-ярмида шаҳарларнинг мудофаа деворларини, қишлоқ мудофаа кўргонларини таъмирлаш ишлари ҳам олиб борилди. Қурилган бинолар, одатдагидек давлат хазинаси ва айрим кишиларнинг хусусий

Бухоро хонлигига ер эгалиги



Бухоро амирлигидаги сарой унвон ва мансаблари



Ҳарбий амалдорлар: Сарой амалдорлари: Диний унвон ва мансаблар:

Олий даражали:

Инок
Доддоҳ
Тўқсабо
Тўпчибоши

Ўрта даражали:

Чигатой беги
Эшик оғаси
Мироҳур

Куйи даражали:

Коровулбеки
Жибачи
Мирзабоши
Чухра оғаси

Паст табака:

Панж боши
Даҳбоши
Галаботир
Сарбозлар
Оломон

Парвоначи

Даастурхончи
Махтар (хазиначи)

Удайчи

Дарбан

Тунқатор

Шиғовул

Саломогаси

Баковул

Кутвол

Махрамлар:

Понсалбоши

Даҳбоши

Шарбатдор

Музабардор

Китоббадор

Соатбардор

Бўхчабардор

Офтобачи

Шайхулислом

Қози калон

Накиб

Қози аскар

Аълам

Муфти аскар

Муфти

Раис

Мударрис

Бош имом

Имомлар

Муаззин

Фақат хожаларга

бериладиган мансаблар:

Накиб

Файзи

Мир аст

Уроқи калон

Судур

Садр

Уроқи Хурр

маблағлари ҳисобига амалга оширилди.

Бухоро амирлиги тарихига хулоса сифатида шуни айтиб ўтиш керакки, мангитлар сулоласи ҳукмронлиги даврида гарчи иқтисодий-ижтимоий ҳаётда бальзи ютуқлар кўлга кири-тилган бўлса-да, мамлакат ҳудуди мунтазам равишда қискариб бориши кузатилади. Шимолий вилоятлар (Тошкент, Туркистон, Ўратепа, Хўжанд) Қўқон хонлигига қўшиб олинган бўлса, жанубда Балх вилояти бутунлай қўлдан чиқарилди. Охир-оқибат бой ва серҳосил Зарафшон воҳасининг катта қисми Самарқанд шаҳри билан биргаликда чор Россияси томонидан босиб олинди ва амирлик Россияига қарам давлатта айланди. Бу давлатни шу ҳолатда то 1920 йилгача мангитлар сулоласи вакиллари бошқариб турдилар.

Мангит амирлари сулоласи:

1. Мұхаммад Раҳим - 1747 - 1756 - 1758 йй
2. Дониёлбий - 1759 - 1784 йй
3. Амир Шоҳмурод - 1785 - 1800 йй
4. Амир Ҳайдар - 1800 - 1826 йй
5. Амир Насрулло - 1826 - 1860 йй
6. Амир Музаффар - 1860 - 1885 йй
7. Амир Абдулаҳад - 1885 - 1910 йй
8. Амир Олимхон - 1910 - 1920 йй

Қўқон хонлиги

Бухоро хонлигига тобе ҳисобланган Фарғона водийсида XVIII аср бошларида янги давлатга - Қўқон хонлигига асос солинди. XVIII асрда факат Фарғона водийсини ўз ичига олган бу давлат XIX аср бошларида Тошкент воҳаси, ҳозирги Қирғизистон Республикаси, Жанубий Қозогистон ва Шимолий Тожикистон ҳудудларини ўз ичига олган йирик давлатта айланди. Хонлик 1876 йилда чор Россияси истилочилари томонидан тутатилиб, унинг ҳудуди Туркистон генерал-губернаторлиги таркибиға қўшиб олинди.

Манбалар. Қўқон хонлиги тарихига оид манбалар ичida маҳаллий тилларда битилган асарлар, рус элчилари, сайёҳлари, ҳарбийлари томонидан ёзилган ҳисоботлар ҳамда архив ҳужжатлари мухим ўрин тутади. Қўқон хонлиги тарихи ҳакида

маълумотлар берувчи маҳаллий муаллифлар асарлари ичida Миразиз бин Мухаммад Ризо Марғилонийнинг “Тарихи Азизий” асари, Отабек Фозил ўғлининг “Муфассал тарихи Фарғона”, Шавқийнинг “Тарихи Шавқий”, Мулла Олим Маҳдумхожанинг “Тарихи Туркистон” асари, Мулло Мирзо Олим Мулло Раҳим Тошкандийнинг “Ансоб ас-салотин ва товариҳи ол-хавоқин” асари ҳамда Исҳоқхон Жунайдуллохожа ўғли Ибратнинг “Тарихи Фарғона” асари ва бошқалар мухим тарихий манбалар ҳисобланади.

8.6 ✓ Давлатнинг ташкил топиши. Сиёсий тарихи. Аштархоний Субхонкулихон вафотидан сўнг Бухоро таҳтига ўтирган Убайдуллахон хукмдорлиги (1702-1712) даврида хонликдаги ижтимоий-сиёсий вазият чигаллашиб, марказий ҳокимият янада заифлашди. Бундан фойдаланган Чодак хўҷалари 1709 йилда Фарғонада қўзғолон кўтариб, водийнинг бир қисмини эгаллайдилар. Натижада мустакил давлат тузилганини эълон килинди ва 1710 йилда ўзбекларнинг минг қабиласи бошлиги Шоҳруҳбий ҳокимият тепасига келади.¹ (1710-1721) Дастрраб Кўкон, Наманган, Марғилон, Конибодом, Исфара ва улар атрофидаги қишлоқларни ўз ичига олган бу давлат ҳудуди Шоҳруҳбийнинг ўғли ва вориси Муҳаммад Абдураҳимбий (1721-1733) таҳта ўтиргандан сўнг анча кенгаяди. У Андижон ва Хўжандда ўз хукмронлигини ўрнатиб, ҳатто қисқа вакт Бухорога тегишли Самарқанд ва Каттакўрғон шаҳарларини эгаллаб, Шаҳрисабзга ҳам таҳдид солади. Абдураҳимбий Кўкон қишлоғи яқинида янги шаҳар курдира бошлайди. Дастрлабки даврларда бу шаҳар “Қалъай Раҳимбий” деб аталган. У қаттиқ касалланиб Хўжанд шаҳрида 33 ёшида вафот этгандан сўнг ҳокимият тепасига укаси Абдукаримбий ўтиради. У янги шаҳар курилишини тугаллаб, пойтахти Тепакўрғондан Кўконга кўчиртириб келади. Шу тариқа янги шаҳар - Кўкон шаҳри давлатнинг пойтахти бўлиб қолди ва кейинчалик давлат бу шаҳар номи билан Кўкон хонлиги деб атала бошланади.² (Тарихий манбаларда Кўкон - Хўқанд деб юритилади). Абдукаримбийнинг хукмронлиги даврида давлат ҳокимияти янада мустаҳкамланди, ҳудуди кенгайди. 1745 йилда Фарғона водийсига ҳужум уюштирган қалмоқлар оғир жанглардан сўнг қувиб чиқарилиб, улар босиб олган Ўш, Андижон, Марғилон шаҳарлари қайтариб олинди. Қалмоқлар ҳужуми мамлакат

иктисодиётига катта заар өтказган бўлса-да, Кўқон хонлиги ўз мустақиллигини ва ҳудудий яхлитлигини саклаб қола олди.

Абдукаримбий вафотидан сўнг бир қанча вакт давлат тепасида ҳукмронлар тез-тез алмашиб турдилар. Нихоят, унинг набираси Эрдонабий иккинчи бор ҳокимиятни қўлга киритади. 1755-1769 йилларда ҳукмронлик қилган Эрдонабийдан сўнг тахтга Шоҳрухбийнинг учинчى ўғли Шодибекнинг фарзанди Сулаймонбек ўтиради. Бор-йўги б ой ҳукмронлик қилгандан сўнг у ҳам суиқасд қурбони бўлади ва тахтни 1770 йилда Норбўтабек (1770-1801) эгаллайди. У марказий ҳокимиятни мустаҳкамлашда, бўйсунмас ҳокимлар қаршилигини бостиришда бир мунча муваффакият қозонди. Чуст ва Намангандага кўтарилиган ғалаёнларни бостиргандан сўнг, бу шаҳарларга ўзига содик кишиларни ҳоким қилиб тайинлади. Бир қанча уринишлардан сўнг Хўжанд шаҳрини эгаллашга муваффак бўлди. 1799 йилда Тошкентни ҳам эгаллаш учун катта кўшин юборди. Лекин Хонхўжа бошчилигидаги қўқонликлар кўшини Тошкентда мағлубиятга учради.

Норбўтабек 1801 йилда Кўқонда вафот эттандан сўнг тахтга унинг катта ўғли Олимбек ўтиради. Гарчи у киска вакт давлатни бошқариб турган бўлса-да, унинг ҳукмронлиги даврида (1801-1810) Кўқоннинг сиёсий мавқеи анча ошди. Дастлаб у ҳарбий ислоҳотлар ўтказиб, кўшинни анча кучайтиради. Ҳарбий юришлар қилиб, Ангрен воҳасини, Тошкент, Чимкент ва Туркистонни ўзига бўйсундирди. Натижада, у Россия империяси билан бевосита савдо-сотик олиб бориши имкониятини қўлга киритди. Кўқон давлати кучайиб бориши билан унинг сиёсий мақоми ҳам ўзгарди. Агар Кўқоннинг дастлабки ҳукмдорлари “бий” ва “бек” унвонлари билан давлатни бошқарган бўлсалар, 1805 йилдан бу давлат расман Кўқон хонлиги деб эълон қилинди ва Олимхон “хон” унвони билан ҳокимиятни бошқара бошлади.

Марказий ҳокимиятнинг кучайиб бориши, давлатни бошқаришда хоннинг чексиз ҳукукларга эга эканлиги, Олимхоннинг сиёсатидан норози айрим гурухларнинг унга қарши фитнасига олиб келди (манбаларда у “Золимхон” лақаби билан аталганлиги ҳакида ҳам маълумотлар учрайди). Олимхон ўз ҳокимиятини мустаҳкамлаш учун укаси Рустамбекни ва бир қанча саркардаларни, дин пешволарини ўлдиририб юбор-

гандан сўнг, фитначилар сафи янада ортди. Манбаларда уларга Олимхоннинг укаси Умарбек бошчилик қилганлиги таъкидланади. Ниҳоят, 1810 йилда Олимхон Кўқонга келаётганда ўғли Шоҳруҳхон билан бирга фитначилар томонидан отиб ўлдирилади ва тахтни укаси Умархон эгаллайди. Унинг хукмронлиги даврида (1810-1822) хонликда сиёсий вазият мураккаблигича қолди. Чимкент ва Туркистонда ғалаён кўтарилди. Ўратепа ҳокими хонга итоат этишдан бош тортди. Аммо давлатни бошқаришда катта таъсирга эга бўлган дин пешволари ва ҳарбий саркардалар билан иттифоқ бўлиб иш тутган Умархон бу ғалаёнларни бостириб, хонлик худудини бўлинниб кетишдан саклаб қолди.

1818 йилда Кўқонда катта жомеъ масжидини қуриш ҳақида фармон бериб, дин ҳомийси сифатида ҳам ўз мавқеини янада оширди. Натижада “Амир-ул-муслимин” унвонини ва диний ҳокимиятни ҳам ўз кўлига олишга эришди. Умархон хукмронлиги даврида Кўқонда адабиёт, шеърият анча юксалди. Хоннинг ўзи ҳам яхши шеърлар битганлиги маълум. 1822 йилда “Жаннатмакон” номини олган Умархон касалланиб вафот этгач, тахтга ўғли Мухаммад Алихон ўтиради. Тарихда Мадалихон номи билан қолган бу хукмдор даврида (1822-1842) Кўқон хонлиги анча юксалди. Коратегин, Кўлоб, Дарвоз вилоятлари ва бошқа бир қанча ерлар босиб олиниб, хонликнинг худуди анча кенгайтирилди. 1826-1831 йиллар давомида бир неча марта Қашғарга хужум қилиб, хитойликлар билан уруш олиб борди. Қашғарда мусулмонларни Хитойликлар зулмидан озод этиш учун олиб борилган бу урушлар туфайли Мадалихонга дин пешволари “Фози” (яъни “дин ҳомийси”, “дин йўлида курашувчи”) унвонини бердилар. Қашғарда олиб борилган урушлар пайтида 70 минг уйғур мусулмонлари Андижон вилоятига кўчирилиб келтирилди.

Бу даврда Бухоро амирлиги билан ҳам чегара шаҳарлар учун тез-тез ҳарбий тўқнашувлар бўлиб турди. Бу феодал урушлар меҳнаткаш халқ зиммасига янги соликлар солинишига ва аҳоли турмушининг оғирлашишига олиб келди. Натижада бир неча марта халқ ғалаёнлари юз берди. Хукмронлигининг сўнгти йилларида давлат ишларидан кўра кўпроқ айшу-ишратга берилиб кетган Мадалихондан норози бўлган кучлар унга қарши фитна тайёрлайдилар. Кўқонда Мадалихон

ўз отасининг канизагига, яъни ўгай онасига уйланди ва бу билан у мусулмончиликдан чиқиб, кофир бўлди, деган гаглар тарқатилди. Давлатни бошқаришда катта тажрибага эга бўлган ва хоннинг яқин маслаҳатчиси Мингбоши Ҳаккули тухматга учраб, хон томонидан қатл этилгани фитначиларга янада қўл келди. Фитнага бош кўшган Қози Калон, лашкарбоши, саркарда Исохўжа, мингбоши, Тошкент ҳокими ва бошқалар Мадалихонни таҳтдан ағдариб, Олимхоннинг ўғли Шералини ёки Муродбийнинг ўғли Хўжабийни (у Норбўтабийнинг укаси эди) хон қилиб кўтармоқчи бўладилар. Лекин Мадалихонни ўз кучлари билан ағдаришга кўзи етмаган фитначилар Бухоро амирига бир неча мактуб битиб, элчи юбориб, амир Насруллоҳондан “кофир” деб эълон қилинган Мадалихонни таҳтдан ағдариш ва жазо беришни илтимос қиласидар. Кўкон хонлигини забт этиб Бухорога кўшиб олишни режалаштириб юрган амир Насрулло 1842 йил апрелда катта қўшин билан Кўконга юриш қиласидар ва шаҳар яқинида қароргоҳ қуриб жойлашади. Бухоро қўшиларининг тўсатдан босиб келганидан қаттиқ ваҳимага тушган Мухаммад Алихон (Мадалихон) катта ўғли Мухаммад Амин, Қози Калон ва Лашкарбошини сулҳ тузиш учун амир хузурига йўллайди. Уларга Мадалихон амирнинг ҳамма шартларига кўнишга, ҳатто Кўкон хонини Бухоро амирининг вассали деб тан олишга, амир номини хутбага қўшиб ўқитишга, амир номидан танга зарб қилишга рози эканлигини билдириш топширилган эди. Амир элчиларни яхши кутиб олиб, улар билан суҳбатлашгандан сўнг, Мадалихоннинг ўғлини ва Қози Калонни Кўконга қайтариб юборади. Лашкарбоши амир билан суҳбатда Кўкон аҳолиси ва амалдорлари Мадалихонни ҳимоя қилиш ниятида эмаслигини очиқ эътироф этади. Амир Насрулло Лашкарбошини ҳам хон хузурига юбориб, Мадалихонни ўз қароргоҳига таклиф этади. Бундан ташвишга тушган ва сарой амалдорларининг асл ниятини пайқаган Мадалихон яширинча сарой ҳазинасини, оиласини олиб, ўзига содик бўлган 1000 киши билан Кўкондан Намангандан томонга қочади. Күшбеги, Қози Калон ва бошка амалдорлар “етим бўлиб қолган” Кўконга амир Насруллони таклиф этиб яна амир қароргоҳига бордилар. Жангиз Кўконни эгаллаган амир Насрулло ўз қўшини билан шаҳарга кириб келди ва хоннинг ҳазинани олиб қочганилигидан

ғазабга тушиб, Кўқонни талон-тарож қилишга фармон беради. Эртаси куни эса аҳолидан зўрлик билан тортиб олинган нарсалар мажбуран яна қўқонликларга сотилади. Фақат кумуш ва олтин буюмлар хазина учун олиб қолинади.

Амир Насруллодан Мадалихон ва унинг оиласини тутиб келтириш хақида буйруқ олган бир неча қўқонлик қочоқ хонни тутиб келтиришни ўз зиммаларига олади. Кўқондан қочган хон Наманган йўлида бир қишлоқда бир кеча тунаш учун колган эди. Эрталаб турган собиқ хон ўзининг 1000 кишилик содик кишиларидан фақаттана 3 киши қолганлигини, қолганлари Кўқондан олиб чиқилган буюмларни олиб гойиб бўлганлигини билиб қаттиқ саросимага тушади. Шунда у Кўқонга қайтишга, амир олдида тиз чўкиб шафқат сўрашга жазм этади. “Ўз ихтиёри билан келиб, тобелик изхор килган хонни ўлдиришга амир жазм этмайди” деб умид қилган Мадалихон янглишган эди. Кўқонга кириб келиши билан уни тутиб келтиришни ўз зиммаларига олган кишилар томонидан қўлга олинниб, амир ҳузурига олиб келинади. Турли жойлардан унинг оила аъзолари: онаси Нодирабегим, укаси, ўғиллари ва хотинлари тутиб келтирилади.

Манбаларда тарькидланишича, Мадалихоннинг харамидаги канизаклар 40та аравада Бухорога жўнатилади. Мадалихон, унинг онаси, укаси ва катта ўғли катл этилади. Кўқонда 12 кун турган амир Насрулло Кўқон хонлигини Бухорога кўшиб олинганлигини эълон қилиб, Кўқонда ўз ноиби этиб Иброҳим Додҳоҳ Мангитни қолдиради. Унга бир неча амалдорлар ва 600 кишилик кўшин бериб, ўзи эса собиқ хон хизматида бўлган 250та амалдорларни гаров тариқасида Бухорога олиб кетади. Лекин осонлик билан қўлга киритилган Кўқон З ойдан сўнг яна осонлик билан қўлдан бой берилди. Иброҳим Дадҳоҳнинг Кўқон халқига ўтказган жабр-зулми, соликларнинг ҳаддан ташқари оширилганлиги туфайли қўқонликлар 1842 йилнинг ёзида кўзғолон кўтариб, қипчоклар ёрдамида бухороликлар кўшинини тор-мор этиб, тахтга Шералихонни кўтаратилилар. Тўракўрғонда оқ кигизга солиниб хон деб эълон қилинган Шералихон катта қипчоқ кўшини билан Кўқонга кириб келади. Иброҳим додҳоҳ ва унинг укаси Исҳоқ Мангит Хўжанд орқали Бухорога қочиб қолишга муваффақ бўлади. Амир уларни қаттиқ жазолаб, мол-мулкини тортиб олади ва

1842 йил кузида 20 минг кўшин билан яна Кўқонга юриш килади. Кўшин сафида гаровга олинган 250 та қўқонлик амалдор ҳам бор эди. Кўкон аҳли таслим бўлиш ҳақидаги таклифни рад этади. Шунда гаровга олинган амалдорлардан бири, Мадалихон даврида юзбоши бўлган Мусулмонқул қипчоқ қўқонликларни таслим бўлишга қўндиришни ўз зиммасига олиб, амир рухсати билан қўқонликлар ҳузурига келади. Лекин у қўқонликларни амир қўшинларига таслим бўлмасликка ундан, шаҳар мудофаасини кучайтиришга бош бўлади. Бундан қаттиқ ғазабга тушган амир Насрулло Кўқонни кўлга киритмасдан қайтмасликка аҳд килиб шаҳарга қаттиқ хужум килади. Лекин қамал чўзилиб кета бошлайди. Бу орада Хива қўшинлари Бухоро чегараларига бостириб кириб, бир неча юз оиласи асир олиб кетганлиги ҳақидаги хабарни олган амир Насрулло гаровга олинган амалдорларни озод килиб Бухорога қайтишга мажбур бўлади. Бу вазиятда Кўқонни Бухорога тобеликдан сақлаб қолган Мусулмонқул қипчоқ мингбоши лавозимини олади. Ҳонликдаги бошқа лавозимлар ҳам қипчоқ бекларига топширилади.

1845 йилгача Кўқон ҳонлигига хотиржамлик ҳукм сурди. Хивада яшайдиган ва Оллоқулихон ўлимидан сўнг тахтга ўтирган Муҳаммад Раҳим билан келиша олмаган Муродбек Ҳожибой ўғли 1844 йилда Бухорога келади. Амир Насрулло саройида 1 йилча яшаган Муродбек 1845 йил ёзида Бухоро лашкарлари билан Кўқонга юриш килади. У Шералихоннинг ўлдириб тахтни эгаллаши, кўрсатилган ёрдам эвазига Кўқон ҳонлиги Бухорога вассал бўлиб қолиши керак эди. Мусулмонқул бошчилигидаги қипчоклар закот йиғиш учун кетганлиги сабабли, химоясиз қолган Кўқонни осонлик билан кўлга киритган Муродбек Шералихоннинг қатл этиб Кўқон тахтини эгаллайди ва ўзини амир Насруллонинг вассали деб эълон қилади. Бундан хабар топган Мусулмонқул қипчоқ қўшинлари билан келиб, Кўқонликлар ёрдамида шаҳарни яна кўлга киритади. Бор йўғи 8 кун тахтда ўтирган Муродбек кўлга туширилиб қатл этилади, унинг хизматида бўлган амир қўшини Бухорога қайтиб кетади. Тахта Шералихоннинг 13 ёшли ўғли Худоёрхон ўтказилади. Лекин амалда ҳокимият Худоёрхоннинг қайнотаси Мусулмонқул мингбоши қўлига ўтади.

Бу ҳолат 1850 йилнинг охиригача давом этди. Мусулмонқул кипчоқ амалда саройда чексиз ҳокимиятга эга бўлган бош вазир, биринчи амалдор хисобланиб, бундан ўз шахсий манфаатлари учун ҳам унумли фойдаланган. Бу Кўқондаги катта-кичик амалдорларда, биринчи галда қипчоқ уруғидан бўлган амалдорларда ҳам норозилик уйғотди. Мусулмонқулга карши қипчоқлар орасида ҳам кучли душман гурух пайдо бўлди. Бу гурухга Ўратепа, Хўжанд ҳамда Марғилон беклари бирлашиб, уларга Тошкент ҳокими Нурмуҳаммад ҳам қўшилди. Сарой хазинасини талон-тарож килишда айбланган дастурхончи ва рисолачи Тошкентга қочиб кетгандан сўнг 1852 йил февралда Мусулмонқул мингбоши ва хон бошчилигига 40 минг қўшин Тошкентни қамал киласди. Лекин Марғилон қушбегисининг 600 киши билан тошкентликлар томонга ўтиб кетиши ҳамда қамалнинг чўзилиб кетганлиги сабабли бу юриш муваффакиятсиз якунланади.

1852 йилнинг июн ойида Мусулмонқул мингбоши 30000 кишилик қўшин билан яна Тошкентга юриш киласди. Чирчик дарёси бўйидаги ҳал қилувчи жанг пайтида Худоёрхон ўз қўшинининг катта қисми билан тошкентликлар томонига ўтиб кетади. Бу саройда Мусулмонқул қипчоқка карши бошланган курашда ҳал қилувчи бурилиш эди. Хоннинг ҳимоясидан маҳрум бўлган Мусулмонқул қипчоқ қўшини тор-мор этилиб, унинг ўзи бир гурух одамлар билан зўрга қочиб кетишга муваффақ бўлди. Бу воқеалардан сўнг Кўқонда сарой амалдорлари этиб Мусулмонқулга қарши курашган гурухлар тайинланди. Хусусан, Марғилон қушбегиси Утенбой қипчоқ мингбоши этиб тайинланди. Лекин уларнинг ҳукмронлиги ҳам узокка чўзилмади, негаки, 1852 йилнинг кузида хонликда бутун қипчоқларни қирғин қилиш бошланиб кетди. Натижада 20 минг қипчоқ ўлдирилди. Бунга Худоёрхоннинг ўзи бошлилик қилди. Саройдаги амалларни эгаллаб турган барча қипчоқлар ҳам катл этилиб, уларнинг ер-мулклари мусодара килинди. 1853 йилнинг кузида қора-қирғизлар орасида яшириниб юрган Мусулмонқул қипчоқ тутилиб, Кўқонга олиб келинди ва Худоёрхонни таҳтга ўтказган, шаҳарни 2 марта Бухоро амиридан саклаб қолган Мусулмонқул қипчоқ Кўқон хони томонидан ўлдирилди.

Бу пайтда Кўқон хонлиги билан Россия муносабатлари

анча кескинлашди. Сирдарёниг ўрта ва күйи оқимидағи катта худудни назорат қилиб турған Кўқонликлар билан Россия ўртасидаги дастлабки тўқнашувлар 1850, 1851 ва 1852 йилларда содир бўлди. Кўкон хонлигидағи ички низолардан фойдаланган руслар 1853 йиши генерал-адъютант Перовский бошчилигида Оқмачит қалъасини босиб олдилар. Кўқонлик саркарда Ёкуббек бошчилигида кўқонликлар Оқмачитни қайтариб олиш учун икки марта катта куч билан хужум уюштирган бўлсада, улар натижасиз тугади. Кейинчалик Ёкуббек Шарқий Туркистонга кетишга мажбур бўлади ва Қашгар ҳокимлигини кўлга киритади.

Шу тариқа Россия империянинг Оренбург ва Омск шаҳарлари билан чегарадош бўлган Кўкон хонлиги худудига хавф сола бошлади. Лекин бу ташки хавф ўзаро ички низолар, ҳокимият учун кураш гирдобида қолган қўқонликларнинг кўзини очмади. Мамлакатда сиёсий низолар давом этди. Худоёрхон 3 марта таҳтдан маҳрум этилиб (1858, 1863, 1865), ҳар гал Бухоро амири томонидан Кўкон таҳтига қайта ўтказилганлиги, хонликдаги давлат бошқарув тизимидағи парокандалиқдан далолат берар эди. 1858 йилда Худоёрхонни Шералихоннинг иккинчи хотинидан бўлган ўғли Маллахон таҳтдан ағдаради ва Худоёрхон Бухорода паноҳ топади.

1862 йилда Маллахон ўз вазирлари мулла Олимқул ва Олимбек кирғизлар қўлида ўлдирилгач, таҳтга Худоёрхоннинг акаси Саримсокбекнинг ўғли Шоҳмурод ўтказилади. Лекин қўшин бошликлари ва саройдаги кўпчилик амалдорлар унга карши фитна уюштириб, Худоёрхонга яна таҳтни олишни таклиф этиб, киши юборадилар. Маллахон ўлимини эшитган Худоёрхон бу пайтда амирнинг рұксати билан Жиззах қалъасига келган эди. Мактубни олган Худоёрхон Тошкентга келиб, Қаноат парвоначи бошлиқ Тошкент қўшини билан Хўжандга келди. Бу орада амир Музаффар ҳам Бухоро лашкарлари билан Хўжандга етиб келади. Амирнинг рұксати билан Худоёрхон Кўқонга юриш килади. Мулла Олимқул қипчоқ-қирғиз қўшинини олиб шаҳардан чиқиб кетади. Озгина қўшин билан қолган Шоҳмурод Марғilonга қочади. 1863 йилда Худоёрхон иккинчи марта таҳтни эгаллайди.

Кўқон таҳтига Худоёрхон ўтиргандан сўнг амир хотиржам бўлиб Бухорога қайтади. Худоёрхон катта совғалар билан

Бухорога элчи юборади. Лекин элчилар бошлиғи, Худоёрхонга таҳтни қайта эгаллашда ёрдам бергани учун оталик унвонини олган Тошкент ҳокими Қаноатхон амир томонидан ўлдириллади. Қирғиз-қыпчоқ қабилаларида яшириниб турган мулла Олимқул Худоёрхонга бўйсунмай, тез-тез ғалаёнлар кўтариб турди. Натижада 1963 йил июль ойида Худоёрхон яна Бухорога қочади. Қўқон таҳтига Султон Мурод ўтказилади.

Бу ички низолар ташки душманга қўл келди. Вазиятдан фойдаланган чор Россияси қўшинлари 1864 йилда Туркистон ва Чимкентни босиб олади. 1865 йил баҳорида улар Тошкентта яқинлашиб Ниёзбек қалъасини ишғол қиласилар ва Тошкентта ҳужум килдилар. Мулла Олимкул бошчилигидаги 6 минг қўқонликнинг ёрдамга келиши ҳам босқинчиларни тўхтата олмади. Мулла Олимқул жангда яраланиб Тошкентда вафот этади. Бир неча ойлик қамал ва жанглардан сўнг 1865 йил 17 июнда Тошкент чор Россияси қўлига ўтди.

Қўқондаги саросималиқдан фойдаланган Худоёрхон 1865 йил ёзида амир қўшинлари ёрдамида сўнгти марга Қўқон таҳтини қўлга киритади. Қўқонда Амир Музофар номига хутба ўқилди. Қирғиз-қыпчоқ қўшинлари кўмагида таҳтни эгаллаб турган Худойкулибек (14 кун таҳтда ўтирган) эса хазинани олиб Қашғарга қочиб кетади.

Сиёсий-иктисодий ва ҳарбий жиҳатдан қолоқлик, диний жаҳолат, ақидапарастлик, сиёсий қалтабинлик оқибатида ўзаро таҳт талашишлар, ҳокимият учун курашлар бу даврда ҳам барҳам топмади. Натижада 1866 йилда Хўжанд, Ўратепа ва Жиззах чор Россияси қўлига ўтди. Босиб олинган ҳудудлар Россия империяси мустамлакасига айлантирилиб Туркистон генерал-губернаторлиги тузилди. Пойтаҳти Тошкент шаҳри бўлган бу янги сиёсий тузилманинг биринчи генерал-губернатори этиб генерал-адъютант К.П. Кауфман тайинланди. У шарқ тилларини пухта эгаллаган, шарқ дипломатиясидан яхши хабардор бўлган киши эди. Қўқон хонлигининг катта кисмини қўлга киритган чор Россияси ўз истилоларига қонуний тус бериш учун 1868 йилда Қўқон хони билан шартнома имзоладилар. Қўқонга келган полковник Шаифус раҳбарлигидаги Россия элчилари ва Худоёрхон ўргасида имзоланган шартномага кўра Қўқон хонлиги амалда Россиянинг вассалига айланниб қолди. Хонликнинг барча ташки алоқалари

Туркистон генерал-губернаторлиги билан келишилган ҳолда, амалда руслар назорати остида олиб бориладиган бўлди. Россия савдогарларига Кўқон хонлигида анча имтиёзлар яратиб берилди.

XIX асрнинг 70-йиллари бошига келиб, хонликда сиёсий вазият янада кескинлашиб кетди. Хонлик чегараларининг кисқариб кетганлиги хазинага тушадиган даромадларнинг камайишига олиб келди. Сарой харажатларини қоплаш, катта-кичик амалдорларни, қўшинни маош билан таъминлаш учун ҳалқ оммасига янги соликлар жорий этилди. Бу ўз навбатида ҳалқнинг ҳон ҳокимиятидан норозилигини кучайтирди. Катта ҳудудларда кучли ғалаёнлар бўлиб турди. 1873 йилда Ғуломхон (асли исми Мулла Исҳоқ Ҳасан ўғли) бошчилигига бошланган қўзғолон хонликни янада заифлаштириди. Саройдаги нуфузли амалдорлардан Абдураҳмон офтобачининг ва бошқа амалдорларнинг хонга қарши эканлиги боис 1875 йил ёзда Худоёрхон таҳтни ўғли Насриддинбекка қолдириб, ўзи Тошкентга генерал-губернатор ҳузурига кетишга мажбур бўлади. Бу ердан генерал-губернаторнинг таклифи (буйруги) билан оқ пошшони кўриб келиш учун Санкт-Петербургга йўл олади. Лекин Туркистон орқали Оренбургта келган Худоёрхон пора бериб Эрон ҳудудига ўтиб кетишга муваффак бўлади. У ердан Афғонистон орқали Пешоварга, у ердан Бомбейга ва сўнгра Жидда шахрига ўтади. Бу ерда бироз яшаб Маккага бориб хаж қиласди. Кейин Нурмуҳаммад шарбатдор қистови билан юртига қайтишни истаб, Ҳиндистон ва Афғонистон орқали Амударё бўйидаги Каррух деган қишлоққа келади. Бу ерда Худоёрхон касалтаниб, 1882 йилда вафот этади.

Кўқон хонлигидаги нотинчлик ва ўзаро низолар давом этади. Пўлатхон бошчилигидаги қўзғолончилар Насриддинбекка қарши кураш олиб бордилар. Абдураҳмон офтобачи уларнинг кучини русларга қарши қаратиш учун ғазовот эълон қиласди. Бу чор Россия қўшинларининг 1875 йилда Фарғона водийсига бостириб киришига баҳона бўлди. Пўлатхон ва Абдураҳмон офтобачи қўшинлари бирлашиб ҳаракат қила олмадилар ва мағлубиятга учрадилар. 1875 йил 22 сентябрда Марғилонда фон Кауфман ва Насриддинхон ўртасида тузилган шартномага кўра хонликнинг Сирдарёнинг ўнг сохилидаги барча ерлари Туркистон генерал-губернаторлиги ихтиёрига

ўтади ва қўқонликлар катта товон тўлаш мажбуриятини олдилар. Бу хонга қарши кучларнинг ғазабига ва бирлашувига сабаб бўлди. Насрииддинхон тахтни ташлаб қочиб кетади. Пўлатхон ягона хон деб эълон қилинади. Фаргонада рус қўшинларига қарши яна кураш бошланди. Лекин кучлар teng эмас эди. Яхши қуролланган, замонавий ҳарбий тактикага эга бўлган руслар Кўкон хонлигини босиб олишга киришдилар. 1876 йил февралда Кўкон хонлиги туттилиб, унинг барча ҳудуди Туркистон генерал-губернаторлигига кўшиб олинди. Пўлатхон тутиб олиниб 1876 йил март ойида қатл этилди.

✓ Давлат тизими. Кўкон хонлигидаги давлат бошқарув тизими ўлкамиздаги ўрта асрларда хукм сурган мусулмон давлатлари бошқарув тизимидан фарқ қилас мас эди. Ҳусусан, Темур ва темурийлар даврида аниқ тартиблар асосида шаклланган ва Шайбонийлар даврида бироз ислоҳотларга учраган давлат тизимини деярли ўзгаришсиз Кўкон хонлигининг давлат тизимида ҳам кўрамиз.

Кўкон давлат бошқарув тизимида энг олий ҳукмдор “хон” бўлиб, у деярли чекланмаган хукуқقا эга эди. Лекин Кўконнинг дастлабки ҳукмдорлари “бий” унвони билан ҳокимиятни бошқарган бўлиб, давлат бошлиғи расман “Хон” деб Олимхон давридагина (1805-йилдан бошлаб) юритила бошлади. Унинг вориси Умархон (1810-1822) эса ўзини “амир ал-мўминин” деб эълон қилиб, диний ҳукмдорликни ҳам ўз кўлига олган эди.

Хон чексиз ҳокимиятта эга бўлса-да, сарой амалдорлари ва кўшин бошлиқларининг хонга таъсири кучли эди. Буни Худоёрхоннинг тахтда ўтирган биринчи даврида Мусулмон-қул қипчоқнинг мингбоши ва оталиқ лавозимини эгаллаган йилларида(1845-1852) аниқ кўрамиз. Бу хоннинг сиёсий куч-қудрати маълум иқтисодий асосларга ва ижтимоий гурухларга боғлиқ эди дейишга асос беради.

Манбаларнинг гувоҳлик беришича, хон саройида муҳим ишларни кўриб чиқадиган Кенгаш тузилган бўлиб, унга мингбоши бошчилик қилган. Аъзолари дастурхончи, рисолачи ва яна баъзи муҳим амалдорлар бўлган. Давлатни бошқаришда бу кенгашнинг ҳам ўрни катта эди. Сарой амалдорлари ичida мингбоши (бош вазир) ва амири лашкар (ҳарбий вазир), қушбеги - хон маслаҳатчиси ёки вилоят

ҳокими, парвоначи (хон маслаҳатчиси), - шиговул (вазири илмия), худойчи, тунқатор, ноиб (сарбозлар бошлиғи) оталиқ, додҳоҳ, меҳтарбоши, дастурхончи, тўқсабо, девонбеги, мирзо боши, саркар ва бошқалар мухим амалдорлар хисобланади. Улар ўз хизматлари эвазига йиллик маош олганлар. Бундан ташқари уларга тегишли ер-мулклар ҳам берилган.

Маъмурий тузилиши. Фарғона водийси Кўқон хонлиги-нинг асосий худуди хисобланиб, XIX асрнинг бошларига келиб Тошкент вилояти, ҳозирги Шимолий Тожикистон (Хўжанд ва Ўратепа, тоғлик туманлар) Жанубий Қозогистон ва Қирғизистон Республикалари худудлари ҳам унинг таркибига киригилди. Шу тариқа Кўқон хонлиги шарқда Шарқий Туркистондан гарбда Сирдарёнинг куйи соҳилларигача, шимолда Туркистоннинг Бекпакдала саҳросидан жанубда Бухорога тобе Дарвоз, Қоратегин, Кулоб бекликларигача бўлган катта худудни эгаллаб Ўрта Осиёдаги йирик давлатга айланди. Хонлик маъмурий жиҳатдан бекликларга бўлинниб уларнинг баъзилари бир неча марта хонлик таркибидан чиқиб турган. Кўқон давлатининг асосий бекликлари сифатида Наманганд, Марғилон, Андижон, Тўракўргон, Ўш, Ўратепа, Хўжанд, Тошкент, Туркистон, Чимкентни кўрсатиш мумкин. Бекликлар хон томонидан тайинланадиган ҳоким - кўшбеги томонидан бошқариларди. Бекликлар ўз навбатида бошқа кичик маъмурий бирликларга бўлинган.

Ижтимоий тизим. Кўқон хонлигидаги ижтимоий табакалар, уларнинг жамият ҳаётидаги мавқеи қўшни Бухоро хонлигидан айтарли фарқ қилмайди. Давлатда хон ва унинг яқинлари, марказий ва маҳаллий бошқарувни амалга оширган. Маҳаллий манбаларда вазир ул-вузаро, амир ул-умаро деб номланган ижтимоий табаканинг, ҳарбий-маъмурий амалдорларнинг мавқеи жуда юқори эди. Бу амалдорлар ўз хизматлари эвазига муайян маош олишдан ташқари ер-мулкларга ҳам эга бўлганлар. Бутун ўрта аср мусулмон давлатларида бўлганидек, мусулмон руҳонийлари ҳам алоҳида имтиёзларга эга бўлган ижтимоий табака хисобланарди. Давлат бошқарувида, таълим-тарбияда, суд ишларида ва жамият ҳаётининг турли соҳаларида уларнинг фикри катта аҳамият касб этган. Жамиятнинг энг кўп сонли ва энг кам ҳукукли табакаси оддий ҳалқ - фуқаро эди. Мамлакатнинг барча

моддий бойликлари уларнинг меҳнати хисобига яратилсада, бу ижтимоий табака доимо муҳтоҷликда ҳаёт кечирганлиги манбаларда қайд этилган.

Ҳарбий соҳа. Хонлик ҳаётида ўзаро низолар, сарой фитналари, кўшни худудларга уюштириладиган ҳужумлар, хон ва амалдорлар зулмига қарши кўтарилигандаги қўплаб қўзғолонлар одатий ҳол эди. Бу ўз навбатида ҳарбий-маъмурий амалдорлар ва умуман қўшиннинг жамият ҳаётидаги ўрнини ошириб туради. Хонликда энг юқори ҳарбий амалдор - амири лашкар лавозими бўлиб, кўп ҳолларда бу лавозимга қипчок уруғидан бўлган кишилар тайинланган. Кўшиннинг асосини ҳам қипчоқлар ташкил этарди. Бу кўп ҳолларда мамлакат сиёсий ҳаётида қипчоқларнинг таъсири ошишига ҳам олиб келар, саройдаги кўпгина юқори лавозимлар қипчоқлар томонидан эгаллаб олганди.

Кўшинлар ўша давр ҳарбий қонун-қоидаларига мос равишда 10 минглик, минглик, юзликларга бўлинган. Ҳарбий маъмурий амалдорлар ичida йирик шаҳарлар ва бекликлар хокимлари-қушбегилар ҳам олий ҳарбий амалдорлар қаторига кириб, уларнинг ҳар бири ўз қўшинига эга бўлган. Ҳарбий харакатлар пайтида кўплаб аҳоли қўшин таркибига киритилиши оғир ҳарбий мажбуриятлардан бири эди.

Ҳарбий-маъмурий амалдорлар учун сарой хазинасидан белгиланган тартибда йиллик маош ва “танҳо”, “тархон”, шаклидаги ер-мулклар берилган. Ҳарбий юришлар пайтида кўлга киритиладиган ўлжанинг бир қисми ҳам муайян тартибда уларга берилган.

Иқтисодий ҳаёт. Иқтисодда дехқончиликнинг салмоғи жуда юқори эди. Айниқса, қадим дехқончилик анъаналарига эга бўлган Фарғона водийсида бу нарса якъол кўзга ташлаади. Хонлик худудида сув манбаларининг етарли эканлиги дехқончиликдан юқори ҳосил олинишига асос бўларди. Экиладиган экинлар бутун Ўрта Осиё минтақасига ҳос бўлиб, донли экинлар етиштириш (ғаллачилик, жўхори) полизчилик, боғдорчилик, сабзавотчилик, шоликорлик анчагина яхши ривожланган эди. XIX асрга келиб хонликда пахта майдонлари ҳам тўхтовсиз кенгайиб борди. Пахтанинг асосий харидори Россия эди.

Мамлакатнинг асосий бойлиги бўлган ерга эгалик қилиш

қўшни мусулмон давлатлардагидек бўлиб, ҳосилдор ерларнинг катта қисми давлатники ҳисобланарди. Давлатдаги энг катта мулкдор - хон бўлиб, у катта-катта ҳосилдор ерларга, улардан олинадиган ҳосилга, бу ерларда жойлашган яйловлар, чорва моллари, ҳунармандчилик устахоналари, савдо дўконлари ва бошқаларга эгалик қиласарди. Ҳарбий-маъмурий амалдорларга берилган “Танҳо”, “Тархон” шаклидаги ер мулклари фақат хизмат даврида берилган ва мерос бўлиб авлоддан-авлодга ўтмаган. Диний маҳкамалар ва мадрасалар харажатлари учун вакф ерлардан келадиган даромадлар асосий роль ўйнаган. Бундай ер-мулкларга одатда бутун-бутун қишлоқлар, устахоналар, дўконлар, тегирмонлар ва бошқа ишлаб чиқариш корхоналари бўлган катта ер-мулклари кирган.

Чорвачилик мамлакат-иктисодий ҳаётида муҳим ўрин туттган соҳа бўлиб, у, айниқса, кўчманчи қирғиз қабилалари яшайдиган тоф олди худудларида, Тошкент воҳаси ва Туркистанда яхши ривожланган эди. Чорвачиликнинг энг ривожланган соҳаси кўйичилик ва йилқиличилик ҳисобланарди. Бундан ташқари, ўтрок дехқон аҳоли яшайдиган худудларда уй чорвачилиги, айниқса, йирик шоҳли уй ҳайвонлари - қорамол боқиш кенг тарқалган бўлиб, улардан гўшт, сут маҳсулотлари олишдан ташқари, дехқончилиқда фойдаланиларди.

Хунармандчилик. Хонликда Ўрта Осиё минтақасига хос бўлган барча йирик ҳунармандчилик турлари: тўқимачилик, кулолчилик, темирчилик, мисгарлик, дурадгорлик ва бошқалар мавжуд эди. Иктисоднинг бу соҳаси, айниқса, йирик шаҳарларда: Кўқон, Тошкент, Андижон, Марғилон, Ўш, Хўжанд, Туркистанда яхши ривожланган бўлиб, хонликдаги айрим йирик қишлоқларда ҳунармандчиликнинг бир қанча турларини ишлаб чиқариш ҳам яхши йўлга қўйилганди.

Хусусан, Кўқон ўз темирчилари, мисгарлари, Чуст дўпидўзлари, Риштон кулолчилик маҳсулотлари, Шаҳрихон пичоқлари, Марғилон ипак ва шойи буюмлари билан шуҳрат топган бўлиб, хонликдаги юкори сифатли ҳунармандчилик буюмларига ички ва ташқи бозорда талаф катта бўлган. Шу боис ҳунармандчиликни қадим анъаналарга эга соҳа сифатида XVIII-XIX асрда ҳам ўз аҳамиятини саклаб келганлиги билан изоҳлаш мумкин.

Савдо-сотик. Хонликдаги мураккаб сиёсий вазият савдо-

сотиқ ривожига, карвонлар хавфсизлигига катта хавф түғдиришига қарама, мамлакат иқтисодидаги савдо-сотиқнинг аҳамияти катта эди. Қўқон, Марғилон, Андижон, Тошкент, Чимкент, Ўратепа ва бошқа шаҳарлар йирик савдо марказлари сифатида ном чиқарган эдилар. Шаҳарлар ва қишлоқлар ўргасидаги иқтисодий-савдо муносабатлар мамлакатда ички савдонинг тараққиётини белгиловчи асосий омил эди.

Йирик шаҳарларда ихтисослашган бозорлар, кўплаб карвонсаройлар бўлиб, уларнинг сони савдо-сотиқ ривожини кўрсатиб турувчи муҳим белгидир.

Ички савдо муносабатларида маҳаллий маҳсулотлар асосий ўрин турарди. Четдан келтириладиган маҳсулотлар ичидаги турли металлар, фабрика маҳсулотлари (Россиядан, Ҳой (Хитой ва Ҳиндистондан) ва кўшни давлатлардан олиб келинадиган баъзи ҳунармандчилик буюмларини айтиб ўтиш мумкин.

Ташки бозорга чиқариладиган маҳсулотларнинг асосини қишлоқ ҳўжалик маҳсулотлари (пахта, жун, ип, матолар, қуруқ мевалар ва бошқа маҳсулот) ташкил этиб, улар XIX асрдан бошлаб бевосита Россияга чиқарила бошланди.

Соликлар. Хонликдаги мавжуд соликлар тизими шариат қонун қоидаларида белгиланган тартибларга мос келса-да, ахолидан кўплаб майда соликлар, жарималар ундириб олиш кенг тарқалган эди. Асосий солик хирож бўлиб, у пул ва маҳсулот тарзида ундириб олинарди. Савдогарлар ва чорвадорлар закот солигини тўлашар, ҳунармандлардан ҳам турли соликлар (тамға жой солиги) олинарди. Солик йигувчи амалдор танобчи (ҳар бир таноб ердан солиқ олувчи), закот солигини йигувчи амалдорлар Закотчи деб аталар эди. Соликлар қатъий белгиланган микдорда ва вактида йигилиши шарт бўлса-да, хон ва амалдорларнинг ихтиёри билан бу нарса ўзгариб турган. Ҳарбий ҳаракатлар пайтида, айниқса, соликлар тури ва микдори оширилган.

Соликлардан ташқари, аҳоли мажбурий равишда турли ишларга: каналлар қазиш, арикларни тозалаш, ободончилик ишларига, турли қурилишларга жалб қилинарди.

Маданий ҳаёт. Хонликдаги илм-фан тараққиёти, маданият ривожи ўз даражасига кўра Ўрта Осиёдаги кўшни давлатларга яқин туради. Асосий маданият ўчоклари хонликдаги йирик шаҳарлар бўлиб, олий таълим берувчи кўпгина

мадрасалар шаҳарларда жойлашган эди. Бошланғич мактаблар хонликнинг ҳар бир йирик ахоли пунктида мавжуд бўлиб, уларда араб тилида ҳат савод чиқарилар, ўқиш ёзиш ўргатиларди. Бошланғич мактабларда ҳам, мадрасаларда ҳам асосий зътибор диний таълим беришга қаратиларди. Куръон, шариат, фикҳ (мусулмон қонунчилиги) асосларини ўқитиш мадрасаларининг асосий вазифаси ҳисобланиб, дунёвий фанлар, айниқса, аник фанлар тараққиётида бир қадар турғунлик кўзга ташланади.

Дунёвий фанлардан адабиёт, тарих, нутқ, мантиқ, алжабр ва хандаса (геометрия) каби фанлар ўқитиларди Пойтахт шаҳар Кўконда XIX асрда 15та мадраса фаолият кўрсатган бўлса, бошқа шаҳарларда ҳам бир нечта йирик мадрасалар фаолият кўрсатган. Лекин хонликда Бухоро мадрасаларини тутагиб келган кишиларнинг мавқеи анча баланд ҳисобланарди.

Адабиёт. Бу даврда адабиётнинг ўрни айниқса юқори эди. Ўзбек адабиёти ривожига катта таъсир кўрсатган Кўкон адабий мухитининг шаклланиши хонликда маданият тараққиётини белгиловчи мухим мезон бўлди. XIX аср бошида Кўкон хони Умархоннинг ҳомийлиги Кўкон адабий мухитини шакллантирган ва ривожлантирган қатор талантли ижодкорларни юзага чиқарган эди. Бу даврда фаолият кўрсатган шоирлар ва уларнинг ижоди Умархоннинг буйруғи билан сарой шоирлари Фазлий ва Мушриф томонидан тузилган “Мажмуат уш-шуаро” номли тазкирада яхши ёритиб берилган. Бу тазкирада XVIII аср охири - XIX аср бошларида Кўконда яшаб ижод қилган Махмур, Гулханий, Фазлий, Мушриф, Фозий, Содик, Хижлат, Ҳозик, Хотиф ва бошқа ижодкорлар ҳакида мухим маълумотлар топиш мумкин.

XVIII аср Кўкон адабиётининг ривожига катта ҳисса қўшган истеъдодли шоир Хувайдо (1780-1781) ҳисобланади. Хўжаназар Ғойибназар ўғли Хувайдо Ўщда туғилиб, Фарғона-нинг Чимён қишлоғида яшаган. Аввал қишлоқ бошланғич мактабида, кейин Кўконда мадрасада ўқиди. Ундан мұхабbat, маънавият, софлик, садоқат каби барҳёт ғоялар куйланган ўғли ғазаллар етиб келган. Ижоди Махмур, Муқимий, Фурқат каби шоирлар ижодига ҳам катта таъсир кўрсатганлиги маълум. Унинг ғазаллари “Девони Хувайдо” тўпламига жамланган бўлиб ҳалқимизнинг севимли кўшикларига айланган,

Хувайдодан ахлоқий - дидактик мазмундаги “Роҳати дил” асари ҳам етиб келган.

Кўқоннинг яна бир машҳур ижодкори, XVIII аср охири XIX аср бошларида яшаб ижод қилган таникли ҳажвчи шоир Махмурдир. У мударрис ва хаттот Мулла Шермуҳаммад Акмал оиласида Кўқон шаҳрида туғилди. Унинг исми Махмуд бўлиб, “Махмур” адабий тахаллуси билан ижод қилган. Шоир Кўқондаги Мадрасаси Мирда ўқиёди. Ундан жонуbekларнинг зулмини танқид қилувчи, меҳнаткаш халқнинг оғир ахволини хаққоний тасвирловчи “Ҳапалак”, “Қозимуҳаммад Ражаб авж”, “Ҳожиниёз”, “Муножот”, “Ҳаким Туробий ҳазор ҳалта”, “Қози ҳўжа сакбон”, “Каримкул меҳтар”, “Такаббур” асарлари етиб келган.

Кўқон адабий мухитининг ривожида атоқли ҳажвчи шоир, ўзбек масалчилигининг йирик вакили Мухаммад Шариф Гулханий катта ўрин тутади. У тоғли Дорвозда туғилди, Кўқон мадрасасида ўқиди, Кўқон хони Олимхон кўшинида навкар бўлиб хизмат қилади. Гулханий “Журъат” тахаллуси билан ҳам ижод қилганлиги маълум. У асарларини икки тилда - ўзбек ва тожик тилларида ёзарди. Гулханийнинг “Зарбулмасал” асари мажозий тимсоллар - япалок қуш ва бойўғли ўртасидаги қудачилик можаролари орқали турли тоифадаги, ҳар хил феъл-атвордаги табақалар, кишилар муносабатини, мамлакатдаги вайронагарчилкларни тасвирлайди. “Зарбулмасал”да қушлар тилидан масал, мақол, матал ва ҳикматли сўзлар келтириш орқали хонликдаги мавжуд ҳаёт ҳақиқати ифодаланади. Асарда “Маймун билан Нажкор”, “Туя билан Бўталок”, “Тошиба билан Чаён” каби мустакил сюжетли масаллар ҳам берилган.

Кўқон хонлигининг XIX аср 1-ярмидаги адабий ҳаёти ривожида Марғilonlik Жаҳон отин - Увайсий, Нодира бегим номи билан шуҳрат қозонган Моҳларойим (1792-1842), Ўратепалик Дилшод Барно (1800-1905), Маҳзуна каби ижодкор аёлларнинг алоҳида ўрни бор.

Тарихнавислик. Кўқон хонлиги тарихига оид маҳаллий манбалар нисбатан кам бўлса-да, улар хонликда ўз тарихнавислик мактаби мавжуд эканлигидан далолат беради. Гарчи бу даврда яратилган тарихий асарларда бутун Ўрта аср мусулмон тарихнавислигига хос дабдабавозлик, хукмдор

шахсини улуғлаш каби хусусиятлар кўзга ташланса-да, бу асарлар ўз даврининг маҳсули сифатида, ўша давр тарих фани таракқиётини кўрсатувчи мухим манба сифатида ўта қиммат-лидир. Улар ичизи Ниёз Муҳаммад Ҳўқандийнинг “Тарихи Шоҳрухий”, Мирзо Олим Тошкандийнинг “Ансаб - усалотин ва таворих ул-хавоқин асарлари, Отабек Фозил ўглининг “Муфассал тарихи Фарғона” асарини ва бошқаларни айтиб ўтиш керак.

Меъморчилик. Хонликда бутун Ўрга Осиё учун характерли бўлган анъанавий меъморий услублар билан бирга, маҳаллий хусусиятлар ҳам яққол кўзга ташланди. Барпо этилган меъморий иншоотлар асосан, мадраса, мачит каби анъанавий бинолар бўлиб, улар хонликнинг деярли барча йирик шаҳарларида кўплаб курилган эди. Уларга Умархон томонидан Кўконда барпо этилган катта жоме масжидини, ундан кейинги хонлар (Мадалихон, Худоёрхон) барпо этган мадрасаларни, Тошкентда курилган Мўйи муборак мадрасасини, Тиллашайх жоме масжидини, Шайхонтохур меъморий мажмуасини (масжид, чиллахона, хонақоҳ), Наманганд, Андижонда курилган бир нечта мадраса ва жоме масжидларини айтиб ўтиш керак. Хонликнинг барча йирик қишлоқларида ҳам масжидлар фаолият кўрсатар, уларнинг аксарияти XVIII - XIX асрларда барпо этилган эди.

XVIII аср, айниқса, XIX асрда хонликда шаҳарсозлик тез суратлар билан ривожланди. Пойтахт шаҳар Кўконнинг пайдо бўлиши ва тез фурсатда Ўрга Осиёдаги катта шаҳарга айланиши хонликдаги шаҳарлар тараққиётига ёрқин мисолдир.

Савдо-сотик билан боғлик бўлган иншоотлар, бозорлар, карвонсаройлар курилишида ҳам меъморчиликнинг ривожланган йўналишлари кўзга ташланади. Уй-жойлар курилиши соҳасида ҳам асрдан асрга ўтиб келаётган ўзига хос меъморий йўналишлар мавжуд эди. Ижтимоий биноларни, саройларни, уй-жойларни безаща, нақшлар танлашда ҳам Кўкон, Тошкент меъморчилик мактабларининг анъаналари давом эттирилганлигини айтиб ўтиш керак.

Хулоса қилиб айтганда, Кўкон хонлиги XVIII-XIX асрларда Ўрга Осиёда сиёсий жиҳатдан етакчи ўринда турмасада, минтақадаги йирик давлатлардан бири сифатида иқтисодий, маданий хаётда кўпгина ўзига хосликларга эга

ва ўзбек давлатчилиги тарихида мухим ўрин тутади.


Қўқон хонлари:

1. Шоҳруҳбий - 1710-1721 йй.
2. Абдураҳимбий - 1721-1733 йй.
3. Абдукаримбий - 1733-1752 йй.
4. Абдураҳмонбий - 1750-1751 йй.
5. Эрдонабий - 1751-1753 йй.
6. Бобобек - 1753-1754 йй.
7. Эрдонабий (2 марта) - 1755-1569 йй.
8. Сулаймонбек 1569 йил 6 ой ҳукмронлик қиласади.
9. Норбўтабек - 1770-1801 йй.
10. Олимхон - 1801-1810 йй.
11. Умархон (Амирий) - 1810-1820 йй.
12. Муҳаммад Али (Мадалихон) - 1821-1842 йй.
13. Бухоро амири ноиби Исҳоқ манғит 1842 йй. (3 ой)
14. Шералихон - 1842-1845 йй.
15. Худоёрхон - 1845-1858, 1863 (4 ой), 1865-1875 йй.
16. Маллахон - 1858-1862 йй.
17. Шоҳмуродбек - 1862-1863 йй.
18. Султон Мурод - 1863 - 1865 йй.
19. Насриддинбек - 1875-1876 йй.

8.10



Кўкон хонлигидаги сарой унвонлари ва мансаблар



Кўкон хонлигидаги ҳарбий-маъмурий мансаблар ва унвонлар



Хива хонлиги

Хива хонлиги Амударёнинг қуий оқимидаги, қадимги Хоразм воҳасида XVI аср бошларида шакланган феодал давлат бўлиб, XVII аср бошларидан мустақил давлат сифатида бошқарилган. 1763 йилдан Ўзбекларнинг қўнгирот уругининг вакиллари - иноклар Хивада ҳокимиятни қўлга олишади. 1873 йилда Руслар истилосидан кейин Россияга қарам давлатга айланди. 1920 йилда большевиклар томонидан бутунлай тутатилди.

Манбалар. Хива хонлиги тарихига оид манбалар ичида маҳаллий муаллифлар томонидан ёзилган асарлар мухим ўрин тутади. Улар ичида Хива хони Абулғозиҳон томонидан ёзилган “Шажараи турк” ва “Шажараи тарокима” асарлари, сарой тарихчиси Мунис (1778-1829) томонидан ёзилган, шоир ва тарихчи Оғахий (1809-1874) томонидан давом эттирилган “Фирдавс ул-иқбол” (“Иқболнома”) асари, Баёнийнинг (1859-1923) “Шажараи Хоразмшохий” асари ва бошқа бир канча тарихий асарларни таъкидлаб ўтиш мумкин.

Давлатнинг ташкил топиши. Сиёсий тарихи. Темурийлар давлати таркибига кирган Хоразм воҳаси 1505 йилда Шайбониҳон томонидан босиб олинган бўлса, 1510-12 йилларда Эрон шохи Исмоил Сафовий давлати таркибиغا кўшиб олинди. Хоразмда Эрон шохининг Зта доругаси тайинланди. Лекин Вазир шаҳрининг қозиси Умар шайх ташаббуси билан Хоразмда эронликларга қарши кучли халқ харакати кўтарилди. Хоразмнинг обрўли шайхларидан бўлган Шайх ота авлодлари Даشت қипчоқлик ўзбеклар йўлбоҳчиси Элбарсхонга Хоразм таҳтини таклиф қилдилар. Унинг қўшинлари қисқа фурсатда Вазир шаҳрини (Устюргда, кўхна Урганчдан 60 кмча узокликда жойлашган бу щаҳар XV асрда ўзбек хонларидан Мустафоҳон томонидан барпо этилган) эгаллаб, воҳадаги барча шаҳарлардан эронликларни кувиб чиқардилар. Элбарсхон (1712-1780/81) Хоразм пойтахти хисобланган Урганч шаҳрини ҳам қўлга киритди ва амалда мустақил хонликка асос солди. У тез орада хонлик худудини бир мунча кенгайтирди. Ҳозирги Туркманистоннинг жанубий қисмини, Эроннинг шимолидаги Серахс туманини, Оролни

ва Мангишлоқни эгаллади. Вафотидан сўнг ворислари хукмронлик қилдилар. Хусусан, XVI асрда Хоразмни унинг авлодларидан Берикач Султон, Султонҳожи, Сўфиёнхон, Султонғози, Аванушхон, Қолхон, Ақатойхон, Дўстхон, Ҳожимхон, Нурмуҳаммадхон каби хонлар бошқариб турганлар. Шайбоний Убайдуллахон 1537-1538 йилларда Хоразмда қисқа муддат ўз хукмронлигини ўрнатишга эришган бўлса-да, Аванушхон ворислари томонидан тезда Хоразм озод этилди. XVI асрнинг иккинчи ярмида Абдуллахон Иккинчи Хоразмни бўйсундириш учун харакат қилди. Бир неча марта воҳага ўюштирилган истилочилик юришларидан сўнг, 1593 йилда Хоразм ҳам Бухоро хонлиги таркибиغا кўшилди. Лекин, Абдуллахон Иккинчининг ўлимидан сўнг шайбонийлар давлатида бошланган ўзаро ички низолардан сўнг Хоразм яна мустакил давлатга айланди.

XVI асрнинг 70-йилларида Хоразм пойтахти Урганчдан Хива шаҳрига кўчирилади. Унга Амударё ўзанининг ўзгариб Каспий денгизига оқмай қўйиши, Урганч ва унинг атрофларида сув танқислиги юз берганлиги сабаб бўлди. Баъзи манбаларда, Амударё ўзанининг ўзгаришини шайбоний Абдуллахон Иккинчининг фаолияти билан боғлайдилар. У Хоразмни ўзига бўйсундириш учун тўғон қуриб, Амударё оқимини ўзгартиради. Пойтахт Хивага кўчирилгандан сўнг Хоразмдаги бу давлат пойтахт шаҳар номи билан Хива хонлиги деб атала бошланди.

XVII аср бошларига келиб, Хоразм тахти учун бўлган сулолавий курашлардан сўнг Араб Мұхаммадхон (1602-1623) тахтга ўтириди. Бу даврда рус казаклари, козоклар, қалмиқларнинг хонлик худудига талончилик юришлари бўлиб турди. Манбаларнинг гувоҳлик беришича, ҳатто, рус казакларидан 1000 киши, шаҳарда қўшин йўқлигидан фойдаланиб, Урганчга бостириб кирадилар, катта ўлжа ва кўпгина кишиларни қул қилиб олиб кетишга харакат қилдилар. Лекин ўз вақтида етиб келган хон қўшинлари бу босқинчи тўдани бутунлай тор-мор этишга муваффақ бўлади.

Хонликда катта таъсирга эга Дарвиш шайхларининг аралашуви билан Араб Мұхаммаднинг ўғиллари - Хабаш ва Элбарс ҳокимият учун отасига қараш бошлайдилар

ва уни таҳтдан маҳрум этишиб, кўзига мил тортадилар, сўнгра Хивада қатл эттирадилар. Шу тарикә таҳтга Элбарс ўтиради. Қисқа ҳукмронликдан сўнг у ҳам укаси Исфандиёр томонидан таҳтдан туширилди. Исфандиёр ҳукмронлиги даврида (1623-1643) Хива ҳонлигига сиёсий вазият анча кескинлигича қолди. Айниқса, Амударёning кўйи оқимида жойлашган Орол ҳокимлиги (бу ерда ўзбек қўнғиротлари катта сиёсий таъсирга эга эди) марказий ҳокимиятга бўйсунмай, Хоразмнинг сиёсий ҳаётида мухим ўрин тутарди. Туркман қабилаларининг ҳам бу хонга таъсири кучли эди. Улар ёрдамида таҳтга ўтирган Исфандиёр ўзбек қабилалари вакилларини давлат бошқарувидан четлаштира бошлади. Бу ҳонликдаги сиёсий вазиятнинг янада чигаллашувига олиб келарди.

Унинг ўлимидан сўнг Хива таҳтига ўтирган Абулғозихон Хоразм тарихида йирик давлат арбоби ва тарихнавис ижодкор сифатида муқим ўрин тутади. Бу ҳукмдорнинг ҳаёт йўли жуда оғир кечади. Араб Мұхаммаднинг ўғли бўлган Абулғозихон ўз акалари Элбарс ва Хабашлар билан келиша олмаганилиги учун Хоразмни ташлаб чиқиб кетади. У бир қанча муддат Бухорода Имомқулихон саройида яшайди. Таҳтни эгаллаган Исфандиёрнинг таклифи билан 1623 йилда Хоразмга келади ва Урганч шаҳрига ҳоким этиб тайинланади. Лекин тез орада Исфандиёр билан келиша олмай Туркистонга Эшимхон ҳузурига кетади. У ердан Тошкентта келиб, бу ерда 2 йил истиқомат қилади. Бухоро орқали Хивага қайттан Абулғозихонни ўзига жиддий рақиб деб билган Исфандиёрхон уни босқинчиликда айблаб, хибсга олдиради ва Эрон шохи ҳузурига гаров тариқасида жўнаттиради. Исфаҳон яқинидаги Таборак қалъасида 10 йил туткунликда яшашга мажбур бўлган Абулғози 1639 йили ўз назоратчилари ёрдамида Эрондан яширинча чиқиб кетишга муваффақ бўлади ва 3 йилга яқин туркман қабилалари орасида яшайди. 1642 йилда Орол ўзбеклари ҳузурига келади ва улар ёрдамида Хива таҳтини эгаллайди. Унинг ҳукмронлиги даври (1643-1663)да марказий давлат ҳокимияти бирмунча мустаҳкамланди. Кўчманчи туркман қабилалари ва қалмиқларга қарши муваффакиятли курашлар олиб борилди.

Унинг даврида Бухоро ҳонлиги худудларига ҳам талончилик юришлари уюштирилди. Хива қўшинлари Чоржўй,

Қоракўл, Кармана ва Қарши воҳасига хужумлар уюштириб, бу ерларни талон-тарож қилдилар. 1662 йилда тузилган сулхга қарамасдан Хива ва Бухоро ўргасидаги низоли вазият кейинги даврларда ҳам сақланиб қолди. Абулғозихон оғир дардга чалингани учун 1663 йилда ўз ихтиёри билан таҳтдан возкечди.

Унинг вориси Анушаҳон ҳукмронлиги даври(1663-1687)да Хива қўшинлари Бухорога, Самарқандга, Қаршига яна хужумлар қилиб турдилар. 1685 йилда хиваликлар Ғиждувон яқинида қаттиқ зарбага учрагандан сўнгтина бу талончилик юришларга барҳам берилди. Бухоронинг янги хони Субхонкулихон нафақат хиваликлар хужумини тўхтатишга, балки Хивада ўз таъсирини ўрнатишга муваффақ бўлди. Унинг ёрдамида Анушаҳоннинг ўғли Эрнак 1687 йилда Хивада ҳокимиятни эгаллаш учун фитна уюштиради. Лекин ўз отаси Анушаҳонни кўр қилиб, таҳтни эгаллаган Эрнак ҳокимиятни узоқ вақт саклаб қола олмади. Субхонкулихон 1688 йилда Хива таҳтига Шоҳниёзни (1688-1707) ўтказиб, Хивани амалда Бухорога вассал давлатга айлантириди.

Аммо хонликдаги кейинги сиёсий воеалар бу қарамлик киска вақтгина давом этганлигини кўрсатади. Бухоро таъсиридан кутулиш учун Шоҳниёз Россия ҳукмдори Петр I га хат йўллаб, Хивани Россия таркибиغا қўшиб олишни сўрайди. Ўз сиёсатида Шарқни ҳам эгаллашни кўзлаётган рус подшоси учун бу айни муддао эди. 1703 йилда Петр I нинг Хива Россия таркибиغا қўшиб олингандиги тўғрисидаги ёрлиги Хиванинг янги хони Араб Мұхаммад(1707-1714)га топширилди. Лекин Хивани ўзига тобе этиш Россияга ҳали насиб этмаган эди.

Араб Мұхаммад ва унинг вориси Шерғозихон ҳукмронлиги даврида (1715-1728) хонликдаги сиёсий низолар мамлакатнинг иқтисодини ҳам издан чиқарди. Бу вазиятда Пётр I томонидан уюштирилган Александр Бекович - Черкасский раҳбарлигидаги ҳарбий экспедиция хонликка кириб келди. Хива хони Шерғозихон томонидан рус қўшинлари илик кутиб олинди. 6 минг рус аскарини озиқ-овқат ва яаш жойи билан тъминлашни енгиллаштириш учун уларни 3 кисмга бўлиш ҳақидаги хон таклифига биноан, рус ҳарбийлари Зга бўлинниб, турли қишлоқларга жойлаштирилди. Шундан сўнг бу отрядлар Хиваликлар томонидан бутунлай

кириб ташланди. Шу тариқа Россиянинг Хива хонлигини бўйсундириш учун уюштирган бу ҳарбий экспедицияси самарасиз якунланди.

Лекин ташки душман ҳавфи остида бирлаштирилган хиваликлар хатар бартараф этилгач, ўзаро низоларни янги куч билан бошладилар. Ўзаро низоларга фаол аралашиб турган Бухоро хони Абулфайзхон Хивадаги марказий ҳокимиятта карши чиқаётган Орол ҳокимларини кўллаб-кувватлаб турди. Улар эса ўз навбатида Бухорода яшаётган шаҳзода Темур Султонга Хива таҳтини олиб бериш учун харакат қилдилар. Ўзаро урушлар Шерғозихон ўлимигача давом этди. Элбарсхон даври(1728-1740)да ўзаро низолар бирмунча сусайди, лекин қўшни худудларга талончилик юришлари олиб бориш яна жонланди. Унинг даврида Хива қўшинлари Хурросон сарҳадларига ҳарбий юришлар уюштириб катта ўлжа ва асиirlар билан қайтардилар. Бу ўз навбатида Эрон шохи Нодиршоҳни Хоразмга ҳужум қилишга унади. Ҳазорасп ва Хонқа ёнида бўлиб ўтган жангларда ғалаба қозонган эронликлар 1740 йилда Хива хони Элбарсхонни ўлдириб Хоразмни бутунлай бўйсундирилар. Шундан сўнг Хоразмда сиёсий парокандалик бошланди. Хива таҳтида кичик қозок жузидан бўлган, рус фуқаролигини қабул қилган Абулхайрхоннинг қисқа ҳукмронлиги давридан сўнг Нодиршоҳ Хоразмга иккинчи марта юриш қилиб Хивани эгаллади. Шаҳардаги барча эрон ва рус миллатига мансуб қуллар озод қилинди. Хоразм халқига катта солиқ солиниб, Хива Нодиршоҳнинг ноиби томонидан бошқарила бошланди. 1741 йилда Хивада қўзғолон кўтарилиди ва Нодиршоҳнинг ноиби ўлдирилиб, эронликларнинг ҳарбий қўшини кириб ташланди. Таҳтга Нуролихон ўтиради. Лекин Нодиршоҳнинг ўғли Насрулло Хоразмга катта куч билан кириб келгандан сўнг у таҳти ташлаб Даشتி Қипчокка қочиб кетади. Шундан сўнг Хива таҳтида хонлар тез-тез алмашиб турдилар. 1747 йилда қозоқ султони Таибхон таҳтга ўтқазилди (1747-1757). У хонликда катта нуфузга эга бўлган Оталик Ҳузурбекни давлат бошқарувидан четлаштириб, давлатдаги йирик мансабларни қозоқларга бўлиб бера бошлади. Натижада Хивада яна қўзғолон кўтарилиди. Хон таҳти ташлаб қозоқ даштларига қочиб кетганидан сўнг, ҳокимиятни унинг укаси Абдуллахон (1757-1758) эгаллайди.

Хива хонлигига рўй берадиган сиёсий парокандалиқдан Бухоро ҳукмдорлари ўз манфаатлари учун фойдаланишга ҳаракат килилар. Хивада кўтарилиган навбатдаги кўзғолондан фойдаланган Бухоро ҳукмдори Муҳаммад Раҳим Хива таҳтига ўз одами Темур Фоизхонни ўтказади. Шу даврдан бошлаб Хива хонлигига ўзбекларнинг Кўнғирот уруғидан бўлган инокларнинг давлат ҳокимииятидаги таъсири ошиб борди. 1763 йилда Иноқ Муҳаммад Амин амалда Хивадаги биринчи даражали ҳукмдорга айланди. Бу даврда таҳтда расман бир неча хонлар ўтирган бўлса-да, ҳокимият амалда бутунлай унинг кўлида эди. Шаҳарлик савдогарлар, ҳунармандлар ва дин пешволари ёрдамида ўз ҳокимииятини анча мустаҳкамлаган бу ҳукмдор туркманлар ҳужумини(1770), бухороликлар тажовузини(1782) бартараф этиб, марказий ҳокимииятни анча мустаҳкамлади. Махаллий ҳокимлар бебошлигига чек қўйилди. Мамлакатнинг иқтисодий аҳволи яхшиланди. Ҳунармандчиллик, қишлоқ ҳўжалиги ва савдо-сотик ривожланди.

XIX аср бошларига келиб иноклар факат амалда эмас, балки расман ҳам Хива таҳтини эгалладилар. Элтузархон Иноқ(1804-1806) Хива таҳтига ўтирган кўнғиротлар сулласининг биринчи хони ҳисобланади. Унинг вориси Муҳаммад Раҳим 1 (1806-1825) Хива хонлигини бирлаштиришни ниҳоясига етказди. Унинг даврида бир қанча сиёсий, иқтисодий, маъмурий ислоҳотлар ўтказилди. Хон саройи қошида доимий фаолият кўрсатувчи Кенгаш (Девон) таъсис этилди. Ислоҳотлар ўтказилиб соликлар тартибга солинди. Уларнинг мунтазам равишда йиғилиши туфайли ҳазина даромадлари ошиб борди. Божхона ташкил этилиб, ташки савдодан келадиган даромадлар кўпайтирилди. Ички муомала учун оғтин ва кумуш тангалар зарб этилди. 1811 йилда бўйсунмас ороликлар - қорақалпоклар Хива таркибига кўшилди.

Муҳаммад Раҳимнинг ворислари Оллоқулихон даврида (1825-1842) ва Муҳаммад Аминхон даврида(1845-1855) хиваликларнинг Хуросонга талончилик юришлари бирмунча кучайди. Бухоро билан Хива ўргасида Марв вилояти учун тўқнашувлар бўлиб турди. Ҳар икки томон ҳам бу ўзаро низоларда туркман қабилаларидан ўз манфаатлари учун фойдаланишга ҳаракат киларди. 1855 йилда Серахсни қамал қилиш пайтида Муҳаммад Раҳим вафот этди ва Хива таҳтига

Абдуллахон ўтқазилади. б ойдан сўнг у туркманлар билан бўлган жангда ўлдирилгач, таҳтни Кутлуғмуродхон эгаллади. Хива хонлигида сиёсий вазият яна кескинлашиб кетди. Туркман ёвмутлари Ота Муродни, қозоқ ва қорақалпоқлар Жорлик Тўрани хон деб эълон этдилар. Туркманлар Хива шаҳрини босиб олиб Кутлуғмуродхонни ўлдирилдилар. Хонлиқда кўп ҳокимиятчилик юзага келди. Савдо-сотик тўхтаб қолди, бозорлар ёпилди, очарчилик юзага келди. Юқумли касалликлар тарқаб аҳоли шаҳарни ташлаб кета бошлади.

Бу вазиятда Хива таҳтини Саид Муҳаммад эгаллади. У ички низоларни бирмунча бартараф этиб, бўйсунмас туркман ва қорақалпоқ қабилаларига қарши қирғин уюштириди. Натижада кўпгина қорақалпоқлар Бухоро амирилигига ва русларга тобе қозоқ даштларига кўчиб кетдилар.

1859 йилда Оролбўйи қабилалари Хивага қарши яна қўзғолон кўтардилар. Туркманлар томонидан қўллаб-қувватланган Муҳаммад Паноҳ Орол бўйини русларга топшириш режасини тузди ва Оренбург губернаторига хат жўнатди. Лекин Хива хонининг Кўнғиротни катта қўшин билан келиб эгаллаши натижасида Оренбург генерал-губернаторининг Сирдарё флотилияси бошлиғи Бугаковга берган Амударёга ўтиш ҳақидаги буйруғи бажарилмай қолди. Орол бўйида яна Хива хонлиги ҳокимияти тикланди.

1865 йилда Хива таҳтига Саид Муҳаммад Раҳим 11 (1865-1910) ўтириди. “Феруз” таҳаллуси билан ижод қилган бу ҳукмдор ўзбек мумтоз адабиёти ривожига катта хисса қўшган бўлиб, у амалда Хиванинг сўнгти мустақил хони бўлиб қолди. Унинг даврида хонликнинг сиёсий, иқтисодий ва маданий жиҳатидан юксалиш юз берди. Лекин 1873 йилда Хива генерал Кауфман бошчилигидаги рус қўшинлари томонидан босиб олинди ва тузилган сулҳга биноан Хива хонлиги Россияга қарам давлатга айлантирилди.

Давлат тизими. Хива хонлиги хон томонидан сарой амалдорлари ёрдамида бошқариладиган, якка ҳокимчиликка асосланган давлат бўлиб, унинг бошқарув тизими Бухоро ва Кўкон хонликларидан деярли фарқ қилмаган. Хонликдаги энг юқори унвон хон бўлиб, у сиёсий, ҳарбий ва диний ҳокимиятта эга эди. Бухоро ва Кўкон хонлигидан фарқли равишда XIX аср бошларига келиб хон хузурида доимий

фаолият кўрсатувчи Кенгаш (Девон) бор эди. Энг юқори лавозимдаги амалдорлар аъзо бўлган бу кенгашнинг ваколатлари чекланган, барча қарорлар амалда хон томонидан қабул қилинган бўлса-да, лекин сарой аъёнларининг, қабила бошликларининг, маҳаллий ҳокимларнинг давлат бошқарувидағи ўрнини эътироф этиш зарур. Ўзаро сиёсий низоларни бартараф этадиган, марказий ҳокимииятни жойларда маҳаллий бошқарувни амалга оширадиган бу амалдорлар амалда давлат бошқарувида катта кучга эга эдилар. Айниқса, марказий давлат ҳокимиияти заифлашган даврларда бу нарса якқол кўзга ташланади.

Хонликдаги барча мансаб ва унвонларни З тоифага: ҳарбий-маъмурий, ҳарбий ва диний амалларга бўлиш мумкин. Сарой унвонлари ичида Хондан кейин энг катта нуфузга инок, оталиқ ва бий унвонидагилар мансуб бўлган. Улар хоннинг энг яқин маслаҳатчилари бўлиб, давлатнинг сиёсий, иктисадий, молиявий, ҳарбий ҳаётини назорат қилган. Хонликнинг сиёсий-иктисадий ҳаётида улардан ташқари нақиб, амир ул-умаро, меҳтар, күшбеги, беклар беги, девонбеги, парвоначи, дастурхончи, эшик оғаси, шотир, ясовулбоши, удайчи, мингбоши, мирробоши ва бошқа мансабдорлар ҳам муҳим ўрин тутади. Диний ҳокимият шайхулислом бошлиқ дин пешволари қўлида эди. Маҳаллий шайхлар Сайд Ота Шайх авлодлари, Дарвиш шайхлари - давлатдаги нуфузли диний амалдорлар сирасига кирав, барча диний мансаблар уларнинг вакилларига бериларди.

Хива хонлиги давлат тили ўзбек тили бўлиб, Бухоро ва Кўкон давлатларидан фарқли равишда, бу ерда икки тиллилик хукмон эмас эди. Барча фармонлар, давлат ишлари, хужжатлар ўзбек тилида ёзиларди.

Маъмурий тузилиши. Хива хонлиги маъмурий жиҳатдан XVI-XVIII асрларда вилоятларга бўлинган бўлса, XVIII аср охири - XIX аср бошларидан бошлаб, давлатдаги асосий маъмурий бирлик бекликлар деб юритила бошлади. Бу даврда хонликда 16та беклик ва 2та ноиблик мавжуд эди. Улар Ҳазорасп, Гурлан, Хонқа, Кўхна Урганч, Кўшкўприқ, Питнак, Ғазовот, Қиёт, Шоббоз(Шоҳаббоз), Шовот, Тошховуз, Амбарманак, Урганч, Хўжайли, Шўманой ва Кўнгирот бекликлари ҳамда Бешариқ, Қиёт-кўнгирот ноибликларидир. Бу

беклик ва ноибларни хон тайинлайдиган беклар ва ноиблар бошқарап эди. Хива шаҳри эса хон ва бош вазир (инон)нинг измида бўлган.

Шундай қилиб, Хива ҳонлиги маъмурий жиҳатдан ҳозирги Ҳоразм вилояти, Коракалпогистон Республикаси, Козогистон ва Туркманистон Республикаларининг бир кисмини ўз ичига олган давлат эди.

Ҳонликда ўтрок дехқончилик туманларида асосан ўзбеклар яшаб, улар мамлакатнинг асосий кўпчилигини ташкил этарди. Ҳонликда, шунингдек, туркманлар, коракалпоклар, қозоқлар, кам миқдорда тоҷиклар, эронликлар, яхудийлар, арманлар ҳам истиқомат қилишарди.

✓ Ижтимоий тизими. Якка ҳокимликка асосланган ўрта аср мусулмон давлатларида бўлганидек, хон ва унинг аъёнлари катта ижтимоий ҳукукларга эга эди. Лекин бу мустаҳкам қонунлар билан кафолатланмаган бўлиб, ҳокимиятга, яъни чекланмаган ижтимоий ҳукукларга эга бўлишга интигувчи кучлар томонидан доимий равишда хон ҳокимиятига катта хавф мавжуд эди.

Сарой амалдорлари, марказий ва маҳаллий бошқарувнинг юқори поғонларини эгаллаб турган ижтимоий табақалар, ҳарбий маъмурий амалдор ва мансаб эгалари катта ҳукуқ ва имтиёзларга эга ижтимоий табака эди.

Дахлсиз ҳукукларга, аҳолининг барча ижтимоий табақалари катта таъсир кўрсатиш кучига эга бўлган оқсуяк табака - маҳаллий шайхлар ва хожалардан Саид ота, Дарвиш шайхлари авлодлари ҳонликдаги энг нуфузли ижтимоий табака ҳисобланарди. Катта миқдордаги ҳусусий ер мулкларга эгалик қилишдан ташқари улар одатда вақф ерлардан келадиган даромадларни назорат қилишда ҳам кўпгина имтиёзларга эга эдилар. Уларнинг ҳукуклари ва имтиёзлари мутлақо дахлсиз бўлиб, бошқа ижтимоий табакалардан фарқли равишда, сарой фитналари, ўзаро урушлар, ҳукмдор ва ҳукмрон сулола алмашишларига қарамасдан тўлалигича сакланиб қолинарди. ✓

✓ Ҳарбий соҳа. Ўрта Осиё давлатлари ичida Хива ҳонлиги қўшни мамлакатларга доимий хавф солиб турувчи, тез-тез талончилик юришлари уюштириб турувчи давлат сифатида маълум эди. Буни қўшни Бухоро ҳонлиги ҳам, Эрон давлати ҳам ўз бошидан кўп марталаб ўтказилганлиги тарихдан маълум.

Хонликда энг олий бош қўмондон хон ҳисобланади. Нуфузли сарой аъёнларидан бўлган, ўз мавқеи жихатидан хондан кейинги ўринда турган Иноқ ўз хизмат вазифасига кўра ҳарбий-маъмурӣ амалдорларга етакчилик қиласади. Ундан кейинги ҳарбий мансабдор Амир ул-умаро бўлиб, қўшинлар бошлиғи эса саркарда деб аталарди. Хоннинг шахсий гвардияси бошлиғига ясовулбоши унвони берилган бўлиб, у хонни қўриқлаш, тартиб-интизомни сақлашга масъул ҳисобланган. Хонликдаги ҳарбий-маъмурӣ амалдорлар ичидаги мингбоши, юзбоши каби ҳарбий бўлинмалар бошликлари, шиговул (айғоқчи), кутвол (қалъя бошлиғи), тўғбеги каби ҳарбий мансабдорлар ҳам катта аҳамиятга эга эдилар.

Қўшинлар отлиқ ва пиёда навкарлардан ташкил топган бўлиб, ҳарбий талончилик юришлари даврида асосан тез ҳаракат қилувчи отлиқ қўшинлардан, шаҳар ва қалъалар ҳимоясида пиёда қўшинлардан фойдаланган.

Асосий ҳужум қуроллари ўқ-ёй, қилич, найза дубулға бўлиб, ҳимоя учун қалқон, совутдан фойдаланилган. Кўшинни милтиқлар билан таъминлаш паст даражада эди. Замбараклар ҳам хонликда кенг тарқалмаган бўлиб, буларнинг ҳаммаси мунтазам қўшиннинг ҳарбий ишларидағи салоҳиятини кучсизлантиради.

Хива хонлигига ёлланган туркман сарбозлари, турли ўзбек қабилаларидан тузилган қўшинлар асосий ҳарбий куч эди. Жанг олиб бориш усули Чингизхон ва Амир Темур давридаги ҳарбий қонун-қоидаларга асослансанда, аммо бу ҳарбий тартиблар ижодий ривожлантирилмади.

Суд ишлари. Асосий судлов идоралари қозилик маҳкамалари ҳисобланган. Бу маҳкамалар бир неча погонадан ташкил топган. Қонун чиқарувчи, ижро этувчи олий шахс Хон бўлиб, оғир жиноий ишларни у шахсан кўриб чиқиб, ҳукм чиқараади. Ундан кейинги ўринда хонликда бош судья - Қозикалон турарди. Хонликдаги ҳар бир вилоят, туман, қасаба, шаҳарларда хон томонидан тайинланган қозилар бўлиб, улар ўз ёрдамчилари - муфтилар ёрдамида мулкчилик билан бօглиқ можароларни ҳал қилиш, майдаги жиноятларни очиш ва шу сингари ишлар билан шуғулланган. Вилоятлардаги жиноий ишларни кўриб чиқишида маҳаллий ҳокимнинг ҳам иштирок

этиш хукуки бор эди. Қишлоқлардаги майда можаролар қишлоқ оқсоқоли томонидан ҳал қилинарди.

Айбдорларга нисбатан ўлим жазоси (бу жазо фақат хон кўрсатмаси билан амалга оширилган), тана аъзоларини, кўпинча бармоқларни, кўлни (турли ўғирликлар учун) кесиш, калтаклаш, мол-мулкини мусодара қилиш, жарима солиш ва бошқа жазо чоралари тайинланарди. Буларнинг бари Хива хонлигидаги суд ишлари қўшни мусулмон мамлакатларидан айтарли фарқ қилинмаганлигини кўрсатиб турибди.)

Иктисадий ҳаёт. Давлат ерлари, вакф ер эгалиги ва хусусий ер мулклари мавжуд эди. Давлат ерлари хон ва унинг яқинларига тегишли бўлиб, одатда улар сув манбаларига яқин, ҳосилдор ер мулклардан иборат эди. Давлат хазинасига хоннинг шахсий мулки сифатида қараш ҳукмрон эди.

Вакф ерларга одатдагидек, мадрасалар ва диний маҳкамалар, масжидлар, қабристонлар харажатлари учун ахратилган ер-мулклар киради.

Хусусий шахсларга тегишли ер мулклар ичида йирик мансабдор, ҳарбий-маъмурӣ ва диний амалдорларга тегишли ер мулклар катта фоизни ташкил этарди. Қишлоқ жамоалари эгалик қиласидаги ерлар дехқонларга одатда 8-12 таноб килиб бўлиб берилган. Дехқон бу ерда ўз оила аъзолари ёрдамида ишлаган. Ҳосилни йигиши пайтида ҳашар усулидан фойдаланганлар ёки четдан одам ёллаганлар.

Воҳа иктисадининг асосини деққончилик ва чорвачилик, хунармандчилик ва савдо-сотик ташкил этиб, дехқончилиқда Амударё қуи оқимидан олинган кўплаб каналлар ва ариқлар мухим ўрин туттан. Улардан қуидаги 11та йирик каналлар давлат аҳамиятига молик эди:

Питнак канали, Полвон канали, Казовот канали, Шоҳаббаз канали, Ярмиш канали, Қилич Ниёз бий канали, Каракуз канали, Арна канали, Бўзсув канали, Сувволи, Хонканали.

Булардан ташқари умум жамоа ерларини суғоришга мўлжалланган ўртача узунликдаги каналлар ва ариқлар ҳамда хусусий кишиларга тегишли кичик канал ва ариқлар (Шерхон, Найман, Уйғур, Элтузархон) ҳам хонликнинг суғориш тизимида мухим бўғинлар эди.

Хонликда сув манбаларининг етарли эканлигига қара-масдан, дехкончилик тараққиёт Бухоро хонлигидагидек юксак даражада ривожланмаган эди.

Бугдойчилик хонликда кенг ривожланган бўлиб, бу экин Питнакдан Шоҳабbosгача бўлган худудда айниқса кўп экилган. Бугдойи йигиб олинган далаларга қовун, мош, жўхори экилган. Сугориладиган ерларга бугдойнинг саранчи нави экилган. Жўхори Шоҳабbosдан Кўнғироттacha бўлган худудда яшовчи ўзбеклар томонидан етиштирилган. Унинг ҳосили озиқ-овқатга ва отларга ем учун ишлатилган.

Пахтачилик асосан Гурлан, Янги Урганч, Хива, Хонқа, Шоҳабbosда ривожланган эди. Пахта чигитидан ёғ олинар, толаси маҳаллий ҳунармандлар эҳтиёжига ва ташқи бозорга чиқариларди.

Сув кўп талаб қилмайдиган ерларга (Ҳазорасп, Кўнғирот, Тошховуз, Илалли, Казовот, Мангит ва Гурлан) кунжут, нўхат, мош, арпа ва бошқа экинлар экилган. Сабзавот-полизчилик маҳсулотларидан қовуннинг бир неча навларини, тарвуз, бодринг, қовок, қалампир, пиёз, саримсоқ, лавлаги, сабзи ва бошқаларни айтиб ўтиш керак.

Хонликда боғдорчилик ҳам анча ривожланган бўлиб олма, гилос, олхўри, ўрик, узум кўплаб етиштириларди.

Ипакчилик хонликда унчалик ривожланмаган эди. Хивада худди Бухородагидек ипак маҳсулотлар ишлар чиқарилган бўлса-да, улар анча кам микдорда бўлган.

Чорвачилик. Хонликнинг ўтрок декқончилик туманларида қишлоқ ҳўжалигининг бу соҳаси деярли ривожланмаган бўлиб, йирик қорамоллардан декқончиликда фойдаланилган ва гўшт, сут маҳсулоти олиш учунгина боқилган. Воҳа ахолисининг гўштга бўлган талабини хонликда яшайдиган кўчманчи туркман, қозоқ қабилалари тўлиқ таъминларди. Кўчманчи қабилалар йилки, тuya (асосан бир ўркачли туялар) боқишарди. Хонликда Туркманларнинг аргумоқ отларига талаб катта бўлганлигини ҳам айтиб ўтиш керак.

Хунармандчилик. Хунармадчилик бу ўлкада ўз тарихий илдизларига эга соҳа сифатида катта аҳамиятта эга эди. Хунармандчилик марказлари сифатида асосан йирик шаҳарлар, хусусан, пойтакт Хива, шунингдек, Урганч, Ҳазорасп, Тошховуз, Хонқа ва бошқа шаҳарлар катта ўрин тутарди. Маҳал-

лий хом ашё манбалари (жун, тери, ипак, пахта ва бошқалар), четдан келтириладиган металл (мис, чўян) ва бошқа маҳсулотлар Хоразм воҳаси хунармандчилиги тараққиётини белгилаб турган.

Хонликда тўқимачилик, кулолчилик, мисгарлик, дегрэзлик, темирчилик, дурадгорлик, кўнчилик каби анъанавий хунармандчилик турлари, шунингдек, озиқ-овқат маҳсулотлари тайёрлаш билан боғлик хунарлар (ошпазлик, новвойлик, кандолатчилик ва бошқалар) кенг ривож топган эди.

Маҳаллий хунармандлар маҳсулотлари ички бозор эҳтиёжини таъминлаб қолмасдан, баъзи маҳсулотлар кўшни Бухоро, Кўқон хонликларига ҳам чиқарилганлиги маълум.

Савдо-сотик мамлакат иқтисодининг асосини ташкил этарди. Географик жиҳатдан кулаги ҳудудда, йирик карvon йўллари чорраҳасида жойлашган Хоразм воҳаси қадим даврлардан бери давом этиб келаётган тижоратчилик анъаналарига эга юртдир.

Хива хонлигига ҳам ички ва ташки савдо анча ривожланган эди. Ўзаро низоларга қарамасдан хонлик вилоятлари, шаҳар ва туманлари орасида яқин иқтисодий-савдо алоқалари мавжуд бўлганлигини айтиб ўтиш керак. Ички савдода асосан маҳаллий маҳсулотлар (қишлоқ хўжалик маҳсулотлари, хунармандчилик буюмлари) катта ўрин тутган. Хонликдан четга чиқариладиган маҳсулотлар ичидаги хивалик хунармандларнинг нафис буюмларини, турли деҳқончилик маҳсулотларини айтиб ўтиш керак. Россиядан кўргошин, мис, темир, чўян каби турли металлар, Бухоро Кўқон, Эрон, Россиядан олтин, кумуш, хунармандчилик ҳамда қишлоқ хўжалик маҳсулотлари келтирилган.

Хивалик савдогарлар транзит савдо алоқаларида ҳам фаол иштирок этишарди. Хонлик ҳудуди орқали ўтувчи савдо карvonлари (Россия, Бухоро савдогарлари)дан олинадиган бож тўловлари ҳам сарой хазинасига катта даромад келтириб турган.

Соликлар. Асосан хирож, закот, бож, жизъя каби барча кўшни мусулмон давлатларига хос бўлган соликлар ундириб олинган. Уларнинг микдори шариатда белгиланганидек бўлган. Соликлардан ташқари аҳоли турли мажбуриятларни бажариши

шарт эди. Хусусан, каналларни тозалаш, янгиларини қазиш учун илк баҳорда ўз ерига эга бўлган ҳар бир хонадондан бир киши жалб этилиб, 15 кун ишлаб бериши шарт бўлган.

Маданий ҳаёт. Хива хонлиги маданияти кўпгина ўзиға хосликларга эга. Бу адабиёт, тарихнавислик, меъморчилик ва маданиятнинг бошқа соҳаларида яққол кўзга ташланади. Бутун мусулмон дунёсида бўлганидек, Хива хонлигидаги ҳам асосий илм даргоҳлари мадрасалар эди. Куйи таълим, яъни бошланғич мактабда хат-савод чиқарган, ўкиш-ёзишни ўргангандишилар хонлик пойтахти Хивадаги мадрасаларда, шунингдек, Бухоро мадрасаларида ўкиб таълим олардилар. Баъзи манбаларнинг гувоҳлик беришича, XIX асрда хонлиқда 1500га яқин бошланғич мактаб ва 130та мадраса мавжуд бўлган. Хусусан, Хивада 22та мадраса бўлиб, улар ичida Муҳаммад Раҳимхон, Шерғозихон, Раҳмонбердибий, Оллоқулихон, Хоҳа Маҳрам, Фозилбек, Давлат Қоракўз, Бек Ниёз Девон-беги мадрасалари катта мавқега эга эди.

Хоразм маданиятининг энг ривожланган даври XIX асрга тўғри келади. Бу даврда адабиёт, тарихнавислик ва хаттотлиқ, мусиқа санъати, меъморчилик ва маданиятнинг бошқа соҳаларида катта ютуклар кўлга киритилди. Хоразм маданияти ўзбек халқи маданиятининг ажralmas бир қисми бўлиб, ўзининг гўзаллиги, нафислиги ва бетакрорлиги билан ажralиб туради.

Адабиёт. Ўзаро урушлар, иқтисодий танглик ва бошқа ижтимоий-сиёсий сабаблар туфайли Хоразм воҳаси адабий муҳитида ривожланиш бир текисда бормади. Адабиётнинг энг ривожланган даври XVIII аср охири XIX аср ҳисобланади. Бу даврда яшаб ижод этган шоирлар ичida Муҳаммад Ризо Оғаҳий (1809-1874) бадиий мероси катта ўрин тутади. Тарихчи, таржимон ва шоир Оғаҳий ўзидан ғоят гўзал ғазаллардан иборат девон қолдирган. 1832 йилда тузилган “Таъвизул-ошиқин” (“Ошиклар тумори”) девонидаги ғазаллари оғиздан-оғизга ўтиб халқ орасида ҳам жуда машҳур эди. У ўз ижоди билан Алишер Навоий, Лутфий каби буюк шоирлар анъаналарини давом эттирган, халқпарварлик, адолат, юртга муҳаббат ғояларини кўйлаган шоир сифатида ўзбек адабиёти тараққиётига катта хисса кўшди.

XIX аср Хоразм адабий муҳитида шоир, мусиқашунос,

хаттот ва таникли наққош Комил Хоразмий (1825-1899) ўз ўрнига эга ҳисобланади. Унинг ижодида ғазаллар, рубоийлар катта ўрин тутади. Шу билан бирга у мусиқа соҳасида ҳам баракали ижод қилиб, “Мақоми Ферузшоҳ” номли мусиқий асар яратди. Бу асар Мухаммад Раҳимхон(Феруз)га атаб битилган нодир мусиқий асардир.

Хоразм адабий ҳаётида Табибий тахаллуси билан шеърлар ёзган Аҳмад ибн Али маҳрам ижоди, Комдон тахаллуси билан ижод қилган Отажон Тўрани, Хусравий, Муродий, Мухаммад Юсуф Рожий каби бошқа бир қанча шоирларни айтиб ўтиш мумкин. XIX аср 2- ярмида Хивада ижод қилган шоирлар шеърлари Феруз тахаллуси билан шеърлар ёзган Мухаммад Раҳимхон II буйруғига қўра китоб қилинди ва шу тариқа бу давр адабий муҳити ҳақида қимматли маълумотлар берувчи “Мажмуат уш-шуаро” асари яратилди.

Шуни айтиб ўтиш керакки, ҳозирча Хоразм адабий мактаби намояндаларининг барча асарлари тўлиқ ўрганилиниб, илмий доираларга киритилмаган, китобхонлар қўлига етиб бормаган. Бу келгусида тарихчи ва адабиётшунос олимлар олдидаги вазифалардан биридир.

Тарихнавислик. Хоразм ўзининг анъанавий тарихнавислик мактабига эга ўлкалардан биридир. Хива ҳонлиги тарихига бағишлиланган асарларда бу қадимий анъаналар бир қадар сакланганлигини кўрамиз. Бундай тарихий асарлар ичida шубҳасиз Абулғозихоннинг “Шажараи турк” асари етакчи ўрнини эгаллайди. Абулғозихон бу асари ва “Шижарай тарокима” (“Туркманлар шажараси”) асари билан Хоразм тарихнавислик мактабига асос соглан шахсадир. Тарихнависликдаги бу анъаналар кейинчалик Мунис, Оғаҳий ва Мухаммад Юсуф Баёнийлар томонидан давом эттирилди. Хоразм адабий муҳитининг характерли томони шундаки, бу воҳада яратилган барча тарихий-бадиий асарлар ўзбек тилида битилган.

XIX аср бошларида Мухаммад Раҳимхон буйруғи билан сарой тарихчиси, шоир Шермуҳаммад ибн Амир Авазбий Миробал-Мунис (1778-1829) Хива ҳонлиги тарихига бағишлиланган “Фирдавс ул-иқбол” асарини ёзди. Ўзбек тилида ёзилган бу асар “Иқболнома” номи билан ҳам машҳурдир. Хива ҳонлигининг XVIII-XIX аср тарихи ҳақидаги қимматли

маълумотлар берувчи бу асар кейинчалик Оллоқулихон топшириги билан Муниснинг жияни Мухаммад Ризо Оғаҳий томонидан давом эттирилди ва Хива хонлигининг то 1872 йилгача, яъни рус истилочилик юришларига қадар бўлган тарихи баёни билан тўлдирилди.

Оғаҳий томонидан яратилган “Зубдат ут-таворих”, “Риёз ул-давла”, “Жомийъ ул-воеоти султоний” каби тарихий асарлар ҳам Хоразм тарихнавислик мактабининг нодир намуналари дид.


Хива хонлигининг тарихига бағишланган асарлар ичida Мухаммад Юсуф ибн Бобожонбек Баёний(1859-1923)нинг “Шажараи хоразмшоҳий” асари катта ўрин тутади. Бу асарда Хоразм воҳасининг рус армияси томонидан истило этилиши ҳақида қимматли маълумотлар бор. Баёний томонидан “Хоразм тарихи” асари ҳам ёзилган бўлиб, афсуски, у тўлалигича сакланиб қолмаган. Унда хонликдаги сарой амалдорлари, машхур кишилар ҳақида маълумотлар, айниқса, Хива хони Мухаммад Раҳимхон II(Феруз)нинг шоҳ ва шоир сифатидаги тавсифи ўта аниклиги билан ажралиб туради ҳамда Хоразм адабий муҳити ҳақида ҳам бир мунча тўлиқ тасаввур беради.

Хоразмда ўрта аср муаррихларининг асарларини ўзбек тилига таржима қилиш бўйича ҳам катта ишлар олиб борилди. Хусусан Оғаҳий ўрта аср мусулмон муаллифларнинг бир қанча тарихий асарларини - Мирхонднинг “Равзат ус-сафо” асарини, Маҳфий Астрободий ибн Мухаммад Носирнинг “Нодирнома” асарини, Кайковуснинг “Қобуснома” асарини ва бошқа бир қанча асарларни ўзбек тилига таржима қилиб, Хоразм таржи-мончилик мактаби анъаналарини давом эттириди. Мухаммад Раҳимхон (Феруз) хукмронлиги даврида араб тарихчilari Ал-Маъсудий (Х аср)нинг ва Ибн ал-Асир(XII-XIII аср бошлари)нинг асарлари, Баёний томонидан “Тарихи Табарий” асари ўзбек тилига таржима қилинди.

Меъморчилик. Хонликдаги меъморчилик аввало шаҳарлар ривожи билан боғлиқ равишда тараққий этиб борди. Пойтахт шаҳар Хива хонликдаги энг йирик шаҳар бўлиб, у 3 кисмдан: хон қароргоҳи, сарой (Ичон қалъя, Душон қалъя), бевосита шаҳар ва шаҳар атрофи - роботдан иборат эди.

Шаҳарда XIX аср бошларида 22та мадраса, 17та масжид, бир неча карвонсарой, ҳаммом ва ёпиқ бозорлар мавжуд

XIX АСР ЎРТАСИДА ЎРТА ОСИЁ ХОИЛКЛАРИ



эди. Ҳазорасп, Урганч, Тошқовуз, Вазир, Шоҳаббос, Гурлан, Хонқа, Хўжайли, Кўнгирот каби ўрта катталиқдаги шаҳарлар (улар ҳам мудофаа девори билан ўралган), Питнак, Ғазовот, Манғит ва бошқа кичик шаҳарлар бор эди. Хоразм Ўрта Осиёда ўзига хос услугга, ўз меъморчилик мактабига эга бўлган воҳадир. Буни Хивада ва хонликнинг бошқа шаҳарларида XVI-XIX асрларда курилган кўплаб иншоотларида кўрамиз. Бу даврда, айниқса, хонликнинг пойтахти Хива шаҳрида кўплаб иморатлар, саройлар, мадасалар, масжидлар, хона-қоҳлар, карвонсаройлар, ёпиқ бозорлар курилди. Хивадаги меъморий иншоотлар асосан Иchan қалъада курилган. Хоннинг ёзган қароргоҳи бўлган Дошон қалъя (ташқи қалъя) ҳам Хива шаҳарсозлиги ва меъморчилиги ҳақида катта маълумотлар беради. Бу даврда Хивада бунёд этилган иморатлар бизнинг давримизгача яхши сакланиб қолган бўлиб, ҳозирги пайтда бу шаҳар ватанимизнинг “очиқ осмон остидаги музей шаҳар”ларидан биридир. Хивада курилган бинолар, қўшни давлатлардагидек, анъанавий равишда сарой ҳазинаси ёки иирик бойлар маблағлари хисобига куриларди.

Хивадаги меъморий обидалар ичида 1616 йилда барпо этилган Араб Муҳаммад мадрасаси, Анушаҳон томонидан курилган масжид ва ҳаммомларни (XVII аср охири), 1719 йилда курилган Шерғозихон мадрасасини ва бошқа биноларни айтиб ўтиш керак. Улар Хива меъморчилик мактабининг биринчи даврига хосдир.

Хива меъморчилигининг энг ривожланган даври XIX асрга тўгри келади. Бу давр иншоотлари ичида Элтузархон томонидан XIX аср бошларида курилган Кўринишхона биносини, Оллоқулихон даврида курилган Тошқовлини (1832), Сайд бий масжидини(1835), мадрасани, карвонсарой ва бозорни, Муҳаммад Раҳим биринчи даврида барпо этилган Полвон дарвозани, Муҳаммад Аминхон мадрасасини, Полвон ота масжидини(1811), унинг ёнида қурилиши тугалланмай қолган катта минорани ва бошқа кўплаб иншоотларни айтиб ўтиш мумкин.

Хоразм меъморчилигининг намуналари сифатида Ҳазораспдаги Раҳмонқул иноқ саройини ва бошқа шаҳарларда курилган иирик масжидлар, карвонсаройлар ва биноларни ҳам кўрсатиш мумкин.

Хоразмда барпо этилган меъморий иншоотлар нафис безаклари, жим-жимадор нақшлари билан Хоразм меъморчилик мактабининг ўзига хослигини кўрсатиб туради.

XIX асрнинг 2-ярмида Хивада кўплаб мадрасалар ва масжидлар барпо этилган. Улар ичидаги Муҳаммадмурод Девонбеги, Юсуф Маҳрам, Қадам Ясовулбоши, Иброҳим Хўжа, Юсуф ясовулбоши, Ҳусайн Муҳаммадбий, Дўст Олим, Қози Муҳаммад Салим, Исломхўжа, Муҳаммад Панохбий, Баззоз Юсуфбек ибн Фозилбек ва бошقا кишилар томонидан курилган мадрасаларни келтириб ўтиш мумкин.

Хулоса қилиб айтганда, Хива хонлиги XVI-XIX асрлардаги ўзбек давлатчилиги тарихини, жамият ҳаётидаги ўзига хосликларни ўрганишда муҳим ўрин тутадиган давлат сифатида катта аҳамиятта эгадир.

Хива хонлари

1. Араб Муҳаммадхон - 1602-1623 йй.
2. Исфандиёр - 1623-1643 йй.
3. Абулғозихон - 1643-1663 йй.
4. Анушаҳон - 1663-1687 йй.
5. Эрнак (Эренг) - 1687-1688 йй.
6. Шоҳниёз - 1688-1702 йй.
7. Араб Муҳаммад - 1702-1714 йй.
8. Шерғозихон - 1715-1728 йй.
9. Элбарсхон - 1728-1740 йй.
10. Нодиршоҳ (Эрон хукмдори) - 1740-1747 йй.
11. Ғойибхон (Таибхон) - 1747-1757 йй.
12. Абдуллаҳон - 1757-1758 йй.
13. Темур Ғозихон - 1758-1763 йй.
14. Абулғозихон - 1763-1804 йй.


(амалда: Иноқ Муҳаммад Амин - 1763-1790 йй.

Аваз Иноқ - 1790-1804 йй.)

Қўнғиротлар сулоласи ҳукмдорлари

15. Элтузархон - 1804-1806 йй.
16. Муҳаммад Раҳим I-1806-1825 йй.
17. Оллокулихон - 1825-1842 йй.
18. Раҳимқулихон - 1842-1845 йй.
19. Муҳаммад Аминхон - 1845-1855 йй.

20. Абдуллахон - 1855-1856 йй.
21. Кутлимуродхон - 1856й.(6 ой хукмронлик қилган.)
22. Сайд Мухаммадхон - 1856-1865 йй.
23. Мухаммад Раҳим II 1865-1910 йй.
24. Исфандиёр - 1910-1918 йй.
25. Сайд Абдуллахон - 1918-1920 йй. (амалда Жунаидхон).



XVI -XIX асрнинг биринчи ярмида қорақалпоклар

Беҳистун ёзувларида милоддан аввалги VI асрда ҳозирги Қорақалпогистон худудида сака тиграхауда (чўқки кигиз қалпокли) қабилалари яшаб ўтганлиги ҳақида маълумот берилади. VI-VIII асрларда Орол денгизи атрофларида бижанак ва ўғуз этник гурухлари шакланди. Ана шу бижанаклар қорақалпокларнинг аждоди ҳисобланади. VIII-X асрларда - қорақалпок ҳалқи ташкил топа бошлаган даврда, Орол атрофи Кердер вилояти деб аталган.

1221 йилда Чингизхон қўшинлари Урганчни эгаллаб, Амударё тўғонини бузиб ташлади. Энди Амударё Кердер вилояти томон эмас, ғарб тарафга оқа бошлаган; экин ерларининг қуриб қолиши сабабли қорақалпокларнинг бир бўлаги Волга ва Ёйик дарёлари бўйларига, Қора денгиз кирғоқлари, Сирдарё ёқалари сари кўчиб кетганлар.

XII-XIII аср рус йилномаларида қорақалпоклар “черные клубки”, шарқ манбаларида “қора бўркли” тарзида тилга олинади. XIV аср охирларида қорақалпоклар Волга ва Ёйик дарёлари оралиғида ташкил топган Нўғой (Мангит) хонлиги таркибида бўлганлар. Нўғой хони Идигу (Едигей) 1419 йилда ўлдирилгач, таҳт талашишлар натижасида хонлик кучсизланди.

Нўғой хонлигига мангитлар таркибида яшаган қорақалпоклар ўтроқ ва ярим кўчманчи ҳалқ эди. Нўғой хонлигини қорақалпоклар бошқарган.

XVI аср охирида Нўғой хони Исмоил авлодлари ўртасида хокимият учун кураш кучайди. Шу кураш давомида Ўрмамбетбий ўлдирилгач, XVII аср бошларида Тинаҳмаддинг авлоди Эштарак Мирзо хокимият тепасига келади. Унинг даврида ҳам ўзаро урушлар тўхтамади. Улуг Нўғой ўрдаси Азов ва Кубан, Каспий ва Терек дарёлари оралиғида кўчиб, ўтроқлашиб туради. 1613 йили Нўғойлар Хо Урлук бошчилигидаги қалмокларнинг ҳужумига дучор бўлади. XVII асрнинг 30 йилларида қалмоклар Волга ва Ўрол дарёлари куйи оқимларини эгаллагач яйловларидан ажralган нўғойлар ғарбга-Крим тарафга кўчишга мажбур бўлади. Нўғойларнинг Олти

ул улуси Шарқка, Орол денгизи бўйларига келиб ўрнашади. XVII аср охирида қорақалпоклар Сирдарё бўйига кўчиб келганлар.

1714 йилда Сирдарё бўйларида қорақалпоклар Эшимхон(Эшмуҳаммад)ни хон кўтарганлар. Бу давлат Сирдарёнинг кўйи оқими, Волга бўйи қалмоклари, Бошқурт улуси ва қозоқ хонликлари билан чегарадош бўлган. 1722 йилда қорақалпоклар Жунгор қалмоклари хужумига дучор бўлдилар.

1723 йили Жунгор қалмоклари қозоқлар юртига бостириб кирдилар. Қозоқлар уч тарафга бўлинниб кўчиб кетдилар. Сирдарё қорақалпоклари ҳам қозоқларга қўшилиб, бир гурухи Орол тарафга, иккинчи бўллаги Сирдарё бўйлаб юқорига - Тошкент тарафга жилишга мажбур бўлади; Фарғона водийсига келиб ўтроклашади.

Қорақалпок хонлигига Орол бўйлари ҳам қараган. Эшимхон Қораўзак туманида Эшимёп каналини қаздирган. 1715 йили Хива тахтига Шерғози ўтиргач, Орол бўйларини ўзига бўйсундиради. 1723 йили қорақалпоклар Шоҳтемир бошчилигида хонга қарши қўзғолон кўтарадилар ва шунда Шерғози ўлдирилади.

XVIII-XIX асрларда Амударёнинг шарқий тарафидан оқиб, Орол денгизига қўйилган Кўкўзак дарёси бўйидаги кўпсонли қорақалпоклар билан ороллик ўзбекларда дехқончилик, чорвачилик, балиқчилик гуллаб яшинаган. Мазкур дарё бўйида Оқёқиши номли қабилалар уюшмаси вужудга келади. Оқёқиши оти билан машхур бўлган ҳозирги Тахтакўпир тумани худудида сакланиб қолган қальъани халқ Ойдўст қальъа деб атайди.

Хужжатларда XVII-XVIII асрлардаги қорақалпок хонлари орасида Кучукхон, Табурчак сulton бўлгани эслатилади. 1709 йили Табурчак сultonнинг ўғли Ғойиб сulton Ирис Мухаммад (Рисмамбет) қорақалпок ҳукмдори бўлган.

1747-1748 йиллари Абулхайрхон қорақалпоклар устига чоповул ясаган; уларнинг бир қисмини Талас дарёсининг бўйига кўчириб келтириб, дехқончилик билан шугулланишга мажбур қилган. Қорақалпокларнинг асосий қисми Янгидарё ва Қувондарё бўйларида дехқончилик, чорвачилик, овчилик килиб кун кечиришган.

Мухаммад Раҳимхон I Хива хонлигини марказлашган, иқтисодий кучли давлатга айлантириш мақсадида Янгидарё

(Жангадарё) бўйидаги қорақалпоклар устига қўшин тортган, қорақалпок зодагонларини ўз тарафига оғдиришга ҳаракат қилган. Шунинг натижаси ўлароқ коракалпок бийи Ойдўстбийнинг Янгидарё бўйидаги қорақалпокларни Орол бўйига кўчириб келтиришига ёрдам берган:

Амударё этакларида яшовчи қорақалпоклар ҳам Хива хонлиги қарамогига ўтган.

XIX асрнинг биринчи ярмида қорақалпокларнинг ижтимоий-сиёсий ҳаётида жиддий ўзгаришлар юз бера борди. Бу ўзгариш аввало уларнинг энди кўпроқ дехқончилик билан шуғулана бошлашида намоён бўлди.

Қорақалпоклар ҳаётида балиқчилик муҳим ахамият касб этади. Эндиликда балиқчиларнинг қишлоқлари вужудга келди. Сол устига қурилган сузиб юрувчи уйлар пайдо бўлди. Бу даврда хунармандчилик маълум даражада қаддини ростлаб бормокда эди. Қорақалпоклар эндиликда олача, дағал ип газлама мато, гилам тўқий бошладилар, ёғочдан турли буюмлар ясай бошладилар, тери пиширдилар, эгар, юган, айил, кигиз тайёрлаш билан шуғулландилар.

XIX асрнинг ўргаларида бир бой қорақалпокнинг қўргони атрофида бозор пайдо бўлди, кейинчалик бу ерда Чимбой шаҳри барпо этилди. Ўзининг қулай географик ҳолати туфайли шаҳар мъумурӣ марказга айланди.

Қорақалпоклар ижтимоий ҳаётида уруг-қабилачилик анъяналари устун эди. Ерга жамоа эгалиги хукмон эди.

XIX аср бошларида қорақалпок ерида янги-янги уруглар вужудга кела бошлаган. Масалан, 1810 йилда эл қабиласидан чиккан қиётли қорақалпоклар бийи Экиликтининг 400-500 ўтовига қўнғирот ва мангитлардан 200 ўтов қўшилган. Бундай ҳолат бошқа ўтовларда ҳам содир бўлган. Натижада 14 улус деб ном олган йирик уруглараро бирлашма ташкил топган.

XIX аср ўргаларидан бошлаб қорақалпок ерида ҳам уруг-қабилачилик муносабатларида ўзгариш бошланди. Айни пайтда ерга жамоа бўлиб эгалик қилиш ҳам барҳам топа бошлади. Эндиликда унинг ўрнида йирик заминдорлик қарор топди. Улар орасида 15 минг танобгача ерга эгалик қилувчилари ҳам бор эди.

XIX аср бошларидан бошлаб Хива хонлиги қорақалпокларни ўзига тобе этиш учун кураш бошлади. 1803 йилда

хон Элтузар қабилаларо низодан фойдаланди ва қорақал-покларнинг хитой қабиласини бўйсундирди.

1811 йилда қорақалпоклар Хива хонлиги таркибига кирганлар. Хон қорақалпоклар ерида қальалар қурдира бошлади. Қорақалпоклар энди хон учун ҳарбий мажбурият ўтайдиган бўлдилар.

Уруш даврида қорақалпоклар 1000 нафардан 2000 нафаргача навкар етказиб бериш мажбуриятини олдилар. Бундан ташқари, уруш пайтида ҳар бир хўжалик қозон солиги деган солик тўлашга, сугориш иншоотларини куриш ва таъмирлаш ишида иштирок этишга дучор этилганлар. Қорақалпоклар 1827 йилда хонга қарши кўзголон кўтардилар. Кўзголонга қорақалпокларнинг энг бадавлат тоифаиларига мансуб Оидўстбий раҳбарлик килган.

Муҳаммад Раҳимхон I даври(1806-1825)да Оидўстбий юкори мансабга кўтарилиб, саройга яқинлашган. Муҳаммад Раҳимхон тахтга ўтирган куни унга зарбоф тўн, олтин сопли ҳанжар совға қилинган. У барча қорақалпок ҳалқининг бийи даражасига кўтарилган. Ўшанда Орол, Кўнгирот эли Тўрамурод сўфи бошчилигида мустақил бўлишга ҳаракат қилган.

Бу ҳаракат олдидан Оидўстбий хондан ёрдам сўраган. Хива хони ёрдамида Оидўстбий Оқёқишиш бўйида (хозирги Тахта-кўпир туманида) улкан кўргон қурдирган.

Кўзголон олдидан қорақалпоклар орасида солик йигиши учун Гадойниёз маҳрам юборилган. У қорақалпокларнинг хитой қабиласи бошлиги Бекгўлатбийдан кўзголон тайёрланадётгани тўғрисида эшитади. Шундан кейин маҳрам кўнгирот қабиласи бошлиги Чўнқорабийнинг ўғли Қобилбий хузурига келади. Унинг уйида қолиб, одамларини Хивага жўнатади. 1827 йил 25 июль куни хон Оидўстбий бошчилигидаги тайёрланадётган кўзголон ҳақида эшитади. Хон Оидўстбий кўзголончиларини йўқотиш учун махсус қўшин тўплаб, унга Муҳаммад Назарбий иноқни кўмондон тайинлайди ва Ҳўжайли шахрига жўнатади. Шаҳар атрофида аскарлар ўрнашади.

Оидўстбий қорақалпок кадхудо ва бийларини тўплаб, Орол денгизи бўйида Сори атов деган мавзеда машварат қиласи. Йигилганлар маслаҳати билан қорақалпок овулларига отлик чопарлар жўнатиб, шундай буйруқ беради: “Ҳамма бола-чақаси билан кўзголонга йигилсин. Кимда-ким бош

тортса, у душман ҳисобланади”. Натижада барча қорақалпоқлар тўпланиб қулай ерда хандак қазиб, шоҳ-шаббалар ва аравалар билан мудофаа тўсиги қуришган. 29 июлда Ойдўстбий ўзининг икки ўғли Ризо ва Тўрани 300 ботирга бош қилиб, Кўнгирот кўргонига чоповулга юборади. Ўшанда Кўнгирот ҳокими Мухаммад Яъқуб Мушриф кўрғон мудофаасини ўюштирган. Уруш пешингача давом этган. Ойдўстбий аскарларининг бир қанчаси нобуд бўлган. Баъзилари денгиз томон қочган. Ризо ҳам, Тўра ҳам бор имкониятни ишга солсалар-да, енгилганлар.

Хўжайли шаҳри атрофида турган Мухаммад Назар иноқ ҳамда Мухаммад Ризо күшбеги учун ҳам хоннинг қўзғолончиларга қарши қўшин юбориш ҳақидаги фармони келади. Улар ёвмут ва шавдор қабилаларидан аскар тўплаб, Суйинбий, Дўсимбий, Мухаммад Ниёз ясовулбошилар бошчилигида кўзғолончиларга қарши жўнатади. Булар орасида қорақалпоқлардан йигилган одамлар ҳам бор эди. Жумладан, Давлатназарбий бошчилигида аскарлар Ойдўстбий қўзғолончиларига қарши жўнатилади. Ойдўстбий одамларининг енгилганини эшлигиб, ўзига яқин одамлари билан Сори отовни ташлаб кетишга мажбур бўлади ва Кўқон тарафга йўл олади. Мухаммад Назар иноқ унинг хабарини эшлигиб, Ойдўстбий одамлари ортидан сараланган қўшин жўнатади. Қўшин икки кун деганда Чирикработ мавзеида Ойдўстбий одамларини ўраб оладилар. Натижада кўзғолончилар мағлубиятга учрадилар.

Қорақалпоқ халқининг маданияти. Чимбой, Кўнгирот, Хўжайли шаҳарларида қорақалпоқ хунармандлари кўпчиликни ташкил қылган. Масалан, темирчи, дурадгор, кигиз босувчилар, заргарлар, бўёқчи, кулолчи, тўқимачи кабилар. Устахонада 3-4 одам ишлаган. Шогирдлар 12-13 ёшдан қабул қилинган.

Орол денгизи бўйи Тербенбес овулида Арзимбет заргарнинг ишлари тарихий асарларда таъкидланади. У қорақалпоқ аёлларининг севимли безаги савкалани мохирона ишлаган. Сирға, билагузук, узук, ҳайкал, ўнгирмунчоқ, зебигардон туморчалар ҳам ясаган. Айниқса, қорақалпоқ йигитлари киядиган чўгирмаларини тикиш юксак маҳорат талаб этган.

Яна бўрк тикиб кийишган. Уни қорақалпоклар қуроч деб аташади. Шоир Иброим Юсупов:

“Бир отинг чўтирма, бир отинг курош,
Замонинда бош кийим бўлганинг рос”.
дека ғурур билан куйлади у ҳақда.

Аёллар, қизлар кийимлари орасида ҳам асрлар оша қадри тушмай келаёттандили бор.

Қорақалпоклар Нукус, Қиёт, Қўнғирот, Қипчоқ каби шаҳарларда яшаганлар. Зарафшон водийсида XIX асрнинг биринчи ярмида қароқалпокларнинг 37 овули мавжуд бўлган. Мазкур шаҳарларнинг энг йириги Қўнғирот бўлиб, у Оролликлар маркази бўлган. Хўжайли Орол бирлашмаси билан Хива орасидаги савдо маркази бўлиб, божхона шу шаҳарда жойлашган.

Яна Мангит, Чимбой, Жангара қалъя, Ойдўс қалъя, Эрназар қалъя, Кўк ўзак, Эшон қалъя шаҳарлари қорақалпок ҳалқи томонидан яратилган маданий ва меъморчилик ёргорлиги марказлари ҳисобланади.

Қорақалпок ёшлари Бухоро ва Хива шаҳарларида ўқиганлар. Қорақалпоклар юртида XIX аср бошларида 318та мактаб, Қоракум Эшон, Қалила охун, Эгамберган охун, Ойибет эшон, Эшонқалъя ва бошқа мавзеларда мадрасалар бўлган.

Қорақалпоклар ўз тўй-маъракаларини қўшиқсиз, достонларсиз, тарихий ҳангомаларсиз ўтказмайдилар. Уларнинг ҳалқ оғзаки ижоди жуда бой. Қорақалпок фольклор намуналари 20 жилдлигининг нашр этилгани фикримизнинг далилидир. Улар ўз сўз усталари бўлган чечанларни, жиров-бахшиларини қаттиқ севади. Эл оқсоколлари, раҳбарлари ёнидан қиссаҳонлар аримаган.

Ўзбекларнинг афандиси бўлса, уларнинг Ўмирбек лаккаси бор.

Қорақалпокларнинг қаҳрамонлик достонлари қадимдан маълум. Улардан “Қирққиз”, “Алпомиш”, “Қўблан”, “Мастподшо”, “Едигей” достонларида қорақалпокларнинг воқеаларга бой тарихи куйланади. “Едигей” достонида Амир Темур, Тўхтамиш билан боғлиқ воқеалар баён этилса, “Қирққиз”да қорақалпок ҳалқининг XVIII асрда Жунгор қалмоқларига қарши озодлик кураши, Хоразм ҳалқининг Эрон шохи Но-

диршохга қарши кураши ўз бадиий ифодасини топган.

Қорақалпокларнинг халқ қўшиқларида эл йўлбошлилари, қаҳрамонлари Маман ботир, Эсангелди маҳрам, Ойдўстбий, Эрназар бийлар улугланади.

Қозоқ маърифатпарвар олими Чўқон Валихоновнинг “Қорақалпоклар саҳродағи биринчи шоир ҳам қўшиқчилар, шундан кейин кирғизлар ҳам туркманлар”, деган сўзлари бежиз айтилмаган.

Қорақалпок ҳалқ оғзаки ижоди жанр жиҳатидан лирик ва эпик асарларга бўлинади.

Қорақалпок адабиётида XVII-XVIII асрлардаги тарихий воқеаларни бадиий шаклда акс эттирган “Қирққиз” достони алоҳида ўрин тутади. Бу асар қорақалпок ҳалқ қаҳрамонлик эпосидир.

Асар эркесеварлик, ватанпарварлик ва инсонпарварлик тоялари билан суғорилган.

Асарнинг бош қаҳрамони Гулойим ўзининг қирқ нафар дугонаси ва ўз севгилиси Арслон билан бирга Эрон шохи Нодиршоҳ ҳамда қалмоқ хони Суртойша ҳужумидан юртини ҳимоя қилишга отланади. Гулойим Хоразмни озод қилиб, у ерда қорақалпок, турқман, ўзбек ва қозоқ ҳалқлари вакилларини бирлаштирган давлат тузади.

Асарда Гулойим билан бир қаторда жанг қилган Олтиной, Ўтбосган, Арслон, Сарвиноз кабилар тимсолида мардлик, жасурлик, ватанпарварлик, инсонийлик, айни пайтда душманга нисбатан шафқатсизлик хислатлари ўз ифодасини топган.

Қорақалпок ёзма адабиёти. XVIII асрдан бошлаб қорақалпок ёзма адабиёти шаклланди ва ривожлана бошлади.

XVIII - XIX асрнинг биринчи ярмида қорақалпок адабиётининг кўзга кўринган қатор намояндалари қалам тебраттганларки, уларнинг номлари бугунги кунда ҳам ардокланади. Улардан бири Жиен Жиров (1730-1784) эди. У машхур баҳши сифатида камол топди. Айни пайтда шеърлар ҳам битди. “Хайр энди, дўстлар”, “Юрагимда кўп догим”, каби шеърларида жамиятдаги ноҳақликлардан нолийди.

Жиен Жирав ҳажвий асарнинг ҳам устаси эди. У “Хой хонимиз, хонимиз”, “Хон ёнида тўралар” каби ҳажвий шеърларини яратган.

Маълумки, қозоқ хони Абулхайрга қарши олиб борилган урушда қорақалпоклар енгилган эди. Бу мағлубият натижасида улар азоб-уқубатларга дучор этилган. Хусусан, Сирдарё бўйларидаги қорақалпоклар ҳар ёққа тарқаб кетганлар. Уларнинг бир қисми Тошкент атрофига (Чирчик бўйларига), бошқа бир қисми эса Қизилкум орқали Хоразмга (Оролденгизининг жанубий соҳилиларига) кўчиб кетганлар. Мана шу машаққатли кўчишларнинг гувоҳи бўлган **Жиен Жиров** ўзининг “Дарбадар эл” номли достонини яратган эди.

Қорақалпок адабиётининг кўзга кўринган вакилларидан яна бири Кунхўжа Иброҳим ўғли (1799-1830)эди.

Унинг бутун умри муҳтожликда ўтган. Шоирнинг “Ўроқчилар”, “Оқ қамиш”, “Чўпонлар” каби шеърлари дикқатта сазовордир.

Ажиниёз Касибай ўғли (1811-1878) қорақалпоқ халқининг атоқли шоирларидан бири. Мўйнокдаги эски мактабда ўқиган. Кейин Хивадаги Шергозихон мадрасасида илм олган.

Шоирнинг “Бўзатов” достонида қорақалпоқ халқининг бошқа юртларга кўчиб кетишга мажбур этилганлиги, катта маҳорат билан баён этилган. Ажиниёз шоир шеърларида ватанпарварлик, инсонпарварлик ғоялари устун туради.

Шоир Ажиниёзни бутун Ўрта Осиёда танитган асари “Қиз Менгаш билан айтишув” асари эди.

Қорақалпоқ халқи адабиёти унинг асосчиси Бердақ (1827-1900) номи билан машхурдир.

Бердимурод Қарғабой ўғли Бердақ ёшлигидан отонасидан етим қолиб, бир бурда нон учун овулма-овул иш кидиришга мажбур бўлган. У ижодини 18-19 ёшларида дўмбира чертиб шеър айтишдан бошланган. 25 ёшида истеъоддли шоир сифатида халқ орасида танилди. Унинг шеърларида халқнинг ҳаёти акс эттирилган.

Бердақ тарихий мавзуларда ҳам қалам тебратган. Унинг “Авлодлар”, “Омонгелди”, “Ойдосбий”, “Эрназарбий” каби асарларида халқ қаҳрамонлари фаҳр билан куйланади.

Хулоса

Ўзбек халқи тарихи чукур илдизларга ва бой ўтмишга эга. Бу тарих энг кадимги даврлардан бошлаб кўп минг йиллар давомида ривож топган аждодларимиз ва халқимиз тарихи сифатида тан олиниб ўрганилади. Чукур таҳлил ва илмий мавзууни умумлаштиришигина ўтмишни изчил ўрганиш, унинг ўзига хос жиҳатларини аниклаш, тараққиёти конуниятларини тушунишга имкон яратади.

Президент И.А.Каримов тарихнинг аҳамияти ҳақида маҳсус таъкидлаб ўтадилар: “Миллий мафкуруни шакллантиришдаги энг катта манба - бу ҳакқоний ёритилган тарихдир. Тарихни билмай туриб, мафкурунинг фалсафий негизларини англаб бўлмайди”¹. Юртбошимиз халқимизнинг тарихий-маданий анъаналари ва инсонпарварлик қадриятлари асосида таркиб топаётган миллий истиклол мафкурага бўлган заруриятни асослаб, унинг моҳиятини очиб берди. Ўзбекистоннинг барча фуқаролари манфаатларига хизмат қиласидиган миллий ғоя мамлакатимизни бугунги ва истиқболдаги тараққиёти, унинг ривожи ва гуллаб яшнаши билан узвий боғланади. Бу ҳар бир фуқаро, бутун жамиятнинг фаол ҳаракат килишини тақозо этади, зеро, улар республика мустақиллиги белгилаб берган мақсад ва вазифаларни рўёбга чиқариш учун сафарбар этиладилар. Мустақиллик мафкураси эркин жамият қуришнинг маънавий асосларини кўрсатиб беради. Бундай эркин жамият барча фуқароларнинг орзу-истагидир. Кишилар онгидаги бундай инициалишининг шаклланishiни ҳам мафкурунинг интеграция-бирлаштирувчи вазифаси белгилайди. Олдимиизда турган муаммоларни мудаффакиятли ҳал этилишига кўмак берувчи йўлларни тадқик этиш, қидириш жуда мухимдир. Бу борада тарихий онгни шакллантиришнинг аҳамияти бекиёсдир. Хукукий давлатнинг ва демократик жамиятнинг шаклланishiда гуманитар таълим мухим ўрин тутади. Бу борада мамлакатимизда муайян мақсадларга йўналтирилган тарихий таълимий сиёsat бошлангани алоҳида аҳамият касб этади. Ўзбекистоннинг янги тарихи муаммоларини тадқик этиш, тарихни ўрганишга янгича ёндошув бу фанни ўқитиши услубиятини ва Ўзбекистон тарихи бўйича янги дарслар яратиш масаласини сифат жиҳатидан тамоман янги ва жиддий поғонага кўтаришга хизмат қиласиди. Бугунги кунда халқимиз тарихи бўйича қатор янги мактаб дарслар яратилди ва нашр этилди. Бу дарсларни синовдан ўтказиш жараёни уларнинг айримлари бу фанни ўрганиш-ўргатишда сифат жиҳатдан янги

¹ Донишманд халқимизнинг мустаҳкам иродасига ишонаман. Президент Ислом Каримовнинг “Фидокор” газетаси мухбири саволларига жавоблари. “Фидокор”, №69 (168), 2000 йил, 8 июнь.

даражага кўтарилиганини кўрсатмоқда. Умумий ўрга таълим мактаблари учун Ўзбекистон тарихи ва жаҳон тарихи бўйича таълимнинг давлат стандарти ва ўқув дастурларининг ишлаб чиқилиши ва нашр этилиши бу соҳадаги вазифаларимизни белгилаб беради. Олий тарихий таълим соҳасида ҳам чукур ислоҳотлар ўтказилмоқда, муайян ишлар амалга оширилмоқда. Хуллас, ўтиш даврига хос бўлган объектив муаммолар мавжудлигига қарамай, тарих фани ривожида боскичма-боскич даврий янгиланишларни кузатиш мумкин.

Муаллифлар жамоаси томонидан тайёрланган ушбу китоб тарихчилар олдига қўйилган вазифаларни амалиётта татбиқ килиш йўлидаги тадбирлардан биридир. Китобда ўзбек халқи ва унинг аждодлари ўз давлатчилик тизимига қайси даврдан бошлаб эга бўлганлиги, халқимизнинг давлатчилиги тарихининг асосий боскичлари ва омиллари, сиёсий, ижтимоий - иқтисодий ва маданий жараёнларнинг ўзига хос асосий хусусиятлари ва бошқа масалалар таҳлил этилди. Бундан мақсад кенг китобхонларни ушбу муҳим мавзулар билан танишириб чиқищдан ташқари, республика гуманитар фанлар соҳасидаги олимларни ушбу китоб мухокамасига жалб этиш, таҳлил этилган муаммолар юзасидан холис фикр-мулоҳазаларини олишдир. Янги фикрлар, таклифлар ва тадқиқотлар асосида ўзбек халқи давлатчилиги мавзусини ўрганишда аник мақсадга қаратилган янги йўналишлар пайдо бўлади.

Ватан тарихи ва бой маданий меросимизни ўрганиш ватанпарвар инсонни шакллантиришнинг муҳим омилидир. Зеро, ватанпарвар фуқаро учун Ватан, халқ, жамият ва давлат тушунчалари мукаддас бўлмоги лозим. Шунинг учун ҳам ватанпарварлик мағкурасининг шаклланиши жараёнида барча олим ва ўқитувчиларнинг имкониятларини кенг микёсда гуманитар-таълимий сиёсатни муваффақият билан амалга ошириш мақсадларига йўналтириш муҳим вазифадир. Ижтимоий йўналишдаги мутахассисларнинг бундай бирлашуви, уларнинг илмий ва ўқув-услубий ҳамкорлиги ижобий натижаларга олиб келишига ишончимиз комил. Бугунги давр - бирлашиш ва бунёдкорлик давридир.

Адабиётлар рўйхати

- 1.Каримов И.А. Ўзбекистон: миллий истиклол, сиёсат, мафкура. Нутқлар, мақолалар, сұхбатлар. Т., “Ўзбекистон”, 1993.
- 2.Каримов И.А. Ўзбекистон буюк келажак сари. Асарлар тўплами. Т., “Ўзбекистон”, 1998.
- 3.Каримов И.А. Жамиятимиз мафкураси халқни-халқ, миллиатни-миллат қилишга хизмат этсин. Т., “Шарқ”, 1998.
- 4.Каримов И.А. Тарихий хотирасиз келажак йўқ. Т., “Шарқ”, 1998.
- 5.Каримов И.А. Кучли давлатдан кучли жамият сари. Т., “Шарқ”, 1998.
- 6.Абаев В.И. Миф и история в Гатах Зороастра. “Историко-филологические исследования”. Памяти Н.И. Конрада. М., “Наука”, 1974.
- 7.Абу Райҳон Беруний. Қадимги халқлардан қолган ёдгорликлар. Танланган асарлар. Т., “Фан”, 1968.
- 8.Абдурахмон Толеъ. История Абулфайзхана. Т., “Фан”, 1959.
- 9.Абдулваҳҳоб Ҳаллоф. Усул ул-Фикҳ. Т., “Адолат”, 1997.
- 10.Абулғози. Шажараи турк. Т., “Чўлпон”, 1990.
- 11.Абуль-Гази Багадур - хан. Родословное древо тюрков. М. -Т.-Б., 1996.
- 12.Авесто. “Санъат”, 1991, № 5-12, 1992, № 1.
- 13.Авесто. “Гулистон”, 1999, № 1-5.
- 14.Адамс Р. Изучение бронзового века Месопотамии и соседних регионов. “Древние цивилизации Востока”. Т., “Фан”, 1986.
- 15.Аминов Б. Қашқадарё вилояти эпиграфик ёдгорликлари. Тўплам: “Ўзбекистон қадимда ва ўрта асрларда”. Республика ёш тарихчи олимлари илмий анжумани маърузалари. Самарқанд, 1993.
- 16.Аминов Б. Кеш амирлари. Қадимги Кеш-Шахрисабз тарихидан лавҳалар. Т., “Шарқ”, 1998.
- 17.Аннаев Т., Шайдуллаев Ш. Сурхондарё тарихидан лавҳалар. Т., “Ўзбекистон”, 1997.
- 18.Ариян. Поход Александра. Перевод М.Е.Сергеенко. М.,-Л., 1962.
- 19.Ахмедов Б.А. Улуғбек. Т., “Камалак”, 1989.
- 20.Ахмедов Б.А. Ўзбекистон халклари тарихи манбалари. Т., “Ўқитувчи”, 1991.
- 21.Ахмедов Б.А. Ўзбек улуси. Т., Абдулла Қодирий номидаги “Мерос”, 1991.
- 22.Ахмедов Б.А. Амир Темурни ёд этиб. Т., “Ўзбекистон”, 1996.
- 23.Ахмедов Б., Мукминова Р., Пугаченкова Г. Амир Темур. Т., “Университет”, 1999.
- 24.Бартольд В.В. Туркестан в эпоху монгольского нашествия. Соч.т.І. М., 1963.

- 25.Бартольд В.В. История культурной жизни Туркестана. Соч. т. II. М., 1963.
- 26.Захириддин Мухаммад Бобур. Бобурнома. Т., “Фан”, 1960.
- 27.Беленицкий А.М., Бентович И.Б., Больщаков А.А. Средневековый город Средней Азии., М., “Наука”, 1973.
- 28.Бойс М. Зороастрйцы. Верования и обычаи. М., “Наука”, 1987.
- 29.Буниятов З.М. Государство Хорезмшахов - Ануштегинидов. М., “Наука”, 1986.
- 30.Бухоро тарихи. Муаллифлар гурухи. Т., “Фан”, 1974.
- 31.Вамбери X. Бухоро ёхуд Мовароуннар тарихи. Т., “Faфур Фулом”, 1991.
- 32 Вишневская О.А. Культура сакских племен низовий Сырдарьи VII-V вв. до н.э. Тр ХАЭ, т. VIII, М., “Наука”, 1973.
- 33.Воробьева М. Г. Проблема “Большого Хорезма” и археология. В кн: “Этнография и археология Средней Азии”. М., “Наука”, 1971.
- 34.Гардизи Абу Саид. Зайнулахбор. Украшение известий. Т., “Фан”, 1991.
- 35.Геродот. История. В девяти книгах. Перевод Г.А.Стратановского Л., “Наука”, 1972.
- 36.Гулямов Я.Г., Исламов У., Аскarov А. Первобытная культура и возникновение орошающего земледелия в низовьях Зарафшана. Т. “Фан”, 1966.
- 37.Дандамаев М.А. Политическая история Ахеменидской державы. М., “Наука”. 1985.
- 38.Дандамаев М.А., Луконин В.Г. Культура и экономика древнего Ирана. М., “Наука”, 1985.
- 39.Дорошенко Е.А. Зороастрйцы в Иране. М., “Наука”, 1982.
- 40.Жабборов И.М. Кўхна ҳаробалар сири. Т., “Ўзбекистон”, 1968.
- 41.Жувонмардиев А. XVI-XIX асрларда Фарғонада ер-сув масалалариға доир. Т., “Фан”, 1965.
- 42.Зиёев Ҳ.З. Ўрта Осиё ва Сибир (XV-XIX асрлар). Т., “Фан”, 1962.
- 43.Зиёев Ҳ.З. Ўрта Осиё ва Волга бўйлари. Т., “Фан”, 1965.
- 44.Зиёев Ҳ.З. Туркистанда Россия тажовузи ва ҳукмронлигига қарши кураш. Т., “Шарқ”, 1998.
- 45.Зиёев А. Ўзбек давлатчилиги тарихини ўрганиш манба-шунослиги. “Ўзбекистон тарихи”, 1999, № 1.
- 46.Зиёев А. Ўзбек давлатчилиги тарихи (энг қадимги даврдан Россия босқинига қадар). Т., “Шарқ”, 2000.

- 47.Ибн Арабшоҳ. Амир Темур тарихи. I ва II китоб. Т., “Мехнат”, 1992.
- 48.Итина М.А. История степных племен Южного Приаралья. Тр.ХАЭ, т 10., М., “Наука”, 1977.
- 49.Исҳоқов М. Унугилган подшоликдан хатлар. Т., “Фан”, 1992.
- 50.Йўлдошев М. И. Хива хонлигига феодал ер эгалиги ва давлат тузилиши. Т., “Фан”, 1959.
- 51.Кабиров А., Сагдулаев А. Ўрта Осиё археологияси. Т., “Ўқитувчи”, 1990.
- 52.Кабиров А. Сармишойнинг қоятошларида расмлар. Т., “Фан”, 1976.
- 53.Квант Курций Руф. История Александра Македонского. Под.ред.В.С. Соколова. М., “Наука”, 1963.
- 54.Мавлонов Ў. М. Насаф-Қарши тарихидан лавҳалар. “Жамият ва бошқарув”, 1998, 4-сон.
- 55.Мавлонов Ў.М. Некоторые особенности экспорта из Кашкадарынского оазиса в XVIII-XIX вв. Тўплам: “Ўзбекистон тарихи ва маданияти муаммолари”. Т., “Университет”, 1996.
- 56.Массон В.М. Средняя Азия и Древний Восток. М., “Наука”, 1964.
- 57.Махмуд ибн Вали. Море тайн относительно доблестей благородных. Пер. Б.Ахмедова. Т., “Фан”, 1977.
- 58.Мирзо Улугбек. Тўрт улус тарихи. Т., “Чўлпон”, 1994.
- 59.Махмудов Т. Авесто ҳақида. “Гулистон”, 1999, 4-5 сонлар.
- 60.Мир Мухаммад Амин Бухорий. Убайдулла Наме. Т., “Фан”, 1957.
- 61.Мўминов И. Амир Темурнинг Ўрта Осиё тарихида тутган ўрни ва роли. Т., “Фан”, 1993.
- 62.Муҳаммад Юсуф Мунши. Мукимханская история. Т., “Фан”, 1956.
- 63.Муҳаммаджонов А.Р. Қадимги Тошкент. Т., “Фан”, 1988.
- 64.Муҳаммаджонов А.Р. Қадимги Бухоро. Т., “Фан”, 1991.
- 65.Муҳаммаджонов А.Р., Незматов Т.Н. Бухоро ва Хиванинг Россия билан муносабатлари тарихига доир баъзи манбалар. Т., “Фан”, 1957.
- 66.Муҳаммад Солих. Шайбонийнома. Т., “Faafur Fулом”, 1989.
- 67.Набиев Р.Н. 1847 йил Тошкент кўзғолони ва унинг ижтимоий-иқтисодий шарт-шароитлари. Т., “Фан”, 1966.
- 68.Наршахий Муҳаммад. Бухоро тарихи. Т., “Фан”, 1966.
- 69.Насимхон Раҳмон. Турк хоконлиги. Т., 1990.
- 70.Низомулмулк. Сиёсатнома. Т., “Адолат”, 1997.
- 71.Низомиддинов И. XVI-XVII асрларда Ўрта Осиё ва Хиндистон муносабатлари. Т., “Фан”, 1966.

72. Норқулов Н. Беруний ва Ҳоразм. Т., “Фан”, 1973.
73. Норқулов Н.К. Темурийлар маданияти тарихидан лавҳалар. Урганч, 1966.
74. Пидаев Ш.Р. Поселения кушанского времени Северной Бактрии. Т., “Фан”, 1978.
75. Пидаев Ш.Р. Сирли күшонлар салтанати. Т., “Фан”, 1990.
76. Пугаченкова Г.А. Ремпель Л.И. История искусств Узбекистана. М., “Наука”, 1965.
77. Пугаченкова Г.А. Искусство Бактрии эпохи кушан. М., “Наука”, 1979.
78. Пугаченкова Г.А., Ртвеладзе Э.В. Северная Бактрия - Токхаристан. Т., “Фан”, 1990.
79. Пугаченкова Г.А. Темурнинг меъморий мероси. Т., Қомуслар бош таҳририяти, 1996.
80. Пьянков И.В. Бактрия в античной традиции (общие данные о стране, название и территория). Душанбе, “Дониш”, 1982.
81. Пьянков И.В. Средняя Азия в известиях античного историка Кtesия. Душанбе, “Дониш”, 1975.
82. Ртвеладзе Э.В. Лившиц В.А. Памятники древней письменности. Т., “Фан”, 1985.
83. Ртвеладзе Э.В. Ўрта Осиёнинг қадимги тангалари. Т., “Фан”, 1987.
84. Ртвеладзе Э.В. Ксениппа - Паретака. Сб.: “Кавказ и Средняя Азия в древности и средневековье”. М., “Наука”, 1981.
85. Ртвеладзе Э.В. Великий шелковый путь. Т., “Энциклопедия”, 1999.
86. Равшанов П. Қашқадарё тарихи. Т., “Фан”, 1995.
87. Самарканд тарихи. 1-2 том. Муаллифлар гурухи. Т., “Фан”, 1971.
88. Сагдуллаев А.С. Қадимги Ўзбекистон илк ёзма манбаларда. Т., “Ўқитувчи”, 1996.
89. Сагдуллаев А.С. Усадьбы древней Бактрии. Т., “Фан”, 1987.
90. Сагдуллаев А.С., Эшов Б. Заратуштра - ҳақиқатми ё афсона? “Фан ва турмуш”, 1995, 4-сон.
91. Сагдуллаев А., Аминов Б., Якубов Б. Қашқадарё тарихидан лавҳалар. Қарши, “Насаф”, 1997.
92. Семенов А.А. Очерки поземельно - податного и налогового устройства Бухарского ханства. Труды САГУ, серия II, вып. 1. Т., “САГУ”, 1929.
93. Страбон. География. В 17 книгах. Перевод Г.А.Стратановского. М., “Наука”. 1964.
94. Сулаймонов Р., Исҳоқов М. Заратуштранинг ватани ва

яшаган даврига оид мулоҳазалар. “Ўзбекистон тарихи”, 1999, 1-сон.

95. Сухарева О.А. К истории городов Бухарского ханства (историко-этнографический очерк). Т., “Фан”, 1958.
96. Сулаймонова Ф. Шарқ ва Ғарб. Т., “Фан”, 1991.
97. Темур тузуклари. Т., “Ғафур Ғулом”, 1997.
98. Темур ва Улугбек даври тарихи. Т., Қомуслар бош таҳририяти, 1996.
99. Толстов С.П. Древний Хорезм. М., “МГУ”, 1948.
100. Толстов С.П. Қадимги Хоразм маданиятини излаб. Т., “Фан”, 1964.
101. Толстов С.П. По древним дельтам Окса и Яксарта М., “Наука”, 1962.
102. Ҳоджайов Т.К. К палеоантропологии древнего Узбекистана. Т., “Фан”, 1980.
103. Ҳожа Самандар Термизий. Дастан ул-мулук. Т., “Фан”, 1997.
104. Ҳўжайов Т.К., Абдуллаев Р. Аждодларимиз киёфаси. Т., “Фан”, 1990.
105. Чехович О.Д. К истории феодальных отношений в Бухаре XVII в. Сб: “Материалы по истории Узбекистана”, Т., “Фан”, 1973.
106. Чехович О.Д. XVII-XIX асрларда Бухоро ҳонлигига аграр муносабатлар тарихига доир ҳужжатлар. Т., “Фан”, 1954.
107. Шарафуддин Рокими. Тарихи касира. Т., “Маънавият”, 1998.
108. Шахермайер Ф. Александр Македонский. М., “Наука”, 1984.
109. Шарафиддин Али Яздий. Зафарнома. Т., “Камалак”, 1994.
110. Шишкин В.А. Варахша. Т., “Фан”, 1963.
111. Ширинов Т., Орудия производства и оружие эпохи бронзы среднеазиатского Междуречья. Т., “Фан”, 1986.
112. Шониёзов К.Ш. Қанг давлати ва қанғликлар. Т., “Фан”, 1990.
113. Якубов Б. Шаҳрисабз ва Китоб тарихидан. Қарши., “Насаф”, 1996.
114. Ўзбекистон тарихи. Масъул мухаррирлар А.С. Сагдуллаев, Б.Эшов. II нашр. Т., “Университет”, 1999.
115. Ўзбек ҳалқи давлатчилиги тарихи концепцияси. Лойиха. “Ўзбекистон тарихи”, 1999, 1-сон.
116. Ўзбекистоннинг янги тарихи. Концептуал-методологик муаммолар. Т., “Академия”, 1998.
117. Қадимги Кеш - Шаҳрисабз тарихидан лавҳалар. Муаллифлар жамоаси. Масъул мухаррир А.С. Сагдуллаев. Т., “Шарқ”, 1998.

- 118.Қудратов С. Марказий Осиё худудида илк давлатларнинг пайдо бўлиши. Гулистон, 1998.
- 119.Ғуломов Я.Ф. Хоразмнинг сугорилиши тарихи. Т. “Фан”, 1959.
- 120.Ғуломов Я.Ф. Археология - тарих фани хизматида. Т., “Фан”, 1976.
- 121.Ғуломов Я.Ф. Россиянинг Бухоро ҳонлиги билан XVII асрда элчилик муносабатларига доир. Т., “Фан”, 1992.
- 122.Ҳакимхон Тўра. Мунтахаб ут-таворих. I-II китоб, Душанбе, “Дониш”, 1985.
- 123.Ҳасан Ато Абуший. Туркий қавмлар тарихи. Т., “Чўлпон”, 1993.
- 124.Ҳофиз Таниш Бухорий. Абдулланома. Нашрга тайёрловчи академик Б.Ахмедов. I, II жилдлар. Т., “Шарқ”, 1999, 2000.

Мундарижа

Муқалдима.....	3
Ўзбекистон тарихининг энг қадимги даври.	8
Ўзбек халқи аждодларининг ilk давлатчилиги тарихидан....	16
Аҳамонийлар босқинига қарши кураш.....	38
Македониялик Искандарнинг юришлари ва юнон-македон босқинчилариға қарши кураш.....	44
Милоддан аввалги IV аср охири - милодий IV аср давлатчилик тарихи.....	50
Илк ўрта асрлар давлатчилиги тарихи (V-VIII аср ўрталариғача). Эфталийлар давлати.....	60
V-VII асрларда Хоразм, Сўғд ва Фарғона.....	65
Араб халифалиги даврида Мовароуннахр.....	72
IX-XIII аср бошларида ўзбек халқи давлатчилиги тарихида сулолалар. Тоҳирийлар давлатининг ташкил топиши.....	82
Сомонийлар давлати.....	87
Қораҳонийлар давлати.....	94
Хоразмшохлар давлати	103
IX-XII асрларда солик турлари.....	108
IX-XII асрларда маданий ҳаёт.....	110
Мўғул босқинчилариға қарши кураш	118
Чифатой улуси.....	121
Амир Темур давлати	128
Бухоро хонлиги. Шайбонийлар сулоласи даври	146
Аштархонийлар (Жонийлар) сулоласи даври	173
Бухоро амирлиги	190
Кўқон хонлиги.....	213
Хива хонлиги	234
XVI-XIX асрнинг биринчи ярмида қорақалпоклар.....	254
Хулоса.....	262
Адабиётлар.....	265

**Анатолий Сагдуллаев, Бобир Аминов,
Ўқтам Мавлонов, Наим Норкулов**

Ўзбекистон тарихи: давлат ва жамият тараққиёти

I қисм

“Академия” нашриёти

Тошкент 2000

Муҳаррир Ш.Юсупов

Мусаххих Т.Соатова

Рассом Р.Султонов

Техник муҳаррир И.Розикова

Компьютерчилар Н.Матмусаева, Д.Файзуллаева

И.Розикова

Теришга берилди 11.08.2000. Босишга рухсат этилди 8.06.2000. Бичими
84x108 1/32. Офсет босма. Шартли босма табоғи 17,5. Нашриёт хисоб
табоғи 17,0. Адади 3000. Баҳоси шартнома асосида. Буюртма № . 1085

**“Шарқ” нашриёт-матбаа концерни босмахонаси.
700083, Тошкент шаҳри, “Буюк Турон” кўчаси, 41-уй.**